

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

## आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



### श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर  
कोबा, गांधीनगर-श्री महावीर जैन आराधना केन्द्र  
आचार्यश्री कैलाससागरसूरि ज्ञानमंदिर  
कोबा, गांधीनगर-३८२००७ (गुजरात)  
(079) 23276252, 23276204  
फेक्स : 23276249

Websiet : [www.kobatirth.org](http://www.kobatirth.org)

Email : [Kendra@kobatirth.org](mailto:Kendra@kobatirth.org)

### शहर शाखा

आचार्यश्री कैलाससागरसूरि ज्ञानमंदिर  
शहर शाखा  
आचार्यश्री कैलाससागरसूरि ज्ञानमंदिर  
त्रण बंगला, टोलकनगर  
परिवार डाइनिंग हॉल की गली में  
पालडी, अहमदाबाद - ३८०००७  
(079) 26582355

P14043

# ॥ श्री भगवत्पुंग सूत्रम् ॥





પૂ. આચાર્યદેવ શ્રી આનંદસાગરસૂરીશ્વરજી મ.સા.ના ચરણે શત્ શત્ પંદન...



देवसूर तपागच्छ समाचारी संरक्षक-सुविहित सिध्दांत पालक  
 बहुश्रुतोपासक-गीतार्थवर्य-चारित्र चूडाभणि-आगमोद्धारक पूज्यपाद आचार्यदेवेश  
 श्री आनंदसागर सूरेश्वरजी महाराजा संशोधित-संपादित ४५ आगमेषु

# ॥ श्रीभगवती सूत्रं ॥

❀ आलेखन कार्य-प्रेरक-वाहक ❀

प्रवचन प्रभावक पू. आ.श्री हेमचन्द्रसागर सूरिजी म.सा. शिष्यरत्न पू. गणिवर्यश्री पूर्णचन्द्रसागरजी म.सा.

❀ आलेखन कार्यवाहक संस्था ❀

पूज्यपाद सागरजी महाराजा संस्थापित जैनानंद पुस्तकालय-सुरत ❀

## आलेखन कार्ये किंचित् संस्मरणाणि

\* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

\* आलेखन कार्ये केचित् भार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई भुक्तिलाल महेता ( सूर्यगामवाला )

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,

तीनबन्नी, सुरत. दूरभाष - २५९८३२६( ०२६१ )

■ मुद्रण कार्यवाहक

श्री सुरेश डी. शाह ( हेष्मा )-सुरत।

संपादक श्री

# ॥ પ્રાક્-કથન ॥

॥ કત્થ અમ્હારિસા પાળી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ્ જિણાગમો ॥

**દુષ્મકાળે જિનાગમ-જિન પ્રતિમા ભવિયણ કું આધારા...!!**

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

**આગમોની રચના કાળ :-** પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થે પ્રભુ મહાવીર દેવની ત્રિપટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરુ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

**પ્રથમ વાચના :-** વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરૂષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ' શ્રી દ્વાદશાંગ-શ્રુતસંકલન' નામે પંકાયાનો ઇતિહાસ મળે છે.

**દ્વિતીય વાચના :-** તેમના પછી જિનકલ્પીના અભ્યાસક આર્ય મહાગિરીજીના ગુરૂ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ' આગમ સંરક્ષણ વાંચના' દૃષ્ટિ ગોચર થાય છે.

**તૃતીય વાચના :-** મૌર્ય રાજવંશીઓનો સેનાપતિ પુષ્યમિત્રે રાજપ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુપુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી વાચના

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

**ચતુર્થ વાચના :-** કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

**પંચમ વાચના :-** વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

**ષઠી વાચના :-** તેજ ભાવનાઓ અનુસાર માથુરી વાચનાના વારસદાર આ. શ્રી દેવદ્વિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં



પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકારૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરુ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકેરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરુદેવ શ્રી ઝવેરસાગરજી મ.ની આગમોની પારદૃશ્યતાના વારસાને તે ગુરુદેવશ્રીના અન્તિમ સમયના “ આગમો કા અધ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન પુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્મોપ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદીક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રન્થો, શાસ્ત્રો, સુવિદિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરૂદેવને કોટી-કોટી વંદના...



# ॥ श्रीभगवती सूत्रं ॥

## भाग-१

णमो अर( रि, रु पा० ) हंताणं णमो सिद्धाणं णमो आयरियाणं णमो उवञ्जायाणं णमो( लोए पा० )सव्वसाहूणं । १ । णमो बंभीए लिवीए । २ । रायगिह चलण १ दुक्खे २ कंखपओसे ३ य पगइ ४ पुढवीओ ५ । जावंते ६ नेरइए ७ बाले ८ गुरुए ९ य चलणाओ १० ॥ १ ॥ नमो सुयस्स । ३ । तेणं कालेणं तेणं समएणं रायगिहे नामं नयरे होत्था, वण्णओ, तस्स णं रायगिहस्स नगरस्स बहिया उत्तरपुरच्छिमे दिसीभाए गुणसिलए नामं चेइए होत्था, सेणिए राया, चेत्थणा देवी ४ । तेणं कालेणं तेणं समएणं समणे भगवं महावीरे आइगरे तित्थगरे सहसंबुद्धे पुरिसुत्तमे पुरिससीहे पुरिसवरपुंडरीए पुरिसवरगंधहत्थी लोगुत्तमे लोगनाहे ( प्र० लोगहिए ) लोगप्पदीवे लोगपज्जोयगरे अभयदए चक्खुदए मग्गदए सरणदए ( प्र० बोहिटा धम्मदए ) धम्मदेसए ( धम्मनायगे प्र० ) धम्मसारहीए धम्मवरचाउरंतचक्कवट्ठी अप्पडिहयवरनाणदंसणधरे वियट्ठच्छउमे जिणे जाण ( प्र० व ) ए० बुद्धे बोहए मुत्ते मोयए सव्वनू सव्वदरिसी सिवमयलमरुयमणंतमक्खयमव्वाबाहमपुणरावत्तयं सिद्धिगइनामधेयं ठाणं संपाविउकामे जाव समोसरणं । ५ । परिसा निग्गया,

॥ श्रीभगवती सूत्रं ॥

१

पू. सागरजी प. संशोधित

धम्मो कहिओ, परिसा पडिगया । ६ । तेणं कालेणं तेणं समएणं समणस्स भगवओ महावीरस्स जेठे अंतेवासी इंदभूती नामं अणगारे  
 गोयमसगोत्तेणं सत्तुस्सेहे समचउरंससंठाणसंठिए वज्जरिसहनारायसंधयणे कणगपुलगणिघसपम्हगारे उग्गतवे दित्ततवे तत्ततवे महातवे  
 ओराले धोरे धोरगुणे धोरतवस्सी धोरबंभचेरवासी उच्छूढसरीरे ( सरीर ) संजिज्जविउलतेज्जोसे चोदसपुव्वी चउनाणोवगए सव्वक्खरसांन्रवाई  
 समणस्स भगवओ महावीरस्स अदूरसामंते उड्ढंजाणू अहोसिं जाणकोड्ढावगए संजमेणं तवसा अप्पाणं भावेमाणे विहरइ । ७ । तए  
 णं से भगवं गोयमे जायसइढे जायसंसए जायकोउहल्ले उप्पन्नसइढे उप्पन्नसंसए उप्पन्नकोउहल्ले संजायसइढे संजायसंसए संजायकोउहल्ले  
 समुप्पन्नसइढे समुप्पन्नसंसए समुप्पन्नकोउहल्ले उट्ठाए उट्ठेइ ता जेणेव समणे भगवं महावीरे तेणेव उवागच्छइ ता समणं भगवं महावीरं  
 तिव्खुत्तो आयाहिण पयाहिणं करेइ ता वंदइ नमंसइ ता णच्चासन्ने णाइदूरे सुसूस्समाणे णमंसमाणे अभिमुहे विणएणं पंजलिउडे  
 पज्जुवासमाणे एवं वयासी से नूणं भंते! चलमाणे चलिए उदीरिज्जमाणे उदीरिए वेइज्जमाणे वेइए पहिज्जमाणे पहीणे छिज्जमाणे छिन्ने  
 भिज्जमाणे भिन्ने डज्जमाणे दइढे भिज्जमाणे भए निज्जरिज्जमाणे निज्जिन्ने?, हंता गोयमा! चलमाणे चलिए जाव णिज्जरिज्जमाणे  
 णिज्जिण्णे । ८ । एए णं भंते! नव पया किं एगट्ठा णाणाधोसा नाणावंजणा उदाहु नाणट्ठा नाणाधोसा नाणावंजणा?, गोयमा!  
 चलमाणे चलिए उदीरिज्जमाणे उदीरिए वेइज्जमाणे वेइएपहिज्जमाणे पहीणे, ते एए णं चत्तारि पया एगट्ठा नाणाधोसा नाणावंजणा  
 उप्पन्नपक्खस्स छिज्जमाणे छिन्ने भिज्जमाणे भिन्ने डज्जमाणे दइढे भिज्जमाणे मडे निज्जरिज्जमाणे निज्जिण्णे, एए णं पंच पया णाणाट्ठा

नाणाघोसा नाणावजणा विगयपक्खस्स।९। नेरइयाणं भंते! केवइकालं ठिई पं०?, गोयमा! जहत्तेणं दस वाससहस्साइं उक्कोसेणं तेत्तीसं सागरोवभाइं ठिई पं०, नेरइयाणं भंते! केवइकालस्स आणमंति वा पाणमंति वा ऊससंति वा णिससंति वा?, जहा ऊसासपए, नेरइया णं भंते! आहारद्धी?, जहा पन्नवणाए पढमए आहारुद्देसए तहा भाणियव्वं ठिई उस्सासाहारे किं वाऽऽहारेति ३६ सव्वओ वावि ३७। कतिभागं? ३८ सव्वाणि व ३९ कीस व भुज्जो परिणमंति? ॥ २ ॥ १०। नेरइयाणं भंते! किं पुव्वाहारिया पोग्गला परिणया? आहारिया आहारिज्जमाणा पोग्गला परिणया? अणाहारिया आहारिज्जिस्समाणा पोग्गला परिणया?, अणाहारिया अणाहारिज्जिस्समाणा पोग्गला परिणया?, गोयमा! नेरइयाणं पुव्वाहारिया पोग्गला परिणया आहारिया आहारिज्जमाणा पोग्गला परिणया परिणमंति य अणाहारिया आहारिज्जिस्समाणा पोग्गला नो परिणया परिणमिस्संति अणाहारिया अणाहारिज्जिस्समाणा पोग्गला नो परिणता णो परिणमिस्संति । ११। नेरइयाणं भंते! पुव्वाहारिया पोग्गला चिया पुच्छा, जहा परिणया तहा चियावि, एवं उवचिया उदीरिया वेइया निज्जिन्ना, परिणय चिया उवचिय उदीरिया वेइया य निज्जिन्ना । एक्केकंमि पढंमि चउव्विहा पोग्गला होति ॥ ३ ॥ १२। नेरइयाणं भंते! कइविहा पोग्गला भिज्जंति?, गोयमा! कम्मदव्ववगगणमहिकिच्च दुविहा पोग्गला भिज्जंति, तं० -अणू चेव बायरा चेव, नेरइयाणं भंते! कतिविहा पोग्गला चिज्जंति?, गोयमा! आहारदव्ववगगणमहिकिच्च दुविहा पोग्गला चिज्जंति, तं० -अणू चेव बायरा चेव, एवं उवविज्जंति, नेर० क०पो० उदीरंति?, गोयमा! कम्मदव्ववगगणमहिकिच्च दुविहे पोग्गले उदीरंति, तं० -अणू चेव बायरा चेव, सेसावि



एवं चेव भाणियव्वा, एवं वेदेति निज्जेरेति उयट्ठिसु उव्वट्ठेति उव्वट्ठिस्संति संकाप्पिसु संकाप्पेति संकाप्पिस्संति निहत्तिंसु निहत्तेति निहत्तिस्संति निकायंसु निकायंति निकाइस्संति १८, सव्वेसुवि कम्मदव्ववगणमहिक्किच्च भेइय चिया उवचिया उदीरिया वेइया य निज्जिन्ना। ओयट्ठण संकाप्पण निहत्तण निकायणे तिविह कालो ॥ ४ ॥ १३। नेरइयाणं भंते! जे पोग्गले तेयाकम्मत्ताए गेण्हंति ते किं तीतकालसमए गेण्हंति ? पडु( प्र०चु )प्पन्नकालसमए गेण्हंति? अणागयकालसमए गेण्हंति?, गोयमा! नो तीयकालसमए गेण्हंति पडुप्पन्नकालसमए गेण्हंति नो अणा० समए गिण्हंति, नेरइयाणं भंते! जे पोग्गला तेयाकम्मत्ताए गहिए उदीरेति ते किं तीयकालसमयगहिए पोग्गले उदीरेति पडुप्पन्नकालसमए धेप्पमाणे पोग्गले उदीरेति गहणसमयपुरक्खडे पोग्गले उदीरेति?, गोयमा! अतीयकालसमयगहिए पोग्गले उदीरेति नो पडुप्पन्नकालसमए धेप्पमाणे पोग्गले उदीरेति नो गहणसमयपुरक्खडे पोग्गले उदीरेति एवं वेदेति निज्जेरेति । १४। नेरइयाणं भंते! जीवाओ किं चलियं कम्मं बंधंति अचलियं कम्मं बंधंति?, गोयमा! नो चलियं कम्मं बंधंति, अचलियं कम्मं बंधंति नेरइयाणं भंते! जीवाओ किं चलियं कम्मं उदीरेति अचलियं कम्मं उदीरेति?, गोयमा! नो चलियं कम्मं उदीरेति अचलियं कम्मं उदीरेति, एवं वेदेति उयट्ठेति संकाप्पेति निहत्तेति निकायेति, सव्वेसु अचलियं, नो चलियं, नेरइयाणं भंते! जीवाओ किं चलियं कम्मं निज्जेरेति अचलियं कम्मं निज्जेरेति?, गोयमा! चलियं कम्मं निज्जेरेति नो अचलियं कम्मं निज्जेरेति बंधोदयवेदोयट्ठसंकप्पे तह निहत्तणनिकाये। अचलियं कम्मं तु भवे चलियं जीवाउ निज्जरए ॥ ५ ॥ १५। एवं ठिई आहारो य भाणियव्वा, ठिती जहा ठितिपदे तहा

भाणियव्वा सव्वजीवाणं, आहारोऽवि जहा पन्नवणाए पढमे आहारूदेसए तहा भाणियव्वो, एत्तो आढतो नेरइयाणं भंते! आहारट्ठी? जाव दुक्खत्ताए भुज्जो भुज्जो परिणमंति?, गोयमा!., असुरकुमाराणं भंते ! केवइयं कालं ठिई पं०?, जहन्नेणं दस वाससहस्साइं उक्कोसेणं सातिरेगं सागरोवमं, असुरकुमाराणं भंते! केवइयं कालस्स आणमंति वा पाणमंति वा०?, गोयमा! जहन्नेणं सत्तण्हं थोवाणं उक्कोसेणं साइरेगस्स पक्खस्स आणमंति वा पाणमंति वा०, असुरकुमाराणं भंते! आहारट्ठी?, हंता आहारट्ठी, असुरकुमाराणं भंते! केवइकालस्स आहारट्ठे समुप्पज्जइ?, गोमया! असुरकुमाराणं दविहे आहारे पं०तं०-आभोगनिव्वत्तिए य अणाभोगनिव्वत्तिए य, तत्थ णं जे से अणाभोगनिव्वत्तिए से अणुसमयं अविरहिए आहारट्ठे समुप्पज्जइ, तत्थ णं जे से आभोगनिव्वत्तिए से जहन्नेणं चउत्थभत्तस्स उक्कोसेणं साइरेगस्स वाससहस्सस्स, असुरकुमाराणं भंते! किमाहारमाहारेति?, गोयमा! दव्वओ अणंतपएसियाइं दव्वाइं खित्तकालभाव पन्नवणागमेणं, सेसं जहा नेरइयाणं जाव ते णं तेसिं पोग्गला कीसत्ताए भुज्जो भुज्जो परिणमंति?, गोयमा! सोइंदियत्ताए सुरुवत्ताए सुवत्ताए ४ इट्ठताए इच्छियत्ताए भिज्जियत्ताए उड्ढत्ताए णो अहत्ताए सुत्ताए णो दुहत्ताए भुज्जो भुज्जो परिणमंति, असुरकुमाराणं पुव्वाहारिया पुग्गला परिणया असुरकुमाराभिलावेणं जहा नेरइयाणं जाव नो अचलियं कम्मं निज्जरंति, नागकुमाराणं भंते! केवइयं कालं ठिती पं०?, गोयमा! जहन्नेणं दस वाससहस्साइं उक्कोसेणं देसूणाइं दो पलिओवमाइं, नागकुमाराणं भंते! केवइकालस्स आणमंति वा पा०?, गोयमा! जहन्नेणं सत्तण्हं थोवाणं उक्कोसेणं मुहुत्तपुहुत्तस्स आणमंति वा पा., नागकुमाराणं आहारट्ठी?, हंता आहारट्ठी,

નાગકુમારાણં મંતે! કેવડકાલસ્સ આહારદ્વે સમુપ્પજ્જઇ?, ગોયમા! નાગકુમારાણં દુવિહે આહારે પંતં - આભોગનિવ્વત્તિયે ય અણાભોગનિવ્વત્તિયે ય, તત્થ ણં જે સે અણાભોગનિવ્વત્તિયે સે અણુસમયમવિરહિયે, તત્થ ણં જે સે આભોગનિવ્વત્તિયે સે જહન્નેણં ચઉત્થભત્તસ્સ ઉક્કોસેણં દિવસપુહુત્તસ્સ, સેસં જહા અસુરકુમારાણં જાવ નો અચલિયં કમ્મં નિજ્જરંતિ, એવં સુવન્નકુમારાણાવિ જાવ થણિયકુમારાણંતિ। પુઢવિક્કાઙ્કાયાણં મંતે! કેવડયં કાલં ટિઈ પં?, ગોયમા! જહન્નેણં અંતોમુહુત્તં ઉક્કોસેણં બાવીસં વાસસહસ્સાઙ્કં, પુઢવિક્કાઙ્કાયા કેવડકાલસ્સ આણમંતિ વા પાં?, ગોં! વેમાયં આણંતિ વા પાં?, પુઢવિક્કાઙ્કાયા આહારદ્વિ?, હંતા આહારદ્વિ, પુઢવિક્કાઙ્કાયાણં કેવડકાલસ્સ આહારદ્વે સમુપ્પજ્જઇ?, ગોયમા! અણુસમયં અવિરહિયે આહારદ્વે સમુપ્પજ્જઇ, પુઢવિક્કાઙ્કાયા કિમાહારેતિ?, ગોયમા! દવ્વઓ જહા નેરડયાણં જાવ નિવ્વાધાણં છદ્ધિસિં વાધાયં પડુચ્ચ સિય તિદિસિં સિય ચઉદ્ધિસિં સિય પંચદિસિં, વન્નઓ કાલનીલપીતલોહિયહાલિદ્ધસુક્કિલ્લાણિ, ગંધઓ સુરભિગંધર રસઓ તિત્ત ૫ ફાસઓ કક્કવ્વડ ૮ સેસં તહેવ, ણાણત્તં કડ્ઢભાગં આહારેતિ? કડ્ઢભાગં ફાસાઙ્કંતિ?, ગોયમા! અસંખિજ્જઇભાગં આહારેતિ અણંતભાગં ફાસાઙ્કંતિ જાવ તેસિં પોગ્ગલા કીસત્તાયે ભુજ્જો ભુજ્જો પરિણમંતિ?, ગોયમા! ફાસિંદિયવેમાયત્તાયે ભુજ્જો ભુજ્જો પરિણમંતિ, સેસં જહા નેરડયાણં જાવ નો અચલિયં કમ્મં નિજ્જરંતિ, એવં જાવ વણસ્સડ્ઢકાઙ્કાયાણં, નવરંતિતી વન્નેયવ્વા જાવ( ઙ્કાયા ) જસ્સ, ઉસ્સાસો વેમાયાયે। બેઙ્કંદિયાણં ટિઈ ભાણિયવ્વા, ઝસાસો વેમાયાયે, બેઙ્કંદિયાણં આહારે પુચ્છા, ગોયમા! આભોગનિવ્વત્તિયે ય અણોભોગનિવ્વત્તિયે ય તહેવ, તત્થ ણં જે સે આભોગનિવ્વત્તિયે સે ણં અસંખેજ્જસમયે અંતોમુહુત્તિયે

॥ શ્રીમદ્ગવતી સૂત્ર ॥

૬

પૂ. સાગરજી મ. સંશોધિત

વેમાયાએ આહારદ્વે સમુખ્પજ્ઞ, સેસં તહેવ જાવ અણંતભાગં આસાયંતિ, બેઙંદિયાણં ભંતે! જે પોગ્ગલે આહારત્તાએ ગેળંહંતિ તે કિં સવ્વે આહારેંતિ ણો સવ્વે આહારંતિ?, ગોયમા! બેઙંદિયાણં દુવિહે ૦ પં ૦ તં ૦- લોમાહારે પક્ષ્વેવાહારે ય, જે પોગ્ગલે લોમાહારત્તાએ ગિળંહંતિ તે સવ્વે અપરિસેસિએ આહારેંતિ, જે પોગ્ગલે પક્ષ્વેવાહારત્તાએ ગિળંહંતિ તેસિં ણં પોગ્ગલાણં અસંખિજ્ઞભાગં આહારેંતિ અળેગાઙં ચ ણં ભાગસહસ્સાઙં અણાસાઙ્ગમાણાઙં અફાસિજ્ઞમાણાઙં વિહ્દંસમાગચ્છંતિ, એસિં ણં ભંતે! પોગ્ગલાણં અણાસાઙ્ગમાણાણં અફાસાઙ્ગમાણાણ ય કયરે કયરે અપ્પા વા બહુયા વા તુલ્લા વા વિસેસાહિયા વા?, ગોયમા! સવ્વથોવા પુગ્ગલા અણાસાઙ્ગમાણા અફાસાઙ્ગમાણા અણંતગુણા, બેઙંદિયાણં ભંતે! જે પોગ્ગલા આહારત્તાએ ગિળંહંતિ તે ણં તેસિં પુગ્ગલા કીસત્તાએ ભુજ્જો ભુજ્જો પરિણમંતિ?, ગોયમા! જિભ્ભિદિયફાસિંદિયવેમાયત્તાએ ભુજ્જો ભુજ્જો પરિણમંતિ, બેઙંદિયાણં ભંતે! પુવ્વા હારિયા પુગ્ગલા પરિણયા તહેવ જાવ ચલિયં કમ્મં નિજ્જરંતિ, તેઙંદિયચરિંદિયાણં ણાણત્તં ઠિઙ્ઠે જાવ ણેગાઙં ચ ણં ભાગસહસ્સાઙં અણાઘાઙ્ગમાણાઙં અણાસાઙ્ગમાણાઙં અફાસાઙ્ગમાણાઙં વિહ્દંસમાગચ્છંતિ, એસિં ણં ભંતે! પોગ્ગલાણં અણાઘાઙ્ગમાણાણં ૩ પુચ્છા ગોયમા! સવ્વથોવા પોગ્ગલા અણાઘાઙ્ગમાણા અણાસાઙ્ગમાણા અણંતગુણા અફાસાઙ્ગમાણા અણંતગુણા, તેઙંદિયાણં ધાણિંદિયજિભ્ભિદિયફાસિંદિયવેમાયાએ ભુજ્જો ૨ પરિણમંતિ, ચરિંદિયાણં ચક્ષિંદિયધાણિંદિયજિભ્ભિદિયફાસિંદિયત્તાએ ભુજ્જો ભુજ્જો પરિણમંતિ, પંચિંદિયતિરિક્ષ્વજોણિયાણં ઠિઙ્ઠે ભણિઝ્ઞણં ડસાસો વેમાયાએ, આહારો અણાભોગનિવ્વત્તિઓ અણુસમયં અવિરહિઓ, આભોગનિવ્વત્તિઓ જહન્નેણં અંતોમુહુત્તસ્સ

उक्कोसेणं छट्ठभत्तस्स, सेसं जहा चउरिदियाणं जाव चलियं कम्मं निज्जेरेंति, एवं मणुस्साणावि, नवरं आभोगनिव्वत्तिओ जहन्नेणं अंतोमुहुत्तं उक्कोसेणं अट्ठमभत्तस्स, सोइंदियवेमायत्ताए भुज्जो भुज्जो परिणमंति सेसं जहा चउरिदियाणं तहेव जाव निज्जेरेंति० वाणमंतराणं ठिईए नाणात्तं० परिणमंति अवसेसं जहा नागकुमाराणं, एवं जोइसियाणावि, नवरं उस्सासो जहन्नेणं मुहुत्तपुहुत्तस्स उक्कोसेणावि मुहुत्तपुहुत्तस्स, आहारो जहन्नेणं दिवसपुहुत्तस्स उक्कोसेणावि दिवसपुहुत्तस्स सेसं तहेव, वेमाणियाणं ठिई भाणियव्वा ओहिया, ऊसासो जहन्नेणं मुहुत्तपुहुत्तस्स उक्कोसेणं तेत्तीसाए पक्खाणं, आहारो आभोगनिव्वत्तिओ जहन्नेणं दिवसपुहुत्तस्स उक्कोसेणं तेत्तीसाए वाससहस्साणं, सेसं चलियाइयं तहेव जाव निज्जेरेंति ( ५० एवं ठिती आहारो य भाणियव्वा, ठिती जहा ठितीपए तहा भाणियव्वा, सव्वजीवाणं आहारो ऽवि जहा पण्णवणाए पढमे आहारुद्देसए तहा भाणियव्वा एत्तो आढत्तोनेरइयाणं भंते! आहारट्ठी जाव दुक्खत्ताए भुज्जो भुज्जो परिणमंति ) ॥१६॥ जीवा णं भंते! किं आचारंभा परारंभा तदुभयारंभा अनारंभा?, गोयमा! अत्थेगइया जीवा आचारंभावि परारंभावि तदुभयारंभावि नो अणारंभा, अत्थेगइया जीवा नो आचारंभा नो परारंभा नो तदुभयारंभा अणारंभा से केणट्ठेणं भंते! एवं वुच्चइ अत्थेगइया जीवा आचारंभावि एवं पडिउच्चारेयव्वं?, गोयमा! जीवा दुविहा पं० तं० - संसारसभावन्नगा य असंसारसभावन्नगा य, तत्थ णं जे ते असंसारसभावन्नगा ते णं सिद्धा, सिद्धा णं नो आचारंभा जाव अणारंभा, तत्थ णं जे ते संसारसभावन्नगा ते दुविहा पं० तं० संजया य असंजया य, तत्थ णं जे ते संजया ते दुविहा पं० तं० - पभत्तसंजया य अप्पभत्तसंजयाय तत्थ णं जे ते अप्पभत्तसंजया ते णं नो

આયારંભા નો પરાંરંભા જાવ અણારંભા, તત્થ ણં જે તે પમત્તસંજયા તે સુહં જોગં પડુચ્ચ નો આયારંભા નો પરાંરંભા જાવ અણારંભા, અસુભં જોગં પડુચ્ચ આયારંભાવિ જાવ નો અણારંભા, તત્થ ણં જે તે અસંજયા તે અવિરતિં પડુચ્ચ આયારંભાવિ જાવ નો અણારંભા, સે તેણદ્દેણં ગોયમા! એવં વુચ્ચઇ અત્થેગઇયા જીવા જાવ અણારંભા, નેરડયાણં ભંતે! કિં આયારંભા પરાંરંભા તદુભયારંભા અણારંભા?, ગોયમા! નેરડયા આયારંભાવિ જાવ નો અણારંભા, સે કેણદ્દેણં ભંતે! એવં વુચ્ચઇ?, ગોયમા! અવિરતિં પડુચ્ચ, સે તેણદ્દેણં જાવ નો અણારંભા, જાવ પંચિંદિયતિરિક્ખજોણિયા, મણુસ્સા જહા જીવા, નવરં સિદ્ધિવિરહિયા ભાણિયવ્વા, વાણમંતરા જાવ વેમાણિયા જહા નેરડયા, સલેસ્સા જહા ઓહિયા, કળહલેસસ્સ નીલલેસસ્સ કાઝલેસસ્સ જહા ઓહિયા જીવા, નવરં પમત્ત અપ્પમત્તા ન ભાણિયવ્વા, તેઝલેસસ્સ પમ્હલેસસ્સ સુક્કલેસસ્સ જહા ઓહિયા જીવા, નવરં સિદ્ધા ન ભાણિયવ્વા । ૧૭ । ઇહભવિએ ભંતે! નાળે પરભવિએ નાળે તદુભયભવિએ નાળે?, ગોયમા! ઇહભવિએઽવિ નાળે પરભવિએઽવિ નાળે, તદુભયભવિએઽવિ ણાળે દંસણંપિ એવમેવ, ઇહભવિએ ભંતે! ચરિત્તે પરભવિએ ચરિત્તે તદુભયભવિએ ચરિત્તે?, ગોયમા! ઇહભવિએ ચરિત્તે નો પરભવિએ ચરિત્તે નો તદુભયભવિએ ચરિત્તે, એવં તવે સંજમે । ૧૮ । અસંવુડે ણં ભંતે! અણગારે કિં સિઝ્ઝઇ બુઝ્ઝઇ મુચ્ચઇ પરિનિવ્વાઇ સવ્વદુક્ખાણમંતં કરેઇ?, ગોયમા! નો ઇણદ્દે સમદ્દે, સે કેણદ્દેણં જાવ નો અંતં કરેઇ?, ગોયમા! અસંવુડે અણગારે આઝયવજ્ઞાઓ સત્ત કમ્મપણ્ડીઓ સિદ્ધિલબ્ધણબદ્ધાઓ ધણિયબંધણબદ્ધાઓ પકરેઇ હસ્સકાલટિઙ્ગિયાઓ દીહકાલટિઙ્ગિયાઓ પકરેઇ મંદાણુભાવાઓ તિવ્વાણુભાવાઓ પકરેઇ અપ્પપણ્ણસગ્ગાઓ બહુપ્પણ્ણસગ્ગાઓ પકરેઇ આઝયં ચ ણં કમ્મં સિય

બંધડ સિય નો બંધડ અસ્સાયાવેયણિજ્ઞં ચ ણં કમ્મં ભુજ્ઞો ભુજ્ઞો ઉવચિણાઇ અણાઇયં ચ ણં અણવદગ્ગં દીહમબ્દં ચાઉરંતસંસારકંતારં  
 અણુપરિયટ્ટઇ, સે એણટ્ટેણં ગોયમા ! અસંવુડે અણગારે ણો સિજ્ઞઇ ૫, સંવુડે ણં ભંતે! અણગારે સિજ્ઞઇ ૫?, હંતા સિજ્ઞઇ જાવ અંતં  
 કરેડ, સે કેણટ્ટેણં?, ગોયમા! સંવુડે અણગારે આઉયવજ્ઞાઓ સત્ત કમ્મપગડીઓ ધણિયબંધણબદ્ધાઓ સિદ્ધિલબંધણબદ્ધાઓ પકરેડ  
 દીહકાલઠિડયાઓ હસ્સકાલઠિડયાઓ પકરેડ તિવ્વાણુભાવાઓ મંદાણુભાવાઓ પકરેડ બહુપ્પણસગ્ગાઓ અપ્પણસગ્ગાઓ પકરેડ  
 આઉયં ચ ણં કમ્મં ન બંધડ અસ્સાયાવેયણિજ્ઞં ચ ણં કમ્મં નો ભુજ્ઞો ભુજ્ઞો ઉવચિણાઇ અણાઇયં ચ ણં અણવદગ્ગં દીહમબ્દં  
 ચાઉરંતસંસારકંતારં વીડવયડ, સે એણટ્ટેણં ગોયમા! એવં વુચ્ચડ સંવુડે અણગારે સિજ્ઞઇ જાવ અંતં કરેડ । ૧૯ । જીવે ણં ભંતે !  
 અસ્સંજાએ અવિરણે અપ્પહિહયપચ્ચક્ષાયપાવકમ્મે ઇઓ ચુણે પેચ્ચા દેવે સિયા?, ગોયમા! અત્થેગઇણે દેવે સિયા અત્થેગઇણે નો દેવે સિયા,  
 સે કેણટ્ટેણં જાવ ઇઓ ચુણે પેચ્ચા અત્થેગઇણે દેવે સિયા અત્થેગઇણે નો દેવે સિયા?, ગોયમા! જે ઇમે જીવા ગામાગરનગરનિગમરાયહાણિચ્ચેક-  
 બ્બડમડંબદોણમુહપટ્ટણાસમસન્નિવેસેસુ અકામતણહાણે અકામછુહાણે અકામબંભચેરવાસેણં અકામસીતાતવદંસમસગઅણહાગસેય-  
 જલ્લમલપંકપરિદાહેણં અપ્પતરં વા ભુજ્જતરં વા કાલં અપ્પાણં પરિકિલેસંતિ કાલમાસે કાલં કિચ્ચા અન્યયેસુ વાણમંતરેસુ દેવલોગેસુ  
 દેવત્તાણે ઉવવત્તારો ભવંતિ, કેરિસા ણં ભંતે! તેસિં વાણમંતરાણં દેવાણં દેવલોગા પં?, ગોયમા ! સે જહાનામાણે ઇહં મણુસ્સલોગંમિ  
 અસોગવણેડ વા સત્તવત્તવણેડ વા ચંપયવણેડ વા ચૂયવણેડ વા તિલગવણેડ વા લાઉયવણેડ વા નિગોહવણેડ વા છત્તોવવણેડ વા

असणवणेइ वा सणवणेइ वा अयसिवणेइ वा कुसुंभवणेइ वा सिद्धत्थवणेइ वा बंधुजीवगवणेइ वा णिच्चं कुसुमियमाइ-  
 यलवइयथवइयगुलइयगोच्छियजभल्लिजुवल्लियविणमियपणभियसुविभत्तपिंडिभंजरिवडेसगधरे सिरीए अतीव अतीव उवसोभेमाणे  
 उवसोभेमाणे चिद्धइ, एवामेव तेसिं वाणमंतराणं देवाणं देवलोगा जहत्तेणं दसवाससहस्सट्ठितीएहिं उक्कोसेणं पल्लिओवमट्ठितीएहिं  
 बहूहिं वाणमंतरेहिं देवेहिं तद्वीहिं य आइन्ना वित्तिकिण्णा उवत्थडा संथडा फुडा अवगाढगाढा सिरीए अतीव अतीव उवसोभेमाणा  
 २ चिद्धंति, एरिसगा णं गोयभा ! तेसिं वाणमंतराणं देवाणं देवलोगा पं०, से तेणट्ठेणं गोयभा ! एवं वुच्चइ जीवे णं असंजए जाव देवे  
 सिया। सेवं भंते ! सेवं भंते ! त्ति भगवं गोयमे सभणं भगवं महावीरं वंदति नभंसति त्ता संजमेणं तवसअप्पाणं भावेमाणे विहरति ।  
 २० ॥ श. १३० १ ॥

रायगिहे नगरे समोसरणं, परिसा निग्गया जाव एवं वयासी जीवे णं भंते! सयं कडं दुक्खं वेदेइ?, गोयभा! अत्थेगइयं वेइए  
 अत्थेगइयं नो वेएइ, से केणट्ठेणं भंते! एवं वुच्चइ अत्थेगइयं वेदेइ अत्थेगइयं नो वेइए?, गोयभा! उदिन्नं वेइए अणुदिन्नं नो वेएइ, से  
 तेणट्ठेणं एवं वुच्चइ अत्थेगइयं वेएइ अत्थेगइयं नो वेएइ, एवं चउव्वीसदंडाणं जाव वेमाणिए, जीवा णं भंते! सयंकडं दुक्खं  
 वेएन्ति?, गोयभा! अत्थेगइयंवेयन्ति अत्थेगइयं णो वेयन्ति से केणट्ठेणं० १, गोयभा! उदिन्नं वेयन्ति नो अणुदिन्नं वेयन्ति, से तेणट्ठेणं०,  
 एवं जाव वेमाणिया, जीवे णं भंते! सयंकडं आउयं वेएइ ?, गोयभा! अत्थेगइयं वेएइ अत्थेगइयं नो वेएइ जहा दुक्खेणं दो दंडगा तहा



आउएणवि दो दंडगा एगत्तपुहुत्तिया, एगत्तेणं जाव वेमाणिया पुहुत्तेणंवि तहेव । २१ । नेरइया णं भंते! सव्वे समाहारा सव्वे समसरीरा सव्वे समुस्सासनीसासा?, गोयमा! नो इणट्ठे समट्ठे, से केणट्ठेणं भंते! एवं वुच्चइ नेरइया नो सव्वे समाहारा नो सव्वे समसरीरा नो सव्वे समुस्सासनिस्सासा?, गोयमा! नेरइया दुविहा पंतं० - महासरीरा य अप्पसरीरा य, तत्थ णं जे ते महासरीरा ते बहुतराए पोग्गले आहारेंति बहुतराए पोग्गले परिणामेति बहुतराए पोग्गले उस्ससंति बहुतराए पोग्गले नीससंति अभिक्खणं आहारेंति अभिक्खणं परिणामेति अभिक्खणं ऊससंति अभिक्खणं नी०, तत्थ णं जे ते अप्पसरीरा ते णं अप्पतराए पुग्गले आहारेंति अप्पतराए पुग्गले परिणामेति अप्पतराए पोग्गले उस्ससंति अप्पतराए पोग्गले नीससंति आहच्च आहारेंति आहच्च परिणामेति आहच्च उस्ससंति आहच्च नीससंति, से तेणट्ठेणं गोयमा! एवं वुच्चइ नेरइया नो सव्वे समाहारा जाव नो सव्वे समुस्सासनिस्सासा, नेरइया णं भंते ! सव्वे समकम्मा?, गोयमा! णो इणट्ठे समट्ठे, से केणट्ठेणं० १, गोयमा! नेरइया दुविहा पंतं० - पुव्वोववन्नगा य पच्छोववन्नगा य, तत्थ णं जे ते पुव्वोववन्नगा ते णं अप्पकम्मतरागा, तत्थ णं जे ते पच्छोववन्नगा ते णं महाकम्मतरागा, से तेणट्ठेणं गोयमा !, नेरइया णं भंते ! सव्वे समवत्ता ?, गोयमा ! नो इणट्ठे समट्ठे, से केणट्ठेणं तहेव ?, गोयमा ! जे ते पुव्वोववन्नगा ते णं विसुद्धवन्नतरागा, तत्थ णं जे ते पच्छोववन्नगा ते णं अविमुद्धवन्नतरागा तहेव से तेणट्ठेणं एवं०, नेरइया णं भंते ! सव्वे समलेस्सा ?, गोयमा ! नो इणट्ठे समट्ठे, से केणट्ठेणं जाव नो सव्वे समलेस्सा ?, गोयमा ! नेरइया दुविहा पंतं० - पुव्वोववन्नगा य पच्छोववन्नगा य, तत्थ णं जे ते पुव्वोववन्नगा

ते णं विसुद्धलेस्सतरागा, तत्थ णं जे ते पच्छोववन्नगा ते णं अविसुद्धलेस्सतरागा, से तेणट्ठेणं०, नेरइया णं भंते ! सव्वे समवेयणा ?, गोयमा ! नो इणट्ठे समट्ठे, से केणट्ठेणं० ?, गोयमा ! नेरइया दुविहा पंतं० - सन्निभूया य असन्निभूया य, तत्थ णं जे ते सन्निभूया ते णं महावेयणा, तत्थ णं जे ते असन्निभूया ते णं अप्पवेयणतरागा, से तेणट्ठेणं गोयमा !, नेरइया णं भंते ! सव्वे समकिरिया ?, गोयमा ! नो इणट्ठे समट्ठे, से केणट्ठेणं० ?, गोयमा ! नेरइया तिविहा पंतं० - सम्मदिट्ठी भिच्छादिट्ठी सम्माभिच्छादिट्ठी, तत्थ णं जे ते सम्मदिट्ठी तेसिं णं चत्तारि किरियाओ पंतं० - आरंभिया परि० माया० अपच्च० तत्थ णं जे ते भिच्छादिट्ठी तेसिं णं पंच किरियाओ कज्जंति-आरंभिया जाव भिच्छादंसणवत्तिया, एवं सम्माभिच्छादिट्ठीणांपि, से तेणट्ठेणं गोयमा !, नेरइया णं भंते ! सव्वे समाउया सव्वे समोववन्नगा ?, गोयमा ! नो इणट्ठे समट्ठे, से केणट्ठेणं० ?, गोयमा ! नेरइया चउव्विहा पंतं० - अत्थेगइया समाउया समोववन्नगा अत्थेगइया समाउया विसमोववन्नगा अत्थेगइया विसमाउया समोववन्नगा अत्थेगइया विसमाउया विसमोववन्नगा से तेणट्ठेणं गोयमा !, असुरकुमारा णं भंते ! सव्वे समाहारा सव्वे समसरीरा ?, जहा नेरइया तहा भाणियव्वा, नवरं कम्मवन्नलेस्साओ परिवण्णयेव्वा( प्र० पिच्छल्ला )ओ, पुव्वोववन्नगा महाकम्मतरागा अविसुद्धवन्नतरागा अविसुद्धलेस्सतरागा, पच्छोववन्नगा पसत्था, सेसं तहेव जाव थणियकुमाराणं, पुढविक्काइयाणं आहारकम्मवन्नलेस्सा जहा नेरइयाणं, पुढवीक्काइया णं भंते ! सव्वे समवेयणा १, हंता समवेयणा, से केणट्ठेणं भंते ! समवेयणा ?, गोयमा ! पुढवीक्काइया सव्वे असन्नी असिन्निभूया ( प्र०य० ) अणिदाए वेयणं वेदेति से तेणट्ठेणं० पुढविक्काइया णं भंते !

सव्वे समकिरिया ?, हंता समकिरिया, से केणट्टेणं ? , गोयमा ! पुढविकाइया सव्वे माई भिच्छादिट्ठी ताणं णिययाओ पंच किरियाओ कज्जंति, तं० - आरंभिया जाव भिच्छादंसणवत्तिया, से तेणट्टेणं०, समाउया समोववन्नगा जहा नेरइया तहा भाणियव्वा, जहा पुढविकाइया तहा जाव चउरिदिया, पंचिंदियतिरिक्खजोणिया जहा नेरइया, नाणत्तं किरियासु, पंचिंदियतिरिक्खजोणिया णं भंते ! सव्वे समकिरिया ?, गो०णो ति०, से केणट्टेणं ? , गो० ! पंचिंदियतिरिक्खजोणिया तिविहा पं०तं० - सम्मदिट्ठी भिच्छादिट्ठी सम्माभिच्छादिट्ठी, तत्थ णं ते सम्मदिट्ठी ते दुविहा पं०तं० - अस्संजया य संजयासंजया य, तत्थ णं जे ते संजयासंजया तेसिं णं तिन्नि किरियाओ कज्जंति, तं० - आरंभिया परिग्गहिया मायावत्तिया, असंजयाणं चत्तारि, भिच्छादिट्ठीणं पंच, सम्माभिच्छादिट्ठीणं पंच, मणुस्सा जहा नेरइया, नाणत्तं जे महासरीरा ते बहुतराए पोग्गले आहारेंति आहच्च आहारेंति जे अप्पसरिस ते अप्पत्तराह आहारेंति अभिक्खणं आहारेंति सेसं जहा नेरइयाणं जाव वेयणा, मणुस्सा णं भंते ! सव्वे समकिरिया ?, गोयमा ! णो तिणट्टे समट्टे, से केणट्टेणं ? , गोयमा ! मणुस्समा तिविहा पं०तं० - सम्मदिट्ठी भिच्छादिट्ठी सम्माभिच्छादिट्ठी, तत्थ णं जे ते सम्मदिट्ठी ते तिविहा पं०तं० - संजया असंजया संजयासंजया य, तत्थ णं जे ते संजया ते दुविहा पं०तं० - सरागसंजया य वीयरगसंजया य, तत्थ णं जे ते वीयरगसंजया ते णं अकिरिया, तत्थ णं जे ते सरागसंजया ते दुविहा पं०तं० - पमत्तसंजया य अपमत्तसंजया य, तत्थ णं जे ते अप्पमत्तसंजया तेसिं णं एगा मायावत्तिया किरिया कज्जइ, तत्थ णं जे ते पमत्तसंजया तेसिं णं दो किरियाओ कज्जंति, तं० - आरंभिया

य मायावन्निया य, तत्थ णं जे ते संजयासंजया तेसिं णं आइल्लाओ तिन्नि किरियाओ कज्जंति, असंजयाण चत्तारि किरियाओ कज्जंति  
 मिच्छादिट्ठीणं पंच० सम्भाभिच्छादिट्ठीणं पंच, वाणमंतरजोतिसवेमाणिया जहा असुरकुमारा, नवरं वेयणाए नाणत्तं  
 मायिभिच्छादिट्ठीउववन्ना य अप्पवेदणतरा अमायिसम्भदिट्ठीउववन्ना य महावेयणतरागा भाणियव्वा, जोइसिया वेमाणिया य,  
 सलेस्सा णं भंते ! नेरइया सव्वे समाहारगा ?, ओहिणं सलेस्साणं सुक्कलेस्साणं एएसि णं तिण्हं एक्को गमो, कण्हलेस्साणं नीललेस्साणं पि  
 एक्को गमो, नवरं वेदणाए मायिभिच्छादिट्ठीउववन्ना य अमायिसम्भदिट्ठीउवव० भाणियव्वा, मणुस्सा किरियासु सरागवीयरागपमत्तापमत्ता  
 णं भाणियव्वा, काउलेसाएवि एस चेव गमो, नवरं नेरइए जहा ओहिए दंडए तहा भाणियव्वा, तेउलेस्सा पम्हलेस्सा जस्स अत्थि जहा  
 ओहिओ दंडओ तहा भाणियव्वा, नवरं मणुस्सा सरागा वीयरागा य न भाणियव्वा, दुक्खाउए उदिन्ने आहारे कम्भवन्नलेस्सा य ।  
 समवेयणसमकिरिया समाउए चेव बोद्धव्वा ॥ ६ ॥ २२ । कइ णं भंते ! लेस्साओ पं० ?, गोयमा ! छल्लेस्साओ पं० लेसाणं वीयओ  
 उद्देसओ भाणियव्वो जाव इइढी । २३ । जीवस्स णं भंते ! तंतद्वाए आदिट्ठस्स कइविहे संसारसंचिट्ठणकाले पं० ?, गोयमा !  
 चउव्विहे संसारसंचिट्ठणकाले पं०तं० - णेरइयसंसारसंचिट्ठणकाले तिरिक्ख० मणुस्स० देवसंसारसंचिट्ठणकाले य,  
 नेरइयसंसारसंचिट्ठणकाले णं भंते ! कतिविहे पं० ?, गोयमा ! ति विहे पं०तं० - सुन्नकाले असुन्नकाले मिस्सकाले, तिरिक्खजोणियसंसार  
 पुच्छा, गोयमा ! दुविहे पं०तं० - असुन्नकाले य मिस्सकाले य, मणुस्साण य देवाण य जहा नेरइयाणं, एयस्स णं भंते !

॥ श्रीभगवती सूत्र ॥

१५

पू. सागरजी म. संशोधित

नेरइयसंसारसंचिद्वणकालस्स सुन्नकालस्स असुन्नकालस्स मीसकालस्स य कयरे रंहितो अप्पे वा बहुए वा तुल्ले वा विसेसाहिए वा ?, गोयमा ! सव्वथोवे असुन्नकाले भिस्सकाले अणंतगुणे सुन्नकाले अणंतगुणे, तिरिक्खजो० भंते ! सव्वथोवे असुन्नकाले भिस्सकाले अणंतगुणे, मणुस्सदेवाण य जहा नेरइयाणं, एयस्स णं भंते ! नेरइयस्स संसारसंचिद्वणकालस्स जाव देवसंसारसंचिद्वणजावविसेसाहिए वा ?, गोयमा ! सव्वथोवे मणुस्ससंसारसंचिद्वणकाले नेरइयसंसारसंचिद्वणकाले असंखेज्जगुणे देवसंसारसंचिद्वणकाले असंखेज्जगुणे तिरिक्खजोणि० अणंतगुणे । २४ । जीवे णं भंते ! अंतकिरियं करेजा ?, गोयमा ! अत्थेगतिये करेजा अत्थेगतिये नो करेजा, अंतकिरियापयं नेयव्वं । २५ । अह भंते ! असंजयभवियदव्वदेवाणं अविराहियसंजमाणं विराहियसं० अविराहिसंजमासंज० विराहियसंजमासं असन्नीणं तावसाणं कंदप्पियाणं चरगपरिव्वायगाणं किक्खिसियाणं तेरिच्छियाणं आजीवियाणं आभिओगियाणं सल्लिगीणं दंसणावावन्नागाणं एएसिं णं देवलोगे उववज्जमाण्णाणं कस्स कहिं उववाए पं० ?, गोयमा ! अस्संजयभवियदव्वदेवाणं जहन्नेणं भवणावासीसु उक्कोसेणं उवरिभगेविज्जएसु अविराहियसंजमाणं जहन्नेणं सोहम्मे कप्पे उक्कोसेणं सव्वट्ठसिद्धे विभाणे विराहियसंजमाणं जहन्नेणं भवणावासीसु उक्कोसेणं सोहम्मे कप्पे अविराहियसंजमासंजमाणं जहन्नेणं सोहम्मे कप्पे उक्कोसेणं अच्चुए कप्पे विराहियसंजमासं० जहन्नेणं भवणावासीसु उक्कोसेणं जोतिसिएसु असन्नीणं जहन्नेणं भवणावासीसु उक्कोसेणं वाणमंतरेसु अवसेसा सव्वे जह० भवणावा० उक्कोसगं वोच्छामि तावसाणं जोतिसिएसु, कंदप्पियाणं सोहम्मे, चरगपरिव्वायगाणं बंभलोए कप्पे, किक्खिसियाणं

लंतगे कप्पे, तेरिच्छियाणं सहस्सारे कप्पे, आजीवियाणं अच्चुए कप्पे, आभिओगीआणं अच्चुए कप्पे सलिंगीणं दंसणवावन्गणं  
 उवरिमगेवेज्जएसु । २६ । कतिविहे णं भंते ! असन्नियाउए पं० ?, गोयमा ! चउव्विहे असन्निआउए पं०तं० - नेरइयअसन्निआउए  
 तिरिक्ख० मणुस्स० देव०, असन्नी णं भंते ! जीवे किं नेरइयाउयं पकरेइ तिरि० मणु० देवाउयं पकरेइ ?, हंता गोयमा ! नेरइयाउयंपि  
 पकरेइ तिरि० मणु० देवाउयंपि पकरेइ, नेरइयाउयं पकरेमाणे जहन्नेणं दसवाससहस्साइं उक्कोसेणं पलिओवमस्स असंखेज्जइभागं  
 पकरेति, तिरिक्खजोणियाउयं पकरेमाणे जहन्नेणं अंतोमुहुत्तं उक्कोसेणं पलिओवमस्स असंखेज्जइभागं पकरेइ, मणुस्साउएवि एवं  
 चेव, देवाउयं जहा नेरइयाउयं, एयस्स णं भंते ! नेरइयअसन्निआउयस्स तिरि० मणु० देवअसन्निआउयस्स कयरे कयरे जाव विसेसाहिए  
 वा ?, गोयमा ! सव्वत्तोथे देवअसन्निआउए मणुस्स० असंखेज्जगुणे तिरिय० असंखेज्जगुणे नेरइय. असंखेज्जगुणे । सेवं भंते ! सेव  
 भंते ! त्ति । २७ ॥ श. १३. २ ॥

जीवाणं भंते ! कंखामोहणिज्जे कप्पे कडे ?, हंता कडे, से भंते ! किं देसेणं देसे कडे ? देसेणं सव्वे कडे ? सव्वेणं देसे कडे ?  
 सव्वेण सव्वे कडे ?, गोयमा ! नो देसेणं देसे कडे नो देसेणं सव्वे कडे नो सव्वेणं देसे कडे सव्वेणं सव्वे कडे, नेरइयाणं भंते !  
 कंखामोहणिज्जे कप्पे कडे ?, हंता कडे जाव सव्वेणं सव्वे कडे, एवं जाव वेमाणियाणं दंडओ भाणियव्वो । २८ । जीवा णं भंते !  
 कंखामोहणिज्जं कप्पं करिसु ?, हंता करिसु तं भंते ! किं देसेणं देसं करिसु ? एएणं अभिलावेणं दंडओ भाणियव्वो जाव वेमाणियाणं,

एवं करेति एत्थवि दंडओ जाव वेमाणियाणं, एवं करेस्संति एत्थवि दंडओ जाव वेमाणियाणं, एवं चिए चिणिंसु चिणंति चिणिस्संति उवचिए उवचिणिंसु उवचिणंति उवचिणिस्संति उदीरेंसु उदीरेंति उदीरिस्संति वेदिंसु वेदंति वेदिस्संति निज्जरेंसु निज्जरेति निज्जरिस्संति, कड चिया उवचिया उदीरिया वेदिया य निज्जिन्ना । आदितिए चउभेदा तियभेदा पच्छिमा तिन्नि ॥ ७ ॥ २९ । जीवा णं भंते ! कंखाभोहणिज्जं कम्मं वेदेति ?, हंता वेदेति, कहन्नं भंते ! जीवा कंखाभोहणिज्जं कम्मं वेदेति ?, गोयमा ! तेहिं तेहिं कारणेहिं संकिया कंखिया वित्तिगिच्छिया भेदसभावन्ना कलुससभावन्ना, एवं खलु जीवा कंखाभोहणिज्जं कम्मं वेदेति । ३० । से नूणं भंते ! तमेव सच्चं णीसंकं जं जिणेहिं पवेइयं ?, हंता गोयमा ! तमेव सच्चं णीसंकं जं जिणेहिं पवेदितं । ३१ । से नूणं भंते ! एवं मणं धारेमाणे एवं पकरेमाणे एवं चिट्ठेमाणे एवं संकरेमाणे आणाए आराहए भवति ?, हंता गोयमा ! एवं मणं धारेमाणे जाव भवइ । ३२ । से नूणं भंते ! अत्थित्तं अत्थित्ते परिणमइ नत्थित्तं नत्थित्ते परिणमइ ?, हंता गोयमा ! जाव परिणमइ, जण्णं भंते ! अत्थित्तं अत्थित्ते परिणमइ नत्थित्तं नत्थित्ते परिणमइ तं किं पयोगसा वीससा ?, गोयमा ! पयोगसावि तं वीससावि तं, जहा ते भंते ! अत्थित्तं अत्थित्ते परिणमइ तहा ते नत्थित्तं नत्थित्ते परिणमइ ? जहा ते नत्थित्तं नत्थित्ते परिणमइ तहा ते अत्थित्तं अत्थित्ते परिणमइ ?, हंता गोयमा ! जहा मे अत्थित्तं अत्थित्ते परिणमइ तहा मे नत्थित्तं नत्थित्ते परिणमइ, जहा मे नत्थित्तं नत्थित्ते परिणमइ तहा मे अत्थित्तं अत्थित्ते परिणमइ, से नूणं भंते ! अत्थित्तं अत्थित्ते गमणिज्जं जहा परिणमइ दो आलावगा तहा ते इह गपणिज्जेणवि दो आलावगा भाणियव्वा जाव जहा मे अत्थित्तं

अस्थित्ते गमणिज्जं ० । ३३ । जहा ते भंते ! एत्थं गमणिज्जं तहा ते इहं गमणिज्जं जहा ते इहं गमणिज्जं तहाते एत्थं गमणिज्जं ?, हंता ! गोयमा !, जहा मे एत्थं गमणिज्जं जाव तहा मे एत्थं ( इहं ) गमणिज्जं । ३४ । जीवाणं भंते ! कंखामोहणिज्जं कम्मं बंधंति, हंता बंधंति कहं णं भंते ! जीवा कंखामोहणिज्जं कम्मं बंधंति ?, गोयमा ! यमादयच्चया जोगनिमित्तं च, से णं भंते ! यमाए किंपवहे ?, गोयमा ! जोगप्पवहे, से णं भंते ! जोए किंपवहे ?, गोयमा ! वीरियप्पवहे, से णं भंते ! वीरिए किंपवहे ?, गोयमा ! सरीरप्पवहे, से णं भंते ! सरीरे किंपवहे ?, गोयमा ! जीवप्पवहे, एवं सति अस्थि उट्ठाणेति वा कम्मेति वा बलेइ वा वीरिएइ वा पुरिसक्कारपरक्कमेइ वा । ३५ । से णूणं भंते ! अप्पणा चेव उदीरेइ अप्पणा चेव गरहइ अप्पणा चेव संवरइ ?, हंता गोयमा ! अप्पणा चेव तं चेव उच्चारेयव्वं, जं तं भंते ! अप्पणा चेव उदीरेइ अप्पणा चेव गरहेइ अप्पणा चेव संवरेइ तं किं उदिन्नं उदीरेइ अणुदिन्नं उदीरेइ अणुदिन्नं उदीरणाभवियं कम्मं उदीरेइ उदयाणांतरपच्छाकडं कम्मं उदीरेइ ?, गोयमा ! नो उदिण्णं उदीरेइ नो अणुदिन्नं उदीरेइ अणुदिन्नं अरीणाभवियं कम्मं उदीरेइ णो उदयाणांतरपच्छाकडं कम्मं उदीरेइ, जं तं भंते ! अणुदिन्नं उदीरणाभवियं कम्मं उदीरेइ तं किं उट्ठाणेणं कम्मेणं बलेणं वीरिएणं पुरिसक्कारपरक्कमेणं अणुदिन्नं उदीरणाभवियं कम्मं उदी० ? उदाहु तं अणुट्ठाणेणं अकम्मेणं अबलेणं अवीरिएणं अपुरिसक्कारपरक्कमेणं अणुदिन्नं उदीरणाभवियं कम्मं उदी० १, गोयमा ! तं उट्ठाणेणवि कम्मे० बले० वीरिए० पुरिसक्कारपरक्कमेणवि अणुदिन्नं उदीरणाभवियं कम्मं उदीरेइ, णो तं अणुट्ठाणेणं अकम्मेणं अबलेणं अवीरिएणं अपुरिसक्कार० अणुदिन्नं उदी० भ० क० उदी०, एवं सति अस्थि



उट्टाणेइ वा कम्भेइ वा बलेइ वा वीरिएइ वा पुरिसक्कारपरक्कमेइ वा, से नूणं भंते ! अप्पणा चेव उवसामेइ अप्पणा चेव गरहइ अप्पणा चेव संवरइ?, हंता गोयमा! एत्थवि तहेव भाणियव्वं, नवरं अणुदिन्नं उवसामेइ सेसा पडिसेहेयव्वा तिन्नि, जं तं भंते ! अणुदिन्नं उवसामेइ तं किं उट्टाणेणं जाव पुरिसक्कारपरक्कमेणंति वा, से नूणं भंते ! अप्पणा चेव वेदेइ अप्पणा चेव गरहइ ?, एत्तवि सच्चेव परिवाडी, नवरं उदिन्नं वेएइ० नो अणुदिन्नं वेएइ०, एवं जाव पुरिसक्कारपरक्कमेइ वा, से नूणं भंते ! अप्पणा चेव निज्जरेति अप्पणा चेव गरहइ, एत्थवि सच्चेव परिवाडी, नवरं उदयाणंतरपच्छाकडं कम्मं निज्जरेइ० एवं जाव परक्कमेइ वा ॥३६॥ नेरइया णं भंते ! कंखामोहणिज्जं कम्मं वेएइ ?, जहा ओहिया जीवा तहा नेरइया, जाव थणियकुमारा, पुढविक्काइया णं भंते ! कंखामोहणिज्जं कम्मं वेइंति, हंता वेइंति ?, कहण्णं भंते ! पुढविक्का० कंखामोहणिज्जं कम्मं वेदेति ?, गोयमा ! तेसिं णं जीवाणं णो एवं तक्काइ वा सण्णाइ वा पण्णाइ वा मणेइ वा वइति वा अभ्हे णं कंखामोहणिज्जं कम्मं वेएमो, वेएंति पुण ते, से णूणं भंते ! तमेव सच्चं नीसंकं जं जिणेहिं पवेइयं ? सेसं तं चेव जाव पुरिसक्कारपरक्कमेइ वा, एवं जाव चउरिदियाणं पंचिंदियतिरिक्खजोणिया जाव वेमाणिया जहा ओहिया जीवा ॥३७॥ अत्थि णं भंते ! समणावि निग्गंथा कंखामोहणिज्जं कम्मं वेएन्ति ?, हंता अत्थि, कहन्नं भंते ! समणा निग्गंथा कंखामोहणिज्जं कम्मं वेएन्ति ?, गोयमा ! तेहिं तेहिं नाणंतरेहिं दंसणंतरेहिं चरित्तंतरेहिं ( ५० तित्थंतरेहिं ) लिंगंतरेहिं पवयणंतरेहिं पावयणंतरेहिं कप्पंतरेहिं भगंतरेहिं मतंतरेहिं भंगंतरेहिं णयंतरेहिं नियमंतरेहिं पमाणंतरेहिं संकिया कंखिया वित्तिगिच्छया भेयसमावन्ना कलुससमावन्ना,

एवं खलु समणा निर्गन्था कंखामोहणिज्जं कम्मं वेइंति, से नूणं भंते ! तमेव सच्चं नीसंकं जं जिणेहिं पवेइयं ?, हंता गोयमा ! तमेव सच्चं नीसंकं जाव पुरिसक्कारपरक्कमेइ वा ( प्र० णवरं अत्थि णं भंते ! समणाणं निर्गन्थाणं कंखामोहणिज्जं कम्मं बंधंति?,० हंता बंधंति सेसं तहेव ) सेवं भंते ! सेवं भंते ! । ३८ ॥ श. १ उ. ३ ॥

कति णं भंते ! कम्मप्पगडीओ पं० ? गोयमा ! अट्ट कम्मप्पगडीओ पं०, कम्मप्पगडीए पढमो उहेसो नेयव्वो जाव अणुभागो सम्भत्तो, कइ पयडी कह बंधइ कइहि वठाणेहिं बंधई पयडी । कइ वेदेइ य ( प्र० व० ) पयडी अणुभागो कइविहो कस्स ? ॥ ८ ॥ ३९ ॥ जीवे णं भंते ! मोहणिज्जेणं कडेणं कम्मेणं उदिन्नेणं उवट्ठाएज्जा ?, हंता उवट्ठाएज्जा, से भंते ! किं वीरियत्ताए उवट्ठाएज्जा अवीरियत्ताए उवट्ठाएज्जा ?, गोयमा ! वीरियत्ताए उवट्ठाएज्जा नो अवीरियत्ताए उवट्ठाएज्जा, जइ वीरियत्ताए उवट्ठाएज्जा किं बालवीरियत्ताए उवट्ठाएज्जा पंडिबवीरियत्ताए उवट्ठाएज्जा बालपंडियवीरियत्ताए उवट्ठाएज्जा ?, गोयमा ! बालवीरियत्ताए उवट्ठाएज्जा णो पंडियवीरियत्ताए उवट्ठाएज्जा णो बालपंडियवीरियत्ताए उवट्ठाएज्जा, जीवे णं भंते ! मोहणिज्जेणं कडेणं कम्मेणं उदिन्नेणं अवक्कमेज्जा ?, हंता अवक्कमेज्जा, से भंते ! जाव बालपंडियवीरियत्ताए अवक्कमेज्जा ?, गोयमा ! बालवीरियत्ताए अवक्कमेज्जा नो पंडियवीरियत्ताए अवक्कमेज्जा सिय बालपंडियवीरियत्ताए अवक्कमेज्जा ( बालवीरियत्ताए नो पंडियवीरियत्ताए नो बालपंडियवीरियत्ताए पा० ) । जहा उदिन्नेणं दो आलावगा तहा उवसंतेणवि दो आलावगा भाणियव्वा, नवरं उवट्ठाएज्जा पंडियवीरियत्ताए अवक्कमेज्जा बालपंडियवीरियत्ताए, से भंते ! किं

आयाए अवक्कमइ अणायाए अवक्कमइ?, गोयमा ! आयाए अवक्कमइ णो अणायाए अवक्कमइ, मोहणिज्जं कम्मं वेएमाणे, से कहमेयं भंते ! एवं ?, गोयमा ! पुब्बि से एयं एवं रोयइ इयाणिं से एयं एवं नो रोयइ एवं खलु एवं । ४०। से नूणं भंते ! नेरइयस्स वा तिरिक्खज्जोणियस्स वा मणुसस्स वा देवस्स वा जे कडे पावे कम्मे नत्थि णं तस्स अवेइयत्ता मोक्खो ?, हंता गोयमा ! नेरइयस्स वा तिरिक्ख० मणु० देवस्स वा जे कडे पावे कम्मे नत्थि णं तस्स अवेइयत्ता मोक्खो, से केणट्ठेणं भंते ! एवं वुच्चति नेरइयस्स वा जाव मोक्खो ?, एवं खलु माए गोयमा ! दुविहे कम्मे पं०तं० - पएसकम्मे य अणुभागकम्मे य, तत्थ णं जं तं पएसकम्मं तं नियमा वेएइ, तत्थ णं जं तं अणुभागकम्मं तं अत्थेगइयं वेएइ अत्थेगइयं नो वेएइ, णायमेयं अरहया सुयमेयं अरहया वित्रायमेयं अरहया इमं कम्मं अयं जीवे अज्झोवगमियाए वेयणाए वेदिस्सइ इमं कम्मं अयं जीवे उवक्कमियाए वेदणाए वेदिस्सइ, अहाकम्मं अहानिकरणं जहा जहा तं भगवया दिट्ठं तहा तहा तं विप्परिणभिस्सतीति, से तेणट्ठेणं गोयमा ! नेरइयस्स वा जाव मोक्खो । ४१। एस णं भंते ! पोग्गले तीतमणंतं सासयं समयं भुवीति वत्तव्वं सिया ?, हंता गोयमा ! एस णं पोग्गले अतीतमणंतं सासयं समयं भुवीति वत्तव्वं सिया, एस णं भंते ! पोग्गले पडुप्पन्नं सासयं समयं भवतीति वत्तव्वं सिया ?, हंता गोयमा ! तं चेव उच्चारयव्वं, एस णं भंते ! पोग्गले अणागयमणंतं सासयं समयं भविस्सतीति वत्तव्वं सिया ?, हंता गोयमा ! तं चेव उच्चारयव्वं, एवं खंधेणवि तिन्नि आलावगा, एवं जीवेणवि तिन्नि आलावगा भाणियव्वा । ४२। छउमत्थे णं भंते ! मणूसे अतीतमणंतं सासयं समयं भुवीति केवलेणं संजमेणं केवलेणं संवरेणं केवलेणं बंभचेरवासेणं

केवलाहिं पवयणमाईहिं सिञ्जिसु बुञ्जिसु जाव सव्वदुक्खाणमंतं करिसु ?, गोयमा ! नो इणट्ठे सभट्ठे, से केणट्ठेणं भंते ! एवं वृच्चइ तं चेव जाव अंतं करेसु ?, गोयमा ! जे केइ अंतकरा वा अंतिमसरीरिया वा सव्वदुक्खाणमंतं करेसु वा करेति वा करिस्संति वा सव्वे ते उप्पन्ननाणदंसणधरा अरहा जिणे केवली भवित्ता तओ पच्छा सिञ्जंति बुञ्जंति मुच्चंति परिनिव्वायंति सव्वदुक्खाणमंतं करेसु वा करेति वा करिस्संति वा, से तेणट्ठेणं गोयमा ! जाव सव्वदुक्खाणमंतं करेसु, पडुप्पन्नेऽवि एवं चेव, नवरं सिञ्जंति० भाणियव्वं, अणागाएऽवि एवं चेव, नवरं सिञ्जिस्संति० भाणियव्वं० जहा छउमत्थो तहा आहोहिओऽवि तहा परमाहोहिओ ( परमोहिओ पा० )ऽविति त्रि त्रि आलवगा भाणियव्वा, केवली णं भंते ! मणूसे तीतमणंतं सासयं समयं जाव अंतं करेसु?, हंता सिञ्जिसु जाव अंतं करेसु, एते त्रि त्रि आलावगा भाणियव्वा छउमत्थस्स जहा नवरं सिञ्जिसु सिञ्जंति सिञ्जिस्संति, से णूणं भंते ! तीतमणंतं सासयं समयं पडुप्पन्नं वा सासयं समयं अणागयमणंतं वा सासयं समयं जे केइ अंतकरा वा अंतिमसरीरिया वा सव्वदुक्खाणमंतं करेसु वा करेति वा करिस्संति वा सव्वे ते उप्पन्ननाणदंसणधरा अरहा जिणे केवली भवित्ता तओ पच्छा सिञ्जंति जाव अंतं करेस्संति वा ?, हंता गोयमा!, तीतमणंतं सासयं समयं जाव अंतं करेस्संति वा, से नूणं भंते ! उप्पन्ननाणदंसणधरे अरहा जिणे केवली अलमत्थुत्ति वत्तव्वं सिया?, हंता गोयमा! उप्पन्ननाणदंसणधरे अरहा जिणे केवली अलमत्थुत्ति वत्तव्वं सिया । सेवं भंते ! सेवं भंते ! ति । ४३। श. १३. ४ ॥

कति णं भंते ! पुढवीओ पन्नत्ताओ ?, गोयमा ! सत्त पुढवीओ पंतं - रयणाप्पभा जाव तमतमा, इमीसे णं भंते ! रयणाप्पभाए

पुढवीए कति निरयावाससयसहस्सा पं०?, गोयमा ! तीसं निरयावाससयसहस्सा पं० - तीसा य पन्नवीसा पन्नरस दसेव य सयसहस्सा ।  
तिन्नेगं पंचूणं पंचेव अणुत्तरा निरया ॥ १ ॥ केवइया णं भंते ! असुरकुमारावाससयसहस्सा पं० ?, एवं-चउसट्ठी असुराणं चउरासीई  
य होइ नागाणं । बावत्तरि सुवन्नाण वाउकुमाराण छन्नउई ॥ १० ॥ दीवदिसाउदहीणं विज्जुकुमारिंदश्रणियमगीणं । छणहंपि जुयलयाणं  
छावत्तरिमो सयसहस्सा ॥ ११ ॥ केवइया णं भंते ! पुढविकाइयावाससयसहस्सा पं० ?, गोयमा ! असंखेज्जा पुढविकाइयावाससयसहस्सा  
पं०, जाव असंखिज्जा जोतिसियविमाणावाससयसहस्सा पं० सोहम्मे णं भंते ! कप्पे केवइया विमाणावाससयसहस्सा पं० ?, गोयमा !  
बत्तीसं विमाणावाससयसहस्सा पं०, एवं-बत्तीसड्ढावीसा बारस अट्ठ चउरो य सयसहस्सा । पन्ना चत्तालीसा छच्च सहस्सा सहस्सारे  
॥ १२ ॥ आणयपाणयकप्पे चत्तारि सयाऽऽरणऽच्चुए तिन्नि । सत्त विमाणसयाइं चउसुवि एएसु कप्पेसु ॥ १३ ॥ एक्कारसुत्तरं हेट्ठिमेसु  
सत्तुत्तरं सयं च मज्झिमए । सयमेगं उवरिमए पंचेव अणुत्तरविमाणा ॥ १४ ॥ ४४ । पुढविट्ठिति ओगाहण सरीर संधयणमेव संठाणे ।  
लेस्सा दिट्ठी णाणे जोगुवओगे य दस ठाणा ॥ १५ ॥ इमीसे णं भंते ! रयणप्पभाए पुढवीए तीसाए निरयावाससयसहस्सेसु एगमेगंसि  
निरयावासंसि नेरइयाणं केवइया ठित्तिठाणा पं० ?, गोयमा ! असंखेज्जाठित्तिठाणा पं०तं० - जहन्निया ठिती समयाहिया जहन्निया ठिई  
दुसमयाहियाजाव असंखेज्जसमयाहिया जहन्निया ठिई तप्पाउगुक्कोसिया ठिती, इमीसे णं भंते ! रयणप्पभाए पुढवीए तीसाए  
निरयावाससयसहस्सेसु एगमेगंसि निरयावासंसि जहन्नियाए ठितीए वट्ठमाणा नेरइया किं कोहोवउत्ता माणोवउत्ता मायोवउत्ता

लोभोवउत्ता?, गोयमा ! सव्वेऽवि ताव होज्जा कोहोवउत्ता अहवा कोहोवउत्ता य माणोवउत्ते य अहवा कोहोवउत्ता य माणोवउत्ता य  
 ( ५० एवं मायावि लोभोऽवि कोहेण भाणियव्वो ) अहवा कोहोवउत्ता य मायोवउत्ते य अहवा कोहोवउत्ता य मायोवउत्ता य, अहवा  
 कोहोवउत्ता य लोभोवउत्ते य अहवा कोहोवउत्ता य लोभोवउत्ताय, अहवा कोहोवउत्ता य माणोवउत्ते य मायोवउत्ते य ( ५० पच्छा  
 माणेण लोभेण पच्छा मायाए लोभेण य ) कोहोवउत्ता य माणोवउत्ते य मायोवउत्ता य कोहोवउत्ता य माणोवउत्ता य मायोवउत्ते य  
 कोहोवउत्ता य माणोवउत्ता य मायाउवउत्ता य, एवं कोहमाणलोभेणवि चउ एवं कोहमायालोभेणवि चउ एवं १२, पच्छा माणेण  
 मायाए लोभेण य कोहो भइयव्वो, ते कोहं अभुंचता ८, एवं सत्तावीसं भंगा णेयव्वा, इमीसे णं भंते ! रयणप्पभाए पुढवीए तीसाए  
 निरयावाससयसहस्सेसु एगमेगंसि निरयावासंसि समयाहियाए जहन्नितीए वट्टमाणा नेरइया किं कोहोवउत्ता माणोवउत्ता मायोवउत्ता  
 लोभोवउत्ता ?, गोयमा ! कोहोवउत्ते य माणोवउत्ते य मायोवउत्ते य लोभोवउत्ते य, कोहोवउत्ता य माणोवउत्ता य मायोवउत्ता य  
 लोभोवउत्ता य, अहवा कोहोवउत्ते य माणोवउत्ते य, अहवा कोहोवउत्ते य माणोवउत्ता य एवं असीती भंगा नेयव्वा, एवं जाव  
 संखिज्जसमयाहिया ठिई असंखेज्जसमयाहियाए ठिईए तप्पाउगुक्कोसियाए ठिईए सत्तावीसं भंगा भाणियव्वा । ४५ । इमीसे णं भंते !  
 रयणप्पभाए पुढवीए तीसाए निरयावाससयसहस्सेसु एगमेगंसि निरयावासंसि नेरइयाणं केवइया ओगाहणाठाणा पं० ? गोयमा !  
 असंखेज्जा ओगाहणाठाणा पं०तं० - जहन्निया ओगाहणा पदेसाहिया जहन्निया ओगाहणा दुप्पएसहिया जहन्निया ओगाहणा जाव

અસંખિજ્ઞપણસાહિયા જહનિયા ઓગાહણા તપ્પાઝગુક્કોસિયા ઓગાહણા, ઇમીસે ણં મંતે ! રચણપ્પમાણ પુઢવીણ તીસાણ નિરયાવાસસયસહસેસુ ઇમમેગંસિ નિરયાવાસંસિ જહનિયાણ ઓગાહણાણ વટ્ટમાણા નેરડયા કિં કોહોવઉત્તા ?, અસીઈ મંગા માણિયવ્વા જાવ સંખિજ્ઞપણસાહિયા જહનિયા ઓગાહણા, અસંખેજ્ઞપણસાહિયાણ જહનિયાણ ઓગાહણાણ વટ્ટમાણાણં તપ્પાઝગુક્કોસિયાણ ઓગાહણાણ વટ્ટમાણાણં નેરડયાણં સત્તાવીસં મંગા, ઇમીસે ણં મંતે ! રચણં જાવ ઇમમેગંસિ નિરયાવાસંસિ નેરડયાણં કડ સરીરયા ?, ગોયમા ! તિન્નિ સરીરયા પંતં - વેઝવિણ તેયણ કમ્માણ, ઇમીસે ણં મંતે ! જાવ વેઝવિચસરીરે વટ્ટમાણા નેરડયા કિં કોહોવઉત્તા ? સત્તાવીસં મંગા માણિયવ્વા, ઇમમેગંસિ તિન્નિ સરીરા માણિયવ્વા, ઇમીસે ણં મંતે ! રચણપ્પમાણ પુઢવીણ જાવ નેરડયાણં સરીરયા કિંસંધયણી પં ? , ગોયમા ! છળહં સંધયણાણં અસંધયણી, નેવટ્ટી નેવ છિરા નેવ ણહારૂણિ જે પોગ્ગલા અણિટ્ટા અકંતા અણિયા અસુહા અમણુન્ના અમણામા તે એતેસિં સરીરસંધાયત્તાણ પરિણમંતિ ઇમીસે ણં મંતે ! જાવ છળહં સંધયણાણં અસંધયણે વટ્ટમાણા નેરડયા કિં કોહોવઉત્તા ? , સત્તાવીસં મંગા, ઇમીસે ણં મંતે ! રચણપ્પમાણ જાવ સરીરયા કિંસંઠિયા પં ? , ગોયમા ! દુવિહા પંતં - ભવધારણિજ્ઞા ય ઉત્તરવિઝવિયા ય, તત્થ ણં જે તે ભવધારણિજ્ઞા તે હુંડસંઠિયા પં, તત્થ ણં જે તે ઉત્તરવેઝવિયા તેઽવિ હુંડસંઠિયા પં, ઇમીસે ણં જાવ હુંડસંઠાણે વટ્ટમાણા નેરડયા કિં કોહોવઉત્તા ? સત્તાવીસં મંગા, ઇમીસે ણં મંતે ! રચણપ્પમાણ પુઢવીણ નેરડયાણં કતિ લેસાઓ પં ?, ગોયમા ! ઇમા કાઝલેસા પં, ઇમીસે ણં મંતે ! રચણપ્પમાણ જાવ કાઝલેસાણ વટ્ટમાણાં સત્તાવીસં

भंगा । ४६ । इमीसे णं जाव किं सम्भदिट्ठी मिच्छादिट्ठी सम्भाभिच्छादिट्ठी ?, तिन्निवि, इमीसे णं जाव सम्भदंसणे वट्टमाण्णा नेरइया० सत्तावीसंभंगा, एवं मिच्छादंसणेऽवि, सम्भाभिच्छादंसणे असीती भंगा, इमीसे णं भंते ! जाव किं नाणी अत्राणी ?, गोयमा ! णाणीवि अत्राणीवि, तिन्नि नाणाइं नियमा तिन्नि अत्राणाइं भयणाए, इमीसे णं भंते ! जाव आभिणिबोहियणाणे वट्टमाण्णा० सत्तावीसं भंगा, एवं तिन्नि नाणाइं तिन्नि अन्नाणाइं भाणियव्वाइं, इमीसे णं जाव किं मणजोगी वडजोगी कायजोगी ?, तिन्निवि, इमीसे णं जाव मणजोए वट्टमाण्णा कोहोवउत्ता ?, सत्तावीसं भंगा, एवं वडजोए एवं कायजोए इमीसे णं जाव नेरइया किं सागारोवउत्ता अणागारोवउत्ता ?, गोयमा ! सागारोवउत्तावि अणागारोवउत्तावि, इमीसे णं जाव सागारोवओगे वट्टमाण्णा किं कोहोवउत्ता० ?, सत्तावीसं भंगा, एवं अणागारोवउत्तावि० सत्तावीसं भंगा, एवं सत्तवि पुढवीओ नेयव्वाओ, णाणत्तं लेसासु काऊ य दोसु तइयाए मीसिया नीलिया चउत्थीए । पंचमियाए भीसा कण्हा तत्तो परभकण्हा ॥ १६ ॥ ४७ । चउसट्ठीए णं भंते ! असुरकुमारावाससयसहस्सेसु एगमेगंसि असुरकुमारावासंसि असुरकुमाराणं केवइया ठिठ्ठाणा पं० ?, गोयमा ! असंखेज्जा ठिठ्ठाणा पं०, जहन्निया ठिई जहा नेरइया तहा, नवरं पडिलोमा भंगा भाणियव्वा सव्वेऽवि ताव होज्ज लोभोवउत्ता, अहवा लोभोवउत्ता य मायोवउत्ते य, अहवा लोभोवउत्ता य मायोवउत्ता य, एएणं गमेणं नेयव्वं जाव थणियकुमाराणं, नवरं णाणत्तं जा( प्र० भा० )णियव्वं । ४८ । असंखेजेसु णं भंते ! पुढवीकाइयावाससयसहस्सेसु एगमेगंसि पुढवीकाइयावासंसि पुढविक्काइयाणं केवतिया ठिठ्ठाणा पं० ?, गोयमा ! असंखेज्जा



ठित्तिठाणा पं०तं० -जह्ननिया ठिई जाव तप्पाउग्गुक्कोसिया ठिई, असंखेज्जेसु णं भंते ! पुढविक्काइयावाससयसहस्सेसु एगमेगंसि  
 पुढवीकाइयावासंसि जह्ननियाए ठितीए वट्टमाणा पुढविक्काइया किं कोहोवउत्ता माणोवउत्ता मायोवउत्ता लोभोवउत्ता ?, गोयमा !  
 कोहोवउत्तावि माणोवउत्तावि मायोवउत्तावि लोभोवउत्तावि, एवं पुढविक्काइयाणं सव्वेसुवि ठाणेसु अभंगयं, नवरं तेउलेस्साए असीती  
 भंगा, एवं आउक्काइयावि, तेउक्काइयवाउक्काइयाणं सुव्वेसुवि ठाणेसु अभंगयं, वणस्स ( प्र०प्फ )इकाइया जहा पुढविक्काइया । ४९।  
 वेइंदियतेइंदियचउरिदियाणं जेहिं ठाणेहिं नेरतियाणं असीई भंगा तेहिं असीइ ठाणेहिं चेव, नवरं अब्भहिया सम्भत्ते आभिणिबोहियनाणे  
 सुयनाणे य, एहिं असीई भंगा, जेहिं ठाणेहिं नेरतियाणं सत्तावीसं भंगा तेसु ठाणेसु सव्वेसु अभंगयं, पंचिंदियतिरिक्खजोणिया जहा  
 नेरइया तहा भाणियव्वा, नवरं जेहिं सत्तावीसं भंगा तेहिं अभंगयं कायव्वं, जत्थ असीती तत्थ असीती चेव, मणुस्साणवि जेहिं ठाणेहिं  
 नेरइयाणं असीती भंगा तेहिं ठाणेहिं मणुस्साणवि असीती भंगा भाणियव्वा जेसु ठाणेसु सत्तावीसा तेसु अभंगयं, नवरं मणुस्साण  
 अब्भहियं जह्ननिया ठिई आहारए य असीती भंगा, वाणमंतरजोइसवेमाणिया जहा भवणवासी, नवरं णाणत्तं जाणियव्वं जं जस्स  
 जाव अणुत्तरा । सेवं भंते ! सेवं भंते ! त्ति । ५० ॥ १० १३० ५॥

जावइयाओ य णं भंते ! उवासंतराओ उदयंते सूरिए चक्खुप्फासं हव्वमागच्छति अत्थमंतेऽवि य णं सूरिए तावतियाओ चेव  
 उवासंतराओ चक्खुप्फासं हव्वमागच्छति?, जावइयाओ णं उवासंतराओ उदयंते सूरिए चक्खुप्फासं हव्वमागच्छति अत्थमंतेऽवि सूरिए

जाव हव्वभागच्छति, जावइयं णं भंते ! खित्तं हंता गोयमा ! उदयंते सूरिए आतावेणं सव्वओ समंता ओभासेइ उज्जोएइ तवेइ पभासेइ  
 अत्थमंतेऽवि य णं सूरिए तावइयं चेव खित्तं आयावेणं सव्वओ समंता ओभासेइ उज्जोएइ तवेइ पभासेइ ?, हंता गोयमा ! जावतियण्णं  
 खेत्तं जाव पभासेइ, तं भंते ! किं पुट्ठं ओभासेइ अपुट्ठं ओभासेइ ?, जाव छदिसिं ओभासेति, एवं उज्जोवेइ तवेइ पभासेइ जाव नियमा  
 छदिसिं, से नूणं भंते ! सव्वंति सव्वावन्ति फुसमाणकालसमयंसि जावतियं खेत्तं फुसइ तावतियं फुसमाणे पुट्ठेत्ति वत्तव्वं सिया ?, हंता  
 गोयमा ! सव्वंति जाव वत्तव्वं सिया, तं भंते ! किं पुट्ठं फुसइ अपुट्ठं फुसइ ?, जाव नियमा छदिसिं । ५१ । लोयंते भंते ! अलोयंते फुसइ  
 अलोयंतेऽवि लोयंते फुसइ ? हंता गोयमा ! लोयंते अलोयंते फुसइ अलोयंतेऽवि लोयंते फुसइ, तं भंते ! किं पुट्ठं फुसइ अपुट्ठं फुसइ ?  
 जाव नियमा छदिसिं फुसइ, दीवन्ते भंते ! सागरंते फुसइ सागरंतेऽवि दीवन्ते फुसइ ?, हंता जाव नियमा छदिसिं फुसइ, एवं एएणं  
 अभिलावेण उदयंते पोयंते फुसइ छिहंते दूसंतं छाथंते आयवंतं जाव नियमा छदिसिं फुसइ । ५२ । अत्थि णं भंते ! जीवाणं पाणाइवाएणं  
 किरिया कज्जइ ?, हंता अत्थि, सा भंते ! किं पुट्ठा कज्जइ अपुट्ठा कज्जइ ?, जाव निव्वाधाएणं छदिसिं वाधायं पडुच्च सिय तिदिसिं सिय  
 चउदिसिं सिय पंचदिसिं, सा भंते ! किं कडा कज्जइ अकडा कज्जइ ?, गोयमा ! कडा कज्जइ नो अकडा कज्जइ, सा भंते ! किं  
 अत्तकडा कज्जइ परकडा कज्जइ तदुभयकडा कज्जइ ?, गोयमा ! अत्तकडा कज्जइ णो परकडा कज्जइ णो तदुभयकडा कज्जइ, सा  
 भंते ! किं आणुपुव्विं कडा कज्जइ अण्णुपुव्विं कडा कज्जइ ?, गोयमा ! आणुपुव्विं कडा कज्जइ नो अण्णुपुव्विं कडा कज्जइ, जा

य कडा जा य कजइ जा य कजिस्सइ सव्वा सा आणुपुव्वि कडा नो अण्णपुव्वि कडत्ति वत्तव्वं सिया, अत्थि णं भंते ! नेरइयाणं  
 पाणाइवायकिरिया कजइ ?, हंता अत्थि, सा भंते ! किं पुट्ठा कजइ अपुट्ठा कजइ जाव नियमा छदिसिं कजइ, सा भंते ! किं कडा  
 कजइ अकडा कजइ ?, तं चेव जाव नो अण्णपुव्वि कडत्ति वत्तव्वं सिया, जहा नेरइया तहा एगिंदियवज्जा भाणियव्वा, जाव  
 वेमाणिया, एगिंदिया जहा जीवा तहा भाणियव्वा, जहा पाणाइवाए तहा मुसावाए तहा अदिन्नादाणे मेहुणे परिगहे कोहे जाव  
 भिच्छादंसणसत्ते, एवं एए अट्टारस चउवीसं दंडगा भाणियव्वा, सेवं भंते ! सेवं भंते ! त्ति भगवं गोयमे समणं भगवं जाव विहरति  
 ॥५३॥ तेणं कालेणं तेणं समएणं समणस्स भगवओ महावीरस्स अंतेवासी रोहे नामं अणगारे पगइभए पगइमउए पगइविणीए  
 पगइउवसंते पगइपयणुकोहमाणमायालोभे भिउमद्वसंपन्ने अस्सीणे भए विणीए समणस्स भगवओ महावीरस्स अट्टरसामंते उइढंजाणू  
 अहोसिरे झाणकोट्ठोवगए संजमेणं तवसा अप्पाणं भावेमाणे विहरइ, तए णं से रोहे णामं अणगारे जायसइढे जाव पज्जुवासमाणे एवं  
 वदासी पुव्विं भंते ! लोए पच्छा अलोए पुव्विं अलोए पच्छा लोए ?, रोहा ! लोए य अलोए य पुव्विंउपेते पच्छाउपेते दोउवि एए सासया  
 भावा, अण्णपुव्वी एसा रोहा !, पुव्विं भंते ! जीवा पच्छा अजीवा पुव्विं अजीवा पच्छा जीवा ?, जहेव लोए य अलोए य तहेव जीवा  
 य अजीवा य, एवं भवसिद्धिया य अभवसिद्धिया य सिद्धी असिद्धी सिद्धा असिद्धा, पुव्विं भंते ! अंडए पच्छा कुक्कुडी पुव्विं कुक्कुडी  
 पच्छा अंडए ?, रोहा ! से णं अंडए कओ ?, भयवं ! कुक्कुडीओ, सा णं कुक्कुडी कओ ?, भंते ! अंडयाओ, एवामेव रोहा ! से य अंडए

पू. सागरजी भ. संशोधित

जहानामए केइ पुरिसे वत्थिमाडोवेइ वत्थिमाडोवित्ता उप्पिसि तं बंधइ ता मज्झेणं गंठि बंधइ ता उवरिल्लं गंठि मुयइ ता उवरिल्लं देसं  
 वामेइ ता उवरिल्लं देसं आउयायस्स पूरेइ ता उप्पिसि तं बंधइ ता मज्झिल्लं गंठि मुयइ, से नूणं गोयमा ! से आउयाए तस्स वाउयायस्स  
 उप्पि उवरितले चिट्ठइ ?, हंता चिट्ठइ, से तेणट्ठेणं जाव जीवा कम्मसंगहिया, से जहा वा केइ पुरिसे वत्थिमाडोवेइ ता कडीए बंधइ ता  
 अत्थाहमता( पा०पा )-रमोपोरुसियंसि उदगंसि ओगाहेज्जा, से नूणं गोयमा ! से पुरिसे तस्स आउयायस्स उप्पि उवरितले चिट्ठइ ?, हंता  
 चिट्ठइ, एवं वा अट्ठविहा लोयट्ठिई पं० जाव जीवा कम्मसंगहिया । ५५ । अत्थि णं भंते ! जीवा य पोग्गला य अन्नमन्नबद्धा अन्नमन्नपुट्ठा  
 अन्नमन्नमोगाढा अन्नमन्नसिणेहपडिबद्धा अन्नमन्नसमभरघडत्ताए चिट्ठंति ?, हंता अत्थि, से केणट्ठेणं भंते ! जाव चिट्ठंति ?, गोयमा ! से  
 जहानामए हरदे सिया पुण्णे पुण्णप्यमाणे वोल्हमाणे वोसट्ठमाणे समभरघडत्ताए चिट्ठइ, अहे णं केइ पुरिसे तंसि हरदंसि एगं महं नावं  
 सयासवं सयच्छिडुं ओगाहेज्जा, से नूणं गोयमा ! सा णावा तेहिं आसवदारेहिं आपूरमाणी २ पुण्णा पुण्णप्यमाणा वोल्हमाणा वोसट्ठमाणा  
 समभरघडत्ताए चिट्ठइ ?, हंता चिट्ठइ, से तेणट्ठेणं गोयमा ! अत्थि णं जीवा य जाव चिट्ठंति । ५६ । अत्थि णं भंते ! सया समियं सुहुमे  
 सिणेहकाये पवडइ ?, हंता अत्थि, से भंते ! किं उड्ढे पवडइ अहे पवडइ तिरिए पवडइ ?, गोयमा ! उड्ढेऽवि पवडइ अहेऽवि पवडइ  
 तिरिएऽवि पवडइ, जहा से बादरे आउयाए अन्नमन्नसमाउत्ते चिरपि दीहकालं चिट्ठइ तहा णं सेऽवि ?, नो इणट्ठे समट्ठे, से णं  
 खिप्पामेव विद्धंसमागच्छइ । सेवं भंते ! सेवं भंते ! त्ति । ५७ ॥ श. १ उ. ६ ॥

॥ श्रीभगवती सूत्र ॥

३२

पू. सागरजी म. संशोधित

५. सागरजी म. संशोधित

अविग्गहगतिसमावन्नगे, एवं जाव वेमाणिए, जीवा णं भंते ! किं विग्गहगइसमावन्नया अविग्गहगइसमावन्नगा ?, गोयमा !  
 विग्गहगइसमावन्नगावि अविग्गहगइसमावन्नगावि, नेरइया णं भंते ! किं विग्गहगतिसमावन्नया अविग्गहगतिसमावन्नगा ?, गोयमा !  
 सव्वेऽवि ताव होज्जा अविग्गहगतिसमावन्नगा अहवा अविग्गहगतिसमावन्नगा य विग्गहगतिसमावन्ने य अहवा अविग्गहगतिसमावन्नगा  
 य, विग्गहगइसमावन्नगा य एवं जीवेगिंदियवज्जो तियभंगो । ६० । देवे णं भंते ! महिडिढए महज्जुइए महब्बले महायसे महासुक्खे  
 महाणुभावे अविउक्कं ( चयं पा० ) चयमाणे किंचिवि कालं हिरिवत्तियं दुगंछावत्तियं परिसहवत्तियं आहारं नो आहारेइ, अहे णं  
 आहारेइ, आहारि... आहारिए परिणामिज्जमाणे परिणामिए पहीणे य आउए भवइ जत्थ उववज्जइ तमाउयं पडिसंवेइए, तं -  
 तिरिक्खजोणियाउयं वा मणुस्साउयं वा ?, हंता गोयमा ! देवे णं महिडिढीए जाव मणुस्साउयं वा । ६१ । जीवे णं भंते ! गब्भं वक्कमाणे  
 किं सइंदिए वक्कमइ अणिंदिए वक्कमइ ?, गोयमा ! सिय सइंदिए वक्कमइ सिय अणिंदिए वक्कमइ, से केणट्ठेणं० ?, गोयमा ! दव्विंदियाइं  
 पडुच्च अणिंदिए वक्कमइ भाविंदियाइं पडुच्च सइंदिए वक्कमइ, से तेणट्ठेणं०, जीवे णं भंते ! गब्भं वक्कमाणे किं ससरीरी वक्कमइ  
 असरीरी वक्कमइ ?, गोयमा ! सिय ससरीरीव० सिय असरीरी वक्कमइ, से केणट्ठेणं० ?, गोयमा ! ओरालियवेउव्वियआहारयाइं पडुच्च  
 असरीरी व० तेयाकम्माइं पडुच्च ससरीरी वक्क० से तेणट्ठेणं गोयमा ! जीवे णं भंते ! गब्भं वक्कमाणे तप्पढमयाए किमाहारमाहारेइ ?,  
 गोयमा ! माउओयं पिउसुक्कं तं तदुभयसंसिद्धं कलुसं किव्विसं तप्पढमयाए आहारमाहारेइ, जीवे णं भंते ! गब्भगए समाणे किमाहारमाहारेइ ?,

गोयमा जं से माया नाणाविहाओ रसविगईओ आहारमाहारेइ तदेकदेसेणं ओयमाहारेइ, जीवस्स णं भंते ! गब्भगयस्स समाणस्स अत्थि उच्चारैइ वा पासवणेइ वा खेलेइ वा सिंघाणेइ वा वंतेइ वा पित्तेइ वा ?, णो इणट्ठे समट्ठे, से केणट्ठेणं ?, गोयमा ! जीवे णं गब्भगए समाणे जमाहारेइ तं चिणाइं तं सोइंदियत्ताए जाव फासिंदियत्ताए अट्ठिअट्ठिमिंजकेसमंसुरोमनहत्ताए०, से तेणट्ठेणं०, जीवे णं भंते ! गब्भगए समाणे पभू मुहेणं कावल्लियं आहारं आहारित्ताए ?, गोयमा ! णो इणट्ठे समट्ठे, से केणट्ठेणं० ?, गोयमा ! जीवे णं गब्भगए समाणे सव्वओ आहारेइ सव्वओ परिणामेइ सव्वओ उस्ससइ सव्वओ निस्ससइ अभिक्खणं आहारेइ अभिक्खणं परिणामेइ अभिक्खणं उस्ससइ अभिक्खणं निस्ससइ आहच्च आहारेइ आहच्च परिणामेइ आहच्च उस्ससइ आहच्च नीस्ससइ, माउजीवरसहरणी पुत्तजीवरसहरणी, माउजीवपडिबद्धा पुत्तजीवं फुडा तम्हा आहारेइ तम्हा परिणामेइ, अवरावि य णं पुत्तजीवपडिबद्धा माउजीवफुडा तम्हा चिणाइ तम्हा उवचिणाइ से तेणट्ठेणं० जाव नो पभू मुहेणं कावल्लियं आहारं आहारित्ताए, कइ णं भंते ! भाइअंगा पं० ?, गोयमा ! तओ भाइयंगा पं०तं० - मंसे सोणिए मत्थुलुंगे, कइ णं भंते ! पिइयंगा पं० ?, गोयमा ! तओ पिइयंगा पं०तं० - अट्ठि अट्ठिमिंजा केसमंसुरोमनहे, अम्मापिइए णं भंते ! सरीरए केवइयं कालं संचिट्ठइ ?, गोयमा ! जावइयं से कालं भवधारणिज्जे सरीरए अव्वावने भवइ एवतियं कालं संचिट्ठइ, अहे णं समए समए वोक्कसिज्जमाणे २ चरमकालसमयंसि वोच्छिन्ने भवइ । ६२ । जीवे णं भंते ! गब्भगए समाणे नेरइएसु उववज्जेजा ?, गोयमा ! अत्थेगइए उववज्जेजा अत्थेगइए नो उववज्जेजा, से केणट्ठेणं ?, गोयमा ! से णं सन्नी



पंचिंदिए सव्वाहिं पज्जत्तीहिं पज्जत्तए वीरियलब्धीए वेउब्बियलब्धीए पराणीयं आगयं सोच्चा निसम्भएसे निच्छुभइ ता वेउब्बियसमुग्घाएणं  
समोहणइ ता चाउरंगिणिं सेनं विउब्बइत्ता चाउरंगिणीए सेनाए पराणीएणं सद्धि संगामं संगामेइ, से णं जीवे अत्थकामए रज्जकामए  
भोगकामए कामकामए अत्थकंखिए रज्जकंखिए भोगकंखिए कामकंखिए अत्थपिवासिए रज्जपिवासिए भोगपिवासिए कामपिवासिए  
तच्चित्ते तम्मणे तल्लेसे तदञ्जवसिए तत्तिव्वञ्जवसाणे तदोदोवउत्ते तदप्पियकरणे तब्भावणाभाविए एयंसि णं अंतरंसि कालं करेज्ज  
नेरइएसु उव्वज्जइ, से तेणट्ठेणं गोयमा ! जाव अत्थेगइए उव्वजेजा अत्थेगइए नो उव्वजेजा, जीवे णं भंते ! गब्भगए समाणे  
दोवलोगेसु उव्वजेजा ?, गोयमा ! अत्थेगइए उव्वजेजा अत्थेगइए नो उव्वजेजा, से केणट्ठेणं ?, गोयमा ! से णं सन्नी पंचिंदिए  
सव्वाहिं पज्जत्तीहिं पज्जत्तए तहासुवस्स समणस्स वा माहणस्स वा अंतिए एगमवि आयरियं धम्मियं सुवयणं सोच्चा निसम्भ तओ भवइ  
संवेगजायसइढे तिव्वधम्माणुरागरत्ते, से णं जीवे धम्मकामए पुण्णकामए सग्गकामए मोक्खकामए धम्मकंखिए पुण्णकंखिए  
सग्ग० मोक्खकं० धम्मपिवासिए पुण्ण० सग्ग० मोक्खपिवासिए तच्चित्ते तम्मणे तल्लेसे तदञ्जवसिए तत्तिव्वञ्जवसाणे तदोदोवउत्ते  
तदप्पियकरणे तब्भावणाभाविए एयंसि णं अंतरंसि कालं करेज्ज देवलोएसु उव०, से तेणट्ठेणं गोयमा !, जीवे णं भंते ! गब्भगए  
समाणे उत्ताणए वा पासिल्लए वा अंबखुजए वा अच्छेज वा चिट्ठेज वा निसीएज वा तुयट्ठेज वा माऊए सुयमाणीए सुवइ  
जागरमाणीएजागरइ सुहियाए सुहिए भवइ दुहियाए दुहिए भवइ ?, हंता गोयमा ! जीवे णं गब्भगए समाणे जाव दुहियाए दुहिए भवइ,

अहे णं पसवणकालसमयंसि सीसेणं वा पाएहिं वा आगच्छइ सममागच्छइ तिरियमागच्छइ विणिहायमागच्छइ, वण्णवज्झाणि य से कम्माइं बद्धाइं पुट्ठाइं निहत्ताइं कडाइं पट्टवियाइं अभिनिविट्ठाइं अभिसमन्नागयाइं उदिन्नाइं नो उवसंताइं भवंति तओ भवइ दुक्खे दुव्वन्ने दुग्गंथे दूरसे दुफासे अणिट्ठे अकंते अधिअ असुभे अमणुन्ने अमणामे हीणस्सरे दीणस्सरे अणिट्ठस्सरे अकंतस्सरे अधियस्सरे असुभस्सरे अमणुन्नस्सरे अमणामस्सरे अणाएज्जवयणे पच्चायाए यावि भवइ, वन्नवज्झाणि य से कम्माइं नो बद्धाइं पसत्थं नेयव्वं जाव आदेज्जवयणे पच्चायाए यावि भवइ, सेवं भंते ! सेवं भंते ! ति । ६३ । श. १ उ. ७ ॥

रायगिहे समोसरणं जाव एवं वयासी एगंतबाले णं भंते ! मणुसे किं नेरइयाउयं पकरेइ तिरिक्खं मणुं देवाउयं पकरेति ?, नेरइयाउयं किच्चा नेरइएसु उवं तिरियाउयं किं तिरिएसु उवं मणुस्साउयं मणुस्सें उवं देवाउं किं देवलोएसु उववज्जइ ?, गोयमा ! एगंतबाले णं मणुस्से नेरइयाउयंपि पकरेइ तिरिं मणुं देवाउयंपि पकरेइ, नेरइयाउयंपि किच्चा नेरइएसु उवं तिरिं मणुं देवाउयं किच्चा तिरिं मणुं देवलोएसु उववज्जइ । ६४ । एगंतपडिए णं भंते ! मणुस्से किं नेरं पकरेइ जाव देवाउयं किच्चा देवलोएसु उववं ?, गोयमा ! एगंतपडिए णं मणुस्से आउयं सिय पकरेइ सिय नो पकरेइ, जइ पकरेइ नो नेरइयां पकरेइ नो तिरिं नो मणुं देवाउयं पकरेइ, नो नेरइयाउयं किच्चा नेरं उवं णो तिरिं णो मणुस्सं देवाउयं किच्चा देवेसु उवं, से केणट्ठेणं जाव देवां किच्चा देवेसु उववज्जइ ?, गोयमा ! एगंतपंडियस्स णं मणुस्सस्स केवलमेव दो गईओ पंतं - अंतकिरिया चेव कप्पोव्वत्तिया

चेव, से तणट्ठेणं गोयमा ! जाव देवाउयं किच्चा देवेसु उववज्जइ ?, बालपंडिए णं भंते ! मणुस्से किं नेरइयाउयं पकरेइ जाव देवाउयं किच्चा देवेसु उववज्जइ ?, गोयमा ! नो नेरइयाउयं पकरेइ जाव देवाउयं किच्चा देवेसु उववज्जइ, से केणट्ठेणं जाव देवाउयं किच्चा देवेसु उववज्जइ ?, गोयमा ! बालपंडिए णं मणुस्से तहारूवस्स समणस्स वा माहणस्स वा अंतिए एगमवि आयरियं धम्मियं सुवयणं सोच्या निसम्म देसं उवरमइ देसं नो उवरमइ देसं पच्चक्खाइ देसं णो पच्चक्खाइ, से तेणट्ठेणं देसोवरमदेसपच्चक्खाणेणं नो नेरइयाउयं पकरेइ जाव देवाउयं किच्चा देवेसु उववज्जइ, से तेणट्ठेणं जाव देवेसु उववज्जइ । ६५ । पुरिसे णं भंते ! कच्छंसि वा दहंसि वा उदगंसि वा दवियंसि वा वलयंसि वा नूमंसि वा गहणंसि वा गहणविदुग्गंसि वा पव्वथंसि वा पव्वथविदुग्गंसि वा वणंसि वा वणविदुग्गंसि वा मियवित्तीए मियसंकप्पे मियपणिहाणे मियवहाए गंता एए मिएत्तिकाउं अन्नयरस्स मियस्स वहाए कूडपासं उदाइ, ततो णं भंते ! से पुरिसे कत्तिकिरिए पं० ?, गोयमा ! जावं च णं से पुरिसे कच्छंसि वा जाव कूडपासं उदाइ तावं च णं से पुरिसे सिय तिकि०. सिय चउ० सिय पंच०, से केणट्ठेणं सिय ति० सिय च० सिय पं० ?, गोयमा ! जे भविए उद्वणयाए णो बंधणयाए णो मारणयाए तावं च णं से पुरिसे काइयाए अहिगरणियाए पाउसियाए तिहिं किरियाहिं पुट्ठे, जे भविए उद्वणयाए ऽवि बंधणयाए ऽवि णो मारणयाए तावं च णं पुरिसे काइयाए अहिगरणियाए पाउसियाए पारियावणियाए चउहिं किरियाहिं पुट्ठे, जे भविए उद्वणयाए ऽवि बंधणयाए ऽवि मारणयाए ऽवि तावं च णं से पुरिसे काइयाए अहिगरणियाए पाउसियाए जाव पंचहिं पुट्ठे, से तेणट्ठेणं जाव पंचकिरिए

। ૬૬ । પુરિસે ણં ભંતે ! કચ્છંસિ વા જાવ વણવિદુગ્ગંસિ વા તણાઈં ઝસવિય ૨ અગણિકાયં નિસ્સરડ તાવં ચ ણં સે ભંતે ! સે પુરિસે કરિકિરિયે?, ગોયમા ! સિય તિકિરિયે સિય ચઝકિં સિય પંચં, સે કેળદ્દેણં?, ગોયમા ! જે ભવિયે ઝસવણયાયે તે તિહિં.. ઝસવણયાયેડવિ નિસ્સરણયાયેડવિ નો દહણયાયે ચઝહિં, જે ભવિયે ઝસવણયાયેડવિ નિસ્સરણયાયેડવિ દહણયાયેડવિ તાવં ચ ણં સે પુરિસે કાઙયાયે જાવ પંચહિં કિરિયાહિં પુદ્ધે, સે તેણં ગોયમા ! । ૬૭ । પુરિસે ણં ભંતે ! કચ્છંસિ વા જાવ વણવિદુગ્ગંસિ વા મિયવિત્તીયે મિયસંકખ્પે મિયપણિહાણે મિયવહાણે ગંતા ણે મિયેત્તિકાઝં અત્તયરસસ મિયસસ વહાણે ઝસું નિસીરડ તત્તો ણં ભંતે ! સે પુરિસે કઙકિરિયે?, ગોયમા ! સિય તિકિરિયે સિય ચઝકિરિયે સિય પંચકિરિયે, સે કેળદ્દેણં?, ગોયમા ! જે ભવિયે નિસ્સરણયાયે નો વિદ્ધંસણયાયેડવિ નો મારણયાયે તિહિં, જે ભવિયે નિસ્સરણયાયેડવિ વિદ્ધંસણયાયેડવિ નો મારણયાયે ચઝહિં, જે ભવિયે નિસ્સરણયાયેડવિ વિદ્ધંસણયાયેડવિ મારણયાયેડવિ તાવં ચ ણં સે પુરિસે જાવ પંચહિં કિરિયાહિં પુદ્ધે, સે તેણદ્દેણં ગોયમા ! સિય તિકિરિયે સિય ચઝકિરિયે સિય પંચકિરિયે । ૬૮ । પુરિસે ણં ભંતે ! કચ્છંસિ વા જાવ અત્તયરસસ મિયસસ વહાણે આયવકન્નાયયં ઝસું આયામેત્તા ચિટ્ઠિજ્ઞા, અત્તયરે પુરિસે મગ્ગઝો આગમ્મ સયપાણિણા વાસે અસિણા સીસં છિંદેજ્ઞા સે ય ઝસું તાણે ચેવ પુલ્લાયામણયાયે તં વિંધેજ્ઞા સે ણં ભંતે ! પુરિસે કિં મિયવેરેણં પુદ્ધે પુરિસવેરેણં પુદ્ધે ?, ગોયમા ! જે મિયં મારેડ સે મિયવેરેણં પુદ્ધે, જે પુરિસં મારેડ સે પુરિસવેરેણં પુદ્ધે, સે કેળદ્દેણં ભંતે ! એવં વુચ્ચડ જાવ સે પુરિસવેરેણં પુદ્ધે ?, સે નૂણં ગોયમા ! કજ્ઞમાણે કડે સંધિજ્ઞમાણે સંધિયે નિવ્વત્તિજ્ઞમાણે નિવ્વત્તિયે નિસિરિજ્ઞમાણે નિસિદ્ધેતિ વત્તવ્વં

सिया ?, हंता भगवं ! कज्जमाणे कडे जाव निसिद्धेत्ति वत्तव्वं सिया, से तेणद्धेणं गोयमा !. जे भियं मारेइ से भियवेरेणं पुट्ठे जे पुरिसं मारेइ से पुरिसवेरेणं पुट्ठे, अंतो छण्हं मासाणं भरइ काइयाए जाव पंचहिं किरियाहिं पुट्ठे, बाहिं छण्हं मासाणं भरइ काइयाए जाव पारियावणियाए चउहिं किरियाहिं पुट्ठे । ६९ । पुरिसे णं भंते ! पुरिसं सत्तीए समभिधंसेज्जा सयपाणिणा वा से असिणा सीसं छिंदेज्जा तए णं भंते ! से पुरिसे क्तिकिरिए ?, गोयमा ! जावं च णं से पुरिसे तं पुरिसं सत्तीए ( समभिधंसेइ ) सयपाणिणा वा से असिणा सीसं छिंदइ तावं च णं से पुरिसे काइयाए अहिगरणि० जाव पाणाइवायकिरियाए पंचहिं किरियाहिं पुट्ठे, आसन्नवहएण य अणवकंखवत्तिएणं पुरिसवेरेणं पुट्ठे । ७० । दो भंते ! पुरिसा सरिसया सरित्तया सरिव्वया सरिसभंडमत्तोवगरणा अन्नमन्नेणं सद्धिं संगामं संगामेत्ति, तत्थ णं एगे पुरिसे पराइणइ एगे पुरिसे पराइज्जइ, से कहमेयं भंते ! एवं?, गोयमा ! सवीरिए पराइणइ अवीरिए पराइज्जइ, से केणद्धेणं जाव पराइज्जइ ?, गोयमा ! जस्स णं वीरियवज्जाइं कम्माइं णो बद्धाइं णो पुट्ठाइं जाव नो अभिसमन्नागयाइं नो उदिन्नाइं उवसंताइं भवंति से णं पराइणइ, जस्स णं वीरियवज्जाइं कम्माइं बद्धाइं जाव उदिन्नाइं नो उवसंताइं भवंति से णं पुरिसे पराइज्जइ, से तेणद्धेणं गोयमा ! एवं वुच्चइ सवीरिए पराइणइ अवीरिए पराइज्जइ । ७१ । जीवा णं भंते ! किं सवीरिया अवीरिया ?, गोयमा ! सवीरियावि अवीरियावि, से केणद्धेणं ?, गोयमा ! जीवा दुविहा पंतं० - संसारसमावन्नगा य असंसारसमावन्नगा य, तत्थ णं जे ते असंसारसमावन्नगा य ते णं सिद्धा, सिद्धा णं अवीरिया, तत्थ णं जे ते संसारसमावन्नगा ते दुविहा पंतं० - सेलेसि पडिवन्नगा य असेलेसिपडिवन्नगा य, तत्थ णं

जे ते सेलेसिपडिवन्नगा य ते णं लद्धिवीरिएणं सवीरिया करणवीरिएणं अवीरिया, तत्थ णं जे ते असेलेसिपडिवन्नगा ते लद्धिवीरिएणं सवीरिया करणवीरिएणं सवीरियावि अवीरियावि, से तेणट्ठेणं गोयमा ! एवं वुच्चइ जीवा दुविहा पंतं०- सवीरियावि अवीरियावि, नेरइया णं भंते ! किं सवीरिया अवीरिया ?, गोयमा ! नेरइया लद्धिवीरिएणं सवीरिया करणवीरिएणं सवीरियावि अवीरियावि, से केणट्ठेणं० ?, गोयमा ! जेसिं णं नेरइयाणं अत्थि उट्ठाणे कम्मे बले वीरिए पुरिसक्कारपरक्कमे ते णं नेरइया लद्धिवीरिएणवि सवीरिया करणवीरिएणवि सवीरिया, जेसिं णं नेरइयाणं नत्थि उट्ठाणे जाव परक्कमे ते णं नेरइया लद्धिवीरिएणं सवीरिया करणवीरिएणं अवीरिया, से तेणट्ठेणं०, जहा नेरइया एवं जाव पंचिदियतिरिक्खजोणिया. मणुस्सा जहा ओहिया जीवा, नवरं सिद्धवज्जा भाणियव्वा, वाणमंतरजोइसवेमाणिया जहा नेरइया, सेवं भंते ! सेवं भंते ! त्ति । ७२ ॥ श. १ उ. ८ ॥

कहन्नं भंते ! जीवा गरुयत्तं हव्वमागच्छन्ति ?, गोयमा ! पाणाइवाएणं मुसावाएणं अदिन्नमेहुणपरिकोहमाणमायालोभ-  
पेज्जदोसकलहअब्भक्खाणपेसुन्नरतिअरतिपरपरिवायमायाभोसमिच्छादंसणसल्लेणं, एवं खलु गोयमा ! जीवा गरुयत्तं हव्वमागच्छन्ति,  
कहन्नं भंते ! जीवा लहुयत्तं हव्वमागच्छन्ति ?, गोयमा ! पाणाइवायवेरणेणं जाव मिच्छादंसणसल्लवेरणेणं, एवं खलु गोयमा ! जीवा  
लहुयत्तं हव्वमागच्छन्ति, एवं संसारं आउलीकरेत्त एवं परित्तीकरेत्ति एवं दीहीकरेत्ति हस्सीकरेत्ति एवं अणुपरियट्ठन्ति वीइवयन्ति, पसत्था  
चत्तारि अप्पसत्था चत्तारि । ७३ । सत्तमे णं भंते ! ओवासंतरे किं गुरुए लहुए गुरुयलहुए अगुरुयलहुए ?, गोयमा ! नो गुरुए नो लहुए

नो गुरुयलहुए अगुरुय लहुए, सत्तमे णं भंते! तणुवाए किं गुरुए लहुए गुरुयलहुए अगुरुयलहुए?, गोयमा ! नो गुरुए नो लहुए गुरुयलहुए नो अगुरुयलहुए, एवं सत्तमे घणवाए सत्तमे घणोदही सत्तमा पुढवी, उवासंतराईं सव्वाइं जहा सत्तमे ओवासंतरे, जहा तणुवाए एवं 'ओवास वाय घणउदहि पुढवी दीवा य सागरा वासा ( १७-१८ ) ॥ नेरइया णं भंते ! किं गुरुया जाव अगुरुयलहुया?, गोयमा! नो गुरुया नो लहुया गुरुयलहुयावि अगुरुलहुयावि, से केणट्ठेणं०?, गोयमा ! वेउव्वियतेयाइं पडुच्च नो गुरुया नो लहुया गुरुयलहुया नो अगुरुलहुया, जीवं च कम्मणं च पडुच्च नो गुरुया नो लहुया नो गुरुयलहुया अगुरुयलहुया, से तेणट्ठेणं०, जाव वेमाणिया, नवरं णाणत्तं जाणियव्वं सरीरेहिं, धम्मत्थिकाए जाव जीवत्थिकाए चउत्थपएणं, पोग्गलत्थिकाए णं भंते ! किं गुरुए लहुए गुरुयलहुए अगुरुयलहुए?, गोयमा ! णो गुरुए नो लहुए गुरुयलहुएऽवि अगुरुयलहुएऽवि, से केणट्ठेणं, ?, गोयमा ! गुरुयलहुयदव्वाइं पडुच्च नो गुरुए नो लहुए गुरुयलहुए नो अगुरुयलहुए, अगुरुयलहुयदव्वाइं पडुच्च नो गुरुए नो लहुए नो गुरुयलहुए, अगुरुयलहुए समया कम्माणि य चउत्थपदेणं, कणहलेसा णं भंते ! किं गुरुया जाव अगुरुयलहुया ?, गोयमा ! नो गुरुया नो लहुया गुरुयलहुयावि अगुरुयलहुयावि, से केणट्ठेणं. ?, गोयमा ! दव्वलेसं पडुच्च ततियपदेणं भावलेसं पडुच्च चउत्थपदेणं, एवं जाव सुक्कलेसा, दिट्ठीदंसणनाणअन्नाणसण्णा चउत्थपदेणं णेयव्वाओ, हेट्ठिल्ला चत्तारि सरीरा णेयव्वा ततियपदेणं कम्मयं चउत्थपएणं, मणजोगो वइजोगो चउत्थपएणं पदेणं कायजोगो ततिएणं पदेणं, सागारोवओगो अणागारोवओगो चउत्थपदेणं, सव्वदव्वा सव्वपएसा सव्वपज्जवा

जहा पोग्गलत्थिकाओ, तीतद्धा अणागयद्धा सव्वद्धा चउत्थएणं पदेणं १७४१ से नूणं भंते ! लाघवियं अप्पिछा अमुच्छा अगेही अपडिबद्धया समणाणं णिग्गंथाणं पसत्थं ?, हंता गोयमा ! लाघवियं जाव पसत्थं, से नूणं भंते ! अकोहत्तं अमाणत्तं अमायत्तं अलोभत्तं समणाणं निग्गंथाणं पसत्थं ?, हंता गोयमा ! अकोहत्तं अमाणत्तं जाव पसत्थं, से नूणं भंते ! कंखापदोसे खीणे समणे निग्गंथे अंतकरे भवति अंतिमसारीरिए वा बहुमोहेऽवि य णं पुव्वि विहरित्ता अह पच्छा संवुडे कालं करेति तओ पच्छा सिञ्जति जाव अंतं करेइ ?, हंता गोयमा ! कंखापदोसे खीणे जाव अंतं करेति १७५ १ अण्णउत्थिया णं भंते ! एवमाइक्खंति एवं भासेति एवं पण्णवेति एवं परूवेति एवं खलु एगे जीवे एगेणं समएणं दो आउयाइं पकरेति, तं० इहभवियाउयं च परभवियाउयं च, जंसमयं इहभवियाउयं पकरेति तंसमयं परभवियाउयं पकरेति जंसमयं परभवियाउयं पकरेति तंसमयं इहभवियाउयं पकरेति, इहभवियाउयस्स पकरण्याए परभवियाउयं पकरेइ परभवियाउयस्स पकरण्याए इहभवियाउयं पकरेति, एवं खलु एगे जीवे एगेणं समएणं दो आउयाइं पकरेति, तं० - इहभवियाउयं च परभवियाउयं च, से कहमेयं भंते ! एवं ?, खलु गोयमा ! जण्णं ते अण्णउत्थिया एवमातिक्खंति जावपरभवियाउयं च, जे ते एवमाहंसु भिच्छं ते एवमाहंसु, अहं पुण गोयमा ! एवमाइक्खामि जाव परूवेमि एवं खलु एगे जं. एगेणं समएणं एगं आउयं पकरेति, तं० - इहभवियाउयं वा परभवियाउयं वा, जंसमयं इहभवियाउयं पकरेति णो तंसमयं परभवियाउयं पकरेति जंसमयं परभवियाउयं पकरेइ णो तंसमयं इहभवियाउयं पकरेइ, इहभवियाउयस्स पकरण्याए णो परभवियाउयं पकरा.



परभविथाउयस्स पकरणताए णो इहभविथाउयं पकरेति, एवं खलु एगे जीवे एगेणं समएणं एगं आउयं पकरेति, तं० - इहभविथाउयं  
 वा परभविथाउयं वा, सेवं भंते ! सेवं भंते ! ति भगवं गोयमे जाव विहरति । ७६ । तेणं कालेणं तेणं समएणं पासावच्चिज्जे  
 कालासवेसियपुत्ते णामं अणगारे जेणेव थेरा भगवंतो तेणेव उवागच्छति ता थेरे भगवंते एवं वयासी थेरा सामाइयं ण जाणंति थेरा  
 सामायस्स अट्ठं ण याणंति थेरा पच्चक्खाणं ण याणंति थेरा पच्चक्खाणस्स अट्ठं ण याणंति थेरा संजमं ण याणंति थेरा संजमस्स अट्ठं  
 ण याणंति थेरा संवरं ण याणंति थेरा संवरस्स अट्ठं ण याणंति थेरा विवेगं ण याणंति थेरा विवेगस्स अट्ठं ण याणंति थेरा विउस्सगं ण  
 याणंति थेरा विउस्सगस्स अट्ठं ण याणंति, तए णं ते थेरा भगवंतो कालसवेसियपुत्तं अणगारं एवं वयासी जाणामो णं अज्जो !  
 सामाइयं जाणामो णं अज्जो ! सामाइयस्स अट्ठं जाव जाणामो णं अज्जो ! विउस्सगस्स अट्ठं, तए णं से कालसवेसियपुत्ते अणगारे ते  
 थेरे भगवंते एवं वयासी जति णं अज्जो ! तुब्भे जाणह सामाइयं जाणह सामाइयस्स अट्ठं जाव जाणह विउस्सगस्स अट्ठं किं भे अज्जो !  
 सामाइए ? किं भे अज्जो ! सामाइयस्स अट्ठे ? जाव किं भे० विउस्सगस्स अट्ठे ?, तए णं ते थेरा भगवंतो कालासवेसियपुत्तं अणगारं  
 एवं वयासी आया णे अज्जो ! सामाइए आया णे अज्जो ! सामाइयस्स अट्ठे जाव विउस्सगस्स अट्ठे, तए णं से कालसवेसियपुत्ते  
 अणगारे थेरे भगवंते एवं वयासी 'जति भे अज्जो ! आया सामाइए आया सामाइयस्स अट्ठे एवं जाव आया विउस्सगस्स अट्ठे अवहट्ठ  
 कोहमाणमायालोभे किमट्ठं अज्जो ! गरहह ?, कालस० संजमट्ठयाए, से भंते ! किं गरहा संजमे अगरहा संजमे ? कालस० ! गरहा

संजमे नो अगरहा संजमे, गरहावि य णं सव्वं दोसं पविणेति सव्वं बालियं परिण्णाए, एवं खु णे आया संजमे उवहिए भवति एवं खु णे आया संजमे उवचिए भवति एवं खु णे आया संजमे उवट्टिए भवति, एत्थ णं से कालासवेसियपुत्ते अणगारे संबुद्धे थेरे भगवंते वंदति णमंसति ता एवं वयासी एएसिं णं भंते ! पयाणं पुब्बि अण्णाणयाए असवणयाए अबोहियाए अणभिगमेणं अदिट्ठाणं अस्सुयाणं असुयाणं अविण्णायाणं अब्बोगडाणं अब्बोच्छिन्नाणं अणिज्जूठाणं अणुवधारियाणं एयमट्ठे णो सद्वहिए णो पत्तिए णो रोइए इयाणिं भंते ! एतेसिं पयाणं जाणणयाए सवणयाए बोहिए अभिगमेणं दिट्ठाणं सुयाणं सुयाणं विण्णायाणं वोगडाणं वोच्छिन्नाणं णिज्जूठाणं उवधारियाणं एयमट्ठं सद्वहामि पत्तियामि रोएमि एवमेयं से जहेयं तुब्भं वदह, तए णं ते थेरा भगवंतो कालासवेसियपुत्तं अणगारं एवं वयासी सद्वहाहि अज्जो ! पत्तिआहि अज्जो ! रोएहि अज्जो ! से जहेयं अम्हे वदामो, तए णं से कालासवेसियपुत्ते अणगारे थेरे भगवंतो वंदइ नमंसइ ता एवं वदासी इच्छामि णं भंते ! तुब्भं अंतिए चाउज्जामाओ धम्माओ पंचमहव्वइयं सपिडक्कमणं धम्मं उवसंपज्जित्ताणं विहरित्तए, अहासुहं देवाणुप्पिया ! मा पडिबंध्यं, तए णं से कालासवेसियपुत्ते अणगारे थेरे भगवंते वंदइ नमंसइ चाउज्जामाओ धम्माओ पंचमहव्वइयं सपिडक्कमणं धम्मं उवसंपज्जित्ताणं विहरइ, तए णं से कालासवेसियपुत्ते अणगारे बहूणि वासाणि सामण्णपरियागं पाउणइ जस्सऽट्ठाए कीरइ नग्गभावे मुंडभावे अण्हाणयं अदंतवणयं अच्छत्तयं अणोवाहणयं भूमिसेज्जा फलहसेज्जा कट्ठसेज्जा केसलोओ बंभचेरवासो परधरपवेसो लब्धावलब्धी उच्चावया गामकंटगा बावीसं परिसहोवसग्गा अहियासिज्जंति तमट्ठं

आराहेइ ता चरिमेहिं उस्सासनीसासेहिं सिद्धे बुद्धे मुक्के परिनिव्वुडे सव्वदुक्खप्पहीणे । ७७ । भंतेति भगवं गोयमे समणं भगवं महावीरं वंदति नमंसति ता एवं वदासी से नूणं भंते ! सेट्ठियस्स य तणुयस्स य किवणस्स य खत्तियस्स य समा चेव अपच्चक्खाणकिरिया कज्जइ ?, हंता गोयमा ! सेट्ठियस्स य जाव अपच्चक्खाणकिरिया कज्जइ, से केणट्ठेणं भंते !, गोयमा ! अविरतिं पडुच्च से तेण० गोयमा ! एवं वुच्चइ सेट्ठियस्स य तणु० जाव कज्जइ । ७८ । आहाकम्भं भुंजमाणे समणे निग्गंथे किं बंधइ किं पकरेइ किं चिणाइ किं उवचिणाइ ?, गोयमा ! आहाकम्भं णं भुंजमाणे० आउयवज्जाओ सत्त कम्भप्पगडीओ सिढिलबंधणबद्धाओ धणियबंधणबद्धाओ पकरेइ जाव अणुपरियट्ठइ, से केणट्ठेणं जाव अणुपरियट्ठइ ?, गोयमा ! आहाकम्भं णं भुंजमाणे० आयाए धम्मं अइक्कमइ आयाए धम्मं अइक्कममाणे पुढविक्कायं णावकंखइ जाव तसकायं णावकंखइ जेसिंपि य णं जीवाणं सरीराइं आहारमाहारेइ तेऽवि जीवे नावकंखइ, से तेणट्ठेणं गोयमा ! एवं वुच्चइ आहाकम्भं णं भुंजमाणे० आउयवज्जाओ सत्त कम्भपगडीओ जाव अणुपरियट्ठइ, फासुएसणिज्जं भंते ! भुंजमाणे० किं बंधइ जाव उवचिणाइ?, गोयमा ! फासुएसणिज्जं णं भुंजमाणे० आउयवज्जाओ सत्त कम्भपयडीओ धणियबंधणबद्धाओ सिढिलबंधणबद्धाओ पकरेइ जहा संवुडे णं, नवरं आउयं च णं कम्भं सिय बंदइ सिय नो बंधइ, सेसं तहेव जाव वीईवयइ, से केणट्ठेणं जाव वीईवयइ ?, गोयमा ! फासुएसणिज्जं भुंजमाणे समणे निग्गंथे आयाए धम्मं नो अइक्कमइ आयाए धम्मं अणइक्कममाणे पुढविक्काइयं अवकंखति जाव तसकायं अवकंखइ जेसिंपि य णं जीवाणं सरीराइं आहारेइ तेऽवि जीवे अवकंखति से

तेणट्टेणं जाव वीईवयइ । ७९ । से नूणं भंते ! अथिरे पलोड्डइ नो थिरे पलोड्डइ नो थिरे पलोड्डति ? अथिरे भज्जइ नो थिरे भज्जइ ? सासए बालए बालियत्तं असासयं ? सासए पंडिए पंडियत्तं असासयं ?, हंता गोयमा ! अथिरे पलोड्डइ जाव पंडियत्तं असासयं, सेवं भंते ! सेवं भंते ! त्ति जाव विहरति । ८० ॥ श. १३ ९ ॥

अन्नउत्थिथा णं भंते ! एवमाइक्खंति जाव एवं परूवेति एवं खलु चलमाणे अचलिए जाव निज्जरिज्जमाणे अणिज्जण्णे । दो परमाणुपोग्गला एगयओ न साहण्णांति, कम्हा दो परमाणुपोग्गला एगततो न साहण्णांति ?, दोण्हं परमाणुपोग्गलाणं नत्थि सिणेहकाए, तम्हा दो परमाणुपोग्गला एगयओ न साहण्णांति, तिन्नि परमाणुपोग्गला एगयओ साहण्णांति ? तिण्हं परमाणुपोग्गलाणं अत्थि सिणेहकाए, तम्हा तिण्णि परमाणुपोग्गला एगयओ सा०, ते भिज्जमाणा दुहावि तिहावि कज्जंति, दुहाकज्जमाणा एगयओ दिवड्डे परमाणुपोग्गले भवति एगयओऽवि दिवड्डे पर० पो० भवति, तिहा कज्जमाणा तिण्णि परमाणुपोग्गला भवंति, एवं जाव चत्तारि पंच परमाणुपो० एगयओ साहण्णांति, एगयओ साहिण्णत्ता दुक्खत्ताए कज्जंति, दुक्खेऽवि य णं से सासए सया समियं चिज्जइ य अवचिज्जइ य । पुव्विं भासा भासा भासिज्जमाणी भासा अभासा भासासमयवीतिकंता च णं भासिया भासा, जा सा पुव्विं भासा भासा भासिज्जमाणी भासा अभासा भासासमयवीतिकंता च णं भासिया भासा सा किं भासओ भासा ? अभासओ भासा ?, अभासओ णं सा भासा, नो खलु सा भासओ भासा, पुव्विं किरिया दुक्खा कज्जमाणी किरिया अदुक्खा किरियासमयवीतिकंतं च णं कडा किरिया दुक्खा, जा सा पुव्विं

किरिया दुक्खा कज्जमाणी किरिया अदुक्खा किरियासमयवीडक्कंतं च णं कडा किरिया दुक्खा, सा किं करणओ दुक्खा अकरणओ दुक्खा ?, अकरणओ णं सा दुक्खा णो खलु सा करणओ दुक्खा, सेवं वत्तव्वं सिया अकिच्चं दुक्खं अफुसं दुक्खं अकज्जमाणकडं दुक्खं अकटटु अकटटु पाणभूयजीवसत्ता वेदणं वेदंतीति वत्तव्वं सिया, से कहमेयं भंते ! एवं ?, गोयमा ! जण्णं ते अण्णउत्थिया एवमातिक्खंति जाव वेदेणं वेदंतीति वत्तव्वं सिया, जे ते एवमाहंसु भिच्छा ते एवमाहंसु, अहं पुण गोयमा ! एवमातिक्खामि०- एवं खलु चलमाणे चलिए जाव निज्जरिज्जमाणे निज्जण्णे, दो परमाणुपोग्गला एगयओ साहण्णंति, कम्हा दो परमाणुपोग्गला एगयओ साहण्णंति ?, दोण्हं परमाणुपोग्गलाणं अत्थि सिणेहकाए, तम्हा दो परमाणुपोग्गला एगयओ सा, ते भिज्जमाणा दुहा कज्जंति, दुहा कज्जमाणे एगयओ पर० पोग्गले एगयओ पं० पोग्गले भवति, तिण्णि परमा० एगयओ साह० कम्हा ?, तिन्नि परमाणुपोग्गला एग० सा०?, तिण्हं परमाणुपोग्गलाणं अत्थि सिणेहकाए, तम्हा तिण्णि परमाणुपोग्गला एगयओ साहण्णंति, ते भिज्जमाणा दुहावि तिहावि कज्जंति, दुहा कज्जमाणा एगओ परमाणुपोग्गले एगयओ दुपदेसिए खंधे भवति, तिहा कज्जमाणा तिण्णि परमाणुपोग्गला भवति, एवं जाव चत्तारिपंचपरमाणुपो० एगयओ साहण्णिता २ खंधत्ताए कज्जंति, खंधेज्जि य णं च असासए सया समियं उवचिज्जइ य अवचिज्जइ य, पुव्वि भासा अभासा भासिज्जमाणी भासा २ भासासमयवीतिक्कंतं च णं भासिया भासा अभासा, जा सा पुव्वि भासा अभासा भासिज्जमाणी भासा २ भासासमयवीतिक्कंतं च णं भासिया भासा अभासा सा किं भासओ भासा अभासओ भासा ?,

भासओ णं भासा नो खलु सा अभासओ भासा, पुर्व्वि किरिया अदुक्खा जहा भासा तहा भाणियव्वा, किरियाऽवि जाव करणओ णं सा दुक्खा नो खलु सा अकरणओ दुक्खा, सेवं वत्तव्वं सिया किच्च दुक्खं फुसं कजमाणकडं दुक्खं कट्ठ २ पाणभूयजीवसत्ता वेदणं वेदेतीति वत्तव्वं सिया । ८१ । अण्णउत्थिया णं भंते ! एवमाइक्खंति जाव एवं खलु एगे जीवे एगेणं समएणं दो किरियाओ, पकरेति, तं० - ईरियावहियं च संपराइयं च, ( जंसमयं ईरियावहियं पकरेइ तंसमयं संपराइयं पकरेइ, जंसमयं संपराइयं पकरेइ तंसमयं ईरियावहियं पकरेइ, ईरियावहियाए पकरणताए संपराइयं पकरेइ संपराइयपकरणयाए ईरियावहियं पकरेइ, एवं खलु एगे जीवे एगेणं समएणं दो किरियाओ पकरेति, तं० - ईरियावहियं च संपराइयं च, से कहमेयं भंते ! एवं ?, गोयमा ! जं णं ते अण्णउत्थिया एवमाइक्खंति तं चेव जाव जे ते एवमाहंसु भिच्छा ते एवमाहंसु, अहं पुण गोयमा ! एवमाइक्खाभि एवं खलु एगे जीवे एगेणं समएणं एक्कं किरियं पकरेइ ) परउत्थियवत्तव्वं णेयव्वं, ससमयवत्तव्वयाए नेयव्वं जाव ईरियावहियं संपराइयं वा । ८२ । निरयगई णं भंते ! केवतियं कालं विरहिया उववाएणं पं० ?, गोयमा ! जहन्नेणं एक्कं समयं उक्कोसेणं बारस मुहुत्ता, एवं वक्कंतीपयं भाणियव्वं निरवसेसं, सेवं भंते ! सेवं भंते ! त्ति जाव विहरइ । ८३ ॥ ३. १० इति प्रथमं शतकं ॥

ऊसासखंदएऽवि य १ समुग्घाय २ पुढविं ३ दिय ४ अत्रउत्थिभासा ५ य । देवा य ६ चमरचंचा ७ समय ८ खित्त ९ त्थिकाय १० बीयसए ॥ ११ ॥ तेणं कालेणं तेणं समएणं रायगिहे नामं नगरे होत्था, वण्णओ, साभी समोसढे परिसा निग्गया धम्मो कहिओ

પડિગયા પરિસા, તેણં કાલેણં જેઢે અંતેવાસી જાવ પજુવાસમાળે એવં વયાસી જે ઇમે ભંતે ! બેઈંદિયા તેઈંદિયા ચઝરિંદિયા પંચેંદિયા  
 જીવા એણસિં ણં આણામં વા પાણામં વા ડસસાસં વા નીસાસં વા જાણામો પાસામો જે ઇમે પુઢવિક્કાઈયા જાવ વણસસઙ્કાઈયા એગિંદિયા  
 જીવા એણસિં ણં આણામં વા પાણામં વા ડસસાસં વા નિસસાસં વા ણ યાણામો ણ પાસામો, એ ણં ભંતે ! જીવા આણમંતિ વા પાણમંતિ  
 વા ડસસંતિ વા નીસસંતિ વા ?, હંતા ગોયમા ! એણવિ ય ણં જીવા આણમંતિ વા પાણમંતિ વા ડસસંતિ વા નીસસંતિ વા । ૮૪ । કિણ્ણં  
 ભંતે ! જીવા આણં પાં ૩ં નીં ?, ગોયમા ! દવ્વઓ ણં અણંતપણસિયાઈં યેત્તઓ ણં અસંખપણસોગાઢાઈં કાલઓ અનયરઢિત્તીયાઈં  
 ભાવઓ વણ્ણમંતાઈં ગંધમંતાઈં રસમંતાઈં ફાસમંતાઈં આણમંતિ વા પાણમંતિ વા ડસસંતિ વા નીસસંતિ વા, જાઈં ભાવઓ વન્નમંતાઈં  
 આણં પાણં ડસં નીસં તાઈં કિં એગવણ્ણાઈં આણમંતિ પાણમંતિ ડસં નીસં?, આહારગમો નેયવ્વો જાવ તિચપંચદિસિ, કિણ્ણં  
 ભંતે ! નેરઢયા આં પાં ૩ં નીં તં ચેવ જાવ નિયમા છઢિંસિ આં પાં ૩ં નીં, જીવા એગિંદિયા વાધાયા ય નિવ્વાધાયા ય ભાણિયવ્વા  
 સેસા નિયમા છઢિંસિ, વાઝયાએ ણં ભંતે ! વાઝયાએ ચેવ આણમંતિ વા પાણમંતિ વા ડસસંતિ વા નિસસંતિ વા? હંતા ગોયમા! વાઝયાએ ણં  
 જાવ નિસસંતિ વા । ૮૫ । વાઝયાએ ણં ભંતે ! વાઝયાએ ચેવ અણેગસયસહસસખુત્તો ડઢાઈત્તા ૨ તથેવ ભુજો ભુજો પચ્ચાયાતિ ય, હંતા  
 ગોયમા! જાવ પચ્ચાયાતિ, સે ભંતે ! કિં પુઢે ડઢાત અપુઢે ડઢાતિ ?, ગોયમા ! પુઢે ડઢાઈ નો અપુઢે ડઢાઈ, સે ભંતે! કિં સસરીરી નિવ્વખમ્મઙ્ક  
 અસરીરી નિવ્વખમ્મઙ્ક?, ગોયમા! સિય સસરીરી નિવ્વખમ્મઙ્ક સિય અસરીરી નિવ્વખમ્મઙ્ક, સે કેણઢેણં ભંતે ! એવં વુચ્ચઈ સિય સસરીરી નિવ્વખમ્મઙ્ક

सिय असरीरी निक्खमइ?, गोयमा ! वाउयायस्स णं चत्तारि सरीरया पं०तं० - ओरालिए वेउव्विए तेयए कम्माए, ओरालियवेउव्वियाइं विप्पजहाय तेयकम्माएहिं निक्खमति, से तेणट्ठेणं गोयमा! एवं वुच्चइसिय ससरीरी सिय असरीरी निक्खमइ १८६ १ मंडाई णं भंते ! नियंठे नो निरुद्धभ( प्र० ब्दास )वे नो निरुद्धभ( प्र०ब्दास )वपवंचे णो पहीणसंसारे णो पहीणसंसारवेयणिजे णो वोच्छिण्णसंसारे णो वोच्छिण्णसंसारवेयणिजे नो निट्ठियट्ठे नो निट्ठियट्ठकरणिजे पुणरवि इत्थत्तं हव्वमागच्छति?, हंता गोयमा ! मंडाई णं नियंठे जाव पुणरवि इत्थत्तं हव्वमागच्छइ १८७ १ से णं भंते ! किं वत्तव्वं सिया ?, गोयमा! पाणेति वत्तव्वं सिया भूतेति वत्तव्वं सिया जीवेति वत्तव्वं, सत्तेति वत्तव्वं, विन्नूति वत्तव्वं, वेदेति वत्तव्वं सिया पाणे भूए जीवे सत्ते विन्नू वेएति वत्तव्वं सिया, से केणट्ठेणं भंते ! पाणेति वत्तव्वं सिया जाव वे( प्र० चे )देति वत्तव्वं सिया ?, गोयमा ! जम्हा आ० पा० उ० नी० तम्हा पाणेति वत्तव्वं सिया, जम्हा भूते भवति भविस्सति य तम्हा भूएति वत्तव्वं सिया, जम्हा जीवे जीवइ जीवत्तं आउयं च कम्मं उवजीवइ तम्हा जीवेति वत्तव्वं सिया, जम्हा सत्ते सुहासुहेहिं कम्मेहिं तम्हा सत्तेति वत्तव्वं सिया, जम्हा तित्तकडुयकसायअंबिलभहुरे रसे जाणेइ तम्हा विन्नूति वत्तव्वं सिया, वेदेइ य सुहदुक्खं तम्हा वेदेति वत्तव्वं सिया, से तेणट्ठेणं जाव पाणेति वत्तव्वं सिया जाव वेदेति वत्तव्वं सिया १८८ १ मंडाई णं भंते ! नियंठे निरुद्धभवे निरुद्धभवपवंचे जाव निट्ठियट्ठकरणिजे णो पुणरवि इत्थत्तं हव्वमागच्छति ?, हंता गोयमा! मंडाई णं नियंठे जाव नो पुणरवि इत्थत्थं( तं या० ) हव्वमागच्छति, से णं भंते ! किं वत्तव्वं सिया ?, गोयमा ! सिद्धेति वत्तव्वं सिया बुद्धेति वत्तव्वं सिया



मुत्तेति वत्तव्वं, पारगएति व० पंरपरगएति व० सिद्धे बुद्धे मुत्ते परिनिव्वुडे अंतकडे सव्वदुक्खप्पहीणेति वत्तव्वं सिया, सेव भंते ! सेवं भंते ! त्ति भगवं गोयमे समणं भगवं महावीरं वंदइ नमंसइ ता संजमेणं तवसा अप्पाणं भावेमाणे विहरति । ८९ । तेणं कालेणं तेणं समएणं समणे भगवं महावीरे रायगिहाओ नगराओ गुणसिलाओ चेइयाओ पडिनिक्खमइ ता बहिया जणवयविहारं विहरइ. तेणं कालेणं तेणं समएणं कयंगलानामं नगरी होत्था, वण्णओ, तीसे णं कयंगलाए नगरीए बहिया उत्तरपुरच्छिमे दिसीभाए छत्तपलासए नामं चेइए, होत्था, वण्णओ, तए णं समणे भगवं महावीरे उप्पण्णनाणदंसणधरे जाव समोसरणं परिसा निग्गच्छति, तीसे णं कयंगलाए नगरीए अदूरसामंते सावत्थी नामं नयरी होत्था, वण्णओ, तत्थ णं सावत्थीए नयरीए गह्मभालिस्स अंतेवासी खंदए नामं कच्चायणस्सगोत्ते परिव्वायगे परिवसइ रिउव्वेदजजुव्वेदसामवेदअहव्वणवेदइतिहासपंचमाणं निग्घंदुछट्ठाणं चउण्हं वेदाणं संगोवंगाणं सरहस्साणं सारए वारए ( धारए + ) पारए सडंगवी सड्डितंतविसारए संखाणे सिक्खाकप्पे वागरणे छंदे निरुत्ते जोतिसामयणे अत्रेसु य बहूसु बंभण्णएसु परिव्वायएसु य नयेसु सुपरिनिट्ठिए यावि होत्था, तत्थ णं सावत्थीए नयरीए पिंगलए नामं नियंठे वेसालियसावए परिवसइ, तए णं से पिंगलए णामं णियंठे वेसालियसावए अण्णया कयाई जेणेव खंदए कच्चायणस्सगोत्ते तेणेव उवागच्छइ ता खंदगं कच्चायणस्सगोत्तं इणमक्खेवं पुच्छे मागहा ! किं सअंते लोए अणंते लोए सअंते जीवे अणंते जीवे ? सअंता सिद्धी अणंता सिद्धी ? सअंते सिद्धे अणंते सिद्धे ? केण वा मरणेणं मरमाणे जीवे वइढति वा हायति वा ?, एतावं ताव आयक्खाहि वुच्चमाण्णा एवं,

॥ श्रीभगवती सूत्रं ॥

५२

पू. सागरजी म. संशोधित

तए णं खंदए कच्चा० गोत्ते पिंगलएणं णियंठेणं वेसालीसावएणं इणमक्खेवं पुच्छिए समाणे संकिए कंखिए वित्तिगिच्छिए भेदसमावन्ने कलुससमावन्ने णो संचाएइ पिंगलयस्स नियंठस्स वेसालियसावयस्स किंचिविप्पमोक्खमक्खाइउं, तुसिणीए संचिद्धइ, तए णं से पिंगले नियंठे वेसालीसावए खंदयं कच्चायणस्सगोत्तं दोच्चंपि तच्चंपि इणमक्खेवं पुच्छे मागहा ! किं सअंते लोए जाव केण वा मरणेणं मरमाणे जीवे वड्ढइ वा हायति वा ?, एताव ताव आइक्खाहि वुच्चमाणे एवं, तते णं से खंदए कच्चा० गोत्ते पिंगलएणं नियंठेणं वेसालीसावएणं दोच्चंपि तच्चंपि इणमक्खेवं पुच्छिए समाणे संकिए कंखिए वित्तिगिच्छिए भेदसमावण्णे० नो संचाएइ पिंगलयस्स नियंठस्स वेसालियसावयस्स किंचिवि पमोक्खमक्खाउं तुसिणीए संचिद्धइ, तए णं सावत्थीए नयरीए सिंघाडग जाव महापहेसु महया जणसंपहेइ वा जणवूहेइ वा परिसा निगच्छइ, तए णं तस्स खंदयस्स कच्चायणस्सगोत्तस्स बहुजणस्स अंतिए एयमट्ठं सोच्या निसम्भ इमेयारूवे अब्भत्थिए चित्तिए पत्थिए मणोगए संकप्पे समुप्पज्जित्था एवं खलु समणे भगवं महावीरे कयंगलाए नयरीए बहिया छत्तपलासए चेइए संजमेणं तवसा अप्पाणं भावेमाणे विहरइ, तं गच्छामि णं समणं भगवं महावीरं वंदामि नमंसांमि, सेयं खलु मे समणं भगवं महावीरं वंदित्ता णमंसित्ता सक्कारेत्ता संभाणित्ता कल्लाणं मंगलं देवयं चेइयं पज्जुवासित्ता इमाइं च णं एयारूवाइं अट्ठाइं हेऊइं पसिणाइं कारणाइं वागरणाइं पुच्छित्तए त्तिकट्ठु एवं संपहेइ ता जेणेव परिव्वायावसहे तेणेव उवागच्छइ ता तिवंडं च कुंडियं च कंचणियं च करोडियं च भिसियं च केसरियं च छन्नालयं च अंकुसयं च पवित्तयं च गणेत्तियं च छत्तयं च वाहणाओ य पाउयाओ

॥ श्रीभगवती सूत्र ॥

५३

पू. सागरजी य. संशोधित

य धाउरत्ताओ य गेणहइ ता परिव्वायावसहीओ पडिनिक्खमइ ता तिदंडकुंडियकंचणियकरोडियभिसियकेसरियछत्रालयअंकुसय-  
 पवित्तयगणेत्तियहत्थगए छत्तोवाहणसंजुत्ते धाउरत्तवत्थपरिहिए सावत्थीए नगरीए मज्झमज्झेणं निग्गच्छइ ता जेणेव कयंगला नगरी  
 जेणेव छत्तपलासए चेइए जेणेव समणे भगवं महावीरे तेणेव पहारेत्थ गमणाए, गोयमाइ समणे भगवं महावीरे भगवं गोयमं एवं  
 वयासी दच्छिसि णं गोयमा ! पुव्वसंगितियं, कहं भंते !?, खंदयं नाम, से काहं वा किहं वा केवच्चिरेण वा?, एवं खलु गोयमा ! तेणं  
 कालेणं० सावत्थीनामं नगरी होत्था, वन्नओ, तत्थ णं सावत्थीए नगरीए गद्दभालिस्स अंतेवासी खंदए णामं कच्चायणस्सगोत्ते परिव्वायए  
 परिवसइ तं चेव जाव जेणेव ममं अंतिए तेणेव पहारेत्थ गमणाए, से तं अदूरागते बहुसंपत्ते अब्बाणपडिवण्णे अंतरापहे वट्टइ अज्जेव  
 णं दच्छिसि गोयमा !, भंतेत्ति भगवं गोयमे समणं भगवं० वंदइ नमंसइ ता एवं वदासी पहू णं भंते! खंदए कच्चायणस्सगोत्ते  
 देवाणुप्पियाणं अंतिए मुंडे भवित्ता अगाराओ अणगारियं पव्वइत्तए ?, हंता पभू, जावं च णं समणे भगवं महावीरे भगवओ गोयमस्स  
 एयमट्ठं परिकहेइ तावं च णं से खंदए कच्चायणस्सगोत्ते तं देसं हव्वमागते, तए णं भगवं गोयमे खंदयं कच्चायणस्सगोत्तं अदूरआगयं  
 जाणित्ता खिप्पामेव अब्भट्ठेति खिप्पामेव पच्चुवगच्छइ ता जेणेव खंदए कच्चायणस्सगोत्ते तेणेव उवागच्छइ ता खंदयं कच्चायणस्सगोत्तं  
 एवं वयासी० हे खंदया ! सागयं खंदया ! सुसागयं खंदया ! अणुरागयं खंदया ! सागयसुसागयमणुरागयं खंदया ! से नूणं तुमं खंदया !  
 सावत्थीए नयरीएपिंगलएणं नियंठेणं वेसालियसावएणं इणमक्खेवं पुच्छिए मागहा ! किं सअंते लोगे अणंते लोगे ? एवं तं चेव

જેળેવ ઇહં તેળેવ હવ્વમાગે, સે નૂળં ખંદયા ! અત્થે સમત્થે?, હંતા અત્થિ, તણે ણં સે ખંદણે કચ્ચાં ભગવં ગોયમં એવં વયાસી સે  
 કેળદ્દેણં ગોયમા ! તહારૂવે નાળી વા તવસ્સી વા જેણં તવ એસ અદ્દે મમ તાવ રહસ્સકડે હવ્વમક્ક્યાણે ? જઓ ણં તુમં જાણસિ, તણે ણં  
 સે ભગવં ગોયમે ખંદયં કચ્ચાયણસ્સગોત્તં એવં વયાસી એવં ખંદયા ! મમ ધમ્માયરિણે ધમ્મોવેસણે સમણે ભગવં મહાવીરે ઉપ્પણ્ણાણાણં સમણથે  
 અરહા જિણે કેવલી તીયપચ્ચુપ્પત્રમણાગયવિયાણાણે સવ્વત્થુ સવ્વદરિસી જેણં મમં એસ અદ્દે તવ તાવ રહસ્સકડે હવ્વમક્ક્યાણે જઓ ણં  
 અહં જાણામિ ખંદયા !, તણે ણં સે ખંદણે કચ્ચાયણસ્સગોત્તે ભગવં ગોયમં એવં વયાસી ગચ્છામો ણં ગોયમા ! તવ ધમ્માયરિયં ધમ્મોવદેસયમ  
 સમણં ભગવં મહાવીરં વંદામો ણમંસામો જાવ પજ્જુવાસામો, અહાસુહં દેવાણુપ્પિયા ! મા પડિબંધં, તણે ણં સે ભગવં ગોયમે ખંદણં  
 કચ્ચાયણસ્સગોત્તેણં સંહિ જેળેવ સમણે ભગવં મહાવીરે તેળેવ પહારેત્થ ગમણયાણે, તેણં કાલેણં સમણે ભગવં મહાવીરે વિયડ્ઢમ્મોત્તી  
 યાવિ હોત્થા, તણે ણં સમણસ્સ ભગવઓ મહાવીરસ્સ વિયટ્ઢમ્મોગિયસ્સ સરીરં ઓરાલં સિંગારં કલ્લાણં સિવં ધણં મંગલં સસ્સિરીયં  
 અણાલંકિયવિભૂસિયં લક્કણવંજણગુણોવવેયં સિરીણે અતીવ ૨ ઉવસોમ્મણં ચિટ્ઢિ, તણે ણં સે ખંદણે કચ્ચાયણસ્સગોત્તે સમણસ્સ  
 ભગવઓ મહાવીરસ્સ વિયટ્ઢમ્મોગિયસ્સ સરીરં ઓરાલં જાવ અતીવ ૨ ઉવસોમ્મણં પાસઙ્ગ ત્તુ હટ્ઠતુટ્ઠચિત્તમાણંદિણે પીઙ્ગમણે પરમસોમણસ્સિણે  
 હરિસવસવિસપ્પમાણહિયણે જેળેવ સમણે ભગવં મહાવીરે તેળેવ ઉવાગચ્છઙ્ગ ત્તુ સમણં ભગવં મહાવીરં તિલ્લિખુત્તો આયાહિણપ્પયાહિણં  
 કરેઙ્ગ જાવ પજ્જુવાસાઙ્ગ, ખંદયાતિ સમણે ભગવં મહાવીરે ખંદયં કચ્ચાયં એવં વયાસી સે નૂળં તુમં ખંદયા ! સાવત્થીણે નયરીણે

पिंगलएणं णियंठेणं वेसालियसावएणं इणमक्खेवं पुच्छिए मागहा ! किं सअंते लोए अणंते लोए ?, एवं तं जेणेव मम अंतिए तेणेव हव्वमागए, से नूणं खंदया ! अयमट्ठे समट्ठे ?, हंता अत्थि, जेऽविय ते खंदया ! अयमेयारूवे अब्भत्थिए चित्तिए पत्थिए मणोगए संकप्पे समुप्पज्जित्था किं सअंते लोए अणंते लोए ? तस्सविय णं अयमट्ठे एवं खलु मए खंदया ! चउच्चिहे लोए पं०तं० - दव्वओ खेत्तओ कालओ भावओ, दव्वओ णं एगे लोए सअंते ? खेत्तओ णं लोए असंखेज्जाओ जोयणकोडाकोडीओ आयामविकखंभेणं असंखेज्जाओ जोयणकोडाकोडीओ परिकखेवेणं पं० अत्थि पुण सअंते, कालओ णं लोए ण कयावि न आसी न कयावि न भवति न कयावि न भविस्सति भविसु य भवति य भविस्सइ य धुवे णित्तिए सासते अक्खए अव्वए अवट्ठिए णिच्चे णत्थि पुण से अंते, भावओ णं लोए अणंता वण्णपज्जवा अणंता गंध० रस० फासपज्जवा अणंता संठाणपज्जवा अणंता गरुलहुयपज्जवा अणंता अगरुयलहुयपज्जवा नत्थि पुण से अंते, सेत्तं खंदगा ! दव्वओ लोए सअंते खेत्तओ लोए सअंते कालतो लोए अणंते भावओ लोए अणंते, जेऽवि य ते खंदया ! जाव सअंते जीवे अणंते जीवे ?, तस्सवि य णं अयमट्ठे एवं खलु जाव दव्वओ णं एगे जीवे सअंते, खेत्तओ णं जीवे असंखेज्जपएसिए असंखेज्जपदेसोगाढे अत्थि पुण से अंते, कालओ णं जीवे न कयावि न आसि जाव निच्चे नत्थि पुण से अंते, भावओ णं जीवे अणंता णाणपज्जवा अणंता दंसणप० अणंता चरित्तप० अणंता गुरुलहुय० अणंता अगुरुलहुयप० नत्थि पुण से अंते, सेत्तं दव्वओ जीवे सअंते खेत्तओ जीवे सअंते कालओ जीवे अणंते भावओ जीवे अणंते, जेऽवि य ते खंदया ! पुच्छा एयमेयारूवे चित्तिए

जाव सअंता सिद्धी अणंता सिद्धी ?, तस्सवि य णं अयमट्ठे ! माए चउव्विहा सिद्धी पं०तं० - दव्वओ ४, दव्वओ णं एगा सिद्धी संता, खेत्तओ णं सिद्धी पणयालीसं जोयणसयसहस्साइं आयामविक्खंभेणं एगा जोयणकोडी बायालीसं च जोयणसयसहस्साइं तीसं च जोयणसहस्साइं दोन्नि य अउणापन्नजोयणसए किंचिविसेसाहिए परिक्खेवेणं अत्थि पुण से अंते, कालओ णं सिद्धी न कयावि न आसि०, भावओ य जहा लोयस्स तहा भाणियव्वा, तत्थ दव्वओ सिद्धी सअंता खे० सिद्धी सअंता का० सिद्धी अणंता भावओ सिद्धी अणंता, जेऽवि य ते खंदया ! जाव किं अणंते सिद्धे तं चेव जाव दव्वओ णं एगे सिद्धे सअंते, खे० सिद्धे असंखेज्जपएसिए असंखेज्जपदेसोगाढे अत्थि पुण से अंते, कालओ णं सिद्धे सादीएअपज्जवसिए नत्थि पुण से अंते, भा० सिद्धे अणंता णाणपज्जवा अणंता दंसणपज्जवा जाव अणंता अगुरुलहुयप० नत्थि पुण से अंते, सेत्तं दव्वओ सिद्धे सअंते खेत्तओ सिद्धे सअंते का० सिद्धे अणंते भा० सिद्धे अणंते, जेऽवि य ते खंदया ! इमेयारूवे अब्भत्थिए चिंतिए जाव समुप्पज्जित्था केण वा मरणेणं मरमाणे जीवे वड्ढति वा हायति वा ?, तस्सवि य णं अयमट्ठे एवं खलुं खंदया ! माए दुविहे मरणे पं० तं० - बालमरणे य पंडियमरणे य. से किं तं बालमरणे?, २ दुवालसविहे पं०तं० - वलयमरणे वसट्ठमरणे अंतोसल्लमरणे तब्भवमरणे गिरिपडणे तरुपडणे जलप्पवेसे जलणप्प० विसभवक्खणे सत्थोवाडणे वेहाणसे गिद्धपट्ठे, इच्चेतेणं खंदया ! दुवालसविहेणं बालमरणे णं मरमाणे जीवे अणंतेहि नेरइयभवग्गहणेहिं अप्पाणं संजोएइ तिरियमणुदेव. अणाइयं च णं अणवदग्गं दीहमद्धं चाउरंतसंसारकंतारं अणुपरियट्ठइ, सेत्तं मरमाणे वड्ढइ, सेत्तं बालमरणे,

से किं तं पंडियमरणे ?, दुविहे पंतं० पाओवगमणे य भत्तपच्चक्खाणे य, से किं तं पाओवगमणे , २ दुविहे पंतं० - नीहारिमे य अनीहारिमे य, नियमा अप्पडिकम्मे, सेत्तं पाओवगमणे, से किं तं भत्तपच्चक्खाणे ?, २ दुविहे पंतं० - नीहारिमे य अनीहारिमे य, नियमा सपडिकम्मे, सेत्तं भत्तपच्चक्खाणे, इच्चेतेणं खंदया ! दुविहेणं पंडियमरणेणं मरमाणे जीवे अणंतेहिं नेरइयभवग्गहणेहिं अप्पाणं विसंजोएइ जाव वीईवयति, सेत्तं मरमाणे हायइ, सेत्तं पंडियमरणे, इच्चेएणं खंदया ! दुविहेणं मरणेणं मरमाणे जीवे वइठइ वा हायति वा । १० । एत्थ णं से खंदए कच्चायणस्सगोत्ते संबुद्धे समणं भगवं महावीरं वंदइ नमंसइ ता एवं वदासी इच्छामि णं भंते ! तुब्भं अंतिए केवलिपन्नत्तं धम्मं निसामेत्तए, अहासुहं देवाणुप्पिया ! मा पडिबंथं, तए णं समणे भगवं महावीरे खंदयस्स कच्चायणस्सगोत्तस्स तीसे य महत्तिमहालियाए परिसाए धम्मं परिकहेइ, धम्मकहा भाणियव्वा, तए णं से खंदए कच्चायणस्सगोत्ते समणस्स भगवओ महावीरस्स अंतिए धम्मं सोच्चा निसम्म हट्टतुट्टे जाव हियए उट्टाए उट्टेइ ता समणं भगवं महावीरं तिक्खुत्तो आयाहिणं पयाहिणं करेइ ता एवं वदासी सहहामि णं भंते ! निगंथं पावयणं, पत्तियामि णं भंते ! निगंथं पावयणं, रोएमि णं भंते ! निगंथं पावयणं, अब्भुट्टेमि णं भंते ! निगंथं पा०, एवमेयं भंते ! तहमेयं भंते ! अवितहमेयं भंते ! असंदिद्धमेयं भंते ! इच्छियमेयं भंते ! पडिच्छियमेयं भंते ! इच्छियपडिच्छियमेयं भंते ! से जहेयं तुब्भे वदहत्तिकट्टु समणं भगवं महावीरं वंदति नमंसति ता उत्तरपुरिच्छं दिसीभायं अवक्कमइ ता तिदंडं च कुंडियं च जाव धाउरत्ताओ य एणंते एडेइ ता जेणेव समणे भगवं महावीरे तेणेव उवागच्छइ ता

સમણં ભગવં મહાવીરં તિવ્સુત્તો આયાહિણં પયાહિણં કરેઙ ત્તા જાવ નમંસિત્તા એવં વદાસી આલિત્તે ણં ધંતે ! લોએ પલિત્તે ણં ધંતે ! લોએ આલિત્તપલિત્તે ણં ધંતે ! લોએ જરાએ મરણેણ ય, સે જહાનામાએ કેઙ ગાહાવતી આગારંસિ ઝિયાયમાણંસિ જે સે તત્થ ધંડે ભવઙ અપ્પસારે મોહ્લગરૂએ તં ગહાય આયાએ એગંતમંતં અવક્કમઙ, ઇસ મે નિત્થારિએ સમાણે પચ્છા પુરા હિયાએ સુહાએ ખમાએ નિસેયસાએ આણુગામિયત્તાએ ભવિસ્સઙ, એવામેવ દેવાણુપ્પિયા ! મઙ્ગલિ આયા એગે ધંડે ઇટ્ઠે કંતે પિએ મણુત્તે મણામે થેજે વેસાસિએ સંમએ બહુમાએ અણુમાએ ધંડકરંડગસમાણે મા ણં સીયં મા ણં ઉપહં મા ણં ખુહા મા ણં પિવાસા મા ણં ચોરા મા ણં વાલા મા ણં દંસા મા ણં મસગા મા ણં વાઙયપિત્તિયસંભિયસંનિવાઙય-વિવિહા રોગાયંકા પરીસહોવસગ્ગા ફુસંતુત્તિકદટુ એસ મે નિત્થારિએ સમાણે પરત્તોયસ્સ હિયાએ સુહાએ ખમાએ નીસેયસાએ આણુગામિયત્તાએ ભવિસ્સઙ, તં ઇચ્છામિ ણં દેવાણુપ્પિયા ! સયમેવ પવ્વાવિયં સયમેવ મુંડાવિયં સયમેવ સેહાવિયં સયમેવ સિવ્વિયાવિયં સયમેવ આચારગોથરં વિણાયવેણઙયચરણકરણજાયામાયાવત્તિયં ધમ્મમાઙ્ગિક્કિચ્ચં, તએ ણં સમણે ભગવં મહાવીરે ચંદયં કચ્ચાયણસ્સગોત્તં સયમેવ પવ્વાવેઙ જાવ ધમ્મમાતિક્કિચ્ચં, એવં દેવાણુપ્પિયા ! ગંતવ્વં એવં ચિટ્ઠિયવ્વં એવં નિસીતિયવ્વં એવં તુયટ્ઠિયવ્વં એવં ભુંજિયવ્વં એવં ભાસિયવ્વં એવં ઉટ્ઠાએ પાણેહિં મૂએહિં જીવેહિં સત્તેહિં સંજમેણં સંજમિયવ્વં, અસ્સિ ચ ણં અટ્ઠે ણો કિંચિવિ પમાઙયવ્વં, તએ ણં સે ચંદએ કચ્ચાયણસ્સગોત્તે સમણસ્સ ભગવઓ મહાવીરસ્સ ઇમં એયારૂવં ધમ્મિયં ઉવએસં સમ્મં સંપડિવજ્જતિ તમાણાએ તહ ગચ્છઙ તહ ચિટ્ઠઙ તહ નિસીયતિ તહ તુયટ્ઠઙ તહ ભુંજઙ તહ ભાસઙ તહ ઉટ્ઠાય ૨ પાણેહિં મૂએહિં જીવેહિં સત્તેહિં સંજમેતિ, અસ્સિ ચ ણં અટ્ઠે ણો પમાયઙ, તએ ણં સે ચંદએ



कच्चाय० अणगारे जाते ईरियासमिए भासासमिए एसणासमिए आयाणभंडमत्तनिक्खेवणासमिए उच्चारपासवणखेलसिंघाण-  
जल्लपारिद्धावणिथासमिए मणसमिए वयसमिए कायसमिए मणगुत्ते वडगुत्ते कायगुत्ते गुत्ते गुत्तिंदिए गुत्तवंभयारी चाई लज्जू धण्णे  
खंतिखे जिइंदिए सोहिए अणियाणे अप्पुस्सुए अब्हिल्लेसे सुसामण्णए दंते इणमेव णिग्गंथं पावयणं पुरओ काउं विहरइ । ९१ । तए  
णं समणे भगवं महावीरे कयंगलाओ नयरीओ छत्तपलासयाओ चेइयाओ पडिनिक्खमइ ता बहिया जणवयविहारं विहरति, तए णं से  
खंदए अणगारे समणस्स भगवओ महावीरस्स तहारूवाणं थेराणं अंतिए सामाइयमाइयाइं एक्कारस अंगाइं अहिज्जइ, जेणेव समणे  
भगवं महावीरे तेणेव उवागच्छइ ता समणं भगवं महावीरं वंदइ नमंसइ ता एवं वयासी इच्छामि णं भंते ! तुब्भेहिं अब्भणुण्णाए समाणे  
मासियं भिक्खुपडिमं उवसंपज्जित्ताणं विहरित्तए, अहासुहं देवाणुप्पिया ! मा पडिबंधं०, तए णं से खंदए अणगारे समणेणं भगवया  
महावीरिणं अब्भणुण्णाए समाणे हट्ठे जाव नमंसित्ता मासियं भिक्खुपडिमं उवसंपज्जित्ताणं विहरइ, तए णं से खंदए अणगारे मासियं  
भिक्खुपडिमं अहासुत्तं अहाकप्पं अहाभगं अहातच्चं अहासम्मं काएणं फासेति पालेति सोभेति तीरेति पूरेति किट्ठेति अणुपालेइ  
आणाए आराहेइ संमं काएणं फासित्ता जाव आराहेत्ता जेणेव समणे भगवं महावीरे तेणेव उवागच्छइ ता समणं भगवं जाव नमंसित्ता  
एवं वयासी इच्छामि णं भंते ! तुब्भेहिं अब्भणुण्णाए समाणे दोमासियं भिक्खुपडिमं उवसंपज्जित्ताणं विहरित्तए, अहासुहं देवाणुप्पिया !  
मा पडिबंधं०, तं चेव, एवं तेमासियं चाउम्मासियं पंच० छ० सत्तमासियं०, पढमं सत्तराइंदियं दोच्चं सत्तराइंदियं तच्चं सत्तरातिंदियं

अहोरातिंदियं एगराडं, तए णं से खंदए अणगारे एगराडयं भिक्खुपडिमं अहासुत्तं जाव आराहेत्ता जेणेव समणे० तेणेव उवागच्छति ता समणं भगवं म० जाव नभंसित्ता एवं वदासी इच्छामि णं भंते ! तुब्भेहिं अब्भणुण्णाए समाणे गुणरयणसंवच्छरं तवोकम्भं उवसंपज्जित्ताणं विहरित्तए, अहासुहं देवाणुप्पिया! मा पडिबंधं०, तए णं से खंदए अणगारे समणेणं भगवया महावीरेणं अब्भणुण्णाए समाणे जाव नभंसित्ता गुणरयणसंवच्छरं तवोकम्भं उवसंपज्जित्ताणं विहरति, तं० - पढमं मासं चउत्थं चउत्थेणं अनिक्खित्तेणं तवोकम्भेणं दिया ठाणुक्कुडुए सूराभिमुहे आयावणभूमीए आयावेमाणे रत्तिं वीरासणेणं अवाउडेण य, दोच्चं मासं छट्ठं छट्ठेणं तच्चं मासं अट्ठमं अट्ठमेणं चउत्थं मासं दसमं दसमेणं पंचमं मासं बारसमबारसमेणं छट्ठं मासं चोदसमचोदसमेणं सत्तमं मासं सोलसम० अट्ठमं मासं अट्ठारसम० नवमं मासं वीसतिम० दसमं मासं बावीसइम० एक्कारसमं मासं चउव्वीसतिम० बारसमं मासं छव्वीसतिम० तेरसमं मासं अट्ठावीसतिम० चोदसमं मासं तीसइम० पन्नरसमं मासं बत्तीसतिम० सोलसमं मासं चोत्तीसइमचोत्तीसइमेणं अनिक्खित्तेणं तवोकम्भेणं दिया ठाणुक्कुडुए सूराभिमुहे आयावणभूमीए आयावेमाणे रत्तिं वीरासणेणं अवाउडेणं, तए णं से खंदए अणगारे गुणरयणसंवच्छरं तवोकम्भं अहासुत्तं अहाकप्पं जाव आराहेत्ता जेणेव समणे भगवं महावीरे तेणेव उवागच्छइ ता समणं भगवं महावीरं वंदइ नभंसइ ता बहूहिं चउत्थच्छट्ठमदसमदुवालसेहिं मासद्धमासखमणेहिं विचित्तेहिं तवोकम्भेहिं अप्पाणं भावेमाणे विहरति, तए णं से खंदए अणगारे तेणं ओरालेणं विउत्तेणं पयत्तेणं पग्गहिएणं कल्लाणेणं सिवेणं धन्नेणं मंगल्लेणं सरिस्सरीएणं उदग्गेणं उदत्तेणं उत्तमेणं उदारेणं महाणुभागेणं

तवोकम्पेणं सुक्के लुक्खे निम्भंसे अट्टिचम्मावणद्धे किडिकिडियाभूए किसे धम्मणिसंतए जाते यावि होत्था, जीवंचीवेण गच्छइ जीवंचीवेण चिद्धइ भासं भासित्तावि गिलाइ भासं भासमाणे गिलाति भासं भासिस्सामीति गिलायति, से जहा नामए कट्टसगडियाइ वा पत्तसगडियाइ वा ( पत्त )तिलभंड( कट्ट पा० )गसगडियाइ वा एरंडकट्टसगडियाइ वा इंगालसगडियाइ वा उण्हे दिण्णा सुक्का समाणी ससदं गच्छइ ससदं चिद्धइ एवामेव खंदएऽवि अणगारे ससदं गच्छइ ससदं चिद्धइ उवचिते तवेणं अवचिए मंससोणिणं हुयासणेविव भासरासिपडिच्छत्रे तवेणं तेणं तवतेयसिरीए अतीव २ उवसोभमाणे २ चिद्धइ । १२ । तेणं कालेणं० रायगिहे नगरे जाव समोसरणं जाव परिसा पडिगया, तए णं तस्स कंदयस्स अण० अण्णया कयाइ पुव्वरत्तावरत्तकालसमयंसि धम्मजागरियं जागरमाणस्स इमेयारूवे अब्भत्थिए चित्थिए जाव समुप्पज्जित्था एवं खलु अहं इमेणं एयारूवेणं जाव किसे धम्मणिसंतए जाते जीवंचीवेणं गच्छामि जीवंचीवेणं चिद्धामि जाव गिलामि जाव एवामेव अहंपि ससदं गच्छामि ससदं चिद्धामि तं अत्थि ता मे उट्ठाणे कम्मे बले वीरिए पुरिसक्कारपरक्कमे, तं जाव ता मे अत्थि उट्ठाणे कम्मे बले वीरिए पुरिसक्कारपरक्कमे जाव य मे धम्मायरिए धम्भोवदेसए समणे भगवं महावीरे जिणे सुहत्थी विहरइ ताव ता मे सेयं कल्लं पाउप्पभायाए रयणीए फुल्लुप्पलकमलकोमलुम्मिलियंमि अहा पंडुरे पभाए रत्तासोयप्पकासकिंसुयसुय-मुहगुंजद्धरागसरिसे कमलागरसंडबोहए उट्ठियंमि सूरु सहेस्सरस्सिमि दिणायरे तेयसा जलंते समणं भगवं महावीरं वंदित्ता जाव पज्जुवासित्ता समणेणं भगवया महावीरेणं अब्भणुण्णाए समा णे सयमेव पंच महव्वयाणि आरोवेत्ता समणा य समणीओ य खामेत्ता तहारूवेहिं

थेरेहिं कडाईहिं सद्धि विपुलं पव्वयं सणियं २ दुरूहिता मेघघणसन्निगासं देवसन्निवातं पुढवीसिलावट्ठयं पडिलेहिता दब्भसंथारयं  
 संथरिता दब्भसंथारोवगयस्स संलेहणाजोसणाजूसियस्स भत्तपाणपडियाइक्खियस्स पाओवगयस्स कालं अणवकंखमाणस्स  
 विहरित्तएत्तिकदट्ठु एवं संपेहेइ ता कल्लं पाउप्पभायाए रयणीए जाव जलंते जेणेव समणे भग० जाव पज्जुवासति, खंदयाइ समणे  
 भगवं महावीरे खंदयं अणगारं एवं वयासी से नूणं तव खंदया ! पुव्वरत्तावरत्तकालस० जाव जागरमाणस्स इमेयारूवे अब्भन्थिए जाव  
 समुप्पज्जित्था एवं खलु अहं इमेणं एयारूवेणं तवेणं ओरालेणं विपुलेणं तं चेव जाव कालं अणवकंखमाणस्स विहरित्तएत्तिकदट्ठु एवं  
 संपेहेसि ता कल्लं पाउप्पभायाए जाव जलंते जेणेव मम अंतिए तेणेव हव्वमागए, से नूणं खंदया ! अट्ठे समट्ठे ?, हंता अत्थि, अहासुहं  
 देवाणुप्पिया ! मा पडिबंध्यं ० १९३ । तए णं से खंदए अणगारे समणेणं भगवया महावीरेणं अब्भणुण्णाए समाणे हट्ठुत्तु जाव हयहियए  
 उट्ठाए उट्ठेइ ता समणं भगवं महा० तिक्खुत्तो आयाहिणं पयाहिणं करेइ ता जाव नमंसित्ता सयमेव पंच महव्वयाइं आरूहेइ ता समणे  
 य समणीओ य खामेइ ता तहारूवेहिं थेरेहिं कडाईहिं सद्धि विपुलं पव्वयं सणियं २ दुरूहेइ मेघघणसन्निगासं देवसन्निवातं पुढवीसिलावट्ठयं  
 पडिलेहेइ ता उच्चारपासवणभूमिं पडिलेहेइ ता दब्भसंथारयं संथरइ ता पुरत्थाभिमुहे संपलियंकनिसत्ते करयलपरिगहियं दसनहं  
 सिरसावत्तं मत्थए अंजलिं कदट्ठु एवं वदासी नमोज्ज्थु णं अरहंताणं भगवंताणं जाव संपत्ताणं, नमोज्ज्थु णं समणस्स भगवओ म०  
 जाव संपाविउकामस्स, वंदामि णं भगवंतं तत्थ गयं इह गते, पासउ मे भयवं तत्थ गए इह गयंतिकदट्ठु वंदइ नमसतिता एवं वदासी

॥ श्रीभगवती सूत्रं ॥

६३

पू. सागरजी म. संशोधित

पुर्व्विपि णं मए समणस्स भगवओ महावीरस्स अंतिए सव्वे पाणाइवाए पच्चक्खाए जावज्जीवाए जाव मिच्छादंसणसल्ले पच्चक्खाए  
 जावजीवाए इयाणिंपि य णं समणस्स भ०म० अंतिए सव्वं पाणाइवायं पच्चक्खामि जावज्जीवाए जाव मिच्छादंसणसल्लं पच्चक्खामि,  
 एवं सव्वं असणं पाणं खा० सा० चउव्विहंपि आहारं पच्चक्खामि जावज्जीवाए, जंपि य इमं सरीरं इड्डं कंतं पियं जाव फुसंतुत्तिकदट्ट  
 एयंपि णं चरिमेहिं उस्सासनीसासेहिं वोसिरामित्तिकदट्ट संलेहणाजूसणाजूसिए भत्तपाणपडियाइक्खिए पाओवगए कालं अणवकंखमाणे  
 विहरति, तए णं से खंदए अण० समणस्स भ०म० तहारूवाणं थेराणं अंतिए सामाइयमादियाइं इक्कारस अंगाइं अहिजित्ता बहुपडिपुण्णाइं  
 दुवालस वासाइं सामन्नपरियागं पाउणित्ता मासियाए संलेहणाए अत्ताणं झूसित्ता सद्धिं भत्ताइं अणसणाए छेदेत्ता आलोइयपडिक्कंते  
 समाहिपत्ते आणुपुव्वीए कालगए । १४ । तए णं थेरा भगवंतो खंदयं अण० कालगयं जाणित्ता परिनिव्वाणवत्तियं काउस्सगं करेति  
 त्ता पत्तचीवराणि गिण्हंति त्ता विपुलाओ पव्वयाओ सणियं २ पच्च्योरुहंति त्ता जेणेव समणे भगवं म० तेणेवउवा० समणं भगवं म०  
 वंदंति नमंसंति त्ता एवं वदासी एवं खलु देवाणुप्पियाणं अंतेवासी खंदए नामं अणगारे पगइभइए पगतिविणीए पगतिउवसंते  
 पगतिपयणुकोहमाणमायालोभे मिउमद्वसंपन्ने अल्लीणे भइए विणीए, से णं देवाणुप्पिएहिं अब्भणुण्णाए समाणे सयमेव पंच महव्वयाणि  
 आरोवित्ता समणे य समणीओ य खामेत्ता अभ्हेहिं सद्धिं विपुलं पव्वयं तं चेव निरवसेसं जाव आणुपुव्वीए कालगए इमे य से  
 आचारमंडए, भंते! त्ति भगवं गोयमे समणं भगवं म० वंदंति नमंसंति त्ता एवं वयासी एवं खलु देवाणुप्पियाणं अंतेवासी खंदए नामं

अण० कालमासे कालं किच्चा कहिं गए ?, कहिं उववण्णे ?, गोयमाइ समणे भगवं महा० भगवं गोयमं एवं वयासी एवं खलु गोयमा ! मम अंतेवासी खंदए नामं अणगारे पगतिभ० जाव से णं मए अब्भणुण्णाए समाणे सयमेव पंच महव्वयाइं आरुहेत्ता तं चेव सव्वं अविसेसियं नेयव्वं जाव आलोतियपडिक्कंते समाहिपत्ते कालमासे काल किच्चा अच्चुए कप्पे देवत्ताए उववण्णे, तत्थ णं अत्थेगइयाणं देवाणं बावीसं सागरोवमाइं तिती पं०, तस्स णं खंदयस्सवि देवस्स बावीसं सागरोवमाइं तिती पं०, से णं भंते ! खंदए देवे ताओ देवलोगाओ आउक्खएणं भवक्खएणं तितीख० अणंतरं चयं चइत्ता कहिं गच्छिहिति ? कहिं उववज्जिहिति ?, गोयमा ! महाविदेहे वासे सिज्झहिति० । १५ । खंदओ समत्तो ॥ १० २ ३० १ ॥

( प्र० वेयण कसाय मरणे वेउव्विय तेयए य आहारे । केवलिए चेव भवे जीव मणुस्साण सत्तेव ॥ १ ॥ ) कति णं भंते ! समुग्धाया पं० ?, गोयमा ! सत्त समुग्धाया पं०तं० - वेदणासमुग्धाए एवं समुग्धायपदं छाउमत्थियसमुग्धायवज्जं भाणियव्वं, जाव वेमाणियाणं कसायसमुग्धाया, अप्पाबहुयं, अणगारस्सणं भंते ! भावियप्पणो केवलिसमुग्धाय जाव सासयमणागयद्धं चिट्ठंति, समुग्धायपदं नेयव्वं । १६ । १० २ ३० २ ॥

कति णं भंते ! पुढवीओ पं. ?, जीवाभिगमे नेरइयाणं जो बितिओ उद्देसो सो नेयव्वो, 'पुढवी ओगाहत्ता निरया संठाणमेव बाहल्लं । विक्खंभपरिक्खेवो वण्णो गंधो य फासो य ॥ २० ॥ जाव किं सव्वे पाणा उववण्णपुव्वा ?, हंता गोयमा ! असतिं अदुवा

अणंतखुत्तो । १७ ॥ श० २ ३० ३ ॥

कति णं भंते ! इंदिया पं० ?, गो० पंचिंदिया पं०तं० - पढमिल्लो इंदियउहेसो नेयव्वो, संठाण बाहलं पोहत्तं जाव अलोगो । १८ ॥  
। १० २ ३० ४ ॥

अण्णउत्थिया णं भंते ! एवमाइक्खंति भासंति पन्नवेति परूवेति, तं० - एवं खलु नियंते कालगए समाणे देवभूएणं अप्पाणेणं से णं तत्थ णो अन्ने देवे नो अन्नेसिं देवाणं देवीओ अभिजुंजिय २ परियारेइ, णो अप्पणच्चियाओ देवीओ अभिजुंजिय २ परियारेइ, अप्पाणमेव अप्पणा विउव्विय २ परियारेइ, एगेऽवि य णं जीवे एगेणं समएणं दो वेदे वेदेइ, तं० - इत्थिवेदं च पुरिसवेदं च, एवं परउत्थियवत्तव्वया नेयव्वा जाव इत्थिवेदं च पुरिसवेदं च, से कहमेयं भंते ! एवं ? गोयमा ! जण्णं ते अन्नउत्थिया एवमाइक्खंति जाव इत्थिवेदं च, पुरिसवेदं च, जे ते एवमाहंसु मिच्छं ते एवमाहंसु, अहं पुण गोयमा ! एवमात्तिक्खामि भा० पं० परू० - एवं खलु नियंते कालगए समाणे अन्नयरेसु देवलोएसु देवत्ताए उववत्तारो भवन्ति महिड्ढिएसु जाव महाणुभागेसु दूरगतीसु चिरद्वितीएसु, से णं तत्थ देवे भवति महिड्ढिए जाव दसदिसाओ उज्जोएमाणे पभासेमाणे जाव पडिरूवे, से णं तत्थ अन्ने देवे अन्नेसिं देवाणं देवीओ अभिजुंजिय २ परियारेइ, अप्पाणमेव अप्पणा विउव्विय २ परियारेइ, एगेऽविय णं जीवे एगेणं समएणं एणं वेदं वेदेइ, तं० - इत्थिवेदं वा पुरिसवेदं वा, जं समयं इत्थिवेदं वेदेइ णो तंसमयं पुरुसवेयं वेएइ जंसमयं पुरिसवेयं वेएइ नो तंसमयं इत्थिवेयं वेगेइ, इत्थिवेयस्स उदएणं नो

॥ श्रीभगवती सूत्रं ॥

६६

पू. सागरजी म. संशोधित

पुरिसवेदं वेएइ, पुरिसवेयस्स उदएणं नो इत्थिवेयं वेएइ, एवं खलु एगे दीवे एगेणं समएणं एगं वेदं वेदेइ, तं० - इत्थीवेयं वा पुरिसवेयं वा, इत्थी इत्थिवेएणं उदित्रेणं पुरिसं पत्थेइ, पुरिसो पुरिसवेएणं उदित्रेणं इत्थि पत्थेइ, दोऽवि ते अन्नमन्नं पत्थेति, तं० - इत्थी वा पुरिसं पुरिसे वा इत्थि । १९ । दगगब्भे णं भंते ! उदगगब्भेति कालतो केवच्चिरं होइ ?, गोयमा ! जहन्नेणं एक्कं समयं उक्कोसेणं छम्मासा, तिरिक्खजोणियगब्भे णं भंते ! तिरिक्खजोणियगब्भेति कालओ केवच्चिरं होति ?, गोयमा ! जहन्नेणं अंतोमुहुत्तं उक्कोसेणं अट्ठ संवच्छराइं, मणुस्सीगब्भे णं भंते ! मणुस्सीगब्भेति कालओ केवच्चिरं होइ ?, गोयमा ! जहन्नेणं अंतोमुहुत्तं उक्कोसेणं बारस संवच्छराइं । १०० । कायभवत्थे णं भंते ! कायभवत्थेति कालओ केवच्चिरं होइ ?, गोयमा ! जहन्नेणं अंतोमुहुत्तं उक्कोसेणं-चउव्वीसं संवच्छराइं । १०१ । मणुस्सपंचोदियतिरिक्खजोणियबीए णं भंते ! जोणियब्भूए केवतियं कालं संचिट्ठइ ?, गोयमा ! जहन्नेणं अंतोमुहुत्तं उक्कोसेणं बारस मुहुत्ता । १०२ । एगजीवे णं भंते ! जोणिए बीयब्भूए ( एगभवगहणेणं प्र० ) केवतियाणं पुत्तताए हव्वमागच्छइ ?, गोयमा ! जहन्नेणं इक्कस्स वा दोण्हं वा तिण्हं वा उक्कोसेणं सयपुहुत्तस्स जीवाणं पुत्तताए हव्वमागच्छति । १०३ । एगजीवस्स णं भंते ! एगभवगहणेणं केवइया जीवा पुत्तताए हव्वमागच्छंति ?, गोयमा ! जहन्नेणं इक्को वा दो वा तिन्नि वा उक्कोसेणं सयसहस्सपुहुत्ते जीवाणं पुत्तताए हव्वमागच्छति, से केणट्ठेणं भंते ! एवं वुच्चइ जाव हव्वमागच्छइ ?, गोयमा ! इत्थीए य पुरिसस्स य कम्मकडाए जोणीएमेहुणवत्तिए नामं संजोए समुप्पज्जइ, ते दुहओ सिणेहं संचिणांति, तत्थ णं जहन्नेणं एक्को वा दो वा तिणिण वा उक्कोसेणं



सयसहस्सपुहत्तं जीवाणं पुत्तताए हव्वमागच्छति, से तेणट्ठेणं जाव हव्वमागच्छइ । १०४ । मेहुणं भंते ! सेवमाणस्स केरिसिए असंजमे कज्जइ ?, गोयमा ! से जहानामए केइ पुरिसे रुयनालियं वा बूरनालियं वा तत्तेणं कणएणं समभिधंसेज्जा एरिसएणं गोयमा ! मेहुणं सेवमाणस्स असंजमे कज्जइ, सेवं भंते ! सेवं भंते ! जाव विहरति । १०५ । ताए णं समणे भगवं महावीरे रायगिहाओ नगराओ गुणसित्ताओ चेइयाओ पडिनिक्खमइ ता बहिया जणवयविहारं विहरति, तेणं कालेणं० तुंगिया नामं नगरी होत्था, वण्णओ, तीसे णं तुंगियाए नगरीए बहिया उत्तरपुरच्छिमे दिसीभाए पुप्फवतिए नामं चेतिए होत्था, वण्णओ, तत्थ णं तुंगियाए नयरीए बहवे समणोवासया परिवसंति अइढा दिता विच्छिण्णविपुलभवणसयणासणाजाणवाहणाइण्णा बहुधणाबहुजायरुवरयया आओगपओगसं पउत्ता विच्छडिडयविपुलभत्तपाणा बहुदासीदासगोमहिसगवेलयप्पभूया बहुजणास्स अपरिभूया अभिगयजीवाजीवा उवलब्धपुण्णपावा आसवसंवरनिज्जरकिरियाहिकरणबंधमोक्खकुसला असहेज्ज( ज्जा ) देवासुरनागसुवण्णजक्खरक्खसकिं नरकिं पुरिसगरुल- गंधव्वमहोरगादीएहिं देवगणेहिं, निग्गंथाओ पावयणाओ अणतिक्रमणिज्जा, णिगंथे पावयणे निस्संक्रिया निक्कंखिया निव्वित्तिगिच्छा लब्धट्ठा गहियट्ठा पुच्छियट्ठा अभिगयट्ठा विणिच्छियट्ठा अट्ठिमिंजपेम्माणुरागरत्ता, अयमाउसो ! निग्गंथे पावयणे अट्ठे अयं परमट्ठे सेसे अणट्ठे, ऊसियफलिहा अवंगुयदुवारा चियत्तंतेउरधरप्पवेसा, बहूहिं सीलव्वयगुणवेरमणपच्चक्खाणपोसहोववासेहिं चाउदसट्ठ- मुट्ठिद्वपुण्णमासिणीसु पडिपुत्रं पोसहंसम्मं अणुपालेमाणा, समणे निग्गंथे फासुएसणिज्जेणं असणापाणाखाइमसाइमेणं वत्थ-

पडिग्गहकंबलपायपुंछणेणं पीढफलगसेजासंथारएणं ओसहभेसजेण य पडिलाभेमाणा, आहापडिग्गहिहं तवोकम्पेहिं अप्पाणं भावेमाणा विहरंति । १०६ । तेणं कालेणं० पासावच्चिजा थेरा भगवंतो जातिसंपन्ना कुलसंपन्ना बलसंपन्ना रूवसंपन्ना विणयसंपन्ना णाणसंपन्ना दंसणसंपन्ना चरित्तसंपन्ना लज्जासंपन्ना लाघवसंपन्ना ओथंसी तेयंस वच्चंसी जसंसी जियकोहा जियमाणा जियमाया जियलोभा जियनिदा जित्तिंदिया जियपरीसहा जीवियासमरणभयविप्पमुक्का जाव कुत्तियावणभूत्ता बहुस्सुया बहुपरिवारा पंचहिं अणगारसएहिं सद्धिं संपरिवुडा अहाणुपुव्वि चरमाणा गामाणुगामं दूइज्जमाणा सुहंसुहेणं विहरमाणा जेणेय तुंगिया नगरी जेणेव पुप्फवतीए चेइए तेणेव उवागच्छंति ता अहापडिरूवं उग्गहं उग्गिण्हत्ताणं संजमेणं तवसा अप्पाणं भावेमाणा विहरंति । १०७ । तए णं तुंगियाए नगरीए सिंघाडगतिगचउक्कचच्चरमहापहपहेसु जाव एगदिसाभिमुहा णिजायंति, तए णं ते समणोवासया इभीसे कहाए लब्धट्ठा समाणा हट्ठतुट्ठा जाव सदावेति ता एवं वदासी एवं खलु देवाणुप्पिया! पासावच्चेजा थेरा भगवंतो जातिसंपन्ना जावअहापडिरूवं उग्गहं उग्गिण्हत्ताणं संजमेणं तवसा अप्पाणं भावेमाणा विहरंति तं महाफलं खलु देवाणुप्पिया! तहारूवाणं थेराणं भगवंताणं णामगोयस्सवि सवणयाए किमंग पुण अभिगमणवंदणनमंसणपडिपुच्छणपज्जुवासणयाए? जाव गहणयाए ?, तं गच्छामो णं देवाणुप्पिया! थेरे भगवंते वंदामो नमंसामो जाव पज्जुवासामो, एयं णं इहभवे वा परभवे वा जाव आणुगामियत्ताए भविस्सतीतिकट्ठु अन्नमन्नस्स अंतिए एयमट्ठं पडिसुणेति ता जेणेवसयाइं २ गिहाइं तेणेव उवागच्छंति ता णहाया कयबलिकम्मा कयकोउयमंगलपायच्छित्ता

सुद्धप्पावेसाइं मंगल्लाइं वत्थाइं पवराइं ( प्र०२ ) परिहिया अप्पमहग्घाभरणालं कियसरीरा सएहिं २ गेहेहिंतो पडिनिक्खमंति ता एगयओ  
 मेलायंति ता पायविहारचारेणं तुंगियाए नगरीए मज्झिमज्झेणं णिग्गच्छंति ता जेणेव पुप्फवतीए चेइए तेणेव उवागच्छंति ता थेरे  
 भगवंते पंचविहेणं अभिगमेणं अभिगच्छंति, तं० - सचित्ताणं दव्वाणं विउसरणयाए अचित्ताणंदव्वाणं अविउसरणयाए एगसाडिएणं  
 उत्तरासंगकरणेणं चक्खुप्फासे अंजलिप्पग्गहेणं मणसो एगनीकरणेणं, जेणेव थेरा भगवंतो तेणेव उवागच्छंति ता तिक्खुत्तो आयाहिणं  
 पयाहिणं करेइ ता जाव तिविहाए पज्जुवासणाए पज्जुवासंति । १०८ । तए णं ते थेरा भगवंतो तेसिं समणोवासयाणं तीसे य  
 महतिमहालियाए चाउज्जामं धम्मं परिकहेति जहा केसिसामिस्स जाव समणोवासियत्ताए आणाए आराहगे भवति जाव धम्मो कहिओ,  
 तए णं ते समणोवासया थेराणं भगवंताणं अंतिए धम्मं सोच्चा निसम्म हट्ठतुट्ठ जाव हयहियथा तिक्खुत्तो आयाहिणपयाहिणं करेति  
 ता जाव तिविहाए पज्जुवासणाए पज्जुवासति ता एवं वदासी संजमे णं भंते ! किंफले ?, तवे णं भंते ! किंफले?, तए णं ते थेरा  
 भगवंतो ते समणोवासए एवं वदासी संजमे णं अज्जो ! अणणहयफले तवे० वोदाणफले, तए णं ते समणोवासया थेरे भगवंते एवं  
 वदासी जति णं भंते ! संजमे अणणहयफले तवे वोदाणफले किंपत्तियं णं भंते ! देवादेवलोएसु उववज्जंति ?, तत्थ णं कालियपुत्ते नामं  
 थेरे ते समणोवासए एवं वदासी पुव्वतवेणं अज्जो ! देवा देवलोएसु उववज्जंति, तत्थ णं मेहिले नामं थेरे ते समणोवासए एवं वदासी  
 पुव्वसंजमेणं अज्जो ! देवा देवलोएसु उववज्जंति ?, तत्थ णं आणंदरक्खिए णामं थेरे ते समणोवासए एवं वदासी कम्मियाए अज्जो !

॥ श्रीभगवती सूत्र ॥

७०

पू. सागरजी म. संशोधित

देवा देवलोएसु उववज्जंति, तत्थ णं कासवे णां थैरे ते समणोवासए एवं वदासी मंगियाए अज्जो ! देवा देवलोएसु उववज्जंति, पुव्वतवेणं पुव्वसंजमेणं कम्मियाए संगियाए अज्जो ! देवा देवलोएसु उववज्जंति, सच्चे णं एस अट्ठे नो चेव णं आयभाववत्तव्वयाए, तए णं ते समणोवासया थैरेहिं भगवंतेहिं इमाइं एयारूवाइं वागरणाइं वागरिया सभाणा हट्ठतुट्ठा थैरे भगवंते वंदंति नमंसंति ता पसिणाइं पुच्छंति ता अट्ठाइं उवादियंति ता उट्ठाइ उट्ठेति ता थैरे भगवंते तिक्खुत्तो वंदंति णमंसंति ता थेराणं भगवं० अंतियाओ पुप्फवतियाओ चेइयाओ पडिनिक्खिभंति ता जामेव दिसिं पाउब्भूया तामेव दिसिंपडिगया, तए णं ते थेरा अन्नया कयाइं तुंगियाओ पुप्फवतिचेइयाओ पडिनिगच्छन्ति ता बहिया जणवयविहारं विहरइ ११०९ । तेणं कालेणं० रायगिहे नामं नगरे जाव परिसा पडिगया, तेणं कालेणं० समणस्स भगवओ महावीरस्स जेट्ठे अंतेवासी इंदभूतीनामं अणगारे जाव संखित्तविउलतेयलेस्से छट्ठं छट्ठेणं अनिक्खित्तेणं तवोकम्मेणं संजमेणं तवसा अप्पाणं भावेमाणे जाव विहरति, तए णं से भगवं गोयमे छट्ठक्खमणपारणगंसि पढमाए पोरिसीए सज्झायं करेइ बीयाए पोरिसीए झाणं झियायइ तइयाए पोरिसीए अतुरियमचवलमसंभंते मुहपोत्तियं पडिलेहेइ ता भायणाइं ( वन्थाइं ) पडिलेहेइ ता भायणाइं पमज्जइ ता भायणाइं उग्गाहेइ ता जेणेव समणे भगवं महावीरे तेणेव उवागच्छइ ता समणं भगवं महावीरं वंदइ नमंसइ ता एवं वदासी इच्छामि णं भंते ! तुब्भेहिं अब्भणुत्ताए छट्ठक्खमणपारणगंसि रायगिहे नगरे उच्चनीयमज्झिमाइं कुलाइं धरसमुदाणस्स भिक्खायरियाए अडित्तए, अहासुहं देवाणुप्पिया ! मा पडिबंध्यं० तए णं भगवं गोयमे समणेणं भगवया महावीरेणं अब्भणुत्ताए समाणे

समणस्स भगवओ महावीरस्स अंतियाओ गुणसिलाओ चेइयाओ पडिनिक्खमइ त्ता अतुरियमचवलमसंभंते जुगंतरपलोयणाए दिट्ठीएपुरओ  
 रियं सोहेमाणे २ जेणेव रायगिहे नगरे तेणेव उवागच्छइ त्ता रायगिहे नगरे उच्चनीयमज्झिमाइं कुलाइं घरसमुदाणस्स भिक्खायरियं  
 अडइ, तए णं से भगवं गोयमे रायगिहे० जाव अडमाणे बहुजणसदं निसामेइ एवं खलु देवाणुप्पिया ! तुङ्गियाए नगरीए बहिया  
 पुप्फवतीए चेइए पासावच्चिज्जा थेरा भगवंतो समणोवासएहिं इमाइं एयारूवाइं वागरणाइं पुच्छिया संजमे णं भंते ! किंफले ? तवे णं  
 भंते ! किंफले ?, तए णं ते थेरा भगवंतो ते समणोवासए एवं वदासी संजमे णं अज्जो ! अणणहयफले तं चेव जाव पुव्वतवेणं  
 पुव्वसंजमेणं कम्मियाए संगियाए अज्जो ! देवा देवलोएसु उववज्जंति, सच्चे णं एसमट्ठे, णो चेव णं आयभाववत्तव्वयाए, से कहमेयं  
 मण्णे एवं ?, तए णं भगवं गोयमे इमीसे कहाए लब्धेइ समाणे जायसइडे जाव समुप्पन्नकोउहल्ले अहापज्जत्तं समुदाणं गेणहइ त्ता  
 रायगिहाओ नगराओ पडिनिक्खमइ त्ता अतुरियं जाव सोहेमाणे जेणेव गुणसिलए चेइए जेणेव समणे भगवं महावीरे तेणेव उवाय  
 सम० भ० महावीरस्स अटूरसामंते गमणागमणाए पडिक्कमइ एसणमणेस्सणं आलोएइ त्ता भत्तपाणं पडिदंसेइ त्ता समणं भ० महावीरं  
 जाव एवं वयासी एवं खलु भंते ! अहं तुब्भेहिं अब्भणुण्णाए समाणे रायगिहे नगरे उच्चनीयमज्झिमाणि कुलाणि घरसमुदाणस्स  
 भिक्खायरियाए अडमाणे बहुजणसदं निसामेमि एवं खलु देवा० तुंगियाए नगरीए बहिया पुप्फवईए चइए पासवच्चिज्जा थेरा भगवंतो  
 समणोवासएहिं इमाइं एयारूवाइं वागरणाइं पुच्छिया संजमे णं भंते ! किंफले ? तं चेव जाव सच्चे णं एसमट्ठे णो चेव णं

आयभाववत्तव्वयाए, तं पभू णं भंते ! ते थेरा भगवंतो तेसिं समणोवासयाणं इमाइं एयारूवाइं वागरणाइं वागरित्तए उदाहु अप्पभू ?,  
 समिया णं भंते ! ते थेरा भगवंतो तेसिं समणोवासयाणं इमाइं एयारूवाइं वागरणाइं वागरित्तए उदाहु असमिया ? आउज्जिया णं भंते!  
 ते थेरा भगवंतो तेसिं समणोवासयाणं इमाइं एयारूवाइं वागरणाइं वागरित्तए ? उदाहु अणाउज्जिया ? पलिउज्जिया णं भंते ! ते थेरा  
 भगवंतो तेसिं समणोवासयाणं इमाइं एयारूवाइं वागरणाइं वागरित्तए उदाहु अपलिउज्जिया ?, पुव्वतवेणं अज्जो ! देवा देवलोएसु  
 उववज्जंति पुव्वसंजमेणं० कम्मियाए० संगियाए अज्जो ! देवा देवलोएसु उववज्जंति, सच्चे णं एसमट्ठे णो चेव णं आयभाववत्तव्वयाए,  
 पभू णं गोयमा ! ते थेरा भगवंतो तेसिं समणोवासयाणं इमाइं एयारूवाइं वागरणाइं वागरेत्तए, णो चेव णं अप्पभू, तह चेव नेयव्वं  
 अवसेसियं जाव पभू समिया आउज्जिया पलिउज्जिया जाव सच्चे णं एसमट्ठे णो चेव आयभाववत्तव्वयाए, अहंपि णं गोयमा !  
 एवणाइक्खमि भासेमि पण्णावेमि परुवेमि पुव्वतवेणं देवा देवलोएसु उववज्जंति पुव्वसंजमेणं देवा देवलोएसु उववज्जंति कम्मियाए  
 देवा देवलोएसु उववज्जंति संगियाए देवा देवलोएसु उववज्जंति, पुव्वतवेणं पुव्वसंजमेणं कम्मियाए संगियाए अज्जो ! देवा देवलोएसु  
 उववज्जंति, सच्चे णं एसमट्ठे णो चेव णं आयभाववत्तव्वयाए ११०१ तहारूवं भंते ! समणं वा माहणं पज्जुवासमाणस्स किंफला  
 पज्जुवासणा ?, गोयमा ! सवणफला, से णं भंते ! सवणे किंफले ? णाणफले, से णं भंते ! नाणे किंफले ?, विण्णाणफले, से णं  
 भंते ! विन्नाणे किंफले ?, पच्चक्खाणफले, से णं भंते ! पच्चक्खाणे किंफले ?, संजमफले, से णं भंते ! संजमे किंफले ?,

अणणहयफले, एवं अणणहये तवफले, तवे वोदाणफले, वोदाणे अकिरियाफले, से णं भंते ! अकिरिया किंफला ?, सिद्धिपज्जवसाणफला पं० गो० - 'सवणे णाणे य विण्णाणे, पच्चक्खाणे य संजमे । अणणहए तवे चेव वोदाणे अकिरिया सिद्धी ॥२१॥ १११ । अण्णउत्थिया णं भंते ! एवमातिक्खंति भासंति पण्णवेति परूवेति एवं खलु रायगिहस्स नगरस्स बहिया वेभारस्स पव्वयस्स अहे एत्थ णं महं एगे हरए अघे पं० अणेगाइं जोयणाइं आयाभविक्खंभेणं नाणादुमसंडमंडितउद्देसे सस्सिरीए जाव पडिरूवे, तत्थ णं बहवे ओराला बलहाया संसेयंति सम्मुच्छिंति तव्वतिरित्ते य णं सया समियं उसिणे २ आउकाए अभिनिस्सवड्, से कहमेयं भंते! एवं ?, गोयमा! जण्णं ते अण्णउत्थिया एवमातिक्खंति जाव जे ते एवं परूवेति भिच्छं ते एवमातिक्खंति जाव सव्वं नेयव्वं, जाव अहं पुण गोयमा ! एवमातिक्खामि भा० पं०पं०, एवं खलु रायगिहस्स नगरस्स बहिया वेभारपव्वयस्स अदूरसामंते एत्थ णं महातवोवतीरप्पभवे नामं पासवणे पं. पंच थणुसयाणि आयाभविक्खंभेणं नाणादुमसंडमंडितउद्देसेसस्सिरीए पासादीए दरिसणिज्जे अभिरूवे पडिरूवे तत्थ णं बहवे उसिणजोणिया जीवा य पोग्गला य उदगत्ताए वक्कमंति विउक्कमंति चर्यंति उववज्जंति तव्वतिरित्तेऽवि य णं सया समियंउसिणे २ आउयाए अभिनिस्सवड्, एस णं गोयमा ! महातवोवतीरप्पभवे पासवणे, एस णं गोयमा ! महातवोवतीरप्पभवस्स अट्ठे पं० तं०, सेवं भंते ! २ त्ति भगवं गोयमे समणं भगवं महावीरं वंदति नमंसति ॥११२॥ १० २ ३० ५ ॥

से णूणं भंते ! मण्णाभीति ओहारिणी भासा, एवं भासापदं भाणियव्वं ॥११३॥ १० २ ३० ६ ॥

॥ श्रीभगवती सूत्रं ॥

७४

पू. सागरजी भ. संशोधित

कतिविहा णं भंते ! देवा पं०?, गोयमा ! चउव्विहा देवा पं०तं०- भवणवइवाणमंतरजोतिसवेभाणिया, कहि णं भंते ! भवणवासीणं देवाणं ठाणा पं०?, गोयमा ! इमीसे रयणप्पभाए पुढवीए जहा ठाणपदे देवाणं वत्तव्वया सा भाणियव्वा नवरं भवणा पं०, उववाएणं लोयस्स असंखेज्जइभागे, एवं सव्वं भाणियव्वं जाव सिद्धगंडिया समत्ता, कप्पाण पइट्ठाणं बाहुल्लुच्चत्तमेव संठाणं । जीवाभिगमे जाव वेभाणिउद्देशो भाणियव्वो सव्वो । ११४ ॥ १० २ ३० ७ ॥

कहि णं भंते ! चमरस्स असुरिंदस्स असुरकुमाररन्नो सभा सुहम्मा पं०?, गोयमा ! जंबुदीवे दीवे मंदरस्स पव्वयस्स दाहिणेणं तिरियमसंखेज्जे दीवसमुदे वीईवइत्ता अरुणवरस्स दीवस्स बाहिरिल्लाओ वेइयंताओ अरुणोदयं समुदं बायालीसं जोयणसहस्साइं ओगाहिता एत्थ णं चमरस्स असुरिंदस्स असुरकुमाररण्णो तिगिच्छियकूडे नामं उपायपव्वए पं०, सत्तरसएक्कवीसे जोयणसए उइढउच्चत्तेणं चत्तारि तीसे जोयणसए कोसं च उव्वेहेणं गोत्थुभस्स आवासपव्वयस्स पभाणेणं णेयव्वं नवरं उवरिल्लं पमाणं मज्झे भाणियव्वं ( मूले दसबावीसे जोयणसए विक्खंभेणं मज्झे चत्तारि चउवीसे जोयणसते विक्खंभेणं उवरिं सत्ततेवीसे जोयणसते विक्खंभेणं मूलेतिणिण जोयणसहस्साइं दोणिण य बत्तीसुत्तरे जोयणसते किंचिविसेसूणे परिक्खेवेणं मज्झे एगं जोयणसहस्सं तिणिण य इगयाले जोयणसते किंचिविसेसूणे परिक्खेवेणं उवरिं दोणिण य जोयणसहस्साइं दोणिण य छलसीते जोयणसते किंचिविसेसाहिए परिक्खेवेणं पा० ) जाव मूले वित्थडे मज्झे संखित्ते उप्पि विसाले मज्झे वरवइरविग्गहिए महामउंदसंठाणसंठिए सव्वरयणाभाए अच्छे जाव पडिरूवे, से णं

॥ श्रीभगवती सूत्रं ॥

७५

पू. सागरजी म. संशोधित



एगाए पउमवरवेइयाए एगेणं वणसंडेण य सव्वओ सभंता संपरिक्खत्ते, पउमवरवेइयाए वणसंडस्स य वण्णओ, तस्स णं तिगिच्छिक्कूडस्स उप्पायपव्वयस्स उप्पि बहुसभरमणिज्जे भूमिभागे पं०, वण्णओ, तस्स णं बहुसभरमणिज्जस्स भूमिभागस्स बहुमज्झदेसभागे एत्थ णं महं एगे पासायवडिंसए पं० अइढाइज्जाइं जोयणसयाइं उड्डंउच्चत्तेणं पणवीसं जोयणसयाइं विक्खंभेणं, पासायवण्णओ उल्लोयभूमिवन्नओ अट्ठ जोयणाइं मणिपेढिया चभरस्स सीहासणं सपरिवारं भाणियव्वं, तस्स णं तिगिच्छिक्कूडस्स दाहिणेणं छक्कोडिसए पणपन्नं च कोडीओ पणतीसं च सयसहस्साइं पण्णासं च सहस्साइं अरुणोदे समुदे तिरियं वीडवइत्ता अहे रयणप्पभाए पुढवीए चत्तालीसं जोयणसहस्साइं ओगाहिता एत्थ णं चभरस्स असुरिंदस्स असुरकुमाररण्णो चभरचंचा नामं रायहाणी पं० एगं जोयणसयसहस्सं आयाभविक्खंभेणं जंबुहीवप्पमाणं, पागारो दिवइढं जोयणसयं उड्डंउच्चत्तेणं मूले पन्नासं जोयणाइं विक्खंभेणं उवरिं अद्धतेरसजोयणा कविसीसगा अद्धजोयणआयामं कोसं विक्खंभेणं देसूणं अद्धजोयणं उड्डंउच्चत्तेणं एगमेगाए बाहाए पंच २ दारसया अइढाइज्जाइं जोयणसयाइं उड्डंउच्चत्तेणं अद्धं विक्खंभेणं उवरियत्तेणं सोलसजोयणसहस्साइं आयाभविक्खंभेणं पन्नासं जोयणसहस्साइं पंच य सत्ताणउयजोयणसएकिंचिविसेसूणे परिक्खेवेणं सव्वप्पमाणं वेमाणियप्पमाणस्स अद्धं नेयव्वं, सभा सुहम्मा, उत्तरपुच्छिमे णं जिणधरं, ततो उववायसभा हरओ अभिसेय० अलंकारो जहा विजयस्स, ( प्र० उववाओ संकप्पो अभिसेय विभूसणा य ववसाओ । अच्चणिय सुहगमोऽवि य चभर परिवार इडढत्तं ॥ १ ॥ ) ११५ ॥ १० २ ३० ८ ॥

॥ श्रीभगवती सूत्रं ॥

७६

पू. सागरजी म. संशोधित

किमिदं भंते ! समयखेत्तेति पवुच्चत्ति ?, गोयमा ! अडढाइजा दीवा दो य समुदा एस णं एवइए समयखेत्तेति पवुच्चत्ति, तत्थ णं अयं जंबुद्दीवे २ सव्वदीवसमुदाणं सव्वब्भंतरे एवं जीवाभिगमवत्तव्वया नेयव्वा जाव अब्भितरंपुक्खरब्धं जोइसविहूणं ( ५० जाव इमा गाहा ) । ११६ ।। १० २ ३० ९ ।।

कति णं भंते ! अत्थिकाया पं० ?, गोयमा ! पंच अत्थिकाया पं० तं० - धम्मत्थिकाए अधम्मत्थिकाए आगासत्थिकाए जीवत्थिकाए पोग्गलत्थिकाए, धम्मत्थिकाए णं भंते ! कतिवन्ने कतिगंधे कतिरसे कतिफासे ?, गोयमा ! अवण्णे अगंधे अरसे अफासे अरूवी अजीवे सासए अवट्टिएलोगदव्वे, से समासओ पंचविहे पं० तं० - दव्वओ खेत्तओ कालओ भावओ गुणओ, दव्वओ णं धम्मत्थिकाए एगे दव्वे, खेत्तओ णं लोगप्पमाणमेत्ते, कालओ न कयावि न आसि न कयाइ नत्थि जाव निच्चे, भावओ अवण्णे अगंधे अरसे अफासे, गुणओ गमणगुणे, अहम्मत्थिकाएऽवि एवं चेव, नवरं गुणओ ठाणगुणे, आगासत्थिकाएऽवि एवं चेव, नवरं खेत्तओ णं आगासत्थिकाए लोयालोयप्पमाणमेत्ते अणंते चेव जाव गुणओ अवगाहणागुणे, जीवत्थिकाए णं भंते ! कतिवन्ने कतिगंधे कतिरसे कइफासे ?, गोयमा ! अवण्णे जाव अरूवी जीवेसासए अवट्टिए लोगदव्वे, से समासओ पंचविहे पं० तं० - दव्वओ जाव गुणओ, दव्वओ णं जीवत्थिकाए अणंताइं जीवदव्वाइं, खेत्तओ लोगप्पमाणमेत्ते, कालओ न कयाइ न आसिजाव निच्चे, भावओ पुण अवण्णे अगंधे अरसे अफासे, गुणओ उवओगगुणे, पोग्गलत्थिकाए णं भंते ! कतिवण्णे कतिगंधे०?, गोयमा ! पंचवण्णे पंचरसे दुगंधे अट्ठफासे

॥ श्रीभगवती सुत्रं ॥

७७

पू. सागरजी म. संशोधित

रूबी अजीवे सासए अवट्टिए लोगदव्वे, से समासओ पंचविहे पंतं० - दव्वओ खेत्तओ कालओ भावओ गुणओ, दव्वओ णं पोग्गलत्थिकाए अणंताइं दव्वाइं, खेत्तओ लोयप्पमाणमेत्ते, कालओ न कथाइ न आसि जाव निच्चे, भावओ वण्णमंते गंध० रस० फासमंते, गुणओ गहणगुणे ११७। एगे भंते! धम्मत्थिकायपदेसे धम्मत्थिकाएत्ति वत्तव्वं सिया ?, गोयमा ! णो इणट्ठे समट्ठे, एवं दोत्रिवि तित्रिवि चत्तारि पंच छ सत्त अट्ठ नव दस संखेज्जा, असंखेज्जा भंते! धम्मत्थिकायप्पएसा धम्मत्थिकाएत्ति वत्तव्वं सिया ?, गोयमा! णो इणट्ठे समट्ठे, एगपदेसूणेऽविय णं भंते! धम्मत्थिकाए २ ति वत्तव्वं सिया?, णो तिणट्ठे समट्ठे, से केणट्ठेणं भंते! एवं वुच्चइ एगे धम्मत्थिकायपदेसे नो धम्मत्थिकाएत्ति वत्तव्वं सिया जाव एगपदेसूणेऽविय णं धम्मत्थिकाए नो धम्मत्थिकाएत्ति वत्तव्वं सिया?, से नूणं गोयमा! खंडे चक्के सगले चक्के?, भगवं! नो खंडे चक्के सकले चक्के, एवं छत्ते चम्मे दंडे दूसे आउ पहे मोयए, से तेणट्ठेणं गोयमा! एवं वुच्चइ एगे धम्मत्थिकायपदेसे नो धम्मत्थिकाएत्ति वत्तव्वं सिया जाव एगपदेसूणेऽविय णं धम्मत्थिकाए नो धम्मत्थिकाएत्ति वत्तव्वं सिया, से किंखातिए णं भंते! धम्मत्थिकाएत्ति वत्तव्वं सिया?, गोयमा! असंखेज्जा धम्मत्थिकायपएसा ते सव्वे कसिणा पडिपुण्णा निरवसेसा एगगहणगहिया एस णं गोयमा! धम्मत्थिकाएत्ति वत्तव्वं सिया, एवं अहम्मत्थिकाएऽवि, आगासत्थिकाएऽवि जीवत्थिकायपोग्गलत्थिकायावि एवं चेव, नवरं तिणहंपि पदेसा अणंता भाणियव्वा, सेसं तं चेव । ११८। जीवे णं भंते ! सउट्ठाणे सकम्मे सबले सवीरिए सपुरिसक्कारपरक्कमे आयभावेणं जीवभावं उवदंसेतीति वत्तव्वं सिया?, हंता गोयमा! जीवे णं सउट्ठाणे जाव

उवदंसेतीति वत्तव्वं सिया, से केणट्ठेणं जाव वत्तव्वंसिया?, गोयमा! जीवे णं अणंताण आभिणिबोहियनाणपज्जवाणं एवं सुयनाणपज्जवाणं ओहिनाणपज्जवाणं मणपज्जवनाणप० केवलनाणप० भइअन्नाणप० सुयअन्नाणप० विभंगणाणपज्जवाणं चक्खुदंसणप० अचक्खुदंसणप० ओहिदंसणप० केवलदंसणप० उवओगं गच्छइ, उवओगलक्खणे णं जीवे, से तेणट्ठेणं एवं वुच्चइ गोयमा! जीवे णं सउट्ठाणे जाव वत्तव्वं सिया । ११९। कतिविहे णं भंते ! आगासे पं० ?, गोयमा! दुविहे आगासे पं० तं०-लोयागासे य अलोयागासे य, लोयागासे णं भंते! किं जीवा जीवदेसा जीवपदेसा अजीवा अजीवदेसा अजीवपएसा?, गोयमा! जीवावि जीवदेसावि जीवपदेसावि अजीवावि अजीवदेसावि अजीवपदेसावि, जे जीवा ते नियमा एगिंदिया बेदिया तेइंदिया चउरिंदिया पंचिंदिया अणिंदिया, जे जीवदेसा ते नियमा एगिंदियदेसा जाव अणिंदियदेसा, जे जीवपदेसा ते नियमा एगिंदियपदेसा जाव अणिंदियपदेसा, जे अजीवा ते दुविहा पं० तं० रूवी य अरूवी य, जे रूवी ते चउव्विहा पं० तं०-खंधा खंधदेसा खंधपदेसा परमाणुपोग्गला, जे अरूवी ते पंचविहा पं० तं०-धम्मत्थिकाए नो धम्मत्थिकायस्स देसे धम्मत्थिकायस्स पदेसा अधम्मत्थिकाए नो अधम्मत्थिकायस्स देसे अधम्मत्थिकायस्स पदेसा अद्धासमए । १२०। अलोगागासे णं भंते! किं जीवा पुच्छा तह चेव, गोयमा! नो जीवा जाव नो अजीवप्पएसा, एगे अजीवदव्वदेसे अगुरुयलहुए अणंतेहिं अगुरुयलहुयगुणेहिं संजुत्ते सव्वागासे अणंतभागूणे । १२१। धम्मत्थिकाए णं भंते! किं महालए पं०?, गोयमा! लोए लोयमेत्ते लोयप्पमाणे लोयफुडे लोयं चेव फुसित्ताणं चिट्ठइ, एवं अहम्मत्थिकाए लोयागासे जीवत्थिकाए पोग्गलत्थिकाए पंचवि

एकाभिलावा ॥२२॥ अहेलोए णं भंते! धम्मत्थिकायस्स केवइयं फुसति?, गोयमा! सातिरेगं अब्बं फुसति, तिरियलोए णं भंते! पुच्छा, गोयमा! असंखेज्जइभागं फुसइ, उड्ढलोए णं भंते! पुच्छा, गोयमा! देसूणं अब्बं फुसइ ॥२३॥ इमा णं भंते ! रयणप्पभापुढवी धम्मत्थिकायस्स किं संखेज्जइभागं फुसति असंखेज्जइभागं फुसइ संखिजे भागे फुसति असंखेजे भागे फुसति सव्वं फुसति?, गोयमा! णो संखेज्जइभागं फुसति असंखेज्जइभागं फुसइ णो संखेजे० णो असंखेजे० नो सव्वं फुसति, इमीसे णं भंते! रयणप्पभाए पुढवीए उवासंतरे घणोदही धम्मत्थिकायस्स पुच्छा किं संखेज्जइभागं फुसति०?, जहा रयणप्पभा तहा घणोदहिघणवायतणुवायावि, इमीसे णं भंते! रयणप्पभाए पुढवीए उवासंतरे धम्मत्थिकायस्स किं संखेज्जतिभागं फुसति असंखेज्जइभागं फुसइ जाव सव्वं फुसइ?, गोयमा! संखेज्जइभागं फुसइ णो असंखेज्जइभागं फुसइ नो संखेजे० नो असंखेजे० नो सव्वं फुसइ, उवासंतराइं सव्वाइं जहा रयणप्पभाए पुढवीए वत्तव्वया भणिया, एवं जाव अहेसत्तभाए, जंबुदीवाइया दीवा लवणसमुदाइया समुदा, एवं सोहम्मे कप्पे जाव ईसिपब्भारापुढवी, एते सव्वेऽवि असंखेज्जतिभागं फुसति, सेसा पडिसेहेयव्वा, एवं अधम्मत्थिकाए, एवं लोयागासेऽवि, 'पुढवोदहीघणतणुकप्पा गेवेज्जऽणुत्तरा सिद्धी। संखेज्जतिभागं अंतरेसु सेसा असंखेज्जा ॥२२॥१२४॥ ३०१०इति द्वितीयं शतकं॥

केरिसविउव्वणा? चमर २ किरिय ३ जाणि ४ त्थि ५ नगर ६ पाला ७ यो अहिवइ ८ इंदिय ९ परिसा १० ततियम्मि सए दसुहेसा ॥२३॥ तेणं कालेणं तेणं समएणं भोया नाभं नगरी होत्था, वण्णओ, तीसे णं भोयाए नगरीए बहिया उत्तरपुरच्छिमे दिसीभागे णं नंदणे

नामं चेतिह होत्था, वण्णओ, तेणं कालेणं० साभी समोसडे, परिसा निग्गच्छइ पडिगया परिसा, तेणं कालेणं तेणं समएणं समणस्स भगवओ महावीरस्स दोच्चे अंतेवासी अग्गिभूतिनामं अणगारे गोयमगोत्तेणं सत्तुस्सेहे जाव पज्जुवासमाणे एवं वदासी चमरे णं भंते! असुरिंदे असुरराया केमहिइढीए केमहज्जुत्तीए केमहाबले केमहायसे केमहासोक्खे केमहाणुभागे केवइयं च णं पभू विउव्वित्तए? गोयमा! चमरे णं असुरिंदे असुरराया महिइढीए जाव महाणुभागे, से णं तत्थ चोत्तीसाए भवणवाससयसहस्साणं चउसट्ठीए सामाणियसाहस्सीणं तायत्तीसाए तायत्तीसगाणं जाव विहरइ, एवमहिइढीए जाव एमहाणुभागे, एवतियं च णं पभू विउव्वित्तए, से जहानामए जुवतिं जुवाणे हत्थेणं हत्थे गेणहेज्जा, चक्कस्स वा नाभी अरगाउत्ता सिया, एवामेव गोयमा! चमरे असुरिंदे असुरराया वेउव्वियसमुग्धाएणं समोहण्णइ त्ता संखेज्जाइं जोयणाइं ( ५० उड्डं ) दंडं निसिरइ, तं० - रयणाणं जाव रिट्ठाणं, अहाबायरे पोग्गले परिसाडेइ त्ता अहासुहुमे पोग्गले परियाएति त्ता दोच्चंपि वेउव्वियसमुग्धाएणं समोहण्णाति त्ता पभू णं गोयमा! चमरे असुरिंदे असुरराया केवलकप्पं जंबुदीवे २ बहूहिं असुरकुभारेहिं देवेहिं देवीहि य आइण्णं वित्तिकिण्णं उवत्थडं संथडं फुडं अवगाढावगाढं करेत्तए, अदुत्तरं च णं गोयमा! पभू चमरे असुरिंदे असुरराया तिरियमसंखेज्जे दीवसमुद्दे बहूहिं असुरकुभारेहिं देवेहिं देवीहि य आइण्णे वित्तिकिण्णे उवत्थडे संथडे फुडे अवगाढावगाढे करेत्तए, एस णं गोयमा! चमरस्स असुरिंदस्स असुररणो अथमेयारूवे विसए विसयमेत्ते बुइए, णो चेव णं संपत्तीए विकुव्विसु वा विकुव्वति वा विकुव्विस्सति वा । १२५। जति णं भंते ! चमरे असुरिंदे असुरराया एमहिइढीए जाव

एवडयं च णं पभू विकुव्वित्तए, चमरस्स णं भंते! असुरिंदस्स असुररन्नो सामाणिया देवा केमहिड्ढीया जाव केवतियं च णं पभू  
विकुव्वित्तए?, गोयमा! चमरस्स असुरिंदस्स असुररन्नो सामाणिया देवा महिड्ढीया जाव महाणुभागा, ते णं तत्थ साणं २ भवणाणं  
साणं ३ सामाणियाणं साणं २ अग्गमहिसीणं जाव दिव्वाइं भोगभोगाडं भुंजमाणा विहरंति, एवंमहिड्ढीया जाव एवडयं च णं पभू  
विकुव्वित्तए, से जहावामए जुवतिं जुवणे हत्थेणं हत्थे गेणहेज्जा चक्कस्स वा नांभी अरयाउत्ता सिया एवामेव गोयमा! चमरस्स  
असुरिंदस्स असुररन्नो एगमेगे सामाणिए देवे वेउव्वियसमुग्घाएणं समोहण्णइ त्ता जाव दोच्चंपि वेउव्वियसमुग्घाएणं समोहण्णति त्ता  
पभू गोयमा! चमरस्स असुरिंदस्स असुररन्नो एग मेगे सामाणिए देवे केवलकप्पं जंबुद्धीवं २ बहूहि असुरकुमारेहिं देवेहिं देवीहि य  
आइण्णे वित्तिकिण्णे उवत्थडे संधडे फुडे अवगाढवगाढे  
सामाणिया देवा महिड्ढीया जाव महाणुभागा, ते णं तत्थ साणं २ भवणाणं  
करेणं ३ सामाणियाणं साणं २ अग्गमहिसीणं जाव दिव्वाइं भोगभोगाडं भुंजमाणा विहरंति, एवंमहिड्ढीया जाव एवडयं च णं पभू  
विकुव्वित्तए, से जहावामए जुवतिं जुवणे हत्थेणं हत्थे गेणहेज्जा चक्कस्स वा नांभी अरयाउत्ता सिया एवामेव गोयमा! चमरस्स  
असुरिंदस्स असुररन्नो एगमेगस्स सामाणियदेवस्स अथमेयारूवे विसए विसयमेत्ते बुड्ढए, णो चेव ण  
संपत्तियेविकुव्वित्तए विकुव्वित्तए वा विकुव्विस्संति वा, जति णं भंते! चमरस्स असुरिंदस्स असुररन्नो सामाणिया देवा एवं महिड्ढीया  
जाव एवतियं च णं पभू विकुव्वित्तए चमरस्स णं भंते! असुरिंदस्स असुररन्नो तायत्तीसिया देवा केमहिड्ढीया०?, तायत्तीसिया देवा जहा  
सामाणिया तहा नेयव्वा, लोथपाला तहेव, नवरं संखेज्जा दीवसमुद्दा भाणियव्वा, बहूहि असुरकुमारेहिं० आइन्ने जाव विउव्विस्संति वा,

જતિ ણં મંતે! ચમરસ્સ અસુરિંદસ્સ અસુરરત્રો લોગપાલા દેવા એવં મહિઙ્ઘીયા જાવ એવતિયં ચ ણં પમ્મુ વિઙ્ઘવિત્તએ ચમરસ્સ ણં મંતે!  
 અસુરિંદસ્સ અસુરરત્રો અગ્ગમહિસીઓ દેવીઓ કેમહિઙ્ઘીયાઓ જાવ કેવતિયં ચ ણં પમ્મુ વિકુલ્લિત્તએ?, ગોયમા! ચમરસ્સ ણં અસુરિંદસ્સ  
 અસુરરત્રો અગ્ગમહિસીઓ મહિઙ્ઘીયાઓ જાવ મહાણુભાગાઓ, તાઓ ણં તત્થ સાણં ૨ ભવણાણં સાણં ૨ સામાણિયસાહસ્સીણં સાણં ૨  
 મહત્તરિયાણં સાણં ૨ પરિસાણં જાવ એમહિઙ્ઘીયાઓ અત્તં જહા લોગપાલાણં અપરિસેસં! સેવં મંતે ! ત્તિ । ૧૨૬ । ભગવં દોચ્ચે ગોયમે  
 સમણં ભગવં મહાવીરં વંદઇ નમંસઇ ત્તા જેણેવ તચ્ચે ગોયમે વાયુભૂતિઅણગારે તેણેવ ઉવાગચ્છતિ ત્તા તચ્ચં ગોયમં વાયુભૂતિં અણગારં એવં  
 વદાસી એવં ચલુ ગોયમા! ચમરે અસુરિંદે અસુરરાયા એવં મહિઙ્ઘીએ તં ચેવ સવ્વં અપુટ્ટવાગરણં નેયવ્વં અપરિસેસિયં જાવ અગ્ગમહિસીણં  
 વત્તવ્વયા સમત્તા, તએ ણં સે તચ્ચે ગોયમે વાયુભૂતી અણગારે દોચ્ચસ્સ ગોયમસ્સ અગ્ગિભૂઙ્ઘસ્સ અણગારસ્સ એવ માઙ્ઘિક્કમાણસ્સ ભા૦ પં૦  
 પરુ૦ એયમદ્દં નો સદ્દહઇ નો પત્તિયઇ નો રોયઇ એયમદ્દં અસદ્દહમાણે અપત્તિયમાણે અરોએમાણે ઉદ્ઘાએ ઉદ્ઘેઇ ત્તા જેણેવ સમણે ભગવં મહાવીરે  
 તેણેવ ઉવાગચ્છઇ જાવ પજ્જુવાસમાણે એવં વયાસી-એવં ચલુ મંતે ! દોચ્ચે ગોયમે અગ્ગિભૂતિઅણગારે મમ એવમાતિક્કઇ૦ ભાસઇ૦  
 પત્તવેઇ૦ પરુવેઇ એવં ચલુ ગોયમા ! ચમરે અસુરિંદે અસુરરાયા મહિઙ્ઘીએ જાવ મહાણુભાવે, સે ણં તત્થ ચોત્તીસાએ ભવણવાસસયસહસ્સાણં  
 એવં તં ચેવ સવ્વં અપરિસેસં ભાણિ( પ્ર૦ને )યવ્વં જાવ અગ્ગમહિસીણં વત્તવ્વયા સમત્તા, સે કહમેયં મંતે ! એવં ?, ગોયમાદિ સમણે ભગવં  
 મહાવીરે તચ્ચં ગોયમં વાઉભૂતિં અણગારં એવં વદાસી જણં ગોયમા ! દોચ્ચે ગો૦ અગ્ગિભૂઙ્ઘઅણગારે તવ એવમાતિક્કઇ૦ એવં ચલુ



गोयमा ! चमरे ३ महिइढीए एवं तं चेव सव्वं जाव अग्गमहिसीणं वत्तव्वया समत्ता, सच्चे णं एसमट्ठे, अहंपि णं गोयमा ! एवमातिक्खामि०  
 भा० प० परू०-एवं खलु गोयमा ! चमरे ३ जाव महिइढीए सो चेवबितिओ गमो भाणियव्वो जाव अग्गमहिसीओ, सच्चे णं एसमट्ठे,  
 सेवं भंते ! २ तच्चे गोयमे ! ब्रायुभूती अणगारे समणं भगवं महावीरं वंदइ नमंसइ वा जेणेव दोच्चे गोयमे अग्गिभूती अणगारे तेणेव  
 उवागच्छइ ना दोच्चे गो० अग्गिभूतिं अणगारं वंदइ नमंसति ता एयमट्ठं सम्मं विणएणं भुज्जो २ खामेति । १२७। तए णं से तच्चे गोयमे  
 वाउभूती अणगारे दोच्चेणं गोयमेणं अग्गिभूतिणामेणं अणगारेणं सद्धि जेणेव समणे भगवं महावीरे जाव पज्जुवासमाणे एवं वयस्सी  
 जति णं भंते ! चमरे असुरिदे असुराराया एवं महिइढीए जाव एवतियं च णं पभू विकुव्वित्तए बली णं भंते ! वइरोयणिंदे वइरोयणाराया  
 केमहिइढीए जाव केवइयं च णं पभू विकुव्वित्तए ?, गोयमा ! बली णं. वइरोयणाराया महिइढीए जाव महाणुभागे, से णं तत्थ तीसाए  
 भवणावाससयसहस्साणं सद्धीए सामाणियसाहस्सीणं सेसं जहा चमरस्स तहा बलियस्सवि णेयव्वं, णवरं सातिरेगं केवलकप्पं जंबुद्दीवंति  
 भाणियव्वं, सेसं तं चेव णिरवसेसं णेयव्वं, णवरं णाणत्तं जाणियव्वं भवणेहिं सामाणिअहि य, सेवं भंतेरत्ति तच्चे गोयमे ब्रायुभूती  
 जाव विहरति, भंते भगवं दोच्चे गोयमे अग्गिभूतीअणगारे समणं भगवं महावीरं वंदइ० एवं वदासी जइ णं भंते ! बली वइरोयणिं  
 वइरोयणाराया एमहिइढीए जाव एवइयं च णं पभू विकुव्वित्तए धरणे णं भंते ! नागकुमारिदे नागकुमाराराया केमहिइढीए जाव  
 केवतियं च णं पभू विकुव्वित्तए ?, जहा चमरे तहा धरणेऽवि, नवरं संखेज्जे दीवसमुदे भाणियव्वं, एवं जाव थणियकुमारा वाणमंतरा

जोड़सियावि, नवरं दाहिणिल्ले सव्वे अग्गिभूती पुच्छति, उत्तरिल्ले सव्वे वाउभूती पुच्छइ, भंतेत्ति भगवं दोच्चे गोथमे अग्गिभूती अणगारे समणं भगवं म० वंदति नमंसति ता एवं वयासी जति णं भंते! जोड़सिंदे जोतिसराया एमहिइढीए जाव एवतियं च णं पभू विकुव्वित्तए सक्के णं भंते! देविंदे देवराया केमहिइढीए जाव केवतियं च णं पभू विउव्वित्तए?, गोयामा! सक्के णं देविंदे देवराया महिइढीए जाव महाणुभागे, से णं तत्थ बत्तीसाए विमाणावाससयसहस्साणं चउरासीए सामाणियसाहस्सीणं जाव चउण्हं चउरासीणं आयरक्ख( देव )साहस्सीणं अन्नेसिं च जाव विहरइ, एवं महिइढीए जाव एवतियं च णं पभू विकुव्वित्तए, एवं जहेव चमरस्स तहेव भाणियव्वं, नवरं दो केवलकप्पे० जंबुदीवे २ अवसेसं तं चेव, एस णं गोयमा! सक्कस्स देविंदस्स देवरण्णो इमेयारूवे विसए विसयमेत्ते बुइए, नो चेव णं संपत्तीए विउव्विसु वा विउव्वति वा विउव्विस्सति वा । १२८। जइ णं भंते! सक्के देविंदे देवराया एमहिइढीए जाव एवतियं च णं पभू विकुव्वित्तए, एवं खलु देवाणुप्पियाणं अंतेवासी तीसए णामं अणगारे पगतिभइए जाव विणीए छट्ठंछट्ठेणं अणिविखत्तेणं तवोकम्भेणं अप्पाणं भावेमाणे बहुपडिपुण्णाइं अट्ठं संवच्छ्राइं सामण्णपरियागं पाउणित्ता मासियाए संलेहणाए अत्ताणं झूसेत्ता सट्ठिं भत्ताइं अणसणाए छेदेत्ता आलोतियपडिक्कंते समाहिपत्ते कालमासे कालं किच्चा सोहम्भे कप्पे सयंसि विमाणंसि उववायसभाए देवसयणिज्जंसि देवदूसंतरिए अंगुलस्स असंखेजइभागमेत्ताए ओगाहणाए सक्कस्स देविंदस्स देवरण्णो सामाणियदेवत्ताए उववण्णे, तए णं तीसए देवे अहुणोववन्नमेत्ते समाणे पंचविहाए पज्जत्तीए पज्जत्तिभावं गच्छइ, तं० - आहारपज्जत्तीए सरीर० इंदिय०

॥ श्रीभगवती सूत्रं ॥

८५

पू. सागरजी म. संशोधित

आणुपाणुपज्जत्तीए भासामणपज्जत्तीए, तए णं तं तीसयं देवं पंचविहाए पज्जत्तीए पज्जत्तिभावंगयं समाणं सामाणियपरिसोववन्त्या देवा करयलपरिग्गहियं दसनहं सिरसावत्तं मत्थए अंजलिं कट्टु जएणं विजएणं वद्धाविति ता एवं वदासी अहो णं देवाणुप्पिएणं दिव्वा देविइढीदिव्वा देवजुत्ती दिव्वे देवाणुभावे लद्धे पत्ते अभिसमन्नागते, जारिसिया णं देवाणुप्पिएहिं दिव्वा देविइढी दिव्वा देवजुत्ती दिव्वे देवाणुभावे लद्धे पत्ते अभिसमन्नागते तारिसिया णं सक्केणं देविंदेणं देवरन्ना दिव्वा देविइढी जाव अभिसमन्नागया, जारिसिया णं सक्केणं देविंदेणं देवरण्णा दिव्वा देविइढी जाव अभिसमण्णागया तारिसिया णं देवाणुप्पिएहिं दिव्वा देविइढीजाव अभिसमन्नागया, से णं भंते ! तीसए देवे केमहिइढीए जाव केवतियं च णं पभू विउव्वित्तए ?, गोयमा ! महिइढीए जाव महाणुभागे, से णं तत्थ सयस्स विमाणस्स चउण्हं सामाणियसाहस्सीणं चउण्हं अग्गमहिस्सीणं सपरिवाराणं तिण्हं परिमाणं सत्तण्हं अणियाणं सत्तण्हं अणियाहिर्वईणं सोलसण्हं आयरक्खदेवसाहस्सीणं अण्णेसिं च बहूणं वेमाणियाणं देवाण य देवीण य जाव विहरति, एवं महिइढीए जाव एवइयं च णं पभू विउव्वित्तए, से जहाणामए जुवतिं जुवाणे हत्थेणं हत्थे गेणहेज्जा तहेव सक्कस्स तहेव जाव एस णं गोयमा ! तीसयस्स देवस्स अयमेयारूवे विसए विसयमेत्ते बुइए, नो चेव णं संपत्तीए विउव्विसु वा०, जति णं भंते ! तीसए देवे एमहिइढीए जाव एवइयं च णं पभू विउव्वित्तए सक्कस्स णं भंते! देविंदस्स देवरन्नो अवसेसा सामाणिया देवा केमहिइढीया तहेव सव्वं जाव एस णं गोयमा! सक्कस्स देविंदस्स देवरन्नो एगमेगस्स सामाणियस्स देवस्स इमेयारूवे विसयमेत्ते बुइए, नो चेव णं संपत्तीए विउव्विसु वा

विउव्विंति वा विउव्विस्संति वा, ताथत्तीसा य, लोगपालअगमहिंसीणं जहेव चभरस्स नवरं दो केवलकप्पे जंबुद्दीवे २ अण्णं तं चेव ।  
 सेवं भंते! २त्ति दोच्चेगोयमे जाव विहरति । १२९ । भंतेत्ति भगवं तच्चे गोयमे वाउभूती अणगारे समणं भगवं जाव एवं वदासी जति  
 णं भंते! सक्के देविंदे देवराया एमहिइढीए जाव एवइयं च णं पभूविउव्वित्तए ईसाणे णं भंते! देविंदे देवराया केमहिइढीए०? एवं तहेव,  
 नवरं साहिए दो केवलकप्पे जंबुद्दीवे २ अवसेसं तहेव । १३० । जति णं भंते! ईसाणे देविंदे देवराया एमहिइढीए जाव एवतियं च णं  
 पभू विउव्वित्तए एवं खलु देवाणुप्पियाणं अंतेवासी कुरुदत्तपुत्ते नामं० पगतिभट्टए जाव विणीए अट्टमंअट्टमेणं अणिक्खित्तेणं पारणाए  
 आयंबिलपरिग्गहिणंतवोकम्भेणं उडढं बाहाओ पगिज्झिय २ सूराभिमुहे आयावणभूमीए आयावेमाणे बहुपडिपुन्ने छम्मासे  
 समाण्णपरियागं पाउणित्ता अब्बमासियाए संलेहणाए अत्ताणं झोसित्ता तीसंभत्ताइं अणसणाए छेदित्ता आलोइयपडिक्कंते समाहिपत्ते  
 कालमासे कालं किच्चा ईसाणे कप्पे सयंसि विमाणंसि जा चेव तीसए वत्तव्वया ता सव्वेव अपरिसेसा कुरुदत्तपुत्तेऽवि, नवरंसातिरेगे  
 दो केवलकप्पे जंबुद्दीवे २, अवसेसं तं चेव, एवं सामाणियतायत्तीसलोगपालअगमहिंसीणं जाव एस णं गोयमा! ईसाणस्स देविंदस्स  
 देवरत्तो एवं एगमेगाए अगमहिंसीएदेवीए अथमेथारूवे विसए विसयमेत्ते बुइए, नो चेव णं संपत्तीए विउव्विसु वा ०।१३९। एवं  
 सणंकुमारेऽवि, नवरं चत्तारि केवलकप्पे जंबुद्दीवे दीवे अदुत्तरं च णं तिरियमसंखेजे, एवं सामाणियतायत्तीसलोगपालअगमहिंसीणं  
 असंखेजे दीवसमुदे सव्वे विउव्वंति, सणंकुमाराओ आरब्धा उवरिल्ला लोगपाला सव्वेऽवि असंखेजे दीवसमुदे विउव्वंति, एवं माहिंदेऽवि,

नवरं सातिरेगे चत्तारि केवलकप्पे जंबुद्दीवे २, एवं बंभलोएऽवि, नवरं अट्ठ केवलकप्पे, एवं लंतएऽवि, नवरं सातिरेगे अट्ठ केवलकप्पे, महासुक्के सोलस केवलकप्पे, सहस्सारेसातिरेगे सोलस, एवं पाणाएऽवि, नवरं बत्तीसं केवल०, एवं अच्चुएऽवि, नवरं सातिरेगे बत्तीसं केवलकप्पे जंबुद्दीवे २ अन्नं तं चेव। सेवं भंते! रत्ति, तच्चे गोयमे वायुभूती अणगारे समणं भगवं महावीरं वंदइ नमंसति जाव विहरति। तए णं समणे भगवं महावीरे अन्नया कयाई मोयाओ नगरीओ नंदणाओ चेतियाओ पडिनिक्खमइ त्ता बहिया जणवयविहारं विहरइ। १३२। तेणं कालेणं० रायगिहे नामं नगरे होत्था, वन्नओ, जाव परिसा पज्जुवासइ, तेणं कालेणं० ईसाणे देविंदे देवराया सुलपाणी। वसभवाहणे उत्तरइढलोगाहिवई अट्ठावीसविमाण्णावाससयसहस्साहिवई अयरं बरवत्थधरे आलइयमालमउडे नवहेभच्चरूचित्तचंचल-कुंडलविलिहिज्जमाणगंडे जाव दस दिसाओ उज्जोएमाणे पभासेमाणे ईसाणे कप्पे ईसाणवडिंसएविमाणे जहेव रायप्पसेणइज्जे जाव दिव्वं देविडिंढ जाव जामेव दिसिं पाउब्भूए तामेव दिसिं पडिगए, भंतेत्ति भगवं गोयमे सपणं भगवं महावीरं वंदति णमंसति त्ता एवं वदासी अहो णं भंते! ईसाणे देविंदे देवराया महिइढीए, ईसाणस्स णं भंते! सा दिव्वा देविइढी कहिं गता कहिं अणुपविट्ठा?, गोयमा! सरीरं गता०, से केणट्ठेणं भंते! एवं वुच्चति सरीरं गता०?, गोयमा! से जहानामए कूडागारसाला सिथा दुहओ लित्ता गुत्ता गुत्तदुवारा णिवाया णिवायगंभीरा तीसे णं कूडागारे जाव कूडागारसालदिट्ठंतो भाणियव्वो, ईसाणेणं भंते! देविंदेणं देवरण्णा सा दिव्वा देविइढी दिव्वा देवजुत्ती दिव्वे देवाणुभागे किण्णा लद्धे किन्ना पत्ते किण्णा अभिसमन्नागए के वा एस आसि पुव्वभवे किण्णामए वा किंगोत्ते

॥ श्रीभगवती सूत्रं ॥

८८

पू. सागरजी प. संशोधित

वा कयरंसि वा गामंसि वा नगरंसि वा जाव सनिवेसंसि वा किं वा सुच्या किं दच्या किं वा भोच्या किं वा किच्या किं वा समायरित्ता  
 कस्स वा तहारूवस्स समणस्स वा माहणस्स वा अंतिए एगमवि आयरियंधम्मियं सुवयणं सोच्या निसम्म जण्णं ईसाणेणं देविंदेणं  
 देवरण्णा सा दिव्वा देविइढी जाव अभिसमन्नागया?, एवं खलु गोयमा! तेणं कालेणं० इहेव जंबुद्वीवे २ भारहे वासे तामलिक्की नामं  
 नगरी होत्था, वन्नओ, तत्थ णं तामलिक्कीए नगरीए तामली नामं मोरियपुत्ते गाहावती होत्था, अइढे दित्ते जाव बहुजणस्स अपरिभूए  
 यावि होत्था, तए णं तस्स मोरियपुत्तस्स तामलिस्स गाहावइस्स अण्णया कयाई पुव्वरत्तावरत्तकालसमयंसि कुडुंबजागरियं जागरमाणस्स  
 इमेयारूवे अञ्जन्थिए जाव समुप्पज्जित्था अन्थि ता मे पुरा पोरणाणं सुचिन्नाणं सुपरिक्कंताणं सुभाणं कल्लाणाणं कडाणं कम्माणं  
 कल्लाणफलवित्तिविसेसो जेणाहं हिरण्णेणं वइढामि सुवन्नेणं वइढामि धणेणं वइढामि धन्नेणं वइढामि पुत्तेहिं वइढामि पसूहिं  
 वइढामि विउलधणकणगरयणमणिभोत्तियसंखसिलप्पवालरत्तरयणसंतसारसावतेज्जेणं अतीव २ अभिवइढामि, तं किण्णं अहं पुण  
 पोरणाणं सुचिन्नाणं जाव कडाणं कम्माणं एगंतसोक्खयं उवेहेमाणं विहरामि ? तं जाव ताव अहं हिरण्णेणं वइढामि जाव अतीव २  
 अभिवइढामि जाव च णं मे मित्तनातिनियगसंबंधि परियणो आढाति परियाणाइ सक्कारेइसम्माणेइ कल्लाणं मंगलं देवयं चेइयं विणएणं  
 पज्जुवासइ ताव ता मे सेयं कल्लं पाउप्पभायाए रयणीए जाव जलंते सयमेव दारूमयं पडिग्गहयं करेत्ता विउलं असणं पाणं खातिमं  
 सातिमं उवक्खडावेत्ता मित्तणातिनियगसयणसंबंधिपरियणं आमंतेत्ता तं० विउलेणं असणपाणखातिमसातिमेणं वत्थगंधमल्लालंकारेण

य सक्कारेत्ता सम्माणेत्ता तस्सेव भित्तणाइनियगसंबंधिपरियणस्स पुरतो जेट्ठपुत्तं कुडुंबे ठावेत्ता तं भित्तणातिणियगसंबंधिपरियणं जेट्ठपुत्तं च आपुच्छित्ता सयमेव दारूमयं पडिग्गहं गहाय मुंडे भवित्ता पाणामाए पव्वज्जाए पव्वइत्तए, पव्वइएऽवि य णं समाणे इमं एयारूवं अभिग्गहं अभिगिण्हस्सामि कप्पइ मे जावज्जीवाए छट्ठंछट्ठेणं अणिक्खित्तेणं तवोकम्भेणं उड्ढं बाहाओ पगिञ्झिय २ सूराम्भिमुहस्स आयावणभूमीए आयावेमाणस्स विहरित्ताए, छट्ठस्सविय णं पारणयंसि आयावणभूमीतो पच्चोरूभित्ता सयमेव दारूमयं पडिग्गहयं गहाय तामलित्तीए नगरीए उच्चनीयमञ्झिमाइं कुलाइंघरसमुदाणस्स भिक्खायरियाए अडित्ता सुद्धोदणं पडिग्गाहेत्ता तं तिसत्तखुत्तो उदएणं पक्खालेत्ता तओ पच्छा आहारं आहारित्ताए त्तिकदट्ठ एवं संपेहेइ त्ता कलं पाउप्पभायाए जावजलंते सयमेव दारूमयं पडिग्गहयं करेइ त्ता विउलं असणं पाणं खाइमं साइमं उवक्खडावेइ त्ता तओ पच्छा ण्हाए कयबलिकम्भे कयकोउयमंगलपायच्छित्ते सुद्धप्पावेसाइं मंगल्लाइंवत्थाइं पवरपरिहिए अप्पमहग्धाभरणालंकि यसरिरे भोयणवेत्ताए भोयणमंडवंसि सुहासणवरगए तेणं भित्तणाइनियगसयणसंबंधिपरिजणेणं सद्धिं तं विउलं असणं पाणं खातिमं साइमंआसादेमाणे वीसाएमाणे परिभाएमाणे पुरिभुंजेमाणे विहरइ, जिमियभुत्ततरागएऽवि य णं समाणे आयंते चोक्खे परमसुइभूए तं भित्त जाव परियणं विउलेणं असणपाण४ पुप्फवत्थगंधमल्लालंकारेण य सक्कारेइ० त्ता तस्सेव भित्तणाइ जाव परियणस्स पुरओ जेट्ठं पुत्तं कुडुंबे ठावेइ त्ता तं भित्तणाइनियगसयणसंबंधिपरिजणं जेट्ठपुत्तं च आपुच्छइ त्ता मुंडे भवित्तापाणामाए पव्वज्जाए पव्वइए, पव्वइएऽविय णं समाणे इमं

एयारूवं अभिग्गहं अभिगिण्हइ कप्पइ मे जावजीवाए छट्ठंछट्ठेणं जाव आहारित्तएत्तिकदट्ठ, इमं एयारूवं अभिग्गहं अभिगिण्हइ ता जावजीवाए छट्ठंछट्ठेणं अणिक्खित्तेणं तवोकम्मेणं उड्ढं बाहाओ अगिञ्जिय २ सूराभिमुहे आयावणभूमीए आयावेमाणे विहरइ, छट्ठस्सविय णं पारणयंसि आयावणभूमीओ पच्चोरुहइ ता सयमेव दारूभयं पडिग्गहं गहाय तामलिन्तीए नगरीए उच्चनीयमञ्जिमाइं कुलाइं धरसमुदाणस्स भिक्खायरियाए अडइ ता सुद्धोयणं पडिग्गाहेइ ता तिसत्तखुत्तो उदएणं पक्खालेइ, तओ पच्छा आहारं आहारेइ, से केणट्ठेणं भंते! एवं वुच्चइ पाणाभा पव्वजा २?, गोयमा! पाणाभा णं पव्वजाए पव्वइए समाणे जं जत्थ पासइ इंदंवा खंदं वा रुहं वा सिवं वा वेसमणं वा अज्जं वा कोट्टकिरियं वा रायं वा जाव सत्थवाहं वा कागं वा साणं वा पाणं वा उच्चं पासइ उच्चं पणामं करेइ, नीयं पासइ नीयं पणामं करेइ, जंजहा पासति तस्स तहा पणामं करेइ, से तेणट्ठेणं गोयमा! एवं वुच्चइ पाणाभा जाव पव्वजा, तए णं से तामली मोरियपुत्ते तेणं ओरालेणं पयत्तेणं पग्गहिणं बालतवोकम्मेणं सुक्केभुक्खे जाव धमणिसंतए जाए यावि होत्था, तए णं तस्स तामलिस्स बालतवस्सिस्स अत्रया कयाई पुव्वरत्तावरत्तकालसमयंसि अणिच्चजागरियं जागरमाणस्स इमेयारूवे अञ्जत्थिएचितिए जाव समुप्पजित्था एवं खलु अहं इमेणं ओरालेणं विपुलेणं जाव उदग्गेणं उदत्तेणं उत्तमेणं महाणुभागेणं तवोकम्मेणं सुक्के भुक्खे जाव धमणिसंतए जाए, तं अत्थि जा मे उट्ठाणेकम्मे बले वीरिए पुरिसक्कारपरक्कमे ताव ता मे सेयं कल्लं जाव जलंते तामलिन्तीए नगरीए दिट्ठाभट्ठे य पासंडत्थे य गिहत्थे य पुव्वसंगतिए य पच्छासंगतिए य परियायसंगतिए य आपुच्छित्ता तामलिन्तीए नगरीए मज्झंमज्झेणं



पू. सागरजी भ. संशोधित

ठिच्चा दिव्वं देविडिंढ दिव्वं देवज्जुत्तिं दिव्वं देवाणुभागं दिव्वं बत्तीसइविहं नट्टविहिं उवदंसंति ता तामलिं बालतवस्सिं तिक्खुत्तो  
 आयाहिणं पयाहिणं करेति ता वंदंति नमंसंति ता एवं वदासी एवं खलु देवाणुप्पिया! अम्हे बलिचंचारायहाणीवत्थव्वया बहवे  
 असुरकुमारा देवा य देवीओ य देवाणुप्पियं वंदामो नमंसामो जाव पज्जुवासामो, अम्हाणं देवाणुप्पिया! बलिचंचारायहाणी अणिंदा  
 अपुरोहिया अम्हेऽविय णं देवाणुप्पिया! इंदाहीणा इंदाहिट्ठिया इंदाहीणकज्जा तं तुब्भे णं देवाणुप्पिया! बलिचंचारायहाणिं आढाह  
 परियाणह सुमरह अट्ठं बंधह निदानं पकरेह तितिपकप्पं पकरेह, तते णं तुब्भे कालमासे कालं किच्चा बलिचंचारायहाणीए उववज्जिस्सह,  
 तते णं तुब्भे अम्हं इंदाभविस्सह, तए णं तुब्भे अम्हेहिं सद्धिं दिव्वाइं भोगभोगाइं भुंजमाणा विहरिस्सह, तए णं से तामली बालतवस्सी  
 तेहिं बलिचंचारायहाणिवत्थव्वेहिं बहूहिं असुरकुमारेहिं देवेहिं देवीहि य एवं वुत्ते समाणे एयमट्ठं नो आढाइ नो परियाणेइ तुसिणीए  
 संचिट्ठइ, तए णं ते बलिचंचारायहाणिवत्थव्वया बहवे असुरकुमारा देवा य देवीओ य तामालिं मोरियपुत्तं दोच्चं पि तच्चं पि तिक्खुत्तो  
 आयाहिणप्पयाहिणं करेति ता जाव अम्हाणं च देवाणुप्पिया! बलिचंचारायहाणी अणिंदा जाव तितिपकप्पं पकरेह जाव दोच्चं पि  
 तच्चं पि एवं वुत्ते समाणे जाव तुसिणीए संचिट्ठइ, तए णं ते बलिचंचारायहाणिवत्थव्वया बहवे असुरकुमारा देवा य देवीओ य  
 तामलिणा बालतवस्सिणा अणाढाइज्जमाणा अपरियाणिज्जमाणा जामेव दिसिं पाउब्भूया तामेव दिसिं पडिगया । १३४ । तेणं कालेणां०  
 ईसाणे कण्णे अणिंदे अपुरोहिए यावि होत्था, तते णं से तामली बालतवस्सी बहुपडिपुत्राइं सट्ठिं वाससहस्साइं परियागं पाउणिता

दोमासियाए संलेहणाए अत्ताणं झूसित्ता सवीसं भत्तसयं अणसणाए छेदिता कालमासे कालं किच्चा इसाणे कप्पे ईसाणवडिंसए विभाणे उववायसभाए देवसयणिज्जंसि देवदूसंतरिए अंगुलस्स असंखेज्जभागमेत्ताए ओगाहणाए ईसाणदेविंदविरहकालसमयंसि ईसाणदेविंदत्ताए उववण्णे, तए णं से ईसाणे देविंदे देवराया अहुणोववन्ने पंचविहाए, पज्जत्तीए पज्जत्तीभावं गच्छति, तं० - आहारप० जाव भासमणपज्जत्तीए, तए णं ते बलिचंचारायहाणिवत्थव्वया बहवे असुरकुमारा देवा य देवीओ य तामलिं बालतवस्सि कालगयं ज्जाणित्ता ईसाणे य कप्पे देविंदत्ताएउववण्णं पासित्ता आसुरुत्ता कुविया चंडिक्किया भिसिभिसेमाणा बलिचंचाराय० मज्झंमज्जेणं निगगच्छंति त्ता ताए उकिट्ठाए जाव जेणेव भारहे वासे जेणेव तामलिन्ती नयरी जेणेव तामलिस्स बालतवस्सिस्स सरीरए तेणेव उवागच्छंति त्ता वामे पाए सुंबेणं बंधंति त्ता तिक्खुत्तो मुहे उट्ठहंति त्ता तामलिन्तीए नगरीए सिंघाडगतिगचउक्कचच्चरचउम्भुहमहापहपहेसु आकड्ढविकडिंद करेमाणा महभा २ सद्देणं उग्घोसेमाणा २ एवं वयासि केसं णं भो ! से तामली बालतव० सयंगहियलिंगे पाणामाए पव्वजाए पव्वइए? केसं णं भो! ईसाणे कप्पे ईसाणे देविंदे देवराया इति कट्ठु तामलिस्स बालतव० सरीरयं हीलंति निंदति खिंसंति यरिहंति अवमन्नंति तज्जंति तालेति परिवहेति पव्वहेति आकड्ढविकडिंद करेतिहीलेत्ता जाव आकड्ढविकडिंद करेत्ता एगंते एडंति त्ता जामेव त्सिं पाउब्भूया तामेव दिसिं पडिगया ॥१३५॥ तए णं ते ईसाणकप्पवासी बहवे वेमाणिआ देवा य देवीओ य बलिचंचारायहाणिवत्थव्वएहिं असुरकुमारेहिं देवेहिं देवीहि य तामलिस्स बालतवस्सिस्स सरीरयं हीलिज्जमाणं निंदिज्जमाणं जाव

आकट्टविकट्टिं कीरमाणं पासति ता आसुरुत्ता जाव भिसिभिसेमाण्ण जेणं ईसाणे देविंदे देवराया तेणव उवागच्छंति ता करयलपरिगहियं दसनहं सिरसावत्तं मत्था अंजलिं कट्टु जएणं विजएणं वद्धावेति ता एवं वदासी एवं खलु देवाणुप्पिया ! बलिचंचारायहाणिवत्थव्वया बहवे असुरकुमारा देवा य देवीओ य देवाणुप्पिए कालगए जाणित्ता ईसाणे कप्पे इंदत्ताए उववत्ते पासेत्ता आसुरुत्ता जाव एगंते एडेंति ता जामेव दिसिं पाउब्भूया तामेव दिसिं पडिगया, तए णं से ईसाणे देविंदे देवराया तेसिं ईसाणकप्पवासीणं बहूणं वेमाणियाणं देवाण य देवीण य अंतिए एयमट्ठं सोच्चा निसम्म आसुरुत्ते जाव भिसिभिसेमाणे तत्थेव सयणिज्जवरगए तिवलियं भिउडिं निडाले साहट्टु बलिचंचारायहाणिं अहे सपक्खि सपडिदिसिं समभिलोएइ, तए णं सा बलिचंचारायहाणी ईसाणेणं देविंदेणं देवरत्ता अहे सपक्खि सपडिदिसिं समभिलोइया समाणी तेणं दिव्वप्पभावेणं इंगालभूया मुम्मुरभूया छारियभूया तत्तकवेल्लकभूया तत्तसमजोइभूया जाया यावि होत्था, तए णं ते बलिचंचारायहाणिवत्थव्वया बहवे असुरकुमारा देवा य देवीओ य तं बलिचंचं रायहाणिं इंगालभूयं जाव समजोतिब्भूयं पासति ता भीया तत्था तसिया उव्विग्गा संजायभया सव्वओ समंता आधावेति परिधावेति ता अन्नमन्नस्स कायं समतुरंगेमाण्ण २ चिट्ठंति, तए णं ते बलिचंचारायहाणिवत्थव्वया बहवे असुरकुमारा देवा य देवीओ य ईसाणं देविंदं देवरायं परिकुवियं जाणित्ता ईसाणस्स देविंदस्स देवरत्तो तं दिव्वं देविड्ढीं दिव्वं देवजुइं दिव्वं देवाणुभागं दिव्वं तेयलेस्सं असहमाण्ण सव्वे सपक्खि सपडिदिसिं ठिच्चा करयलपरिगहियंदसनहं सिरसावत्तं मत्था अंजलिं कट्टु जएणं विजएणं वद्धाविति ता एवं वयासी अहो णं

देवाणुप्पिएहिं दिव्वा देविइढी जाव अभिसमन्नागया तं दिव्वाणं देवाणुप्पियाणं दिव्वा देविइढी जाव लद्धा पत्ता अभिसमन्नागया तं  
 खामेमि णं देवाणुप्पिया! खमंतु णं देवाणुप्पिया! खमंतुमरिहंतु णं देवाणुप्पिया! णाई भुज्जो २ एवं करणयाएत्तिकट्टु एयमट्ठं  
 सम्मंविणएणं भुज्जो २ खामेति, तते णं ईसाणे देविंदे देवराया तेहिं बलिचंचारायहाणीवत्थव्वेहिं बहूहिं असुरकुमारेहिं देवेहिं देवीहि य  
 एयमट्ठं सम्मं विणएणं भुज्जो २ खामिए समाणे तं दिव्वं देविइंढ जाव तेयलेस्सं पडिसाहरइ, तप्पभित्तिं च णं गोयमा! ते  
 बलिचंचारायहाणीवत्थव्वया बहवे असुरकुमारा देवा य देवीओ य ईसाणं देविंदं देवरायं आढंति जावपज्जुवासंति, ईसाणस्स देविंदस्स  
 देवरन्तो आणाउववायवयणनिहेसे चिट्ठंति, एवं खलु गोयमा! ईसाणेणं देविंदेणं देवरन्ता सा दिव्वा देविइढी जाव अभिसमन्नागया,  
 ईसाणस्स णं भंते! देविंदस्स देवरन्तो केवतियं कालं ठिती पं०?, गोयमा! सातिरेगाइं दो सागरोवमाइं ठिती पं०, ईसाणे णं भंते! देविंदे  
 देवराया ताओ देवलोगाओ आउक्खएणं जाव कहिंगच्छिहिति? कहिं उववज्जिहिति?, गो०! महाविदेहे वासे सिञ्जिहिति जाव अंतं  
 काहेति । १३६। सक्कस्स णं भंते ! देविंदस्स देवरन्तो विमाणेहिंतो ईसाणस्स देविंदस्स देवरन्तो विमाणा ईसिं उच्चयरा चेव ईसिं  
 उन्नयतरा ईसाणस्स वा देविंदस्स देवरन्तो विमाणेहिंतो सक्कस्स देविंदस्स देवरन्तो विमाणा ईसिं णीययरा चेव ईसिं निन्नयरा चेव?, हंता  
 गोयमा! सक्कस्स तं चेव सव्वं नेयव्वं, से केणट्ठेणं०?, गोयमा! से जहानामए करयले सिया देसे उच्चे देसे उन्नए देसे णीए देसे निन्ने,  
 से तेणट्ठेणं गोयमा! सक्कस्स देविंदस्स देवरन्तो जावईसिं निण्णतरा चेव । १३७। पभू णं भंते! सक्के देविंदे देवराया ईसाणस्स देविंदस्स

देवरन्नो अंतियं पाउब्भवित्तए?, हंता पभू, से णं भंते! किं आढायमाणे पभू अणाढायमाणे पभू?, गोयमा! आढायमाणे पभू नो अणाढायमाणे पभू, पभू णं भंते! ईसाणे देविंदे देवराया सक्कस्स देविंदस्स देवरन्नो अंतियं पाउब्भवित्तए?, हंता पभू, से णं भंते ! किं आढायमाणे पभूअणाढायमाणे पभू ?, गोयमा! आढायमाणेऽवि पभू अणाढायमाणेऽवि पभू, पभू णं भंते! सक्के देविंदे देवराया ईसाणं देविंदं देवरायं सपक्खि सपडिदिसिं समभिलोएत्तए? जहा पादुब्भवणा तहा दोऽवि आलावगा नेयव्वा, पभू णं भंते! सक्के देविंदे देवराया ईसाणेणं देविंदेणं देवरत्ता सद्धिं आलावं वा संलावं वा करेत्तए?, हंता पभू जहा पादुब्भवणा, अत्थि णं भंते! तेसिं सक्कीसाणाणं देविंदाणं देवराईणं किच्चाइं करणिज्जाइं समुप्पज्जंति?, हंता अत्थि, से कहमिदाणिं पकरेंति?, गोयमा! ताहे चेव णं से सक्के देविंदे देवराया ईसाणस्स देविंदस्स देवरन्नो अंतियं पाउब्भवति, ईसाणे णं देविंदे देवराया सक्कस्स देविंदस्स देवरायस्स अंतियं पाउब्भवइ, इति भो! सक्का देविंदा देवराया दाहिणइढलोगाहिवई!, इति भो! ईसाणा देविंदादेवराया उत्तरइढलोगाहिवई, इति भो! इति भो! ति ते अन्नमन्नस्स किच्चाइं करणिज्जाइं पच्चणुब्भवमाणे विहरंति । १३८। अत्थि णं भंते! तेसिं सक्कीसाणाणं देविंदाणं देवराईणं विवादासमुप्पज्जंति?, हंता अत्थि, से कहमिदाणिं पकरेंति?, गोयमा! ताहे चेव णं ते सक्कीसाणा देविंदा देवरायाणो सणंकुमारं देविंदं देवरायं मणसीकरेंति, तए णं से सणंकुमारे देविंदेदेवराया तेहिं सक्कीसाणेहिं देविंदेहिं देवराईहिं मणसीकए समाणे खिप्पाभेव सक्कीसाणाणं देविंदाणं देवराईणं अंतियं पाउब्भवति, जं से वदइ तस्स आणाउववायवयणनिहेसे चिड्ढंति । १३९। सणंकुमारे णं भंते! देविंदे

देवराया किं भवसिद्धि ए अभवसिद्धि ए सम्मदिट्ठी मिच्छादिट्ठी परित्तसंसार ए अणंतसंसार ए सुलभबोहि ए दुल्लभबोहि ए आराह ए विराह ए चरिमे अचरिमे?, गोयमा! सणंकुमारे णं देविंदे देवराया भवसिद्धी ए नो अभवसिद्धी ए, एवं सम्मदिट्ठी परित्तसंसार ए सुलभबोहि ए आराह ए चरिमे, पसत्थं नेयव्वं, से केणट्ठेणं भंते!०?, गोयमा ! सणंकुमारे देविंदे देवराया बहूणं समणाणं बहूणं समणीणं बहूणं सावयाणं बहूणं सावियाणं हियकाम ए सुहकाम ए पत्थकाम ए आणुकंपि ए निस्सेयसि ए हियसुह० निस्सेयसकाम ए, से तेणट्ठेणं गोयमा! सणंकुमारे णं भवसिद्धि ए जाव नो अचरिमे, सणंकुमारस्स णं भंते! देविंदस्स देवरत्तो केवतियं कालं ठिती पं०?, गोयमा! सत्त सागरोवमाणि ठिती पं०, से णं भंते! ताओ देवलोगाओ आउक्खएणं जाव कहिं उववज्जिहिति?, गोयमा! महाविदेहे वासे सिञ्जिहिति जाव अंतं करेहिति, सेवं भंते! सेव भंते! 'छट्ठउट्ठम मासो अद्धमासो वासाइं अट्ठ छम्मासा। तीसगकुरुदत्ताणं तव भत्त परिण्णपरियाओ ॥ २४ ॥ उच्चत्तविमाणाणं पाउब्भव पेच्छणा य संलावे। किच्च विवादुप्पत्ती सणंकुमारे य भवियत्तं ॥ २५ ॥ १४०। भोया समत्ता ॥ श० ३ उ० १ ॥

तेणं कालेणं० रायगिहे नामं नगरे होत्था जाव परिसा पज्जुवासइ, तेणं कालेणं० चमरे असुरिंदे असुरराया चमरचंचाए रायहाणीएसभाए सुहम्माए चमरंसि सीहासणंसि चउसट्ठीए सामाणियसाहस्सीहिं जाव नट्टविहिं उवदंसेत्ता जामेव दिसिं पाउब्भूए तामेव दिसिं पडिगए, भंतेत्ति भगवं गोयमे समणं भगवं महावीरं वंदति नमंसति त्ता एवं वदासी अत्थि णं भंते! इमीसे रयणप्पभाए

॥ श्रीभगवती सूत्रं ॥

१८

पू. सागरजी म. संशोधित

पुढवीए अहे असुरकुमारा देवा परिवसंति?, गोयमा! नो इणठे सभट्टे, जाव अहेसत्तमाए पुढवीए, सोहम्मस्स कप्परस्स अहे जाव अत्थि णं भंते! ईसिपब्भाराए पुढवीए अहे असुरकुमारा देवा परिवसंति?, णो इणठे सभट्टे, से कहिं खाइ णं भंते! असुरकुमारा देवा परिवसंति?, गोयमा! इभीसे रयणप्पभाए पुढवीए असीउत्तरजोयणसयसहस्सबाहल्लाए, एवं असुरकुमारदेववत्तव्वया जाव दिव्वाइं भोगभोगाइं भुंजमाणा विहरंति, अत्थि णं भंते! असुरकुमाराणं देवाणं अहे गतिविसए?, हंता अत्थि, केवतियं च णं भंते! असुरकुमाराणं देवाणं अहे गतिविसए पं०?, गोयमा! जाव अहेसत्तमाए पुढवीए तच्चं पुण पुढविं गया य गमिस्संति य, किं पत्तियन्नं भंते! असुरकुमारा देवा तच्चं पुढविं गया य गमिस्संति य?, गोयमा! पुव्ववेरियस्स वा वेदणउदीरणयाए पुव्वसंगइयस्स वा वेदणउवसाभणयाए, एवं खलु असुरकुमारा देवातच्चं पुढविं गया य अमिस्संति य, अत्थि णं भंते! असुरकुमाराणं देवाणं तिरियं गतिविसए पं०?, हंता अत्थि, केवियत्तं च णं भंते! असुरकुमाराणं देवाणं तिरियं गइविसए पं०?, गोयमा! जाव असंखेज्जा दीवसमुद्दा नंदिस्सरवरं पुण दीवं गया य गमिस्संति य, किं पत्तियन्नं भंते! असुरकुमारा देवा नंदीसरवरदीवं गया य गमिस्संति य?, गोयमा! जे इमे अरिहंता भगवंतो एएसिं णं जम्भणमहेसु वा निक्खमणमहेसु वा णाणुप्पायपहिमासु वा परिनिव्वाणमहिमासु वा, एवं खलु असुरकुमारा देवा नंदीसरवरदीवं गया य गमिस्संति य, अत्थि णं भंते! असुरकुमाराणं देवाणं उइढं गतिविसए?, हंता अत्थि, केवतियं च णं भंते! असुरकुमाराणं देवाणं उइढं गतिविसए? गोयमा! जावऽच्चुए कप्पे, सोहम्मं पुण कप्पं गया य गमिस्संति य, किं पत्तियण्णं भंते! असुरकुमारा देवा सोहम्मं



कप्पं गया य गभिस्संति य?, गोयमा! तेसिं णं देवाणं भवपच्चइयवेराणुबंथे, ते णं देवा विकुब्बेमाणा वा परियारेमाणा वा आयरक्खे देवे वित्तासेति अहालहुस्सगाइं रयणाइं गहाय आयाए एगंतमंतं अवक्कामंति, अत्थि णं भंते! तेसिं देवाणं अहालहुस्सगाइं रयणाइं?, हंता अत्थि, से कहमियाणिं पकरेंति ?, तओ से पच्छा कायं पव्वहंति, पभू णं भंते ! ते असुरकुमारा देवा तत्थ गया चेव समाणा ताहिं अच्छराहिं सद्धिं दिव्वाइं भोगभोगाइं भुंजमाणा विहरत्तिए ?, णो तिणट्ठे समट्ठे, ते णं तओपडिनियत्तंति ता इहमागच्छंति ता जति णं ताओ अच्छराओ आढायंति परियाणंति पभू णं ते असुरकुमारा देवा ताहिं अच्छराहिं सद्धिं दिव्वाइं भोगभोगाइं भुंजमाणा विहरत्तिए, अहन्नं ताओ अच्छराओ नो आढायंति नो परियाणंति णो णं पभू ते असुरकुमारा देवा ताहिं अच्छराहिं सद्धिं दिव्वाइं भोगभोगाइं भुंजमाणा विहरत्तिए, एवं खलु गोयमा! असुरकुमारा देवा सोहम्मं कप्पं गया य गभिस्संति य । १४१। केवइकालस्स णं भंते! असुरकुमारा देवा उड्ढं उप्पयंति जाव सोहम्मे कप्पे गया य गभिस्संति य?, गोयमा! अणंताहिंउस्सप्पिणीहिं अणंताहिं अवसप्पिणीहिं समतिक्कंताहिं, अत्थि णं एस भावे लोयच्छेरयभूए समुप्पज्जइ जन्नं असुरकुमारा देवा उड्ढं उप्पयंति जाव सोहम्मो कप्पो, किं निस्साए णं भंते! असुरकुमारा देवा उड्ढं उप्पयंति जाव सोहम्मो कप्पो?, गोयमा! से जहानामए इह सबराइ व बब्बराइ वा टंकणाइ वा भुत्तुयाइ वा पल्हयाइ वा पुलिंदाइ वा एगं महं गड्डं वा खड्डं वा दुग्गं वा दरिं वा विसमं वा पव्वयं वा णीसाए सुमहल्लमवि आसबलं वा हत्थिबलं वा जोहबलं वा धणुबलं वा आगलेति एवामेव असुरकुमारावि देवा, णज्जणत्थ अरिहंते वा अरिहंतचेइयाणि वा अणगारे वा

भाविष्यणो निस्साए उड्ढं उप्पयंति जाव सोहम्मो कप्पो, सव्वेऽवि णं भंते! असुरकुमारा देवा उड्ढं उप्पयंति जाव सोहम्मो कप्पो?, गोयमा! णो इणद्धे समद्धे, महिड्ढिया णं असुरकुमारा देवा उड्ढं उप्पयंति जाव सोहम्मो कप्पो, एसवि णं भंते! चमरे असुरिदे असुरकुमारराया उड्ढं उप्पइयपुव्वि जाव सोहम्मो कप्पो?, हंता गोयमा!., अहो णं भंते! चमरे असुरिदे असुरकुमारराया महिड्ढीए महज्जुईए जाव कहिं पविट्ठा?, कूडागारसालादिट्ठंतो भाणियव्वो । १४२। चमरेणं भंते! असुरिदेणं असुररत्तासा दिव्वा देविड्ढी तं चेव जाव किन्ना लद्धा पत्ता अभिसमन्नागया?, एवं खलु गोयमा! तेणं कालेणं० इहेव जंबुद्वीवे २ भारहे वासे विंझगिरिपायमूले बेभेले नामं संनिवेसे होत्था, वन्नओ, तत्थ णं बेभेले संनिवेसे पूरणे नामं गहावती परिवसति अड्ढे दित्ते जहा तामलिस्स वत्तव्वया तहा नेयव्वा, नवरं चउप्पुडयं दारुमयं पडिग्गहयं करेत्ता जाव विपुलं असणं पाणं खाइमं साइमं जाव सयमेव चउप्पुडयं दारुमयं पडिग्गहयं गहाय मुंडे भवित्ता दाणाभाए पव्वज्जाए पव्वइत्ताए, पव्वइएऽवि य णं समाणे तं चेव जाव आयावणभूमिओ पच्चोरुभइ ता सयमेव चउप्पुडयं दारुमयं पडिग्गहियं गहाय बेभेले सन्निवेसे उच्चनीयमज्झिमाइं कुलाइं धरसमुदाणास्स भिक्खायरियाए अडेत्ता जं मे पढमे पुडए पडइ कप्पइ मे तं पंथे पहियाणं दलइत्ताए जं मे दोच्चे पुडए पडइ कप्पइ मे तं कागसुणयाणं दलइत्ताए जं मे तच्चे पुडए पडइ कप्पइ मे तं मच्छकच्छभाणं दलइत्ताए जं मे चउत्थे पुडए पडइ कप्पइ मे तं अप्पणाआहारमाहारित्तएत्तिकदट्ठ एवं संपेहेइ ता कलं पाउप्पभायए रयणीए तं चेव निरवसेसं जाव जं से चउत्थे पुडए पडइ तं अप्पणा आहारं आहारेइ, ताए णं से पूरणे बालतवस्सी तेणंओरालेणं

विउलेणं पयत्तेणं पग्गहिणं बालतवोकम्पेणं तं चेव जाव बेभेलस्स सन्निवेसस्स मज्झमज्झेणं निग्गच्छति ता पाउयं कुंडियमादीयं  
 उवकरणं चउप्पुडयं च दासूमयं पडिग्गहियं एगंतमंते एडेइ ता बेभेलस्स सन्निवेसस्स दाहिणपुरच्छिमे दिसीभागे अब्धनियत्तणियमंडलं  
 आलिहिता संलेहणाझूसणाझूसिए भत्तपाणपडियाइक्खिए पाओवगमणं निव्वणे, तेणं कालेणं० अहं गोयमा! छउमत्थकालियाए  
 एक्कारसवासपरियाए छट्ठंछट्ठेणं अनिक्खित्तेणं तवोकम्पेणं संजमेणं तवसा अप्पाणं भावेमाणे पुव्वाणुपुव्वि चरमाणे गामाणुगामं  
 दूइज्जमाणे जेणेव सुसमारपुरे नगरे जेणेव असोयवणसंडे उज्जाणे जेणेव असोयवरपायवे जेणेव पुढवीसिलावट्टओ तेणेव उवागच्छामि  
 ता असोगवरपायवस्स हेट्ठा पुढवीसिलापट्टयंसि अट्टमभत्तं परिगिणहामि, दोऽवि पाए साहट्टु वग्धारियपाणी एगपोगलनिविट्टदिट्ठी  
 अणिमिसनयणे ईसिपब्भारगएणं काएणं अहापणिहिहं गत्तेहिं सव्विंदिएहिं गुत्तेहिं एगराइयं महापडिमं उवसंपज्जित्ताणं विहरामि,  
 तेणं कालेणं० चमरचंचारायहाणी अणिदा अपुरोहिया यावि होत्था, तए णं से पूरणे बालतवस्सी वहपडिपुन्नाइं दुवालसवासाइं  
 परियागं पाउणित्ता मासियाए संलेहणाए अत्ताणं झूसेत्ता सट्ठिं भत्ताइं अणसणाए छेदेत्ता कालमासे कालं किच्चा चमरचंचाए  
 रायहाणीए उववायसभाए जाव इंदत्ताए उववन्ने, तए णं से चमरे असुरिदे असुरराया अहणोववन्ने पंचविहाए पज्जतीए पज्जत्तिभावं  
 गच्छइ, तं० - आहारपज्जतीए जाव भासामणपज्जत्तोए, तए णं से चमरे असुरिदे असुरराया पंचविहाए पज्जतीए पज्जत्तिभावं गए  
 समाणे उइढं वीससाए ओहिणा ओओएइ जाव सोहम्मो कप्पो, पासइ य तत्थ सक्कं देविंदं देवरायं मघवं पागसासणं सयक्कतुं सहस्सक्खं

वज्रपाणि पुरंदरं जावदस दिसाओ उज्जोएमाणं पभासेमाणं, सोहम्मे कप्पे सोहम्पवडेंसए विमाणे सभाए सोहम्पाए संकसि सीहासणंसि जाव दिव्वाइं भोगभोगाइं भुंजमाणं पासइ त्ता इमेयारूवे अज्झत्थिए चित्तिए पत्थिए मणोगए संकप्पे समुप्पज्जित्था केस णं एस अपत्थियपत्थए दुरंतपंतलक्खणे हिरिसिरिपरिवज्जिए हीणपुन्नचाउदसे जन्नं ममं इमाए एयारूवाए दिव्वाए देविइढीए जाव दिव्वे देवाणुभावे लद्धे पत्ते अभिसमन्नागए उप्पि अप्पुस्सुए दिव्वाइं भोगभोगाइं भुंजमाणे विहरइ? एवं संपेहेइ त्ता सामाणियपरिसोववन्नए देवे सदावेइ त्ता एवं वयासीकेस णं एस देवाणुप्पिया! अपत्थियपत्थए जाव भुंजमाणे विहरइ?, तए णं ते सामाणियपरिसोववन्नगा देवा चमरेणं असुरिदेणं असुररन्ना एवं वुत्ता सभाणा हट्ठतुट्ठा जाव हयहियया करयलपरिग्गहियं दसनहं सिस्सावत्तं भत्थए अंजलिं कट्ठजएणं विजएणं वद्धावेति त्ता एवं वयासी एस णं देवाणुप्पिया! सक्के देविंदे देवराया जाव विहरइ, तए णं से चमरे असुरिदे असुरराया तेसिं सामाणियपरिसोववन्नगाणं देवाणं अंतिए एयमट्ठं सोच्चा निसम्म आसुरुत्ते रुट्ठे कुविए चंडिक्किए भिसिभिसेमाणे ते सामाणियपरिसोववन्नए देवे एवं वयासी अन्ने खलु भो ! से सक्के देविंदे देवराया अन्ने खलु भो ! से चमरे असुरिदे असुरराया, महिइढीए खलु से सक्के देविंदे देवराया अप्पडिढए खलु भो! से चमरे असुरिदे असुरराया, तं इच्छामि णं देवाणुप्पिया! सक्कं देविंदं देवरायं सयमेव अच्चासादेत्तएत्तिकट्ठ उसिणे उसिणब्भूए जाए यावि होत्था, तए णं से चमरे असुरिदे असुरराया ओहिं पउंजइ त्ता ममं ओहिणाआभोएइ त्ता इमेयारूवे अज्झत्थिए जाव समुप्पज्जित्था एवं खलु सपणे भगवं महावीरे जंबुदीवे २ भारहे वासे सुसभारपुरे नगरे असोगवणसंडेउज्जाणे

असोगवरपायवस्स अहे पुढवीसिलावडुयंसि अडुमभत्तं पडिगिणिहत्ता एगराडयं महापडिमं उवसंपज्जित्ताणं विहरति, तं सेयं खलु मे  
 सभणं भगवं महावीरं नीसाए सक्कं देविंदं देवरायं सयमेव अच्छासादेत्ताए त्तिकट्टु एवं संपेहेइ ता सयणिजाओ अब्भुट्टेइ ता देवदूसं  
 परिहेइ ता उववायसभाए पुरच्छिमिल्लेणं दारेणं णिग्गच्छइ ता जेणेव सभा सुहम्मा जेणेव चोप्पाले पहरणकोसे तेणेव उवागच्छइता  
 फलिहरयणं परामुसइ ता एगे अब्बीए फलिहरयणमायाए महया अमरिसं वहमाणे चमरचंचाए रायहाणीए भज्झंभज्झेणं निग्गच्छइ ता  
 जेणेव तिगिच्छकूडे उप्पायपव्वए तेणामेव उवागच्छइ ता वेउव्वियसमुग्धाएणं समोहण्णइ ता संखेज्जाइं जोयणाइं जाव उत्तरवेउव्वियरूवं  
 विउव्वइ ता ताए उक्किट्ठाए जाव जेणेव पुढवीसिलापट्टए जेणेव ममं अंतिए तेणेव उवागच्छत्ति ता तिक्खुत्तो आयाहिणं पयाहिणं  
 करेति जाव नमंसित्ता एवं वयासी इच्छामि णं भंते ! तुब्भं नीसाए सक्कं देविंदं देवरायं सयमेव अच्छासादिताए त्तिकट्टु उत्तरपुरच्छिमे  
 दिसिभागे अवक्कमइ ता वेउव्वियसमुग्धाएणं समोहण्णइ ता जाव दोच्चंपि वेउव्वियसमुग्धाएणं समोहण्णइ ता एगं महं धोरं धोरगारं  
 भीमं भीमागारं भासुरं भयाणीयं गंभीरउत्तासणयं कालइढरत्तमासरासिसंकासं जोयणसयसाहस्सियं महाबोदि विउव्वइ ता अप्फोडेइ  
 ता वग्गइ ता गज्जइ ता हयहेसियं करेइ ता हत्थिगुलगुलाइयं करेइ ता रहघणघणाइयं करेइ ता पायदहरगं करेइ ता भूमिचवेडयं  
 दलयइ ता सीहणादं नदइ ता अच्छोलइ ता पच्छोलेइ ता तिपइं छिंदइ ता वामं भुयं ऊसवेइ ता दाहिणहत्थपदेसिणीए य अंगुट्ठणहेण  
 य वित्तिरिच्छमुहं विडंबेइ ता महया २ सहेणं कलकलरवणं करेइ, एगे अब्बीए फलिहरयणमायाए उड्ढं वेहासं अप्पइए, खोभंते चेव

अहेलोयं कंपेमाणेव मेयणितलं आकट्टंतेव तिरियलोयं फोडेमाणेव अंबरतलं कत्थई गजंतो कत्थई विज्जुथायंतो कत्थई वासं वासमाणो  
 कत्थई रउग्घायं पकरेमाणे कत्थई तमुक्कायं पकरेमाणे वाणमंतरदेवे वित्तासेमाणे जोइसिएदेवे दुहा विभयमाणे २ आयरक्खे देवे  
 विपलामाणे २ फलिहरयणं अंबरतलंसि विथट्टमाणे २ विउज्झाएमाणे २ ताए उक्किट्ठाए जाव तिरियमसंखेज्जाणं दीवसमुहाणं मज्झंमज्जेणं  
 वीथीवयमाणे २ जेणेव सोहम्मे कप्पे जेणेव सोहम्भवडेंसए विमाणे जेणेव सभा सुधम्मा तेणेव उवागच्छइ ता एगं पायं पउमवरवेइथाए  
 करेइ ता एगं पायं सभाए सुहम्माए करेइ ता फलिहरयणेणं महया २ सद्देणं तिक्खुत्तो इंदकीलं आउडेइ ता एवं वथासी कहिं णं भो  
 ! सक्के देविंदे देवराया ? कहिं णं ताओ चउरासीई साभाणियसाहस्सीओ ? जाव कहिं णं ताओ चत्तारिचउरासीईओ  
 आयरक्खदेवसाहस्सीओ ? कहिं णं ताओ अणेगाओ अच्छरावोडीओ ? अज्ज हणामि अज्ज महेभि अज्ज वहेभि अज्ज भमं अवसाओ  
 अच्छराओ वसमुवणमंतुत्तिकट्टु तं अणिट्ठं अकंतं अप्पियं अमणुत्तं अमणामं फरुसं गिरं निसिरइ, तए णं से सक्के देविंदे देवराया तं  
 अणिट्ठं जाव अमणामं अस्सुयपुव्वं फरुसं गिरं सोच्चा निसम्भ आसुरुत्ते जावभिसिभिसेमाणे तिवलियं भिउडिं निडाले साहट्टु चमरं  
 असुरिदं असुररायं एवं वदासी हंभो चमरा असुरिंदा असुरराया अपत्थियपत्थया जाव हीणपुन्नचाउदस्सा ! अज्ज न भवसि, नाहि ते  
 सुहमत्थीतिकट्टु तत्थेव सीहासणवरगए वज्जं परामुसइ ता तं जलंतं फुडंतं तडतडंतं उक्कासहस्साइं विणिम्मुयमाणं २ जालासहस्साइं  
 पमुंचमाणं २ इंगालसहस्साइं पविक्खिअमाणं २ फुल्लिगजालामालासहस्सेहिं चक्खुविक्खेवदिट्ठिपडिधायं पकरेमाणं हुयवहअइरेगतेयदिप्पंतं

जतिणवेगं फुल्लकिंसुयसभाणं महब्भयं भयंकरं चमरस्स असुरिंदस्स असुररत्नोवहाए वज्जं निसिरइ, तते णं से चमरे असुरिदे असुरराया तं० जलंतं जाव भयंकरं वज्जमभिमुहं आवयमाणं पासइ ता झियाति ता पिहाइ ता तहेव संभग्गमउडविडए सालंबहत्थाभरणेउडढंपाए अहोसिरे कक्खागयसेयंपिव विणिम्भुयमाणे २ ताए उक्किट्ठाए जाव तिरियमसंखेज्जाणं दीवसमुद्दाणं मज्झंमज्झेणं वीईवयमाणे २ जेणेव जंबुदीवे २ जाव जेणेव असोगवरपायवे जेणेव ममं अंतिए तेणेव उवागच्छइ ता भीए भयगगरसरे भगवं सरणमिति बुयमाणे ममं दोणहवि पायाणं अंतरंसि वेगेण समोवडिइ । १४३ । ताए णं तस्स सक्कस्स देविंदस्सदेवरत्नो इमेयारूवे अज्झत्थिए जाव समुप्पज्जित्था नो खलु पभू चमरे असुरिदे असुरराया नो खलु समत्थे चमरे असुरिदे असुरराया नो खलु विसए चमरस्स असुरिंदस्स असुररत्नोअप्पणो निस्साए उडढं उप्पइत्ता जाव सोहम्पो कप्पो, णज्जणत्थ अरिहत्ते वा अरिहंतचेइयाणि वा अणगारे वा भावियप्पणो णीसाए उडढं उप्पयंति जाव सोहम्पो कप्पो, तं महादुक्खं खलु तहारूवाणं अरहंताणं भगवंताणं अणगाराण य अच्चासायणाएत्तिकदटु ओहिं पउंजति ता ममं ओहिणा आभोएति ता हा हा अहो हतोऽहमंसित्तिकदटु ताए उक्किट्ठाएजाव दिव्वाए देवगतीए वज्जस्स वीहिं अणुगच्छमाणे २ तिरियमसंखेज्जाणं दीवसमुद्दाणं मज्झंमज्झेणं जाव जेणेव असोगवरपायवे जेणेव ममं अंतिए तेणेव उवागच्छइ ता ममं चउरंगुलमसंपत्तं वज्जं पडिसाहरइ । १४४ । अवियाइं मे गोथमा ! मुट्ठिवाएणं केसगे वीइत्था, ताए णं से सक्के देविंदे देवराया वज्जं पडिसाहरित्ता ममं तिक्खुत्तो आयाहिणं पयाहिणं करेइत्ता वंदइ नमंसइ ता एवं वयासी एवं खलु भंते ! अहं तुब्भं नीसाए चमरेणं असुरिदेणं असुररत्ना

सयमेव अच्छासाइए, तए णं मए परिकुविणं समाणेणं चमरस्स असुरिंदस्स असुररत्तो वहाए वज्जे निसट्ठे, तए णं मे इमेयारूवे अञ्जन्थिए जाव समुप्पज्जित्था-नो खलु पभू चमरे असुरिदे असुरराया तहेव जाव ओहिं पउंजामि देवाणुप्पिए ओहिणा आभोएमि हाहा अहो हतोमीतिकदटु ताए उक्किट्ठाए जाव जेणेव देवाणुप्पिए तेणेव उवागच्छामि देवाणुप्पियाणं चउरंगुलमसंपत्तं वज्जं पडिसाहरामि वज्जपडिसाहरणट्ठयाए णं इहभागए इह समोसढे इह संपत्ते इहेव अज्ज उवसंपिज्जत्ताणं विहरामि, तं खामेमि णं देवाणुप्पिया! खमंतु णं देवाणुप्पिया! खमंतुमरहंति णं देवाणुप्पिया! णाइभुज्जो एवं पकरणयाएत्तिकदटु ममं वंदइ नमंसइ ता उत्तरपुरच्छिमं दिसीभागं अवक्कमइ ता वामेणं पादेणं तिक्खुत्तो भूमिं दलेइ ता चमरं असुरिदं असुररायं एवं वदासी मुक्कोज्जसि णं भो चमरा! असुरिदा असुरराया समणस्स भगवओ महावीरस्स पभावेणं, न हि ते दाणिं मभाओ भयमन्थीतिकदटु जामेव दिसिं पाउब्भूए तामेव दिसिं पडिगए । १४५ । भंत्तेति भगवं गोयमे समणं भगवं महावीरं वंदति. एवं वदासी देवे णं भंते! महइढीए महुज्जुतीए जाव महाणुभागे पुव्वामेव पोग्गलं खिवित्ता पभू तमेव अणुपरियट्ठित्ताणं गिण्हत्तए?, हंता पभू, से केणट्ठेणं भंते! जाव गिण्हत्तए?, गोयमा! पोग्गले निक्खित्ते समाणे पुव्वामेव सिग्घगती भवित्ता ततो पच्छा मंदगती भवति, देवे णं महइढीए पुव्विपिय पच्छावि सीहे सीहगती चेव तुरिए तुरियगतीचेव, से तेणट्ठेणं जाव पभू गेण्हत्तए, जति णं भंते! देवे महइढीए जाव अणुपरियट्ठित्ताणं गेण्हत्तए कम्हा णं भंते! सक्के णं देविंदे देवराया चमरे असुरिदे असुरराया नो संचातिए साहन्थिं गेण्हत्तए?, गोयमा! असुरकुमाराणं देवाणं अहे गतिविसए सीहे, चेव तुरिए चेव उइढं



गतिविसए अप्पे० चेव मंदे० चेव, वेमाणियाणं देवाणं उड्ढं गतिविसए सीहे, चेव तुरिए० चेव अहे गतिविसए अप्पे० चेव मंदे० चेव, जावतियं खेत्तं सक्के देविंदे देवराया उड्ढं उप्पयति एक्केणं समएणं तं वज्जे दोहिं, जं वज्जे दोहिं तं चमरे तिहिं, सव्वत्थोवे सक्कस्स देविंदस्स देवरत्तो उड्ढलोयकंडए अहेलोयकंडए संखेज्जगुणे, जावतियं खेत्तं चमरे असुरिंदे असुरराया अहे ओवयति एक्केणं समएणं तं सक्के दोहिं जं सक्के, दोहिं तं वज्जे तिहिं, सव्वत्थोवेचमरस्स असुरिंदस्स असुररत्तो अहेलोयकंडए उड्ढलोयकंडए संखेज्जगुणे, एवं खलु गोयमा! सक्केणं देविंदेणं देवरण्णा चमरे असुरिंदे असुरराया नो संचाइए साहत्थिं गेण्हत्तए, सक्कस्स णं भंते ! देविंदस्स देवरत्तो उड्ढं अहे तिरियं च गतिविसयस्स कयरे रहितो अप्पे वा बहुए वा तुल्ले वा विसेसाहिए वा?, गोयमा! सव्वत्थोवं खेत्तं सक्के देविंदे देवराया अहेओवयइ एक्केणं समएणं तिरियं संखेज्जे भागे गच्छइ उड्ढं संखेज्जे भागे गच्छइ, चमरस्स णं भंते! असुरिंदस्स असुररत्तो उड्ढं अहे तिरियं च गतिविसयस्स कयरे रहितो अप्पेवा बहुए वा तुल्ले वा विसेसाहिए वा?, गोयमा! सव्वत्थोवं खेत्तं चमरे असुरिंदे असुरराया उड्ढं उप्पयति एक्केणं समएणं तिरियं संखेज्जे भागे गच्छइ अहे संखेज्जे भागे गच्छइ, वज्जं जहा सक्कस्स देविंदस्स तहेव नवरं विसेसाहियं कायव्वं, सक्कस्स णं भंते ! देविंदस्स देवरत्तो ओवयणकालस्स य उप्पयणकालस्स य कयरे रहितो अप्पे वा बहुए वा तुल्ले वा विसेसाहिए वा?, गोयमा! सव्वत्थोवे सक्कस्स देविंदस्स देवरत्तो उड्ढं उप्पयणकाले ओवायणकाले संखेज्जगुणे, चमरस्सवि जहा सक्कस्स णवर सव्वत्थोवे ओवयणकाले उप्पयणकाले संखेज्जगुणे, वज्जस्स पुच्छा, गोयमा! सव्वत्थोवे उप्पयणकाले ओवयणकाले

विसेसाहिए, एयस्स णं भंते! वज्जस्स वज्जाहिइस्स चमरस्स य असुरिंदस्स असुररन्ना ओवयणकालस्स य उप्पयणकालस्स य कयरे रंहितो  
 अप्पे वा ४?, गोयमा! सक्कस्स य उप्पयणकाले चमरस्स य ओवयणकाले एए णं दोन्निवि तुल्ला सव्वत्थोवा सक्कस्स य ओवयणकाले  
 वज्जस्स य उप्पयणकाले एस णं दोण्हऽवि तुल्ले संखेज्जगुणे, चमरस्स उ उप्पयणकाले वज्जस्स य ओवयणकाले एस णं दोण्हऽवि तुल्ले  
 विसेसाहिए । १४६ । तए णं से चमरे असुरिंदे असुरराया वज्जभयविप्पमुक्के सक्केणं देविंदेणं देवरन्ना महया अवमाणेणं अवमाणिए  
 समाणे चमरचंचाए रायहाणीए सभाए सुहम्माए चमरंसि सीहासणांसि ओहयमणसंकप्पे चिंतासोयसागरसंपविट्ठे करयलपल्हत्थमुहे  
 अट्टञ्जाणोवगए भूमिगयदिट्ठीए झियाति, तते णं तं चमरं असुरिंदं असुररायं सामाणियपरिसोववन्नया देवाओहयमणसंकप्पं जाव  
 झियायमाणं पासंति ता करयल जाव एवं वयासी किण्णं देवाणुप्पिया! ओहयमणसंकप्पा जाव झियायह?, तए णं से चमरे असुरिंदे  
 असुरराया ते सामाणियपरिसोववन्नए देवे एवं वयासी एवं खलु देवाणुप्पिया! मए समणं भगवं महावीरं नीसाए सक्के देविंदे देवराया  
 सयमेव अच्छासादिए, तए णं तेणं परिकुविण्णं समाणेणं ममं वहाए वज्जेनिसिट्ठे, तं भद्दण्णं भवतु देवाणुप्पिया! समणस्स भगवओ  
 महावीरस्स जस्स मब्भिमनुपभावेण अक्किट्ठे अव्वहिए अपरिताविए इहभागए इह समोसठे इह संपत्ते इहेव अज्जं उवसंपज्जित्ताणं  
 विहरामि, तं गच्छामो णं देवाणुप्पिया! समणं भगवं महावीरं वंदामो णमंसांमो जाव पज्जुवासांमोत्तिकट्ठु चउसट्ठीए सामाणियसाहस्सीहिं  
 जाव सव्विड्ढीए जाव जेणेव असोगवरपायवे जेणेव ममं अंतिए तेणेव उवागच्छइ ता ममं तिक्खुत्तो आयाहिणं पयाहिणं जाव

नमंसित्ता एवं वदासी एवं खलु भंते! मए तुब्भं नीसाए सक्के देविंदे देवराया सयमेव अच्छासादिए जाव तं भदं णं भवतु देवाणुप्पियाणं  
जस्स महिं अणुपभावेणं अक्किट्ठे जाव विहरामि तं खामेभि णं देवाणुप्पिया! जाव उत्तरपुरच्छिभं दिसीभागं अवक्कमइ त्ता जाव  
बत्तीसइबद्धं नट्टविहिं उवदंसेइ त्ता जामेव दिसिं पाउब्भूए तामेव दिसं पडिगाए, एवं खलु गोयमा! चमरेणं असुरिदेणं असुररत्ता सा  
दिव्वा देविइढी लद्धा पत्ता जाव अभिसमन्नागया, तिती सागरोवभं, महाविदेहे वासे सिज्झिहिति जाव अंतं काहिति । १४७ । किं  
पत्तिए णं भंते ! असुरकुमारा देवा उइढं उप्पयंति जाव सोहम्मो कप्पो?, गोयमा! तेसिं णं देवाणं अहुणोववत्तगाणं वा चरिमभवत्थाणं  
वा इमेयारूवे अज्झत्थिए जाव समुप्पज्जइ अहो णं अम्हेहिं दिव्वा देविइढी लद्धा पत्ता जाव अभिसमन्नागया, जारिसिया णं अम्मेहिं  
दिन्नादेविइढी जाव अभिसमन्नागया तारिसिया णं सक्केणं देविंदेणं देवरत्ता दिव्वा देविइढी जाव अभिसमन्नागया, जारिसिया णं  
सक्केणं देविंदेणं देवरत्ता जाव अभिसमन्नागया तारिसिया णं अम्हेहिवि जाव अभिसमन्नागया तं गच्छामो णं सक्कस्स देविंदस्स  
देवरत्तो अंतियं पाउब्भवामो, पासामो ताव सक्कस्स देविंदस्स देवरत्तो दिव्वं देविइंढ जाव अभिसमन्नागयंपासतु ताव अम्हएवि सक्के  
देविंदे देवराया दिव्वं देविइंढ जाव अभिसमन्नागयं, तं जाणामो ताव सक्कस्स देविंदस्स देवरत्तो दिव्वं देविइंढ जाव अभिसमन्नागयं  
जाणउ ताव अम्हएविसक्के देविंदे देवराया दिव्वं देविइंढ जाव अभिसमन्नागयं, एवं खलु गोयमा! असुरकुमारा देवा उइढं उप्पयंति  
जाव सोहम्मो कप्पो । सेवं भंते! रत्ति । १४८ । चमरो समत्तो ॥ १० ३ ३० २ ॥

तेणं कालेणं० रायगिहे नामं नगरे होत्था जाव परिसा पडिगया, तेणं कालेणं० जाव अंतेवासी मंडियपुत्ते णामं अणगारे पगतिभद्दए जाव पज्जुवासमाणे एवं वदासी कति णं भंते! किरियाओ पं०?, मंडियपुत्ता! पंच किरियाओ पं०तं०-काइया अहिगरणिया पाउसिया पारियावणिया पाणाइवायकिरिया, काइया णं भंते! किरिया कतिविहा पं०?, मंडियपुत्ता! दुविहा पं०तं०-अणुवरयकायकिरिया य दुप्पउत्तकायकिराय य, अहिगरणिया णं भंते! किरिया कतिविहा पं०?, मंडियपुत्ता! दुविहा पं०तं०-संजोयणाहिगरणकिरिया य निव्वत्तणाहिगरणकिरिया य, पाओसिया णं भंते! किरिया कतिविहा पं०?, मंडियपुत्ता! दुविहा पं०तं० -जीवपाओसिया य अजीवपादोसिया य, पारियावणिया णं भंते! किरियाकइविहा पं०?, मंडियपुत्ता! दुविहा पं०तं० -सहत्थपारियावणिया य परहत्थपारियावणिया य, पाणाइवायकिरिया कइविहा पं०, मंडियपुत्ता! दुविहा पं०तं० - सहत्थपा० परहत्थपा० किरिया य । १४९। पुव्वि भंते ! किरिया पच्छा वेदणा पुव्वि वेदणा पच्छा किरिया?, मंडियपुत्ता! पुव्वि किरिया पच्छा वेदणा, णो पुव्वि वेदणा पच्छा किरिया । १५०। अत्थि णं भंते! समणाणं निग्गंथाणं किरिया कज्जइ?, हंता अत्थि, कहं णं भंते! समणाणं निग्गंथाणं किरिया कज्जइ?, मंडियपुत्ता! पमायपच्चया जोगनिमित्तं च, एवं खुल्ल समणाणं निग्गंथाणं किरिया कज्जति । १५१। जीवे णं भंते! सया समियं एयति वेयति चल्ति फंदइ घट्टइ खुब्भइ उदारइ तं तं भावं परिणमंति?, हन्ता मंडियपुत्ता! जीवे णं सयासमियं एयति जाव तं तं भावं परिणमइ, जावं च णं भंते! से जीवे सया समितं जाव परिणमइ तावं च णं तस्स जीवस्स अंते अंतकिरिया भवति?, णो तिणट्ठे

समष्टे, से केणट्टेणं भंते ! एवं वुच्चइ जावं च णं से जीवे सया समितं जाव अंते अंतकिरिया न भवति? मंडियपुत्ता ! जावं च णं से जीवे सया समितं जाव परिणमति तावं च णं से जीवे आरंभइ सारंभइ समारंभइ आरंभे वट्टइ सारंभे वट्टइ समारंभे वट्टइ आरंभमाणे सारंभमाणे समारंभमाणे आरंभे वट्टमाणे सारंभे वट्टमाणे समारंभे वट्टमाणे बहूणं पाणाणं भूयाणं जीवाणं सत्ताणंदुक्खावणयाए संखावणयाए जूरावणयाए तिप्पावणयाए पिट्ठावणयाए परियावणयाए वट्टइ, से तेणट्टेणं मंडियपुत्ता ! एवं वुच्चइ जावं च णं से जीवे सयिं एयति जाव परिणमति तावं च णं तस्स जीवस्स अंते अंतकिरिया न भवइ, जीवे णं भंते ! सया सयिं णो एयइ जाव नो परिणमइ?, हंता मंडियपुत्ता ! जीवे णं सया सयिं जाव नो परिणमति, जावं च णं भंते ! से जीवे नो एयति जाव नो तं तं भावं परिणमति तावं च णं तस्स जीवस्स अंते अंतकिरिया भवइ?, हंता जाव भवति, से केणट्टेणं भंते ! जाव भवति?, मंडियपुत्ता ! जावं च णं से जीवे सया सयिं णो एयति जाव णो परिणमइ तावं च णं से जीवे नो आरंभइ नो सारंभइ नो समारंभइ नो आरंभे वट्टइ णो सारंभे वट्टइ णो समारंभे वट्टइ अणारंभमाणे असारंभमाणे असमारंभमाणे आरंभे अवट्टमाणे सारंभे अवट्टमाणे समारंभे अवट्टमाणे बहूणं पाणाणं० अदुक्खावणयाए जाव अपरियावणयाए वट्टइ, से जहानामए केइ पुरिसे सुक्कं तणाहत्थयं जायतेयंसि पक्खिवेज्जा, से नूणं मंडियपुत्ता ! से सुक्के तणाहत्थए जायतेयंसि पक्खित्ते समाणे खिप्पामेव मसमसाविज्जइ?, हंता मसमसाविज्जइ, से जहानामए केइ पुरिसे तत्तंसि अयकवल्लंसि उदयबिंदू पक्खिवेज्जा, से नूणं मंडियपुत्ता ! से उदयबिंदू तत्तंसि अयकवल्लंसि पक्खित्ते समाणे खिप्पामेव

विद्धंसमागच्छइ?, हंता विद्धंसमागच्छइ, से जहानामए हरए सिया पुण्णे पुण्णप्यमाणे वोल्हमाणे वोसट्टमाणे समभरघडत्ताए चिट्ठति, अहे णं केइ पुरिसे तंसि हरयंसि एगं महं णावं सतासवं सयच्छिदं ओगाहेज्जा, से नूणं मंडियपुत्ता! सा नावा तेहिं आसवदारेहिं आपूरेमाणी २ पुण्णा पुण्णप्यमाणा वोल्हमाणा वोसट्टमाणा समभरघडत्ताए चिट्ठति?, हंता चिट्ठति, अहे णं केइ पुरिसेतीसे नावाए सव्वतो समंता आसवदाराइं पिहेइ ता नावाउस्सिचणएणं उदयं उस्सिचिज्जा से नूणं मंडियपुत्ता! सा नावा तंसि उदयंसि उस्सिचियंसि समाणंसि खिप्पामेव उइढं उदाइज्जा?, हंता उदाइज्जा, एवामेव मंडियपुत्ता! अत्त तासुंवडस्स अणगारस्स ईरियासमियस्स जाव गुत्तबंभयारिस्स आउत्तं गच्छमाणस्स० चिट्ठमाणस्स० निसीयमाणस्स० तुयट्टमाणस्सआउत्तं वत्थपडिग्गहकंबलपायपुंछणं गेणहमाणस्स णिक्खिवमाणस्स जाव चक्खुपम्हनिवायमवि वेमाया सुहुमा ईरियावहिया किरिया कज्जइ, सा पढमसमयबद्धपुट्ठा बितियसमयवेतिया ततियसमयनिज्जरिया सा बद्धा पुट्ठा उदीरिया वेदिया निज्जिण्णा सेयकाले अकम्भं वावि भवति, से तेणट्ठेणं मंडियपुत्ता! एवं वुच्चति जावं च णं से जीवे सया समियं नो एयतिजाव अंते अंतकिरिया भवति । १५२। पमत्तसंजयस्स णं भंते! पमत्तसंजमे वट्टमाणस्स सव्वाज्जि य णं पमत्तद्धा कालओ केवच्चिरं होइ?, मंडियपुत्ता! एगजीवं पडुच्च जहन्नेणं एक्कंसमयं उक्कोसेणं देसूणा पुव्वकोडी, णाणाजीवे पडुच्च सव्वद्धा, अप्पमत्तसंजयस्स णं भंते! अप्पमत्तसंजमे वट्टमाणस्स सव्वाज्जि य णं अप्पमत्तद्धा कालओ केवच्चिरं होइ?, मंडिय पुत्ता! एगजीवं पडुच्च जहन्नेणं अंतोभुहुत्तं उक्को. पुव्वकोडी देसूणा, णाणाजीवे पडुच्च सव्वद्धं । सेवं भंते! २ त्ति भयवं

મંડિયપુત્તે અણગારે સમળું ભગવં મહાવીરં વંદઇ નમંસઇ ત્તા સંજમેળં તવસા અપ્પાણં ભાવેમાણે વિહરઇ । ૧૫૩। મંતેત્તિ ભગવં ગોયમે સમળું ભગવં મહાવીરં વંદઇ નમંસઇ ત્તા એવં વયાસી કમ્હા ણં મંતે લવણસમુદ્દે ચાઉદસદ્ધમુદ્દિદ્ધપુત્રમાસિણીસુ અંતિરેયં વડ્ઢતિ વા હાયતિ વા ?, જહા જીવાભિગમે લવણસમુદ્ધવત્તવ્વયા નેયવ્વા જાવ લોયદ્ધિતી, જણું લવણસમુદ્દે જંબુદ્ધીવં ૨ ણો ઉપ્પીત્તેતિ ણો ચેવ ણં એગોદગં કરેઇ ( પાંલોયદ્ધિર્ઠ )લોયાણુભાવે । સેવં મંતે! રત્તિ જાવ વિહરતિ । ૧૫૪। કિરિયા સમત્તા ॥ ૧૦ ૩ ૩૦ ૩ ॥

અણગારે ણં મંતે! ભાવિયપ્પા દેવં વેઽવ્વિયસમુદ્ધાણં સમોહયં જાણરૂવેણં જાયમાણં જાણઇ પાસઇ?, ગોયમા! અત્થેગઇએ દેવં પાસઇ નો જાણં પાસઇ અત્થેગઇએ જાણં પાસઇ નો દેવં પાસઇ અત્થેગઇએ દેવંપિ પાસઇ જાણંપિ પાસઇ અત્થેગઇએ નો દેવં પાસઇ નો જાણં પાસઇ, અણગારે ણં મંતે! ભાવિયપ્પા દેવિં વેઽવ્વિયસમુદ્ધાણં સમોહયં જાણરૂવેણં જાયમાણં જાણઇ પાસઇ?, ગોયમા! એવં ચેવ, અણગારે ણં મંતે! ભાવિયપ્પા દેવં સદેવીયં વેઽવ્વિયસમુદ્ધાણં સમોહયં જાણરૂવેણં જાયમાણં જાણઇ પાસઇ?, ગોયમા! અત્થેગઇએ દેવં સદેવીયં પાસઇ નો જાણં પાસઇ એણં અભિલાવેણં ચતારિ મંગા, અણગારે ણં મંતે! ભાવિયપ્પા રુક્કસ્સ કિં અંતો પાસઇ બાહિં પાસઇ?, ચઽમંગો, એવં કિં મૂલં પાસઇ કંદં પાં?, મૂલં પાં ઁધં પાં?, ચઽમંગો, એવં મૂલેણં બીજં સંજોએયવ્વં, એવં કંદેણવિ સમં સંજોએયવ્વં જાવ બીયં, એવં જાવ પુપ્ફેણ સમં બીયં સંજોએયવ્વં, અણગારે ણં મંતે! ભાવિયપ્પા રુક્કસ્સ કિં ફલં પા. બીયં પાં?, ચઽમંગો! । ૧૫૫। પમ્મૂ ણં મંતે! વાઽકાએ એગં મહં ઇત્થિરૂવં વા પુરિસરૂવં વા હત્થિરૂવં વા જાણરૂવં વા એવં જુગ્ગાગિલ્લિથિલ્લિસીયસંદમાણિયારૂવં વા

વિઝવ્વિત્તે?, ગોયમા! ણો તિણદ્દે સમદ્દે, વાઝકાણં વિકુવ્વમાણે એગં મહં પડાગાસંઠિયં રૂવં વિકુવ્વડ, પમ્મૂણં મંતે! વાઝકાણ એગં  
 મહં પડાગાસંઠિયં રૂવં વિઝવ્વિત્તા અણેગાઈં જોયણાઈં ગમિત્તે?, હંતા! પમ્મૂ, સે મંતે! કિં આયડ્ઢીએ ગચ્છડ પરિડ્ઢીએ ગચ્છડ?,  
 ગોયમા! આયડ્ઢીએ ગ૦ ણો પરિડ્ઢીએ ગ૦, જહા આયડ્ઢીએ ગ૦, જહા આયડ્ઢીએ એવં ચેવ આયકમ્મુણાવિ આયપ્પઓગેણવિ  
 માણિયવ્વં, સે મંતે! કિં ઋસિઓદગં ગચ્છડ પયતોદગં ગ૦?, ગોયમા! ઋસિઓદયંપિ ગ૦ પયતોદયંપિગ૦, સે મંતે! કિં એગઓપડાગં  
 ગચ્છડ દુહઓપડાગં ગચ્છડ?, ગોયમા! એગઓ પડાગં ગચ્છડ નો દુહઓ પડાગં ગચ્છડ, સે ણં મંતે! કિં વાઝકાણે? પડાગા ?, ગોયમા !  
 વાઝકાણે ણં સે, નો ચલુ સા પડાગા । ૧૫૬ । પમ્મૂ ણં મંતે! બલાહો એગં મહં ઇત્થિરૂવં વા જાવ સંદમાણિયારૂવં વા પરિણામેત્તે?, હંતા  
 પમ્મૂ, પમ્મૂ ણં મંતે! બહાલે એગં મહં ઇત્થિરૂવં પરિણામેત્તા અણેગાઈં જોયણાઈં ગમિત્તે?, હંતા પમ્મૂ, સે મંતે! કિં આયડ્ઢીએ ગચ્છડ  
 પરિડ્ઢીએ ગચ્છડ?, ગોયમા! નો આયડ્ઢીએ ગચ્છડ પરિડ્ઢીએ ગ૦, એવં નો આયકમ્મુણા પરકમ્મુણા નો આયપઓગેણં પરપ્પઓગેણં  
 ઋસિતોદયં વા ગચ્છડ પયોદયં વા ગચ્છડ, સે મંતે! કિં બલાહો? ઇત્થી?, ગોયમા! બલહાણે ણં સે, ણો ચલુ સા ઇત્થી, એવં પુરિસેણ,  
 આસે હત્થી, પમ્મૂ ણં મંતે! બલાહણે એગં મહં જાણરૂવં પરિણામેત્તા અણેગાઈં જોયણાઈં ગમિત્તે? જહા ઇત્થિરૂવં તહા માણિયવ્વં, ણવરં  
 એગઓચક્કવાલંપિ દુહઓચક્કવાલંપિ ગચ્છડિત્તિ માણિયવ્વં, જુગગિલ્લિથિલ્લિસીયાસંદમાણિયાણં તહેવ । ૧૫૭ । જીવે ણં મંતે! જે  
 મવિણે નેરડણસુ ડવવજ્જિત્તે સે ણં મંતે! કિં લેસેસુ ડવવજ્જિત્તિ?, ગોયમા! જલ્લેસાઈં દવ્વાઈં પરિયાડિત્તા કાલં કરેડ તલ્લેસેસુ ડવવજ્જડ,



तं० - कण्हलेसेसु वा नीललेसेसु वा काउलेसेसु वा एवं जस्स जा लेस्सा सा तस्स भाणियव्वा जाव जीवे णं भंते! जे भविए जोतिसिएसु उववज्जित्तए पुच्छा, गोयमा! जल्लेसाइं दव्वाइं परियाइत्ता कालं करेइ तल्लेसेसु उववज्जइ, तं०- तेउलेस्सेसु, जीवे णं भंते! जे भविए वेभाणिएसु उववज्जित्तए से णं भंते! किं लेस्सेसु उववज्जइ?, गोयमा! जल्लेस्साइं दव्वाइं परियाइत्ता कालं करेइ तल्लेसेसु उववज्जइ, तं० - तेउलेस्सेसु वा पम्हलेसेसु वा सुक्कलेसेसु वा । १५८। अणगारे णं भंते! भावियप्पा बाहिरए पोग्गले अपरियाइत्ता पभू वेभारं पव्वयं उल्लघेत्तए वा पलंघेत्तए वा?, गोयमा! णो तिण्ढे सम्भे, अणगारे णं भंते! भावियप्पा बाहिरए पोग्गले परियाइत्ता पभू वेभारं पव्वयं उल्लघेत्तए वा पलंघेत्तए वा?, हंता पभू, अणगारे णं भंते! भावियप्पा बाहिरए पोग्गले अपरियाइत्ता जावइयाइं रायगिहे नगरे रूवाइं एवइयाइं विकुव्वित्ता वेभारं पव्वयं अंतो अणुप्पविसित्ता पभू समं वा विसमं करेत्तए विसमं वा समंकरेत्तए?, गोयमा! णो इण्ढे सम्भे, एवं चेव बीतिओऽवि आलावगो णवरं परियात्तित्ता पभू, से भंते! किं माई विकुव्वति अमाई विकुव्वइ?, गोयमा! माई विकुव्वइ नो अमाई विकुव्वति, से केण्ढेणं भंते ! एवं वुच्चइ जाव नो अमाई विकुव्वइ?, गोयमा! माईणं पणीयं पाणभोयणं भोच्चा वामेति तस्स णं तेणं पणीएणं पाणभोयणेणं अट्ठि अट्ठिमिंजा बहलीभवन्तिपयणुए मंससोणिए भवति, जेऽविय से अहा बायरा पोग्गला तेऽविय से परिणमंति, तं -सोत्तिदियत्ताए जाव फासिंदियत्ताए अट्ठिअट्ठिमिंजकेसमंसुरोमनहत्ताए सुक्कत्ताए सोणियत्ताए, अमाई णं लूहं पाणभोयणं भोच्चा २ णो वामेइ, तस्स णं तेणं लूहेणं पाणभोयणेणं अट्ठिअट्ठिमिंजा० पयणू भवन्ति बहले मंससोणिए,

जेऽविय से अहाबादरा पोग्गला तेऽविय से परिणमंति, तं०-उच्चारत्ताए पासवणत्ताए जाव सोणियत्ताए, से तेणट्टेणं जाव नो अमाई विकुव्वइ, माई णं तस्स ठाणस्स अणालोइयपडिक्कंते कालं करेइ नत्थि तस्स आराहणा, अमाई णं तस्स ठाणस्स आलोइयपडिक्कंते कालं करेइ अत्थि तस्स आराहणा सेवं भंते! सेवं भंते! त्ति । १५९ ॥ १० ३ ३० ४ ॥

अणगारे णं भंते! भावियप्पा बाहिरए पोग्गले अपरियाइत्ता पभू एगं महं इत्थिरूवं वा जाव संदमाणियारूवं वा विउव्वित्तए?, णो ति०, अणगारे णं भंते! भावियप्पा बाहिरए पोग्गले परियाइत्ता पभू एगं महं इत्थिरूवं वा जावसंदमाणियारूवं वा विउव्वित्तए ?, हंता पभू, अणगारे णं भंते ! भावि० केवतियाइं पभू इत्थिरूवाइं विकुव्वित्तए?, गोयमा! से जहानामए जुवइं जुवाणे हत्थेणं हत्थे गेण्हेज्जा चक्कस्सवा नाभी अरगाउत्ता सिथा एवामेव अणगारेऽवि भावियप्पा वेउव्वियसमुग्धाएणं समोहण्णइ जाव पभू णं गोयमा! अणगारे णं भावियप्पा केवलकप्पं जंबुद्दीवंरबहूहिं इत्थीरूवेहिं आइत्रंवित्तिक्किन्नं जाव एस णं गोयमा! अणगारस्स भावि० अयमेयारूवे विसए विसयमेत्ते वुच्चइ, नो चेव णं संपत्तीए विकुव्विसु वा०, एवं परिवाडीए नेयव्वं जाव संदमाणिया, से जहा णामए केइ पुरिसे असिचम्मपायं गहाय गच्छेज्जा एवामेव अणगारेऽवि भावियप्पा असिचम्मपायहत्थकिच्चगएणं अप्पाणेणं उइठं वेहासं उप्पइज्जा?, अणगारे णं भंते! भावियप्पा केवतियाइं पभू असिचम्मपायहत्थकिच्चगयाइं रूवाइं विउव्वित्तए?, गोयमा! से जहानामए जुवतिं जुवाणे हत्थेणं हत्थे गेण्हेज्जा तं चेव जाव विउव्विसु वा०, से जहानामए केइ पुरिसे एगओपडागं काउं गच्छेज्जा एवामेव अणगारेऽवि

भावियप्पा एगओपडागहत्थकिच्चगएणं अप्पाणेणं उड्ढं वेहासं उप्पएज्जा?, हंता गोयमा! उप्पएज्जा, अणगारे णं भंते! भावियप्पा केवतियाइं पभू एगओपडागाहत्थकिच्चगयाइं रुवाइं विकुब्बित्तए? एवं चेव जाव विकुब्बिसु वा०, एवं दुहओपडागं पि, से जहानामए केइ पुरिसे एगओजंनोवइतंकाउं गच्छेज्जा एवामेव अण० भा० एगओजण्णोवइयकिच्चगएणं अप्पाणेणं उड्ढं वेहासं उप्पएज्जा, हंता उप्पएज्जा अणगारेणं भंते! भावियप्पा केवतियाइं पभू एगओजण्णोवइयकिच्चगयाइं रुवाइं विकुब्बित्तए तं चेव जाव विकुब्बिसु वा०, एवं दुहओजण्णो वइयं पि, से जहानामए केइ पुरिसे एगओ पल्हत्थियं काउं चिट्ठेज्जा एवामेव अणगारेऽपि भावियप्पा एवं चेव जाव विकुब्बिसु वा०, एवं दुहओ पल्हत्थियं पि, से जहानामए केइ पुरिसे एगतो पलितंकाउं चिट्ठेज्जा तं चेव जाव विकुब्बिसु वा०, एवं दुहओपलियंकापि, अणगारेणं णं भंते! भावियप्पा बाहिरए पोग्गले अपरियाइत्ता पभू एगं महं आसरूवं वा हत्थिरूवं वा सीहरूवं वा वग्घवगदीवियअच्छत्तरच्छपरासरूवं वा सियालबिरालसुणगकालसुणगकोकांतियाससगचित्तगच्छिल्लग अण्णत्तरं वा तसं पाणं अभिजुंजित्तए?, णो तिण्ठे समट्ठे, अणगारे णं एवं बाहिरए पोग्गले परियादित्ता पभू, अणगारे णं भंते! भा० एगं महं आसरूवं वा हत्थिरूवं वा अभिजुंजित्ता अणेगाइं जोयणाइं गमित्तए?, हंता पभू, से भंते! किं आयइढीए गच्छति परिइढीए गच्छति?, गोयमा! आइइढीए गच्छइ नो परिइढीए, एवं आयकम्मुणा नोपरकम्मुणा आयप्पओगेणं नो परप्पओगेणं उस्सिओदयं वा गच्छइ पयोदयं वा गच्छइ, से णं भंते! किं अणगारे? आसे?, गोयमा! अणगारे णं से, नो खलु से आसे, एवं जाव परासरूवं वा, से भंते! किं मायी

विकुव्वति अमायी विकुव्वति?, गोयमा! मायी विकुव्वति नो अमायी विकुव्वति, माई णं भंते! तस्स ठाणस्स अणोलोइयपडिक्कंते कालं करेइ कहिं उववज्जति?, गोयमा! अन्नयरेसु आभियोगेसु देवलोगेसु देवत्ताए उववज्जइ, अमाई णं तस्स ठाणस्स आलोइयपडिक्कंते कालं करेइ कहिं उववज्जति?, गोयमा! अन्नयरेसु अणाभिओगेसु देवलोगेसु देवत्ताए उववज्जइ, सेवं भंतेरत्ति, 'इत्थी असी पडागा जण्णोवइए य होइ बोद्धव्वे । पल्हत्थिय पलियंके अभिओगि विकुव्वणा माई ॥ २६ ॥ १६० ॥ १० ३३० ५ ॥

अणगारे णं भंते! भावियप्पा माई मिच्छदिट्ठी वीरियलब्धीए वेउव्वियलब्धीए विभंगणाणलब्धीए वाणारसिं नगरिं समोहए समोहणित्ता रायगिहे नगरे रूवाइं जाणति पासति?, हंता जाणइपासइ, से भंते! किं तहाभावं जाण०पा० अन्नहाभावं जा०पा०?, गोयमा! णो तहाभावं जाण०पा० अण्णहाभावं जा०पा०, से केणट्ठेणं भंते! एवं वुच्चइ नो तहाभावं जा०पा० अन्नहाभावं जाण० पा०?, गोयमा! तस्स णं एवं भवति एवं खलु अहं रायगिहे नगरे समोहए समोहणित्ता वाणारसीए नगरीए रूवाइं जाणांमि पासामि, से से दंसणे विवच्चासे भवति, से तेणट्ठेणं जाव पासति, अणगारे णं भंते! भावियप्पा माई मिच्छदिट्ठी जाव रायगिहे नगरे समोहए समोहणित्ता वाणारसीए नगरीए रूवाइं जाणइ पासइ?, हंता जाणइपासइ, तं चेव जाव तस्स णं एवं होइ एवं खलु अहं वाणारसीए नगरीए समोहए त्ता रायगिहे णगरे रूवाइं जाणांमि पासामि, से से दंसणे विवच्चासे भवति, से तेणट्ठेणं जावअन्नहाभावं जाणइ पासइ, अणगारे णं भंते! भावियप्पा माई मिच्छदिट्ठी वीरियलब्धीए वेउव्वियलब्धीए विभंगणाणलब्धीए वाणारसिं नगरिं रायगिहं च नगरं अंतरा एगं महं

जणवयवग्गं समोहए ता वाणारसिं नगरिं रायगिहं च नगरं अंतरा एगं महं जणवयवग्गं जा०पा०?, हंता जाणति पासति, से भंते! किं तहाभावं जाणइ पासइ अन्नहाभावं जाणइ पा०?, गोयमा ! णो तहाभावं जाणति पासइ अन्नहाभावं जाणइ पासइ, से केणट्ठेणं जाव पासइ?, गोयमा ! तस्स खलु एवं भवति एसा खलु वाणारसी नगरी एस खलु रायगिहे नगरे एसखलु अंतरा एगे महं जणवयवग्गे नो खलु एस महं वीरियलद्धी वेउव्वियलद्धि विभंगनाणलद्धी इइढी जुत्ती जसे बले वीरिए पुरिसक्कारपरक्कमे लद्धे पत्ते अभिसमण्णागए, से से दंसणेविवच्चासे भवति, से तेणट्ठेणं जाव पासति । १६१ । अणगारे णं भंते! भावियप्पा अमाई सम्भदिट्ठी वीरियलद्धीए वेउव्वियलद्धीए ओहिनाणलद्धीए रायगिहे नगरे समोहए ता वाणारसीए नगरीए रूवाइं जाणइ पासइ?, हंता०, से भंते! किं तहाभावं जाणइ पासइ अण्णहाभावं जाणति पासति?, गोयमा ! तहाभावं जाणति पासति नो अन्नहाभावं जाणति पासति, से केणट्ठेणं भंते! एवं वुच्चइ गोयमा! तस्सं णं एवं भवति एवं खलु अहं रायगिहे नगरे समोहए नगरे समोहए समोहणित्ता वाणारसीए नगरीए रूवाइं जाणाभि पासामि, से से दंसणे अविवच्चासे भवति, ते तेणट्ठेणं गोयमा! एवं वुच्चति०, बीओ आलावगो एवं चेव नवरं वाणारसीए नगरीए समोहणा नेयव्वा रायगिहे नगरे रूवाइं जाणइ पासइ, अणगारे णं भंते! भावियप्पा अमाई सम्भदिट्ठी वीरियलद्धीए वेउव्वियलद्धीए ओहिनाणलद्धीए रायगिहं नगरं वाणारसिं नगरिं च अंतरा एगं महं जणवयवग्गं समोहए ता रायगिहं नगरं वाणारसिं च नगरिं अंतरा एगं महं जणवयवग्गं जाणइ पासइ?, हंता जा० पा०, से भंते! किं तहाभावं जाणइ पासइ? अन्नहाभावं जाणइ पासइ?, गोयमा!

तहाभावं जाणइ पा० णो अण्णहा भावं जा० पा०, से केणट्ठेणं०?, गोयमा! तस्स णं एवं भवति नो खलु एस रायगिहे णगरे णो खलु  
 एसा वाणारसी नगरी नो खलु एस अंतरा एगे जणवयवगे एस खलु मम वीरियलद्धी वेउव्वियलद्धी ओहिणाणलद्धी इइढी जुत्ती जसे  
 बले वीरिए पुरिसकारपरक्कमे लद्धे पत्ते अभिसमन्नागए, से से दंसणे अविवच्चा से भवति, से तेणट्ठेणं गोयमा! एवं वुच्चति तहाभावं  
 जाणति पासति नो अत्रहाभावं जाणति पासति, अणगारे णं भंते! भावियप्पा बाहिरए पोग्गले अपरियाइत्ता पभू एगं महं गामरूवं वा  
 नगररूवं वा जाव सन्निवेसरूवं वा विकुव्वित्तए?, णो तिणट्ठेसमट्ठे, एवं बितीओऽवि आलोवगो, णवरं बाहिरए पोग्गले परियाइत्ता  
 पभू, अणगारे णं भंते! भावियप्पा केवतियाइं पभू गामरूवाइं विकुव्वित्तए?, गोयमा! से जहानामए जुवतिंजुवाणे हत्थेणं हत्थे  
 गेणहेज्जा तं चेव जाव विकुव्विसु वा० एवं जाव सन्निवेसरूवं वा ॥१६२॥ चमरस्स णं भंते! असुरिंदस्स असुररत्तो कति  
 आयरक्खदेवसाहस्सीओ पंतं०? गोयमा! चत्तारि चउसट्ठीओ आयरक्खदेवसाहस्सीओ पंतं, ते णं आयरक्खा वण्णओ जहा  
 रायप्पसेणइजे, एवं सव्वेसिं इंदाणं जस्स जत्तिआ आयरक्खा ते भाणियव्वा । सेवं भंते! २॥ १६३ ॥ श० ३३० ६ ॥

रायगिहे नगरे जाव पज्जुवासमाणे एवं वयासी सक्कस्स णं भंते! देविंदस्स देवरत्तो कति लोगपाला पंतं?, गोयमा! चत्तारि  
 लोगपाला पंतं०- सोमे जमे वरुणेवेसमाणे, एएसिं णं भंते! चउण्हं लोगपालाणं कति विमाणा पंतं?, गोयमा! चत्तारि विमाणा  
 पंतं०-संझप्पभे वरसिट्ठे सयंजले वग्गू, कहिं णं भंते! सक्कस्स देविंदस्स देवरण्णो सोमस्समहारत्तो संझप्पभे णामं महाविमाणे पंतं?,

॥ श्रीभगवतो सूत्रं ॥

१२१

पू. सागरजी म. संशोधित

गोयमा! जंबुद्वीवे २ मंदरस्स पव्वयस्स दाहिणेणं इमीसे रयणप्पभाए पुढवीए बहुसमरमणिज्जाओ भूमिभागाओ उइहं  
 चंदिमसूरियगहगणणक्खत्ततारारूवाणं बहूइं जोयणाइं जाव पंच वडिंसया पं०तं०- असोयवडेंसए सत्तवन्नवडिंसए चंपयवडिंसए  
 चूयवडिंसए मन्हे सोहम्मवडिंसए, तस्स णं सोहम्मवडेंसयस्स महाविमाणस्स पुरच्छिमेणं सोहम्मे कप्पे असंखेज्जाइं जोयणाइं वीतिवइत्ता  
 एत्थ णं सक्कस्स देविंदस्स देवरन्नो सोमस्स महारन्नो संझप्पभे नामं महाविमाणे पं०, अद्धतेरस जोयणसयसहस्साइं आयामविक्खंभेणं  
 उयालीसं जोयणसयसहस्साइं बावन्नं च सहस्साइं अद्ध य अडयाले जोयणसए किंचि विसेसाहिए परिक्खेवेणं पं० जा सूरियाभविमाणस्स  
 वत्तव्वया सअपरिसत्ता भाणियव्वा जाव अभिसेयो नवरं सोमे देवे, संझप्पभस्स णं महाविमाणस्स अहे सपक्खि सपडिदिसिं असंखेज्जाइं  
 जोयणसयसहस्साइं ओगाहिता एत्थ णं सक्कस्स देविंदस्स देवरन्नो सोमस्स महारन्नो सोमा नामं रायहाणी पं० एगं जोयणसयसहस्सं  
 आयामविक्खंभेणं जंबुद्वीवपमाणा, वेमाणियाणं पमाणस्स अद्धं नेयव्वं जाव उवरियालेणं सोलसजोयणसहस्साइं आयामविक्खंभेणं  
 पन्नासं जोयणसहस्साइं पंच य सत्ताणउए जोयणसते किंचिविसेसूणे परिक्खेवेणं पं०, पासायाणं चत्तारि परिवाडीओ नेयव्वाओ,  
 सेसा नत्थि, सक्कस्स णं देविंदस्स देवरन्नो सोमस्स महारन्नो इमे देवा आणाउववायवयणनिहेसे चिट्ठंति, तं०- सोमकाइयाति वा  
 सोमदेवयकाइयाति वा विज्जुकुमारा विज्जुकुमारीओ अगिगुकुमाराअगिगुकुमारीओ वाउकुमारा वाउकुमारीओ चंदा सूरा गहा णक्खत्ता  
 तारारूवा जे यावन्ने तहप्पगारा सव्वे ते तब्भत्तिया तप्पक्खिया तब्भारिया सक्कस्स देविंदस्स देवरन्नो सोमस्स महारन्नो

आणाउववायवयणनिहेसे चिद्वृत्ति, जंबुद्दीवे २ मंदरस्स पव्वयस्स दाहिणेणं जाइं इमाइं समुप्पज्जंति, तं०-गहदंडाति वा गहमुसलाति वा गहगज्जियाति वा एवं गहयुद्धाति वा गहसिंघाडगाति वा गहावसव्वाइ वा अब्भाति वा अब्भरुक्खाति वा संज्झाइ वा गंधव्वनगराति वा उक्कापायाति वा दिसीदाहाति वा गज्जियाति वा विज्जुयाति वा पंसुवुट्ठीति वा जूवेत्ति वा जक्खालिन्नेति वा धूमियाइ वा महियाइ वा रयुग्धायाइ वा चंदोवरागाति वा सूरुवरागाति वा चंदपरिवेसाति वा सूरपरिवेसाति वा पडिचंदाइ वा पडिसूराति वा इंदधणूति वा उदगमच्छकपिहसियअमोहा पाईणवायाति वा पडीणवाताति वा जाव संवट्टयवाताति वा गाभदाहाइ वा जाव सन्निवेसदाहाति वा पणक्खया जणक्खया धणक्खया कुलक्खया वसणब्भूया अणारिया जे यावन्ने तहप्पगारा ण ते सक्कस्स देविंदस्स देवरन्तो सोमस्स महारन्तो अण्णाया अदिट्ठा असुया अमुया अविण्णाया तेसिं वा सोमकाइयाणं देवाणं, सक्कस्स णं देविंदस्स देवरन्तो सोमस्स महारन्तो इमे आहावच्चा अभिन्नाया होत्था, तं०- इंगालए वियालए लोहियक्खे सणिच्चरे चंदे सूरु सुक्के बुहे बहस्सती राहू, सक्कस्स णं देविंदस्स देवरन्तो सोमस्स महारन्तो सत्तिभागं पलिओवमं ठिती पं०, अहावच्चाभिन्नायाणं देवाणं एगं पलिओवमं ठिई पं०, एवंमहिइढीए जाव महाणुभागे सोमे महाराया । १६४ । कहिं णं भंते! सक्कस्स देविंदस्स देवरन्तो जमस्स महारात्रो वरसिट्ठे णापं महाविमाणे पं०?, गोएमा! सोहम्पवडिंसयस्स महाविमाणस्स दाहिणेणं सोहम्मे कप्पे असंखेज्जाइं जोयणसहस्साइं वीडवत्तिता एत्थ णं सक्कस्स देविंदस्स देवरन्तो जमस्स महारन्तो वरसिट्ठे णापं महाविमाणे पं० अद्धतेरसजोयणसयसहस्साइं जहा सोमस्स विमाणे तहा जाव अभिसेओ रायहाणी



तहेव जाव पासायपंतीओ, सक्कस्स णं देविंदस्स देवरत्तो जमस्स महारत्तो इमे देवा आणा० जाव चिट्ठंति, तं०- जमकाइयाति वा जमदेवकाइयाइ वा पेयकाइयाइ वा पेयदेवकाइयाति वा असुरकुमारा असुरकुमारीओ कंदप्पा निरयवाला आभिओगा जे यावत्ते तहप्पगारा सव्वे ते तब्भत्तिगा तप्पक्खिया तब्भारिया सक्कस्स देविंदस्स देवरत्तो जमस्स महारत्तो आणा० जाव चिट्ठंति, जंबुद्दीवे २ मंदरस्स पव्वयस्स दाहिणेणं जाइं इमाइं समुप्पज्जंति, तं०-डिंबाति वा डमराति वा कलहाति वा बोलाति वा खाराति वा महायुद्धाति वा महासंगाभाति वा महासत्थनिवडणाति वा एवं पुरिसनिवडणाति वा महारूधिरनिवडणाइ वा दुब्भूयाति वा कुलरोगाति वा गामरोगाति वा मंडलरोगाति वा नगररोगाति वा सीसवेयणाइ वा अच्छिवेयणाइ वा कन्न० नह० दंतवेयणाइ वा इंदगाहाइ वा खंदगाहाइ वा कुमारगाहा जक्खगाहा भूयगाहा एगाहियाति वा बेआहियाति वा तेयाहियाति वा चाउत्थाहियातिवा उव्वेयगाति वा कासाति वा सासाति वा सोसेति वा जराइ वा दाहा० कच्छकोहाति वा अजीरया पंडुरगा हरिसाइ वा भगंदराइ वा हिययसूलाति वा मत्थयसू० जोणिसू० पाससू० कुच्छिसू० गामभारीति वा नगर० खेड० कब्बड० दोणमुह० मंडब० पट्टण० आसम० संवाह० संनिवेसमारीति वा पाणक्खया धणक्खया जणक्खया कुल० वसणब्भूयमणारिया जेयावत्ते तहप्पगारा न ते सक्कस्स देविंदस्स देवरत्तो जमस्स महारत्तो अण्णाया० तेसिं वा जमकाइयाणं देवाणं, सक्कस्स० देवरण्णो जमस्स महारत्तो इमे देवा अहावच्चा अभिण्णायाहोत्था, तं०- अंबे अंबरिसे चेव, सामे सबलेत्ति यावरे । रुद्धेवरुद्धे काले य, महाकालेत्ति यावरे ॥ २७ ॥ असिपत्ते धणू कुंभे ( असी य असिपत्ते कुंभे )

वालू १२ वेयरणीत्ति य १३ । खरस्सरे १४ महाघोसे १५, एए पन्नरसीहिया ॥ २८ ॥ सक्कस्स णं देविंदस्स देवरन्नो जमस्स महारन्नो  
 सत्तिभागं पलिओवमं ठिती पं० अहावच्चाभिण्णायाणं देवाणं एगं पलिओवमं ठिती पं० एवमहिड्ढीए जाव जमे महाराया । १६५ ।  
 कहिं णं भंते! सक्कस्स देविंदस्स देवरन्नो वरुणस्स महारन्नो सयंजले नामं महाविमाणे पं०?, गोयमा! तस्स णं सोहम्मवडिंसयस्स  
 महाविमाणस्स पच्चत्थिमेणं सोहम्मे कप्पे असंखेज्जाइं जहा सोमस्स तहा विमाणरायहाणीओ भाणियव्वा जाव पासायवडिंसया नवरं  
 नामणाणत्तं, सक्कस्स० वरुणस्स महारन्नोइमे देवा आणा० जाव चिट्ठंति, तं० - वरुणकाइयाति वा वरुणदेवयकाइयाइ वा नागकुमारा  
 नागकुमारीओ उदहिकुमारा उदहिकुमारीओ थणियकुमारा थणियकुमारीओ जे यावण्णे तहप्पगारा सव्वे ते तब्भत्तिथा जाव चिट्ठंति,  
 जंबुहीवे २ मंदरस्स पव्वयस्स दाहिणेणं जाइं इमाइं समुप्पज्जंति, तं० - अतिवासाति वा मंदवासाति वा सुवुट्ठीति वा दुव्वुट्ठीति वा  
 मंदवुट्ठीति वा उदब्भेयाति वा उदप्पीलाइ वा उदवाहाति वा पव्वाहाति वा गामवाहाति वा जाव सन्निवेसवाहाति वा पाणक्खया जाव  
 तेसिं वा वरुणकाइयाणं देवाणं सक्कस्स णं देविंदस्स देवरन्नो वरुणस्स महारन्नो जाव अहावच्चाभिन्नाया होत्था, तं० - कक्कोडए  
 कद्दमाए अंजणे संखवालाए पुंडे पलासे मोएज्जए दहिमुहे अयंपुले कायरिए, सक्कस्स देविंदस्स देवरन्नो वरुणस्स महारण्णो देसूणाइं दो  
 पलिओवमाइं ठिती पं० - अहावच्चाभिन्नायाणं देवाणं एगं पलिओवमं ठिती पं०, एवमहिड्ढीए जाव वरुणे महाराया । १६६ । कहिं णं  
 भंते! सक्कस्स देविंदस्स देवरन्नो वेसमणस्स महारन्नो वग्गूणामं महाविमाणे पं०?, गोयमा! तस्स णं सोहम्मवडिंसयस्स महाविमाणस्स

उत्तरेणं जहा सोमस्स विमाणरायहाणिवत्तव्वया तहा नेयव्वा जाव पासायवडिंसया, सक्कस्स णं देविंदस्स देवरत्तो वेसमणस्स महारत्तो इमे देवा आणाउववायवयणनिदेसे चिट्ठंति, तं०- वेसमणकाइयाति वा वेसमणदेवकाइयाति वा सुवन्नकुमारा सुवन्नकुमारीओ दीवकुमारा दीवकुमारीओ दिसाकुमारा दिसाकुमारीओ वाणमंतरा वाणमंतरीओ जे यावत्ते तहप्पगारा सव्वे ते तब्भत्तिथा जाव चिट्ठंति, जंबुद्वीवे २ मंदरस्स पव्वयस्स दाहिणेणं जाइं इमाइं समुप्पज्जंति, तं०- अथागराइ वा तउथागराइ वा तंबयागराइ वा एवं सीसागराइ वा हिरन्सुवन्नरयणवयरागराइ वा वसुहाराति वा हिरन्वासाति वा सुवन्नवासाति वा रयणवडरआभरणपत्तपुप्फफलबीयमल्लवण- चुन्नगंधवत्थवासाइ वा हिरन्वुट्ठीइ वा सु०२०व०आ०५०पु०फ०बी०व० चुन्न० गंधवुट्ठी वत्थवुट्ठीति वा भायणवुट्ठीति खीरवुट्ठीति वा सुयालाति वा दुक्कालाति वा अप्पग्धाति वा महग्धाति वा सुभिव्खाति वा दुभिव्खाति वा कथविक्रयाति वा संनिहियाति वा संनिचयाति वा निहीतिवा णिहाणाति वा चिरपोराणाइं पहीणसाभियाति वा पहीणसेउयाति वा पहीणगोत्तागाराइ वा उच्छिन्नसाभियाति वा उच्छिन्नसेउयाति वा उच्छिन्नगोत्तागाराति वा सिंघाडगतिगचउक्कचच्चरचउम्पुहमहापहपहेसु नगरनिद्धमणेसु वा सुसाणगिरिकंदरसंति- सेलोवट्ठाणभवणगिहेसु संनिक्खित्ताइं चिट्ठंति एताइं सक्कस्स देविंदस्स देवरत्तो वेसमणस्स महारत्तो णे अण्णायाइं अदिट्ठाइं असुयाइं. अविन्नायाइं तेसिं वा वेसमणकाइयाणं देवाणं, सक्कस्स देविंदस्स देवरत्तो वेसमणस्स महारत्तो इमे देवा अहावच्चाभिन्नाया होत्था, तं०- पुत्रभदे माणिभदेसालिभदे सुमणभदे चक्के रुक्खे पुन्नरक्खे सव्वाणे ( पव्वाणे ) सव्वजसे सव्वकामे समिद्धे अमोहे असंगे, सक्कस्स णं

देविंदस्स देवरत्रो वेसमणस्स महारन्नो दो पत्तिओवमाणि ठिती पं०, अहावच्चाभिण्णयायाणं देवाणं एगं पत्तिओवमं ठिती पं०, एमहिइढीए जाव वेसमणे महाराया, सेवं भंते! २ । १६७ ॥ १० ३ ३० ७ ॥

रायगिहे नगरे जाव पज्जुवासमाणे एवं वदासी असुरकुमाराणं भंते! देवाणं कति देवा आहेवच्चं जाव विहरंति?, गोयमा! दस देवा आहेवच्चं जाव विहरंति, तं०- चमरे असुरिंदे असुरराया सोमे जमे वरुणे वेसमणे बली वडरोयणिंदे वडरोयणराया सोमे जमे वरुणे वेसमणे, नागकुमाराणं भंते! पुच्छा, गोयमा! दस देवा आहेवच्चं जाव विहरंति, तं० - धरणे नागकुमारिंदे नागकुमारराया कालवाले कोलवाले सेलवाले संखवाले भूयाणंदे नागकुमारिंदे नागकुमारराया कालवाले कोलवाले संखवाले सेलवाले, जहा नागकुमारिंदाणं एयाए वत्तव्वयाए णोयव्वं, एवं इमाणं नेयव्वं सुवन्नकुमाराणं वेणुदेव वेणुदालीचित्तविचित्तचित्तपक्खविचित्तपक्खा विज्जुकुमाराणं हरिक्कंतहरिस्सहपभसुप्पपभकंतसुप्पभकंता अगिकुमाराणं अगिसीहअगिमाणवतेउतेउसीहतेउकंततेउप्पभादीवकुमाराणं पुण्णविसिद्धरूयसुरूयरूयकं तरूयप्पभा उदहिकुमाराणं जलकं तजलप्पभजलजलरूयजलकं तजलप्पभा दिसाकुमाराणं अभियगतिअभियवाहणतुरियगतिखिप्पगतिसीहगतिसीहविक्रम गती वाउकुमाराणं वेलंबपभंजणकालमहाकालअंजणरिद्धा थणियकुमाराणं घोसमहाघोसआवत्तवियावत्तनंदियावत्तमहानंदियावत्ता, एवं भाणियव्वं जहा असुरकुमारासोकाचियतेरूजतुकाआ! ( ५० सोमे य कालेवाले चित्त पभ तेउ तह रुए चेव । जल तह तुरियगती या काले आवत्त पढमा ३ ॥ १ ॥ ) पिसायकुमाराणं पुच्छा,

गोयमा! दो देवाआहेवच्चं जाव विहरंति, तंजहा काले य महाकाले सुरूव पडिरूव पुत्रभदे य । अमरवड माणिभदे भीमे य तहा महाभीमे ॥ २९ ॥ किंनर किंपुरिसे खलु सप्पुरिसे खलु तहा महापुरिसे । अतिकाय महाकाए गीयरती चेंव गीयजसे ॥ ३० ॥ एते वाणमंतराणं देवाणं, जोतिसियाणं देवाणं दो देवा आहेवच्चं जाव विहरंति, तंजहा चंदे य सूरें य, सोहम्पीसाणोसु णं भंते! कप्पेसु कइ देवा आहेवच्चं जाव विहरंति?, गोयमा! दस देवा जाव विहरंति, तंजहा सक्के देविंदे देवराया सोमे जमे वरुणे वेसमणे ईसाणे देविंदे देवराया सोमे जमे वेसमणे वरुणे, एसा वत्तव्वया सव्वेसुवि कप्पेसु, एए चेंव भाणियव्वा, जे य इंदा ते य भाणियव्वा । सेवं भंते! २ । १६८ ॥ १० ३३० ८ ॥

रायगिहे जाव एवं वदासी कतिविहे णं भंते! ते इंदियविसए पं०?, गोयमा! पंचविहे इंदियविसए पं०तं०- सोतिंदियविसए जीवाभिगमे जोतिसियउद्देसो नेयव्वो अपरिसेसो । १६९ ॥ १० ३ ३० ९ ॥

रायगिहे जाव एवं वयासी चमरस्स णं भंते! असुरिंदस्स असुररत्तो कति परिसाओ पं०?, गोयमा! तओ परिसाओ पं०तं०- समिता चंडा जाया, एवं जहाणुपुव्वीए जावञ्चुओ कप्पो, सेवं भंते! २ । १७० ॥ ३० १० इति तृतीयं शतकं ॥

‘चत्तारि विमाणेहिं चत्तारि य होति रायहाणीहिं । नेरइए लेस्साहि य दस उद्देसा चउत्थसए ॥ ३१ ॥ रायगिहे नगरे जाव एवं वयासीईसाणस्स णं भंते! देविंदस्स देवरण्णो कति लोगपाला पं०?, गोयमा! चत्तारि लोगपाला पं०तं०- सोमे जमे वेसमणे वरुणे,

एएसिं णं भंते! लोगपालाणं कति विमाणा पं०?, गोयभा! चत्तारि विमाणा पं०तं०- सुमणे सव्वओभदे वग्गू सुवग्गू, कहि णं भंते! ईसाणस्स देविंदस्स देवरन्नो सोमस्स महारन्नो सुमणे नामं महाविमाणे पं०?, गोयभा! जंबुद्वीवे २ मंदरस्स पव्वयस्स उत्तरेणं इमीसे रयणप्पभाए पुढवीए जाव ईसाणे णामं कप्पे पं०, तत्थ णं जाव पंच वडेंसया पं०तं०- अंकवडेंसए फलिहवडिंसए रयणवडेंसए जायरूववडिंसए मज्झे य तत्थ ईसाणवडेंसए, तस्स णं ईसाणवडेंसयस्स महाविमाणस्स पुरच्छिमेणं तिरियमसंखेज्जाइं जोयणसहस्साइं वीतिवत्तिता एत्थ णं ईसाणस्स० सोमस्स० सुमणे नामं महाविमाणे पं० अब्दत्तेरसजोयण जहा सक्कस्स वत्तव्वया ततीयसए तहा ईसाणस्सवि जाव अच्चणिया समत्ता, चउण्हवि लोगपालाणं विमाणे २ उदेसओ, चउसु विमाणेसु चत्तारिउदेसा अपरिसेसा, नवरं ठितीए नाणत्तं 'आदिदुय तिभागूणा पलिया धरणास्स होति दो चेव । दो सतिभागा वरुणे पलियमहावच्चदेवाणं ॥ ३२ ॥ १७१ ॥ श०४ उ० १-४ ॥

रायहाणिसुवि चत्तारि उदेसा भाणियव्वा जाव एवमहिइढीए जाव वरुणे महाराया । १७२ ॥ श० ४ उ० ५-८ ॥

नेरइए णं भंते! नेरतिएसु उववज्जइ पन्नवणाए लेस्सापए ततीओ उदेसओभाणियव्वो जाव नाणाइं । १७३ ॥ श० ४ उ० ९ ॥

से नूणं भंते! कण्हलेस्सा नीललेस्सं पप्प तारूवत्ताए एवं चउत्थो उदेसओ पन्नवणाए चेव लेस्सापदे नेयव्वो जाव 'परिणामवण्णरसगंधसुद्धअपसत्थसंकिलिट्तुण्हा । गतिपरिणामपदेसोगाहवग्गणाठाणमप्पबहुं ॥ ३३ ॥ सेवं भंते ! रत्ति । १७४ ॥

॥ श्रीभगवती सूत्रं ॥

१२९

पू. सागरजी म. संशोधित

३० १० इति चतुर्थ शतकं ॥

‘चंपरवि १ अनिल २ गंतिय ३ सहे ४ छउमा ५यु ६ एयण ७ णियंठे ८ । रायगिहे ९ चंपाचंदिमा १० य दस पंचमंभि साए ॥ ३४ ॥  
 तेणं कालेणं० चंपानामं नगरी होत्था, वन्नओ, तीसे णं चंपाए नगरीए पुण्णभदेनामं चेइए होत्था, वण्णओ, सामी समोसढे जाव परिसा  
 पडिगया, तेणं कालेणं० समणस्स भगवओ महावीरस्स जेढे अंतेवासी इंदभूती णामं अणगारे गोयमगोत्तेणं जाव एवं वदासी जंबुद्दीवे  
 णं भंते! दीवे सूरिया उदीणपादीणमुगच्छ पादीणदाहिणमागच्छंति, पादीणदाहिणमुगच्छ दाहिणपडीणमागच्छंति, दाहिणपडीणमुगच्छ  
 पडीणउदीणमागच्छंति, पडीणउदीणं उगच्छ उदीचिपादीणमागच्छंति?, हंता गोयमा! जंबुद्दीवे णं दीवे सूरिया उदीचिपाईणमुगच्छ  
 जाव उदीचिपाइणमागच्छंति, जया णं भंते! जंबुद्दीवे २ दाहिणइढे दिवसे भवति तदा णं उत्तरइढे दिवसे भवति जदा णं उत्तरइढेऽवि  
 दिवसे भवति तदा णं जंबुद्दीवे २ मंदरस्स पव्वयस्स पुरच्छिमपच्चत्थिमेणं राती भवति?, हंता गोयमा! जया णं जंबुद्दीवे २ दाहिणइढेऽवि  
 दिवसे जाव राती भवति, जदा णं भंते! जंबु० मंदरस्स पव्वयस्स पुरच्छिमेणं दिवसे भवति तदा णं पच्चत्थिमेणंऽवि दिवसे भवति जया  
 णं पच्चत्थिमेणं दिवसे भवति तदा णं जंबुद्दीवे २ मंदरस्स पव्वयस्स उत्तरदाहिणेणं राती भवति?, हंता गोयमा! जदा णं जंबु०  
 मंदरपुरच्छिमेणं दिवसे जाव राती भवति, जदा णं भंते! जंबुद्दीवे २ दाहिणइढे उक्कोसाए अट्टारसमुहुत्ते दिवसे भवति तदा णं उत्तरइढेऽवि  
 उक्कोसाए अट्टारसमुहुत्ते दिवसे भवति जदा णं उत्तरइढे उक्कोसाए अट्टारसमुहुत्ते दिवसे भवति तदा णं जंबुद्दीवे २ मंदरस्स०

॥ श्रीभगवती सूत्रं ॥

१३०

पू. सागरजी म. संशोधित

पुरच्छिभपच्चत्थिमेणं जहन्निया दुवालसमुहुत्तराती भवति?, हंता गोयमा! जदा णं जंबु० जाव दुवालसमुहुत्ता राती भवति, जदा णं जंबु० मंदरस्स० पुरिच्छमेणं उक्कोसए अट्टारस जाव तदा णं जंबुद्दीवे २ पच्चत्थिमेणं ऽवि उक्को० अट्टारसमुहुत्ते दिवसे भवति जया पच्चत्थिमेणं ऽवि उक्को अट्टारसमुहुत्ते दिवसे भवति तदा णं भंते! जंबुद्दीवे २ उत्तर० दुवालसमुहुत्ता जाव राती भवति?, हंता गोयमा! जाव भवति, जया णं भंते! जंबु० दाहिणइढे अट्टारसमुहुत्ताणंतरे दिवसेवति तदा णं उत्तरे अट्टारसमुहुत्ताणंतरे दिवसे भवति तदा णं जंबु० मंदरस्स पव्वयस्स पुरिच्छिभपच्चत्थिमेणं सातिरेगा दुवालसमुहुत्ता राती भवति?, हंता गोयमा! जदा णं जंबु० जाव राती भवति, जदा णं भंते! जंबुद्दीवे २ मं० पुरिच्छमेणं अट्टारसमुहुत्ताणंतरे दिवसे भवति तदा णं पच्चत्थिमेणं अट्टारसमुहुत्ताणंतरे दिवसे भवति जदा णं पच्चत्थिमेणं अट्टारसमुहुत्ताणंतरे दिवसे भवति तदा णं जंबू० २ मंदरस्स पव्वयस्स उत्तरदाहिणेणं साइरेगा दुवालसमुहुत्ता राती भवति?, हंता गोयमा! जाव भवति, एवं एतेणं कमेणं ओसारेयव्वं सत्तरसमुहुत्ते दिवसे तेरसमुहुत्ता राती भवति सत्तरसमुहुत्ताणंतरे दिवसे सातिरेगा तेरसमुहुत्ता राती सोलसमुहुत्ते दिवसे चोदसमुहुत्ता राई सोलसमुहुत्ताणंतरे दिवसे सातिरेगचोदसमुहुत्ता राती पन्नरसमुहुत्ते दिवसे पन्नरसमुहुत्ता राती भवति पन्नरसमुहुत्ताणंतरे दिवसे सातिरेगा पन्नरसमुहुत्ता राती चोदसमुहुत्ते दिवसे सोलसमुहुत्ता राती चोदसमुहुत्ताणंतरे दिवसे सातिरेगा सोलसमुहुत्ता राती तेरसमुहुत्ते दिवसे सत्तरसमुहुत्ता राती तेरसमुहुत्ताणंतरे दिवसे सातिरेगा सत्तरसमुहुत्ता राती, जया णं जंबु. दाहिणइढे जहण्णए दुवालसमुहुत्ते दिवसे भवति तथा णं उत्तरइढे ऽवि०, जया णं उत्तरइढे० तथा णं जंबुद्दीवे २



मंदरस्स पव्वयस्स पुरच्छिमपच्चत्थिमेणं उक्कोसिया अट्टारसमुहुत्ता राती भवति?, हंता गोयमा! एवं चेव उच्चारयेय्वं जाव राई भवति, जया णं भंते! जंबू० मंदरस्स पव्वयस्स पुरच्छिमेणं जहन्ने दुवालसमुहुत्ते दिवसे भवति तथा णं पच्चत्थिमेणवि. तथा णं जंबू० मंदरस्स० उत्तरदाहिणेणं उक्कोसिया अट्टारसमुहुत्ता राती भवति?, हंता गोयमा! जाव राती भवति । १७६ । जया णं भंते! जंबू० दाहिणइढे वासाणं पढमे समए पडिवज्जइ तथा णं उत्तरइढेऽवि वासाणं पढमे समए पडिवज्जइ जया णं उत्तरइढेऽवि वासाणं पढमे समए पडिवज्जइ तथा णं जंबूदीवे २ मंदरस्स पव्वयस्स पुरच्छिमपच्चत्थिमेणं अणंतरपुरखडसमयंसि वासाणं पं०सं०पं०?, हंता गोयमा! जया णं जंबू० दाहिणइढे वासाणं पं०सं० पडिवज्जइ तह चेव जाव पडिवज्जइ, जया णं भंते! जंबू० मंदरस्स० पुरच्छिमेणं वासाणं पढमे स० पडिवज्जइ तथा णं पच्चत्थिमेणऽवि वासाणं पढमे समए पडिवज्जइ जया णं पच्चत्थिमेणऽवि वासाणं पढमे समए पडिवज्जइ तथा णं जंबू० मंदरस्स पव्वयस्स उत्तरदाहिणेणं अणंतरपच्छाकडसमयंसि-वासाणं पं०सं० पडिवज्जे भवति?, हंता गोयमा! जया णं जंबू० मंदरस्स पव्वयस्स पुरच्छिमेणं एवं चेव उच्चारयेय्वं जाव पडिवन्ने भवति, एवं जहा समएणं अभिलावो भणिओवासाणं तहा आवलियाएऽवि भाणियव्वो आणापाणुएऽवि थोवेणवि लवेणवि मुहुत्तेणवि अहोरत्तेणवि पक्खेणवि मासेणवि उऊणावि १० एएसिं सव्वेसिं जहा समयस्स अभिलावोतहा भाणियव्वो, जया णं भंते! जंबू० दाहिणइढे हेमंताणं पढमे समए पडिवज्जति जहेव वासाणं अभिलावो तहेव हेमंताणवि गिम्हाणवि भाणियव्वो जाव उऊ, एवं एए तिन्निवि, एएसिं तीसं आलावगा भाणियव्वो, जया

णं भंते! जंबु० मंदरस्स पव्वयस्स दाहिणइढे पढमे अयणे पडिवज्जइ तथा णं उत्तरइढेऽवि पढमे अयणे पडिवज्जइ? जहा समएणं अभिलावोतहेव अयणेणवि भाणियव्वो जाव अणंतरपच्छाकडसमयंसि पढमे अयणे पडिवज्जे भवति, जहा अयणेणं अभिलावो तहा संवच्छरेणवि भाणियव्वो, जुएणवि वाससएणवि वाससहस्सेणवि वाससयसहस्सेणवि, पुव्वंगेणवि पुव्वेणवि तुडियंगेणवि तुडिएणवि एवं अड्डे २ अववे २ हूहूए २ उप्पले २ पउमे २ नलिणे २ अच्छणिउरे २ अउए २ णउए २ पउए २ चूलिया २ सीसपहेलिया २, पलिओवमेणवि सागरोवमेणवि भाणियव्वो, जया णं भंते! जंबुदीवे २ दाहिणइढे पढमा ओसप्पिणी पडिवज्जइ तथा णं उत्तरइढेऽवि पढमा ओसप्पिणीपडिवज्जइ, जया णं उत्तरइढेऽवि पडिवज्जइ तदा णं जंबुदीवे २ मंदरस्स पव्वयस्स पुरच्छिमपच्चत्थिमेणवि णेवत्थि ओसप्पिणी नेवत्थि उस्सप्पिणी, अवट्ठिए णं तत्थ काले पं० समणाउसो?, हंता गोयमा! तं चेव उच्चारयव्वं जाव समणाउसो!, जहा ओसप्पिणीए आलावओ भणिओ एवं उस्सप्पिणीएवि भाणियव्वो । १७७ । लवणे णं भंते! समुदे सूरियाउदीचिपाईणमुग्गच्छ जच्चेव जंबुदीवस्स वत्तव्वया भणिया सच्चेव सव्वा अपरिसेसिया लवणसमुदस्सवि भाणियव्वा, नवरं अभिलावो इमो णे( प्र० जाणि )यव्वो- जया णं भंते! लवणेसमुदे दाहिणइढे दिवसे भवति तं चेव जाव तदा णं लवणे समुदे पुरच्छिमपच्चत्थिमेणं राई भवति?, एएणं अभिलावेणं नेयव्वं, जदा णं भंते! लवणसमुदे दाहिणइढे पढमा ओसप्पिणी पडिवज्जइ तदा णं उत्तरइढेऽवि पढमा ओसप्पिणी पडिवज्जइ, जदा णं उत्तरइढे पढमा ओसप्पिणी पडिवज्जइ तदा णं लवणसमुदे पुरच्छिमपच्चत्थिमेणं नेवत्थि ओसप्पिणी० समणाउसो!?,

॥ श्रीभगवती सूत्रं ॥

१३३

पू. सागरजी म. संशोधित

हंता गोयमा! जाव समणाउसो!, धायइसंडे णं भंते! दीवे सूरिया उदीचिपादीणमुग्गच्छ जच्चेव जंबुद्दीवस्स वत्तव्वया भणिया सच्चेव धायइसंडस्सवि भाणियव्वा, नवरंडमेणं अभिलावेणं सव्वे आलावगा भाणियव्वा, जया णं भंते! धायइसंडे दीवे दाहिणइडे दिवसे भवति तदा णं उत्तरइडेज्जि० जया णं उत्तरइडेज्जि तदा णं धायइसंडे दीवे मंदराणं पव्वयाणं पुरच्छिमपच्चत्थिमेणं राती भवति?, हंता गोयमा! एवं चेव जाव राती भवति, जदा णं भंते! धायइसंडे दीवे मंदराणं पव्वयाणं पुरच्छिमेण दिवसे भवति तदा णं पच्चत्थिमेणवि०, जदा णं पच्चत्थिमेणं० तदा णं धायइसंडे दीवे मंदराणं पव्वयाणं उत्तरेणं दाहिणेणं राती भवति?, हंता गोयमा! जाव भवति, एवं एएणं अभिलावेणं नेयव्वं जाव जया णं भंते ! दाहिणइडेपढमा ओस० तथा णं उत्तरइडे० जया णं उत्तरइडे० तथा णं धायइसंडे दीवे मंदराणं पव्वयाणं पुरच्छिमपच्चत्थिमेणं नेवत्थि ओस जाव समणाउसो!?, हंता गोयमा! जाव समणाउसो!, जहा लवणसमुदस्स वत्तव्वया तहा कालोदस्सवि भाणियव्वा, नवरं कालोदस्स नामं भाणियव्वं, अब्भितरपुक्खरद्धे णं भंते! सूरिया उदीचिपाईणमुग्गच्छ जहेव धायइसंडस्स वत्तव्वयातहेव अब्भितरपुक्खरद्धस्सवि भाणियव्वा, नवरं अभिलावो जाव जाणेयव्वो जाव तथा णं अब्भितरपुक्खरद्धे मंदराणं पुरच्छिमपच्चत्थिमेणं नेवत्थि ओस० नेवत्थि उस्सप्पिणी अवट्ठिए णं तत्थ काले पत्रत्ते समणाउसो सेवं भंते! ॥ १० ५३० ७॥२॥ १७८ ॥ रायगिहे नगरे जाव एवं वदासी अत्थि णं भंते! ईसिं पुरेवाया पत्थावाया मंदावाया महावाया वार्थंति?, हंता अत्थि, अत्थि णं भंते! पुरच्छिमेणं ईसिं पुरेवाया पत्थावाया मंदावाया महावाया वार्थंति?, हंता अत्थि, एवं पच्चत्थिमेणं दाहिणेणं उत्तरेणं उत्तरपुरच्छिमेणं

पुरच्छिमदाहिणेणं दाहिणपच्चत्थिमेणं पच्छिमउत्तरेणं, जया णं भंते! पुरच्छिमेणं ईसिं पुरेवाया पत्थावाया मंदावाया महावाया वायंति  
 तथा णं पच्चत्थिमेणवि ईसिं पुरेवाया० जया णं पच्चत्थिमेणं ईसिं० तथा णं पुरच्छिमेणवि०?, हंता गोयमा! जया णं पुरच्छिमेणं० तथा  
 णं पच्चत्थिमेणवि ईसिं० जया णं पच्चत्थिमेणवि ईसिं० तथा णं पुरच्छिमेणवि ईसिं०, एवं दिसासुविदिसासु, अत्थि णं भंते! दीविच्चया  
 ईसिं०?, हंता अत्थि, अत्थि णं भंते! सामुदया ईसिं०?, हंता अत्थि, जया णं भंते! दीविच्चया ईसिं० तथा णं सामुदयावि ईसिं० जया  
 णं सामुदया ईसिं० तथा णं दीविच्चयावि ईसिं०?, णो इणट्ठे समट्ठे, से केणट्ठेणं भंते! एवं वुच्चति जया णं दीविच्चया ईसिं० णो णं  
 तथा सामुदया ईसिं० जया णं सामुदया ईसिं० णो णं तथा दीविच्चया ईसिं०?, गोयमा! तेसिं णं वायाणं अन्नमन्नस्स विवच्चासेणं  
 लवणे समुद्वे वेत्तं नात्तिकमइ से तेणट्ठेणं जाव वाया वायंति, अत्थि णं भंते! ईसिं पुरेवाया पत्थावाया मंदावाया महावाया वायंति?, हंता  
 अत्थि, कया णं भंते! ईसिं जाव वायंति?, गोयमा! जया णं वाउयाए अहारियं रियति तथा ईसिं जाव वायं वायंति, अत्थि णं भंते!  
 ईसिं०! हंता अत्थि, कया णं भंते! ईसिं पुरेवाया पत्था०?, गोयमा! जया णं वाउयाए उत्तरकिरियं रियइ तथा णं ईसिं जाव वायंति,  
 अत्थि णं भंते! ईसिं०?, हंता अत्थि, कया णं भंते! ईसिं पुरेवाया पत्था०?, गोयमा! जया णं वाउकुमारा वाउकुमारीओ वा अण्णो  
 वा परस्स वा तदुभयस्स वा अट्ठाए वाउकायं उदीरेति तथा णं ईसिं पुरेवाया जाव वायंति, वाउकाए णं भंते! वाउकायं चेव आणमंति  
 पाण० जहा खंदए तहा चत्तारि आलावगा नेयव्वा, अणेगसयसहस्स० पुट्ठे उद्वाति वा, ससरीरी निक्खमति । १७९ । अह भंते! ओदणे

कुम्भासे सुराएए णं किंसरीराति वत्तव्वं सिया?, गोयमा! ओदणे कुम्भासे सुराए य जे घणे दव्वे एए णं पुव्वभावपन्नवणं पडुच्च वणस्सइजीवसरीरा तओ पच्छा सत्थातीया सत्थपरिणामिया अगणिज्झामिया अगणिझूसिया अगणिसेविया अगणिपरिणामिया अगणिजीवसरीराति वत्तव्वं सिया, सुराए य जे दवे दव्वे एए णं पुव्वभावपन्नवणं पडुच्च आउजीवसरीरा०, तओपच्छा सत्थातीया जाव अगणिकायसरीराति वत्तव्वं सिया, अहन्नं भंते ! अए तंबे तउए सीसए उवले कसट्टिया एए णं किंसरीराइ वत्तव्वं सिया ?, गोयमा ! अए तंबे तउए सीसएउव( प्र०वे )ले कस( प्र०म )ट्टिया, एए णं पुव्वभावपन्नवणं पडुच्च पुढवीजीवसरीरा० तओ पच्छा सत्थातीया जाव अगणिजीवसरीराति वत्तव्वं सिया, अहण्णं भंते! अट्ठी अट्ठिज्झामेचम्मे चम्पज्झामे रोमे २ सिंगे २ खुरे २ नखे २ एते णं किंसरीराति वत्तव्वं सिया?, गोयमा! अट्ठी चंमे रोमे सिंगे खुरे नहे एए णं तसपाणजीवसरीराति० अट्ठिज्झामे चम्पज्झामे रोमज्झामे सिंग० खुर० णहज्झामे एए णं पुव्वभावपण्णवणं पडुच्च तसपाणजीवसरीराति० तओ पच्छा सत्थातीया जाव अगणिजीव० ति वत्तव्वं सिया, अह भंते! इंगाले छारिए भुसे गोमएएस णं किं सरीराति वत्तव्वं सिया?, गोयमा! इंगाले छारिए भुसे गोमए एए णं पुव्वभावपण्णवणं पडुच्च एगिंदियजीवसरीरप्पओगपरिणामियाति जाव पंचिंदियजीवसरीरप्पओगपरिणामियाति० तओ पच्छा सत्थातीया जाव अगणिजीवसरीराति वत्तव्वं सिया । १८०। लवणे णं भंते! समुद्धे केवतियं चक्कवालविक्खंभेणं पं०?, एवं नेयव्वं जाव लोगट्ठितीलोगाणुभावे । सेव भंते! २ ति भगवं जाव विहरइ । १८१ ॥ श० ५३०२॥

अण्णउत्थिया णं भंते ! एवमातिक्खंति भा०५० एवं ५० से जहानामए जालगंठिया सिया आणुपुव्विगंठिया अणंतरगंठिया परंपरगंठिया अन्नमन्नगंठिया अन्नमन्नगुरुयत्ताए अन्नमन्नभारियत्ताए अन्नमन्नगुरुयसंभारियत्ताए अण्णमण्णघडत्ताए जाव चिट्ठंति एवामेव बहूणं जीवाणं बहूसु आज्ञातिसयसहस्सेसु बहूइं आउयसहस्साइं आणुपुव्वि गढियाइं जाव चिट्ठंति, एगेऽविय णं जीवे एगेणं समएणं दो आउयाइं पडिसंवेदयति, तंजहा इहभविआउयं च परभविआउयं च, जंसमयं इहभविआउयं पडिसंवेदेइ तंसमयं परभविआउयं पडिसंवेदेइ जाव से कहमेयं भंते! एवं?, गोयमा! जन्नं ते अन्नउत्थिया० तं चेव जाव परभविआउयं च, जे ते एवमाहंसु भिच्छा ते एवमाहंसु, अहं पुण गोयमा! एवमातिक्खामि जाव परूवेभि० अन्नमन्नघडत्ताए चिट्ठंति एवामेव एगमेगस्स जीवस्स बहूहिं आज्ञातिसहस्सेहिं बहूइं आउयसहस्साइं आणुपुव्वि गढियाइं जाव चिट्ठंति, एगेऽविय णं जीवे एगेणं समएणं एगं आउयं पडिसंवेदेइ, तं० - इहभविआउयं वा परभविआउयं वा० । १८२ । जीवे णं भंते! जे भविए नेरइएसु उववज्जित्तए से णं भंते! किं साउए संकमइ निराउए संकमइ?, गोयमा! साउए संकमइ, नो निराउए संकमइ से णं भंते! आउए कहिं कडे कहिं समाइण्णे?, गोयमा! पुरिमे भवे कडे पुरिमे भवे समाइण्णे, एवं जाव वेमाणियाणं दंडओ, से नूणं भंते! जे जंभविए जोणिं उववज्जित्तए से तमाउयं पकरेइ, तं०- नेरइयाउयं वा जाव देवाउयं वा?, हंता गोयमा! जे जंभविए जोणिं उववज्जित्तए से तमाउयं पकरेइ, तं०- नेरइयाउयं वा तिरि० मणु० देवाउयं वा, नेरइयाउयं पकरेमाणे सत्तविहं पकरेइ, तं०- रथणप्पभापुढवीनेरइयाउयं वा जाव अहेसत्तमापुढवीनेरइयाउयं वा, तिरिक्खजोणियाउयं

वापकरेमाणे पंचविहं पकरेइ, तं० - एगिंदियतिरिक्खजोणियाउयं वा भेदो सव्वो भाणियव्वो, मणुस्सउयं दुविहं, देवाउयं चउव्विहं ।  
सेवं भंते ! सेवं भंते ! ॥ १८३ ॥ श० ५ ३० ३ ॥

छउमत्थे णं भंते ! मणुस्से आउडिज्जमाणाइं सदाइं सुणेइ, तं० - संखसदाणि वा सिंगस० संखियस० खरभुहिस० पोयास०  
परिपिरियास० पणवस० पडहस० भंभास० होरभंस० भेरिसदाणि वा झल्लरिस० दुंदुहिस० तयाणि वा वितयाणि वा घणाणि वा  
झुसिराणि वा?, हंता गोयमा! छउमत्थे णंमणुस्से आउडिज्जमाणाइं सदाइं सुणेइ, तं० - संखसदाणि वा जाव झुसिराणि वा, ताइं भंते!  
किं पुट्ठाइं सुणेइ अपुट्ठाइं सुणेइ?, गोयमा! पुट्ठाइं सुणेइ नो अपुट्ठाइं सुणेइ, जाव नियमाछदिसिं सुणेइ, छउमत्थे णं मणुस्से किं  
आरगयाइं सदाइं सुणेइ पारगयाइं सदाइं सुणेइ?, गोयमा! आरगयाइं सदाइं सुणेइ नो पारगयाइं सदाइं सुणेइ, जहा णं भंते! छउमत्थे  
मणुस्से आरगयाइं सदाइं सुणेइ नो पारगयाइं सदाइं सुणेइ तहा णं भंते! केवली मणुस्से किं आरगयाइं सदाइं सुणेइ पारगयाइं सदाइं  
सुणेइ?, गोयमा! केवली णं आरगयं वा पारगयं वा सव्वदूरमूलमणंतिथं सहं जाणेइ पासइ, से केणट्ठेणं तं चेव केवली णं आरगयं वा  
पारगयं वा जाव पासइ?, गोयमा! केवली णं पुरच्छिमेणं भियंपि जाणेइ० अभियंपि जा० एवं दाहिणेणं पच्चत्थिमेणं उत्तरेणं उड्ढं अहे  
भियंपि जाणेइ० अभियंपि जा० सव्वं जाणेइ केवली सव्वं पासइ केवली सव्वओ जाणेइ पासइ० सव्वकालं जा०या० सव्वभावे जाणेइ  
पासइकेवली, अणंते नाणे केवलिस्स अणंते दंसणे केवलिस्स निव्वुडे नाणे केवलिस्स निव्वुडे दंसणे केवलिस्स से तेणट्ठेणं जाव

पासइ । १८४ । छउमत्थे णं भंते! मणुस्से हसेज्ज वा उस्सुयाएज्ज वा?, हंता हसेज्ज वा उस्सुयाएज्ज वा, जहा णं भंते! छउमत्थे मणुस्से हसेज्ज वा उस्सु० तहा णं केवलीवि हसेज्जा वा उस्सुयाएज्ज वा?, गोयमा! नो इणद्धे समद्धे, से केणद्धेणं भंते! जाव नो णं तहा केवली हसेज्ज वा उस्सुयाएज्ज वा?, गोयमा! जण्णं जीवा चरित्तमोहणिज्जस्स कम्मस्स उदएणं हसति वा उस्सुयायति वा से णं केवलस्स नत्थि, से तेणद्धेणं जाव नो णं तहा केवली हसेज्जा वा उस्सुयाएज्ज वा, जीवे णं भंते! हंसमाणे वा उस्सुयमाणे वा कइ कम्मपयडीओ बंधइ?, गोयमा! सत्तविहबंधए वा अट्ठविहबंधए वा, एवं जाव वेमाणिए, पोहत्तिएहिं जीवेगिंदियवज्जो तियभंगो, छउमत्थे णं भंते! मणुस्से निद्दाएज्ज वा पयलाएज्ज वा?, हंता निद्दाएज्ज वा पयलाएज्ज वा, जहा हसेज्ज वा० तहा नवरं दरिसणावरणिज्जस्स कम्मस्स उदएणं निद्दायंति वा पयलायंति वा, से णं केवलियस्स नत्थि तं चेव, जीवे णं भंते ! निद्दायमाणे वा पयलायमाणे वा कति कम्मपगडीओ बंधइ?, गोयमा! सत्तविहबंधए वा अट्ठविहबंधए वा, एवं जाव वेमाणिए, पोहत्तिएसु जीवेगिंदियवज्जो तियभंगो । १८५ । हरी णं भंते! हरिणेगमेसी सक्कदूए इत्थीगब्भं संहरमाणे किं गब्भाओ गब्भंसाहरइ गब्भाओ जोणिं साहरइ जोणीओ गब्भं साहरइ जोणीओ जोणिं साहरइ? गोयमा! नो गब्भाओ गब्भं साहरइ नो गब्भाओ जोणिं साहरइ नो जोणीओ जोणिं साहरइ परामुसिय २ अच्चाबाहेणं अच्चावाहं जोणीओ गब्भं साहरइ, पभू णं भंते! हरिणेगमेसी सक्कस्स दूए इत्थीगब्भं न्हसिरंसि वा रोमकूवंसि वा साहरित्तए वा नीहरित्तए वा ?, हंता पभू, नो चेव णं तस्स गब्भस्स किंचिवि आवाहं वा विबाहं वा उप्पाएज्जा छविच्छेदं पुण करेज्जा, एसुहुमं च णं साहरिज्ज वा



नीहरिज्ज वा । १८६ । तेणं कालेणं० समणस्स भगवओ महावीरस्स अंतेवासी अइमुत्ते णाभं कुमारसमणे पगतिभदए जाव विणीए,  
 तए णं से अइमुत्ते कुमारसमणे अण्णया कयाई महावुट्टिकार्यसि निवयमाणंसि कक्खपडिग्गहरयहरणमायाएबहिया संपट्टिए विहाराए,  
 तए णं से अइमुत्ते कुमारसमणे वाहयं वहमाणं पासइ त्ता मट्टियाइ पालिं बंधइ त्ता णाविया मे २ नाविओविव णावमयं पडिग्गहगं  
 उदगंसि कट्टु पव्वाहमाणे २ अभिरमइ, तं चं थेरा अदक्खु, जेणेव समणे भगवं० तेणेव उवागच्छंति त्ता एवं वदासी एवं खलु  
 देवाणुप्पियाणं अंतेवासी अतिमुत्ते णाभं कुमारसमणे से णं भंते ! अतिमुत्ते कुमारसमणे कतिहिं भवग्गहणेहिं सिज्झिहिति जाव अंतं  
 करेहिति ?, अज्जो ! समणे भगवं महावीरे ते थेरे एवं वयासी एवं खलु अज्जो ! मम अंतेवासी अइमुत्ते णाभं कुमारसमणे पगतिभदए  
 जाव विणीए से णं अइमुत्ते कुमारसमणे इमेणं चेव भवग्गहणेणं सिज्झिहिति जाव अंतं करेहिति, तं मा णं अज्जो ! तुब्भे अतिमुत्तं  
 कुमारसमणं हीलेह निंदह खिंसह गरहह अवमन्नह, तुब्भे णं देवाणुप्पिया ! अतिमुत्तं कुमारसमणं अगिलाए संगिण्हह अगिलाए  
 उवगिण्हह अगिलाए भत्तेणं पाणेणं विणयेणं वेयावडियं करेह, अइमुत्ते णं कुमारसमणे अंतकरे चेव अंतिमसरीरिए चेव, तए णं ते  
 थेरा भगवंतो समणेणं भगवया म० एवं वुत्ता समाणा समणं भगवं महावीरं वंदंति नमंसंति त्ता अइमुत्तं कुमारसमणं अगिलाए  
 संगिण्हंति जाव वेयावडियं करेंति । १८७ । तेण कालेणं० महासुक्काओ कप्पाओ महासग्गाओ महा( प्र० महासामाणाओ ) विमाणाओ  
 दो देवा महिइढीया जाव महाणुभागा समणस्सभगवओ महावीरस्स अंतियं पाउब्भूया, तए णं ते देवा समणं भगवं महावीरं मणसा

वंदन्ति नमसन्ति ता मणसा चेव इमं एयारूवं वागरणं पुच्छन्ति कति णं भन्ते! देवाणुप्पियाणं अंतेवासीसयाइं सिञ्झिहिति जाव अंतं  
 करेहिति?, तए णं समणे भगवं महावीरे तेहिं देवेहिं मणसा पुढे तेसिं देवाणं मणसा चेव इमं एयारूवं वागरणं वागरेति एवं खलु  
 देवाणुप्पिया! मम सत्त अंतेवासीसयाइं सिञ्झिहिति जाव अंतं करेहिति, तए णं ते देवा समणेणं भगवया महावीरेणं मणसा पुढेणं  
 मणसा चेव इमं एयारूवं वागरणं वागरिया समाणा हट्टुट्टा जाव हयहियया समणं भगवं महावीरं वंदन्ति णमसन्ति ता मणसा चेव  
 सुस्सूसमाणा णमसमाणा अभिमुहा जाव पज्जुवासन्ति, तेणं कालेणं० समणस्स भगवओ महावीरस्स जेट्ठे अंतेवासी इंदभूती णमं  
 अणगारे जाव अदूरसामंते उड्डंजाणू जाव विहरति, तए णं तस्स भगवओ गोयमस्स झाणंतरियाए वट्टमाणस्स इमेयारूवे अञ्जत्थिए  
 जाव समुप्पज्जित्था एवं खलु दो देवा महिड्ढीया जाव महाणुभागा समणस्स भगवओ महावीरस्स अंतियं पाउब्भूया तं नो खलु अहं  
 ते देवे जाणामि कयराओ कप्पाओ वा सग्गाओ वा विमाणाओ? कस्स वा अत्थस्स अट्टाए इहं हव्वमागया?, तं गच्छामि णं समणं  
 भगवं महावीरं वंदांमि णमंसांमि जाव पज्जुवासांमि ता इमाइं च णं एयारूवाइं वागरणाइं पुच्छिस्सामित्तिकट्टु एवं संपेहेति ता अट्टाए  
 ता जेणेव समणे भगवं महा० जाव पज्जुवासति, गोयमादि समणे भगवं म० भगवं गोयमं एवं वदासी से णूणं तव गोयमा!  
 झाणंतरियाएवट्टमाणस्स इमेयारूवे अञ्जत्थिए जाव जेणेव ममं अंतिए तेणेव हव्वमागए से णूणं गोयमा! अत्थे समत्थे?, हंता अत्थि,  
 तं गच्छाहि णं गोयमा! एए चेव देवा इमाइं एयारूवाइंवागरणाइं वागरेहिति, तएणं भगवं गोयमे समणेणं भगवया महावीरेणं अब्भणुत्तां

समाणे समणं भगवं महावीरं वंदइ णमंसति ता जेणेव ते देवा तेणेव प्हारेत्थ गमणाए, तए णं ते देवा भगवं गोथमं पएज्जमाणं पासंति ता हट्ठा जाव हयहियया खिप्पामेव अब्भुट्ठेति ता खिप्पामेव अब्भुवगच्छंति ता जेणेव भगवं गोयमे तेणेव उवागच्छंति ता जाव णमंसित्ता एवं वयासी एवं खलु भंते! अहे महासुक्कातो कप्पातो महासामाणाओ विमाणाओ दो देवा महिइढिया जाव पाउब्भूता तए णं अहे समणं भगवं महावीरं वंदामो णमंसामोत्ता मणसा चेव इमाइं एयारूवाइं वागरणाइं पुच्छामो कति णं भंते! देवाणुप्पियाणं अंतेवासीसयाइं सिञ्झिहंति जाव अंतं करेहंति?, तए णं समणे भगवं महावीरे अहेहिं मणसा चेव पुट्ठे अहं मणसा चेव इमं एयारूवं वागरणं वागरेति एवं खलु देवाणु० मम सत्त अंतेवासीसयाइं जाव अंतं करेहंति, तए णं अहे समणेणं भगवया महावीरेणं मणसा चेव पुट्ठेणं मणसा चेव इमं एयारूवं वागरणं वागरिया समाणा समणं भगवं महावीरं वंदामो नमंसामो जाव पज्जुवासामो त्तिकट्ठु भगवं गोतमं वंदंति नमंसंति ता जामेव दिसिं पाउ० तामेव दिसिं पं० । १८८ । भंतेत्ति भगवं गोयमे समणं जाव एवं वदासी देवा णं भंते! संजयाति वत्तव्वं सिया?, गोथमा! णो तिणट्ठे समट्ठे, अब्भक्खाणमेयं, देवा णं भंते! असंजताति वत्तव्वंसिया?, गोथमा! णो तिणट्ठे० णिट्ठुरवयणमेयं, देवा णं भंते! संजयासंजयाति वत्तव्वं सिया?, गोथमा! णो तिणट्ठे समट्ठे, असब्भूयमेयं देवाणं, से किं खाति णं भंते! देवातिवत्तव्वं सिया?, गोथमा ! देवा णं नोसंजयाति वत्तव्वं सिया । १८९ । देवा णं भंते! कयराए भासाए भासंति?, कयरा वा भासा भासिज्जमाणी विसिस्सति?, गोथमा! देवा णं अब्भमागहाए भासाए भासंति, साऽवि य णं अब्भमागहा भासा भासिज्जमाणी

विसिस्सति । १९० । केवली णं भंते! अंतकरं वा अंतिमसरीरियं वा जाणति पासइ?, हंता गोयमा! जाणतिपासति, जहा णं भंते !  
 केवली अंतकरं वा अंतिमसरीरियं वा जाणति पासति तहा णं छउमत्थेऽवि अंतकरं वा अंतिमसरीरियं वा जाणति पासति ?, गोयमा णो  
 तिण्ठे सम्भे, सोच्चा णंजाणति पासति, पमाणतो वा, से किं तं सोच्चा णं?, केवलिस्स वा केवलिसावयस्स वा केवलिसावियाए वा  
 केवलिउवासगस्स वा केवलिउवासियाए वा तप्पक्खियस्स वा तप्पक्खियसावगस्स वा तप्पक्खियसावियाए वा तप्पक्खियउवासगस्स  
 वा तप्पक्खियउवासियाए वा से तं सोच्चा० । १९१ । से किं तं पमाणे ? पमाणे चउव्विहे पंतं - पच्चक्खे अणुमाणे ओवम्भे आगमे,  
 तहा अणुओगदारे तहा णेयव्वं पमाणं जाव तेण परं नो अत्तागमे नो अणंतरागमे परंपरागमे । १९२ । केवली णं भंते! चरिमकम्भं वा  
 चरिमणिज्जरं वा जाणति पासति?, हंता गोयमा! जाणति पासति, जहा णं भंते! केवली चरिमकम्भं जहा अंतकरेणं आलावगो तहा  
 चरिमकम्भेणवि अपरिसेसिओ णेयव्वो । १९३ । केवली णं भंते! पणीयं मणं वा वडं वा धारेज्जा ?, व हंता धारेज्जा, जहा ( जं ) णं  
 भंते! केवली पणीयं मणं वा वडं वा धारेज्जा तं णं वेमाणिया देवा जाणंति पासंति?, गोयमा! अत्थेगतिया जाणंति पा० अत्थेगतिया  
 न जाणंति न पा०, से केण्ठेणं जाव ण जाणंति ण पासंति?, गोयमा! वेमाणिया देवा दुविहा पंतं - माइमिच्छादिट्ठिउववन्नगाय य  
 अमाइसम्भदिट्ठिउववन्नया य, तत्थ णं जे ते माइमिच्छादिट्ठिउववन्नगा ते न याणंति न पासंति, तत्थ णं जे ते अमाइसम्भदिट्ठिउववन्नगा  
 ते णं जाणंति पासंति, तेण० एवं वु०, एवं अणंतरपरंपरपज्जत्तअपज्जत्ता य उवउत्ता अणुउवत्ता०, तत्थ णं जे ते अणुउत्ता०, तत्थ णं

जे ते उवउत्ता ते जा० पा० से तेणट्टेणं तं चेव ११४। पभू णं भंते! अणुत्तरोववाइया देवा तत्थगया चेव इहगएणं केवलिणा सद्धिं आलावं वा संलावं वा करेत्तए ?, हंता पभू, से केणट्टेणं जाव पभू णं अणुत्तरोववाइया देवा जाव करेत्तए गोयमा! जया णं अणुत्तरोववाइया देवा तत्थगया चेव समाणा अट्ठं वा हेउं वा पसिणं वा कारणं वा वागरणं वा पुच्छंति तए णं इहगए केवली अट्ठं वा जाव वागरणं वा वागरेति से तेणट्टेणं, जन्नं भंते ! इहगए चेव केवली अट्ठं वा जाव वागरेति तन्नं अणुत्तरोववाइयादेवा तत्थगया चेव समाणा जा० पा०?, हंता जाणंति पासंति, से केणट्टेणं जाव पासंति?, गोयमा! तेसिं णं देवाणं अणंताओ मणोदव्ववग्गणाओ लद्धाओ पत्ताओ अभिसमन्नागयाओ भवंति से तेणट्टेणं० जण्णं इहगए केवली जाव पा० ११५। अणुत्तरोववाइया णं भंते! देवा किं उदिन्नमोहा उवसंतमोहा खीणमोहा?, गोयमा! नो उदिन्नमोहा उवसंतमोहा णो खीणमोहा ११६। केवली णं भंते! आयाणेहिं जा० पा०?, गोयमा! णो तिणट्टे स०, से केणट्टेणं जाव केवली आयाणेहिं न जाणइ न पासइ ?, गोयमा! केवलीणं पुरच्छिमेणं भियंपि जाणइ अभियंपि जा० जाव निव्वुडे दंसणे केवलिस्स से तेण० ११७। केवली णं भंते! अस्सि समयंसि जेसु आगासपदेसेसु हत्थं वा पायं वा बाणं वा उरुंवा ओगोहित्ताणं चिद्धति पभू णं भंते! केवली सेयकालंसिवि तेसु चेव आगासपदेसेसु हत्थं वा जाव ओगाहित्ताणं चिद्धित्तए?, गोयमा! णो ति०, से केणट्टेणं भंते! जाव केवली णं अस्सि समयंसि जेसु आगासपदेसेसु हत्थं वा जाव चिद्धति णो णं पभू केवली सेयकालंसिवि तेसु चेव आगासपदेसेसु हत्थं वा जाव चिद्धित्तए?, गो०! केवलिस्स णं वीरिय सजोगसद्वय्याए चलाइं

॥ श्रीभगवती सूत्रं ॥

१४४

पू. सागरजी म. संशोधित

उषकरणाइं भवन्ति, चलोवगरणद्वयाए य णं केवली अस्मि समयंसि जेसु आगासपदेसेसु हत्थं वा जाव चिट्ठति णो णं पभू केवली सेयकांलसिवि तेसु चेव जाव चिट्ठित्तए, से तेणद्वेणं जाव वुच्चइ केवली णं अस्मि समयंसि जाव चिट्ठित्तए ।१९८। पभू णं भन्ते! चोदसपुव्वी घडाओ घडसहस्सं पडाओ पडसहस्सं कडाओ २ रहाओ २ छत्ताओ छत्तसहस्सं दंडाओ दंडसहस्सं अभिनिव्वट्टेत्ता उवदंसेत्तए? हंता पभू, से केणद्वेणं० पभू चोदसपुव्वी जाव उवदंसेत्तए?, गोयमा! चउदसपुव्विस्स णं अणंताइं दव्वाइं उक्करियाभेएणं भिज्जमाणाइं लब्धाइं पत्ताइं अभिसमन्नागयाइं भवन्ति, से तेणद्वेणं जाव उवदंसित्तए। सेवं भन्ते! २ ॥ १९९॥ १०५३० ४॥

छउमत्थे णं भन्ते! मणूसे तीयमणंतं सासयं समयं केवलेणं संजमेणं जहा पढमसए चउत्थुद्देसे आलावगा तहा नेयव्वा जाव अलमत्थुत्ति वत्तव्वं सिया ।२००। अन्नउत्थिया णं भन्ते ! एवमातिक्खंति जाव परूवेति सव्वे पाणा सव्वे भूया सव्वे जीवा सव्वे सत्ता एवंभूयं वेदणं वेदेति, से कहमेयं भन्ते! एवं ?, गोयमा! जणं ते अन्नउत्थिया एवमातिक्खंति जाव वेदेति जे ते एवमाहंसु भिच्छा ते एवमाहंसु, अहं पुण गोयमा! एवमातिक्खामि जाव परूवेमि अत्थेगइया पाणा भूया जीवा सत्ता एवंभूयं वेदणं वेदेति अत्थेगइया पाणा भूया जीवा सत्ता अनेवंभूयं वेदणं वेदेति, से केणद्वेणं० अत्थेगतिया० तं चेव उच्चारयव्वं, गोयमा! जे णं पाणा भूया जीवा सत्ता जहा कडा कम्मा तहा वेदणं वेदेति ते णं पाणा भूया जीवा सत्ता एवंभूयं वेदणं वेदेति, जे णं पाणा भूया जीवा सत्ता जहा कडा कम्मा नो तहा वेदणं वेदेति ते णं पाणा भूया जीवा सत्ता अनेवंभूयं वेदणं वेदेति, से तेणद्वेणं तहेव, नेरइया णं भन्ते! किं एवंभूयं वेदणं वेदेति

अनेवंभूयं वेदणं वेदेति?, गोयमा! नेरइया णं एवंभूयं वेदणंपि वेदेति अनेवंभूयंपि वेदणं वेदेति, से केणट्ठेणं तं चेव, गोयमा! जे णं नेरइया जहा कडा कम्मा तहा वेयणं वेदेति ते णं नेरइया एवंभूयं वेदणं वेदेति, जे णं नेरतिया जहा कडा कम्मा णो तहा वेदणं वेदेति ते णं नेरइया अनेवंभूयं वेदणं वेदेति, से तेणट्ठेणं०, एवं जाव वेमाणिया, संसारमंडलं नेयव्वं।२०१। जंबुद्दीवे णं भंते ! दीवे भारहे वासे इमीसे ओस० कई कुलगरा होत्था?, गोयमा! सत्त एवं तित्थयरा तित्थयरमायरो पियरो पढमा सिस्सिणीओ चक्कवट्ठिमायरो इत्थिरयणं बलदेवा वासुदेवा वासुदेवमायरो बल० वासु० पियरो, एएभिं पडिसत्तू जहा समवाए परिवाडी तहा णेयव्व्वा। सेवं भंते! २ जाव विहरइ ।२०२॥ श० ५३० ५ ॥

कहण्णं भंते ! जीवा अप्पाउयत्ताए कम्मं पकरेंति?, गोयमा! तीहिं ठाणेहिं तं० -पाणे अइवाएत्ता मुसं वइत्ता तहारूवं समणं वा माहणं वा अफासुएणं अणेसणिज्जेणं असणपाणखाइमसाइमेणं पडिलाभेत्ता, एवं खलु जीवा अप्पाउयत्ताए कम्मं पकरेंति, कहण्णं भंते! जीवा दीहाउयत्ताए कम्मं पकरेंति?, गोयमा! तीहिं ठाणेहिं तं०-नो पाणे अतिवाइत्ता नो मुसं वइत्ता तहारूवं समणं वा माहणं वा फासुएसणिज्जेणं असणपाणखाइमसाइमेणं पडिलाभेत्ता, एवं खलु जीवा दीहाउयत्ताए कम्मं पकरेंति, कहन्नं भंते! जीवा असुभदीहाउयत्ताए कम्मं पकरेंति?, गोयमा! पाणे अइवाइत्ता मुसं वइत्ता तहा- रूवं समणं वा माहणं वा हीलित्ता निंदित्ता खिसित्ता गरहित्ता अवमन्नित्ता अन्नयरेणं अमणुत्तेणं अपीतिकारणं असणपाणखाइमसाइमेणं पडिलाभेत्ता, एवं खलु जीवा असुभदीहाउयत्ताए

कम्पं पकरेति कहन्नं भंते! जीवा सुभदीहाउयत्ताए कम्पं पकरेति?, गोयमा! नो पाणे अइवाइत्ता नो मुसं वइत्ता तहारूवं सभणं वा माहणं वा वंदित्ता नभंसित्ता जाव पज्जुवासित्ता अन्नयरेणं मणुन्नेणं पीडकारेणं असणपाणखाइमसाइमेणं पडित्ताभेत्ता, एवं खलु जीवा सुभदीहाउयत्ताए कम्पं पकरेति ।२०३। गाहावइस्स णं भंते! भंडं विक्किणमाणस्स केई भंडं अवहरेज्जा, तस्स णं भंते! तं भंडं अणुवावेसमाणस्स किं आरंभिया किरिया कज्जइ परिग्गहिया० माया० अप० मिच्छा?, गोयमा! आरंभिया किरिया कज्जइ परि० माया० अपच्च० मिच्छादंसणकिरिया सिय कज्जइ सिय नो कज्जइ, अह से भंडे अभिसमन्नागए भवति ताओ से पच्छा सव्वाओ ताओ पयणुईभवन्ति, गाहावतिस्स णं भंते! तं भंडं विक्किणमाणस्स कत्तिए भंडे सात्तिज्जेज्जा भंडे य से अणुवणीए सिया गाहावतिस्स णं भंते! ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ?, कइयस्स वा ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ?, गोयमा! गाहावइस्स ताओ भंडाओ आरंभिया किरिया कज्जइ जाव अपच्चक्खाणिया मिच्छादंसणवत्तिया किरिया सिय कज्जइ सिय नो कज्जइ, कतियस्स णं ताओ सव्वाओ पयणुईभवन्ति, दाहावतिस्स णं भंते! भंडं विक्किणमाणस्स जाव भंडे से उवणीएसिया कतियस्स णं भंते! ताओ भंडाओ किं आरंभिया किरिया कज्जति० गाहावइस्स वा ताओ भंडाओ किं आरंभिया किरिया कज्जति०?, गोयमा! कइयस्स ताओ भंडाओ हेट्ठिल्लाओ चत्तारि किरियाओ कज्जन्ति मिच्छादंसणकिरिया भयणाए०, गाहावतिस्स णं ताओ सव्वाओ पयणुईभवन्ति, गाहावतिस्स णं भंते ! भंडं जाव धणे य से अणुवणीए सिया० एयंपिज्जहा



भंडे उवणीए तहा नेयव्वं चउत्थो आलावगो, धणे से उवणीए सिया जहा पढमो आलावगो, भंडे य से अणुवणीए सिया तहा नेयव्वो, पढमचउत्थाणं एक्को गमो बितीयतईयाणं एक्को गमो, अगणिकाए णं भंते! अहुणो( प्र०अणु )ज्जलिते समाणे महाकम्भतराए चेव महाकिरियतराए चेव महासवतराए चेव महावेदणतराए चेव भवति, अहे णं समए २ वोक्कसिज्जमाणे २ चरिमकालसमयंसि इंगालभूए मुप्पुरभूते छारियभूए तओ पच्छा अप्पकम्भतराए चेव अप्पकिरियतराए चेव अप्पासवतराए चेव भवति ?, हंता गोयमा! अगणिकाए णं अणुज्जलिए समाणे तं चेव।२०४। पुरिसे णं भंते ! धणुं परामुसइ त्ता उसुं परामुसइ त्ता ठाणं ठाइ त्ता आयतकण्णाययं उसुं करेति त्ता उड्ढं वेहासं उसुं उव्विहइ त्ता ततो णं से उसुं उड्ढं वेहासं उव्विहिए समाणे जाइं तत्त पाणाइं भूयाइं जीवाइं सत्ताइं अभिहणइ वत्तेति लेस्सेति संघाएइ संघट्टेति परितावेइ किलामेइ ठाणाओ ठाणं संकामेइ जीवियाओ ववरोवेइ तए णं भंते! से पुरिसे कतिकिरिए ?, गोयमा ! जावं च णं से पुरिसे धणुं परासमुइ जाव उव्विहइ तावं च णं से पुरिसे कातियाए जाव पाणातिवायकिरियाए पंचहिंकिरियाहिं पुट्टे, जेसिंपि य णं जीवाणं सरिरेहिं धणू निव्वत्तिए तेजविय णं जीवा काइयाए जाव पंचहिं किरियाहिं पुट्टा, एवं धणुपुट्टे पंचहिं किरियाहिं, जीवा पंचहिं, ण्हारू पंचहिं, उसू पंचहिं, सरे पत्तणे फले ण्हारू पंचहिं ।२०५। अहे णं से उसुं अप्पणो गुरुयत्ताए भारियत्ताए गुरुसंभारियत्ताए अहे वीससाए पच्चोवयमाणे जाइं तत्थं पाणाइं जाव जीवियाओ ववरोवेइ तावं च णं से पुरिसे कतिकिरिए?, गोयमा! जावं च णं से उसू अप्पणो गुरुययाए जाव ववरोवेइ तावं च णं से पुरिसे काइयाए जाव चउहिं किरियाहिं पुट्टे, जेसिंपि य णं

जीवाणं सररीरहिं धणू निव्वन्ति तस्मिं जीवा चउहिं किरियाहिं, धणूपुट्टं चउहिं, जीवा चउहिं णहारु चउहिं, उसू पंचहिं, सरे पत्तणे फले णहारु पंचहिं, जेऽवि य से जीवा अहे पच्चोवयमाणस्स उवग्गे चिद्धंति तेऽवि य णं जीवा कातियाए जाव पंचहिं किरियाहिं पुट्टा ॥२०६॥ अण्णउत्थिया णं भंते ! एवमातिक्खंति जाव परूवेति से जहानामए जुवतिं जुवाणे हत्थेणं हत्थे गेण्हेज्जा चक्कस्स व नाभी अरगाउत्ता सिया एवामेव जाव चत्तारि पंच जोयणसयाइं बहुसमाइन्ने मणुयलोए मणुस्सेहिं, से कहमेयं भंते एवं ? गोयमा ! जण्णं ते अण्णउत्थिया जाव मणुस्सेहिं जे ते एवमाहंसु मिच्छा० अहं पुण गोयमा ! एवमातिक्खामि जाव एवामेव चत्तारि पंच जोयणसयाइं बहुसभावण्णे निरयलोए नेरइएहिं ॥२०७॥ नेरइया णं भंते ! किं एगत्तं पभू विउव्वित्तए ? पुहुत्तं पभू विउव्वित्तए ? , जहा जीवाभिगमे आलावगो तहा नेयव्वो जाव दुरहियासे ॥२०८॥ आहाकम्भं अणवज्जेत्ति मणं पहारेत्ता भवति, से णं तस्स ठाणस्स अणालोइयपडिक्कंते कालं करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा, एएणं गमेणं नेयव्वं कीयगडं ठविथंरइयं कंतारभत्तं दुब्भिक्खभत्तं वहलियाभत्तं गिलाणभत्तं सेज्जाथरपिंडं रायपिंडं, आहाकम्भं अणवज्जेत्ति बहुजणमज्जे भासित्ता सयमेव परिभुजित्ता भवति से णं तस्स ठाणस्स जाव अत्थि तस्स आराहणा, एयंपि तह चेव जाव रायपिंडं, आहाकम्भं अणवज्जेत्ति० सयं अन्नमन्नस्स अणुप्पदावेत्ता भवति, से णं तस्स एयं तह चेव जाव रायपिंडं, आहाकम्भं णं अणज्जेत्ति बहुजणमज्जे पन्नवत्तिता भवति से णं तस्स जाव अत्थि आराहणा जाव रायपिंडं ॥२०९॥ आयरियउवज्झाए णं भंते ! सविसयंसि गणं अगिलाए

संगिणहमाणे अगिलाए उवगिणहमाणे कतिहिं भवग्गहणेहिं सिञ्जति जाव अंतं करेति?, गोयमा ! अत्थेगतिए तेणेव भवग्गहणेणं सिञ्जति० अत्थेगतिए दोच्चेणं भवग्गहणेणं सिञ्जति० तच्चं पुण भवग्गहणं णातिक्कमति । २१० । जे णं भंते! परं अलिएणं असब्भूतेणं अब्भक्खाणेणं अब्भक्खाति तस्स णं कहप्पगारा कम्मा कज्जंति ?, गोयमा! जे णं परं अलिएणं असंतवयणेणं अब्भक्खाणेणं अब्भक्खाति तस्स णं तहप्पगारा चेव कम्मा कज्जंति, जत्थेव २ णं अभिसमागच्छति तत्थेव २ णं पडिसंवेदेति ततो से पच्छा वेदेति । सेवं भंते! २ त्ति । २११ ॥ १० ५ ३० ६ ॥

परमाणुपोग्गले णं भंते! एयति वेयति जाव तं तं भावं परिणमति?, गोयमा! सिय एयति वेयति जाव परिणमति सिय णो एयति जाव णो परिणमति, दुपदेसिए णं भंते! खंधे एयति जाव परिणमइ?, गोयमा! सिय एयति जाव परिणमति सिय णो एयति जाव णो परिणमति, सिय देसे एयति, देसे णो एयति तिप्पएसिए णं भंते! खंधे एयति०?, गोयमा! सिय एयति सिय नो एयति सिय देसे एयति नो देसो एयति सिय देसे एयति नो देसा एयंति सिय देसा एयंति नो देसे एयति, चउप्पएसिए णं भंते! खंधे एयति०?, गोयमा! सियएयति सिय नो एयति सिय देसे एयति णो देसे एयति सिय देसे एयति णो देसा एयंति सिय देसा एयंति नो देसे एयति सिय देसा एयंति नो देसा एयंति, जहा चउप्पदेसिओ तहा पंचपदेसिओ, तहा जाव अणंतपदेसिओ । २१२ । परमाणुपोग्गले णं भंते! असिधारं वा खुधारं वा ओगाहेज्जा?, हंता ओगाहेज्जा, से णं भंते! तत्थ छिजेज्ज वा भिजेज्ज वा?, गोयमा! णो तिणट्ठे समट्ठे, नो खलु तत्थ सत्तं

कमति, एवं जाव असंखेजपएसिओ, अणंतपदेसिए णं भंते! खंधे असिधारं वा खुरधारं वा ओगाहेजा?, हंता ओगाहेजा, से णं तत्थ छिजेज वा भिजेज वा?, गोयमा! अत्थेगतिए छिजेज वा भिजेज वा अत्थेगतिए नो छिजेज वा, नो भिजेज वा एवं अगणिकायस्स मज्झंमज्झेणं तहिं णवरं झियाएजा भाणितव्वं, एवं पुक्खलसंवट्ठगस्स महामेहस्स मज्झंमज्झेणं तहिं उल्ले सिया०, एवं गंगाए महाणदीए पडिसोयं हव्वमागच्छेजा, तहिं विणिहायमावजेजा०, उदगावत्तं वा उदगबिंदुं वा ओगाहेजा से णं तत्थ परिथावजेजा०। २१३।

परमाणुपोगगले णं भंते! किं सअड्ढे समज्झे सपएसे उदाहु अणड्ढे अमज्झे अपएसे?, गोयमा! अणड्ढे अमज्झे अपएसे नो सअड्ढे नो समज्जे नो सपएसे, दुपदेसिए णं भंते! खंधे किं सअद्धे समज्झे सपदेसे उदाहु अणद्धे अमज्झे अपदेसे?, गोयमा! सअद्धे अमज्झे सपदेसे णो अणद्धे णो समज्झे णो अपदेसे, तिपदेसिए णं भंते! खंधे पुच्छा, गोयमा! अणड्ढे समज्झे सपदेसे नो सअद्धे णो अमज्झे। नोअपदेसे, जहा दुपदेसिओ तहा जे सभा ते भाणियव्वा, जे विसभा ते जहा तिपएसिओ तहा भाणियव्वा, संखेजपदेसिए णं भंते! खंधे किं सअड्ढे०?, पुच्छा, गोयमा! सिय सअद्धे अमज्झे सपदेसे सिय अणड्ढे समज्झे सपदेसे, जहा संखेजपदेसिओ तहा असंखेजपदेसिओऽवि अणंतपएसिओऽवि। २१४।

परमाणुपोगगले णं भंते! परमाणुपोगगलं फुसमाणे किं देसेणं देसं फुसइ देसेणं देसे फुसइ देसेणं सव्वं फुसइ देसेहिं देसं फुसति देसेहिं देसे फुसइ देसेहिं सव्वं फुसइ सव्वेणं देसं फुसति सव्वेणं देसे फुसति सव्वेणं सव्वं फुसइ?, गोयमा! णो देसेणं देसं फुसइ णो देसेइ देसे फुसति णो देसेणं सव्वं फुसइ णो देसेहिं देसं फुसति नो देसेहिं देसे फुसइ

नो देसेहिं सव्वं फुसति णो सव्वेणं देसं फुसइ णो सव्वेणं देसे फुसति सव्वेणं सव्वं फुसइ, एवं परमाणुपोग्गले दुपदेसियं फुसमाणे सत्तमणवमेहिं फुसति, परमाणुपोग्गले तिपएसियं फुसमाणे णिप्पच्छिमएहिं तिहिं फु०, जहा परमाणुपोग्गले तिपएसियं फुसाविओ एवं फुसावेयव्वो जाव अणंतपएसिओ, दुपएसिए णं भंते! खंधे परमाणुपोग्गलं फुसमाणे पुच्छा, ततियनवमेहिं फुसति, दुपदेसिओ दुपदेसियं फुसमाणो पढमतइयसत्तमणवमेहिं फुसइ, दुपदेसिओ तिपदेसियं फुसमाणो आदिल्लएहि य पच्छिल्लएहि य तिहिं फुसति, भज्झमएहिं तिहिं विपडिसेहेयव्वं, दुपदेसिओ जहा तिपदेसियं फुसावितो एवं फुसावेयव्वो जाव अणंतपएसियं, तिपएसिए णं भंते! खंधे परमाणुपोग्गलं फुसमाणे पुच्छा, ततियच्छट्ठणवमेहिं फुसति, तिपएसिओ दुपएसियं फुसमाणो पढमएणं ततिएणं चउत्थछट्ठसत्तमणवमेहिं फुसति, तिपएसिओ तिपएसियं फुसमाणो सव्वेसुवि ठाणेसु फुसति, जहा तिपएसिओ तिपदेसियं फुसावितो एवं तिपदेसिओ जाव अणंतपएसिएणं संजोएयव्वो, जहा तिपएसिओ एवं जाव अणंतपएसिओ भाणियव्वो । २१५ । परमाणुपोग्गले णं भंते! कालतो केवच्चिरं होति?, गोयमा! जहन्नेणं एगं समयं उक्कोसेणं असंखेज्जं कालं एवं जाव अणंतपएसिओ, एगपदेसोगाढे णं भंते! पोग्गले सेए तम्मि वा ठाणे अत्रंमि वा ठाणे कालओ केवच्चिरं होइ?, गोयमा! जह० एगं समयं उक्को० आवलियाए असंखेज्जइभागं, एवं जाव असंखेज्जपदेसोगाढे एगपदेसोगाढे णं भंते! पोग्गले निरेए कालओ केवच्चिरं होइ?, गोयमा! जहन्नेणं एगं समयं उक्कोसेणं असंखेज्जं कालं, एवं जाव असंखेज्जपदेसोगाढे, एगगुणकालए णं भंते! पोग्गले कालओ केवच्चिरं होइ?, गोयमा! जह० एगं समयं

૩૦ અસંખેજ્ઞં કાલં, એવં જાવ અણંતગુણકાલે, એવં વન્નગંધરસફાસ૦ જાવ અણંતગુણલુક્ષે, એવં સુહ્રમપરિણે પોગ્ગલે એવં  
 બાદરપરિણે પોગ્ગલે, સદ્ધપરિણે ણં મંતે! પુગ્ગલે કાલો કેવચિરં હોડ?, ગોયમા! જ૦ એગં સમયં ૩૦ આવલિયાએ અસંખેજ્ઞાં ભાગં,  
 અસદ્ધપરિણે જહા એગગુણકાલે, પરમાણુપોગ્ગલસ્સ ણં મંતે! અંતરં કાલો કેવચિરં હોડ?, ગોયમા! જહન્નેણં એગં સમયં ઉક્કોસેણં  
 અસંખેજ્ઞં કાલં, દુપ્પણસિયસ્સ ણં મંતે! ખંધસ્સ અંતરં કાલો કેવચિરં હોડ?, ગોયમા! જહન્નેણં એગં સમયં ઉક્કોસેણં અણંતં કાલં,  
 એવં જાવ અણંતપણસિઓ, એગપણસોગાઢસ્સ ણં મંતે! પોગ્ગલસ્સ સેયસ્સ અંતરં કાલો કેવચિરં હોડ? ગોયમા! જહન્નેણં એગં સમયં  
 ઉક્કોસેણં અસંખેજ્ઞં કાલં, એવં જાવ અસંખેજ્ઞપણસોગાઢસ્સ, એગપણસોગાઢસ્સ ણં મંતે! પોગ્ગલસ્મ નિરેયસ્સ અંતરં કાલો કેવચિરં  
 હોડ?, ગોયમા! જહન્નેણં એગં સમયં ઉક્કોસેણં આવલિયાએ અસંખેજ્ઞાં ભાગં, એવં જાવ અસંખેજ્ઞપણસોગાઢે,  
 વન્નગંધરસફાસસુહ્રમપરિણયબાયરપરિણયાણં એતેસિં જચ્ચેવ સંચિટ્ઠા તં ચેવ અંતરંપિ ભાણિયવ્વં, સદ્ધપરિણયસ્સ ણં મંતે! પોગ્ગલસ્સ  
 અંતરં કાલો કેવચિરં હોડ?૦ ગોયમા જહન્નેણં એગં સમયં ઉક્કોસેણં અસંખેજ્ઞં કાલં, અસદ્ધપરિણયસ્સ ણં મંતે! પોગ્ગલસ્સ અંતરં  
 કાલો કેવચિરં હોડ?૦ ગોયમા! જહન્નેણં એગં સમયં ઉક્કોસેણં આવલિયાએ અસંખેજ્ઞાં ભાગં । ૨૧૬ । એયસ્સ ણં મંતે! દવ્વટ્ટાણાઉયસ્સ  
 ચેત્તટ્ટાણાઉયસ્સ ઓગાહણટ્ટાણાઉયસ્સ ભાવટ્ટાણાઉયસ્સ કયરે ૨ જાવ વિસેસાહિયા વા?, ગોયમા! સવ્વત્થોવે ચેત્તટ્ટાણાઉ  
 ઓગાહણટ્ટાણાઉ અસંખેજ્ઞગુણે દવ્વટ્ટાણાઉ અસંખેજ્ઞગુણે ભાવટ્ટાણાઉ અસંખેજ્ઞગુણે ચેત્તોગાહણદવ્વે ભાવટ્ટાણાઉયં ચ અપ્પબહું ।

खेते सव्वत्थोवे सेसा ठाणा असंखेज्जा ॥ ३५॥ १२१७॥ नेरइया णं भंते! किं सारंभा सपरिग्गहा उदाहु अणारंभा अपरिग्गहा?, गोयमा! नेरइया सारंभा सपरिग्गहा नो अणारंभा णो अपरिग्गहा० से केणट्ठेणं जाव अपरिग्गहा?, गोयमा! नेरइया णं पुढवीकायं समारंभति जाव तसकायं समारंभति सरीरा परिग्गहिया भवन्ति कम्मा परिग्गहिया भवन्ति सच्चित्ताचित्तमीसयाइं दव्वाइं परि० भ०, से तेणट्ठेणं तं चेव० असुरकुमारा णं भंते! किं सारंभा०? पुच्छा, गोयमा! असुरकुमारा सारंभा सपरिग्गहा नो अणारंभा अप०, से केणट्ठेणं०?, गोयमा! असुरकुमारा णं पुढवीकायं समारंभति जाव तसकायं समारंभति सरीरा परिग्गहिया भवन्ति कम्मा परिग्गहिया भवन्ति भवणा परि० भवन्ति देवादेवीओ मणुस्सा मणुस्सीओ तिरिक्खजोणिया तिरिक्खजोणिणीओ परिग्गहियाओ भवन्ति आसणसयणभंडमत्तोवगरणा परिग्गहिया भवन्ति सच्चित्ताचित्तमीसयाइं दव्वाइं परिग्गहियाइं भवन्ति से तेणट्ठेणं तहेव एवं जाव थणियकुमारा, एगिंदिया जहा नेरइया, बेइंदिया णं भंते! किं सारंभा सपरिग्गहा तं चेव जाव सरीरा परिग्गहिया भवन्ति बाहिरिया भंडमत्तोवगरणा परि० भवन्ति सच्चित्ताचित्त० जाव भवन्ति० एवं जाव चउरिंदिया, पंचेंदियतिरिक्खजोणिया णं भंते! तं चेव जाव कम्मा परि० भवन्ति टंका कूडा सेला सिहरी पब्भारा परिग्गहिया भवन्ति जलथलबिलगुहालेणा परिग्गहिया भवन्ति उज्झरनिज्झरचिल्लपल्लवप्पिणा परिग्गहिया भवन्ति अगडतडागदहनदीओ वाविपुक्खरिणीदीहिया गुंजालिया सरा सरपंतियाओ सरसरा सरसरपंतियाओ बिलाणि बिलपंतियाओ परिग्गहियाओ भवन्ति आरामुज्जाणा काणणा वणाइं वणसंडाइं वणराइओ परिग्गहियाओ भवन्ति देवउलसभापवाथूभाखातियपरिखाओ

परिगहियाओ भवन्ति पागारडालगचरियदारगोपुरा परिगहिया भवन्ति पासादघरसरणलेणआवणा परिगहिता भवन्ति सिंघाडगतिग-  
 चउक्कचच्चरचउम्भुहमहापहपहा परिगहिया भवन्ति सगडरहजाणजुग्गगिल्लीथिल्लिसीयसंदमाणियाओ परिगहियाओ भवन्ति लोही  
 लोहकडाहकडुच्छुया परिगहिया भवन्ति भवणा परिगहिया भवन्ति देवा देवीओ मणुस्सा मणुस्सिओ तिरिक्खजोणिआ तिरिक्ख-  
 जोणिणीओ आसणसयणखंभभंडसचित्ताचित्तमी सयाइं दव्वाइं परिगहियाइं भवन्ति से तेणट्ठेणं० जहा तिरिक्खजोणिआ तहा मणुस्साऽवि  
 भाणियव्वा,० वाणमंतरजोतिसवेमाणिया भवणवासी तहा नेयव्वा । २१८ । पंच हेऊ पं० तं०-हेउं जाणइ हेउं पासइ हेउं बुज्झइ हेउं  
 अभिसमागच्छति हेउं छउमत्थमरणं मरइ, पंचेव हेऊ पं० तं०- हेउणा जाणइ जाव हेउणा छउमत्थमरणं मरइ, पंच हेऊ पं० तं० हेउं न  
 जाणइ जाव हेउं अन्नाणमरणं मरइ, पंच हेऊ पं० तं०- हेउणा ण जाणति जाव हेउणा मरणं मरति, पंच अहेऊ पं० तं०- अहेउं जाणइ  
 जाव अहेउं केवलिमरणं मरइ, पंच अहेऊ पं० तं०- अहेउणा जाणइ जाव अहेउणा केवलिमरणं मरइ, पंच अहेऊ पं० तं०- अहेउं न  
 जाणइ जाव अहेउं छउमत्थमरणं मरइ, पंच अहेऊ पं० तं०- अहेउणा न जाणइ जाव अहेउणा छउमत्थमरणं मरइ । सेवं भंते! २ त्ति  
 । २१९ ॥ १० ५ ३० ७ ॥

तेणं कालेणं० जाव परिस्सा पडिगया, तेणं कालेणं० समणस्स० जाव अंतेवासी नारयपुत्ते नामं अणगारे पगातिभद्दए जाव  
 विहरति, तेणं कालेणं० समणस्स० जाव अंतेवासी नियंठिपुत्ते णामं अणगारे पगतिभद्दए जाव विहरति, तए णं से नियंठीपुत्ते अणगारे



जेणामेव नारयपुत्ते अणगारे तेणेव उवागच्छइ ता नारयपुत्तं अणगारं एवं वयासी सव्वपोग्गला ते अज्जो! किं सअइढा समज्झा सपएसा उदाहु अणइढा अमज्झा अपएसा? अज्जोत्ति नारयपुत्ते अणगारे नियंतिपुत्तं अणगारं एवं वयासी सव्वपोग्गला मे अज्जो! सअइढा समज्झा सपदेसा नो अणइढा अमज्झा अप्पएसा, तए णं से नियंतिपुत्ते अणगारे नारयपुत्तं अ० एवं वदासी जति णं ते अज्जो! सव्वपोग्गला सअइढा समज्झा सपदेसा नो अणइढा अमज्झा अपदेसा किं दव्वादेसेणं अज्जो! सव्वपोग्गला सअइढा समज्झा सपदेसा नो अणइढा अमज्झा अपदेसा?, खेत्तादेसेणं अज्जो! सव्वपोग्गला सअइढा समज्झा सपएसा तहेव चेव, कालादेसेणं तं चेव, भावादेसेणं अज्जो! तं चेव, तए णं से नारयपुत्ते अणगारे नियंतिपुत्तं अणगारं एवं वदासीदव्वादेसेणवि मे अज्जो! सव्वपोग्गला सअइढा समज्झा सपदेसा नो अणइढा अमज्झा अपदेसा खेत्ताएसेणवि सव्वे पोग्गला सअइढा तह चेव कालादेसेणवि तं चेव भावादेसेणवि, तए णं से नियंतीपुत्ते अण० नारयपुत्तं अणगारं एवं वयासी जति णं ते अज्जो! दव्वादेसेणं सव्वपोग्गला सअइढा समज्झा सपएसा नो अणइढा अमज्झा अपएसा एवं ते परमाणुपोग्गलेज्जि सअइढे समज्झे सपएसे णो अणइढे अमज्झे अपएसे, जति णं अज्जो! खेत्तादेसेणवि सव्वपोग्गला सअ० जाव एवं ते एगपएसोगाढेज्जि पोग्गले सअइढे समज्झे सपएसे, जति णं अज्जो! कालादेसेणं सव्वपोग्गला सअइढा समज्झा सपएसा एवं ते एगसमयठितीएज्जि पोग्गले तं चेव, जति णं अज्जो! भावादेसेणं सव्वपोग्गला सअइढा समज्झा सपएसा एवं ते एगगुणकालएज्जि पोग्गले सअइढे तं चेव, अह ते एवं न भवति तो जं वयसि दव्वादेसेणवि सव्वपोग्गला सअ० नो

अण्डा अमञ्जा अपदेसा एवं खेत्तादेसेणवि काला० भावादेसेणवि तन्नं भिच्छा, तए णं से नारयपुत्ते अणगारे नियंठीपुत्तं अ० एवं वयासी नो खलु वयं देवाणुप्पिया! एयमट्ठं जाणापो पासापो, जति णं देवाणुप्पिया! नो गिलायंति परिकहित्तए तं इच्छामि णं देवाणुप्पियाणं अंतिए एयमट्ठं सोच्या निसम्म जाणित्तए, तए णं से नियंठीपुत्ते अणगारे नारयपुत्तं अणगारं एवं वयासी दव्वादेसेणवि मे अज्जो! सव्वे पोग्गला सपदेसावि अपदेसावि अणंता खेत्तादेसेणवि एवं चेव कालादेसेणवि० भावादेसेणवि एवं चेव, जे दव्वओ अप्पदेसे से खेत्तओ नियमा अप्पदेसे कालओ सिय सपदेसे सिय अपदेसे भावओ सिय सपदेसे सिय अपदेसे जे खेत्तओ अप्पदेसे से, दव्वओ सिय सपदेसे सिय अपदेसे कालओ भयणाए भावओ भयणाए, जहा खेत्तओ एवं कालओ भावओ, जे दव्वओ सपदेसे से खेत्तओ सिय सपदेसे सिय अपदेसे एवं कालओ भावओऽवि, जे खेत्तओ सपदेसे से दव्वतो नियमा सपदेसे कालओ भयणाए भावओ भयणाए, जहा दव्वओ तहा कालओ भावओऽवि, एएसिं णं भंते! पोग्गलाणं दव्वादेसेणं खेत्तादेसेणं कालादेसेणं भावादेसेणं सपदेसाणं य अपदेसाणं य कयरे जाव विसेसाहिया वा?, नारयपुत्ता! सव्वन्थोवा पोग्गला भावादेसेणं अपदेसा कालादेसेणं अपदेसा असंखेज्जगुणा दव्वादेसेणं अपदेसा असंखेज्जगुणा खेत्तादेसेणं अपदेसा असंखेज्जगुणा खेत्तादेसेणं चेव सपदेसा असंखेज्जगुणा दव्वादेसेणं सपदेसा विसेसाहिया कालादेसेणं सपदेसा विसेसाहिया भावादेसेणं सपदेसा विसेसाहिया, तए णं से नारयपुत्ते अणगारे नियंठीपुत्तं अणगारं वंदइ नमंसइ ता एयमट्ठं सम्भं विणएणं भुज्जो २ खामेति ता संजमेण तवसा अप्पाणं भावेभाणे विहरइ । २२०।

भन्तेति भगवं गोयमे जाव एवं वयासी जीवा णं भन्ते! किं वड्ढंति हायंति अवड्ढिया?, गोयमा! जीवा णो वड्ढंति नो हायंति अवड्ढिया, नेरइया णं भन्ते ! किं वड्ढंति हायंति अवड्ढिया?, गोयमा! नेरइया वड्ढंतिवि हायंतिवि अवड्ढियावि, जहा नेरइया एवं जाव वेमाणिया, सिद्धा णं भन्ते! पुच्छा, गोयमा! सिद्धा वड्ढंति मो हायंति अवड्ढियावि, जीवा णं भन्ते! केवतियं कालं अवड्ढिया?, सव्वब्धं, नेरइया णं भन्ते! केवतियं कालं वड्ढंति?, गोयमा! ज० एगं समयं उक्को० आवलियाए असंखेज्जतिभागं, एवं हायंति, नेरइया णं भन्ते! केवतियं कालं अवड्ढिया?, गोयमा! जहन्नेणं एगं समयं उक्को० चउव्वीसं मुहुत्ता, एवं सत्तसुवि पुढवीसु वड्ढंति हायंति भाणियव्वं, नवरं अवड्ढिएसु इमं नाणत्तं, तं०- रयणप्पभाए पुढवीए अडतालीसं मुहुत्ता सक्कर० चोदस रातिंदियाणि वालु० मासं पंक० दो मासा धूम० चत्तारि मासा तमाए अट्ठ मासा तमतमाए बारस मासा, असुरकुमारावि वड्ढंति हायंति जहा नेरइया, अवड्ढिया जह० एकं समयं उक्को० अट्ठचत्तालीसं मुहुत्ता, एवं दसविहावि, एगिंदिया वड्ढंतिवि हायंतिवि अवड्ढियावि० एएहिं तीहिवि जहन्नेणं एकं समयं उक्को० आवलियाए असंखेज्जतिभागं, बेइंदिया वड्ढंति हायंति तहेव, अवड्ढिया ज० एकं समयं उक्को० दो अंतोमुहुत्ता, एवं जाव चउरिंदिया० अवसेसा सव्वे वड्ढंति हायंति तहेव, अवड्ढियाणं णाणत्तं इमं, तं०-संमुच्छिभमणुस्साणं अट्ठचत्तालीसं मुहुत्ता गब्बवक्कंतियाणं चउव्वीसं मुहुत्ता संमुच्छिभमणुस्साणं अट्ठचत्तालीसं मुहुत्ता गब्बवक्कंतियमणुस्साणं चउव्वीसं मुहुत्ता वाणमंतरजोतिससोहम्भीसाणेसु अट्ठचत्तालीसं मुहुत्ता सणकुमारे अट्ठारस रातिंदियाइं चत्तालीस य मुहु० माहिंदे चउवीसं रातिंदियाइं वीस य मु० बंभलोए पंचचत्तालीसं

॥ श्रीभगवती सूत्रं ॥

१५८

पृ. सागरजी म. संशोधित

रातिंदियाइं लंतए नउत्ती रातिंदियाइं महासुक्के सट्ठि रातिंदियसत्तं सहस्सारे दो रातिंदियसयाइं आणयपाणयाणं संखेज्जा मासा आरणच्चुयाणं  
 संखेज्जाइं वासाइं एवं गेवेज्जदेवाणं विजयवेजयंतजयंतअपराजियाणं असंखिज्जाइं वाससहस्साइं सब्बद्विसिद्धे य पलिओवमस्स  
 असंखेज्जतिभागो, एवं भाणियब्बं, वड्ढंति हायंति जह० एक्कं समयं ३० आवलियाए असंखेज्जतिभागं, अवट्ठियाणं भाणियं, सिद्धा णं  
 भंते! केवतियं कालं वड्ढंति?, गोयमा! जह० एक्कं समयं उक्को० अट्ठ समया, केवतियं कालं अवट्ठिया? गोयमा! जह० एक्कसमयं  
 उक्को० छम्मासा, जीवा णं भंते! किं सोवचया सावचया सोवचयसावचया निरूवचयनिरवचया?, गोयमा! जीवा णो सोवचया  
 णोसावचया णो सोवचयसावचया निरूवचयनिरवचया, एगिंदिया ततियपए, सेसा जीवा चउहिवि पदेहिवि भाणियब्बा, सिद्धा णं  
 भंते! पुच्छा, गोयमा! सिद्धा सोवचया णो सावचया णो सोवचयसावचया निरूवचयनिरवचया, जीवा णं भंते! केवतियं कालं  
 निरूवचयनिरवचया?, गोयमा! सब्बद्धं, नेरतिया णं भंते! केवतियं कालं सोवचया?, गोयमा! जह० एक्कं समयं ३० आवलियाए  
 असंखेज्जइभागं, केवतियं कालं सावचया?, एवं चेव, केवतियं कालं सोवचयसावचया?, एवं चेव, केवतियं कालं  
 निरूवचयनिरवचया?, गोयमा! ज० एक्कं समयं० उक्को० बारस मु० एगिंदिया सब्बे सोवचयसावचया सब्बद्धं सेसा सोवचयावि  
 सावचयावि सोवचयसावचयावि निरूवचयनिरवचयावि जहन्नेणं एगं समयं उक्कोसेणं आवलियाए असंखेज्जतिभागं, अवट्ठिएहिं  
 वक्कंतिकालो भाणियब्बो, सिद्धा णं भंते! केवतियं कालं सोवचया?, गोयमा! जह० एक्कं समयं उक्को० अट्ठ समया० केवतियं कालं

निरुवचयनिरुवचया?, जह० एक्क० उक्को० छम्मासा । सेवं भंते! २१ २२॥ श० ५ ३० ८ ॥

तेणं कालेणं० जाव वयासी किमिदं भंते ! नगरं रायगिहंति पवुच्चइ ? किं पुढवी नगरं रायगिहंति पवुच्चइ आऊ नगरं रायगिहंति पवुच्चइ जाव वणस्सई० जहा एयणुद्देसए पंचिंदियतिरिक्खजोणियाणं वत्तव्वया तहा भाणियव्वं जाव सच्चित्ताचित्तमीसयाइं दव्वाइं नगरं रायगिहंति पवुच्चइ?, गोयमा ! पुढवीवि नगरं रायगिहंति पवुच्चइ जाव सच्चित्ताचित्तमीसियाइं दव्वाइं नगरं रायगिहंति पवुच्चइ, से केणट्ठेणं ?, गोयमा ! पुढवी जीवातिय अजीवातिय नगरं पवुच्चइ जाव सच्चित्ताचित्तमीसियाइं दव्वाइं जीवातिय अजीवातिय नगरं रायगिहंति पवुच्चति से तेणट्ठेणं तं चेव । २२१ से नूणं भंते! दिया उज्जोए रातिअंधयारे?, हंता गोयमा ! जाव अंधयारे, से केणट्ठेणं०?. गोयमा! दिया सुभा पोग्गला सुभे पोग्गलपरिणामे रातिं असुभा पोग्गला असुभे पोग्गल परिणामे से तेणट्ठेणं०, नेरइया णं भंते ! किं उज्जोए अंधयारे?, गोयमा ! नेरइयाणं नो उज्जोए अंधयारे, से केणट्ठेणं०?, गोयमा ! नेरइया णं असुहा पोग्गला असुभे पोग्गलपरिणामे से तेणट्ठेणं०, असुरकुमाराणं भंते ! किं उज्जोए अंधयारे?, गोयमा ! असुरकुमाराणं उज्जोए नो अंधयारे, से केणट्ठेणं०?, गोयमा ! असुरकुमाराणं सुभा पोग्गला सुभे पोग्गलपरिणामे, से तेणट्ठेणं एवं वुच्चइ०, एवं जाव थणियकुमाराणं, पुढवीकाइया जाव तेइंदिया जहा नेरइया, चउरिंदियाणं भंते ! किं उज्जोए अंधयारे?, गोयमा! उज्जोएऽवि अंधयारेऽवि, से केणट्ठेणं०?. गोयमा ! चउरिंदियाणं सुभासुभा पोग्गला सुभासुभे पोग्गलपरिणामे, से तेणट्ठेणं०, एवं जाव मणुस्साणं, वाणभंतरजोतिसवेमाणिया जहा असुरकुमारा । २२३ ।

॥ श्रीभगवती सुखं ॥

१६०

पू. सागरजी म. संशोधित

अन्धि णं भंते! नेरइयाणं तत्थगयाणं एवं पन्नायति समयाति वा जाव ओसप्पिणीति वा उस्सप्पिणीति वा, णो तिण्ठे सम्पे, से केण्ठेणं जाव समयाति वा० ओसप्पिणीति वा उस्सप्पिणीति वा?, गोयमा! इहं तेसिं भाणं इहं तेसिं पभाणं इहं तेसिं पण्णायति, तं०- समयाति वा जाव उस्सप्पिणीति वा, से तेण्ठेणं जाव नो एवं पण्णायए, तं०- समयाति वा जाव उस्सप्पिणीति वा, एवं जाव पंचेदियतिरिक्खजोणियाणं, अन्धि णं भंते! मणुस्साणं इहगयाणं एवं पन्नायति० तं०- समयाति वा जाव उस्सप्पिणीति वा?० हंता अन्धि, से केण्ठेणं०?, गोयमा! इहं तेसिं भाणं० इहं चेव तेसिं एवं पण्णायति, तं० समयाति वा जाव उस्सप्पिणीति वा, से तेण०- वाणमंतरजोतिसवेमाणियाणं जहा नेरइयाणं । २२४। तेणं कालेणं० पासावच्चिज्जा थेरा भगवंतो जेणेव समणे भगवं महावीरे तेणेव उवागच्छंति ता समणस्स भगवओ महावीरस्स अदूरसामंते ठिच्चा एवं वदासी से नूणं भंते! असंखेजे लोए अणंता रातिंदिया उप्पजिंसु वा उप्पजंति वा उप्पजिस्संति वा विगच्छिंसु वा विगच्छंति वा विगच्छिस्संचि वा परित्ता रातिंदिया उप्पजिंसु वा० विगच्छिंसु वा०?, हंता अज्जो! असंखेजे लोए अणंता रातिंदिया तं चेव, से केण्ठेणं जाव विगच्छिस्संति वा?, से नूणं भे अज्जो! पासेणं अरहया पुरिसादाणीएणं सासए लोए वुइए अणादीए अणवदग्गे परित्ते परिवुडे हेट्ठा विच्छिण्णे मज्झे संखित्ते उप्पि विसाले अहे पलियंकसंठिए मज्झे वरवइरविग्गहिते उप्पि उद्धमुइंगाकारसंठिए, तंसिं च णं सासयंसि लोगांसि अणादियंसि अणवदग्गंसि परित्तंसि परिवुडंसि हेट्ठा विच्छिन्नंसि मज्झे संखित्तंसि उप्पि विसालंसि अहे पलियंकसंठियंसि मज्झे वरवइरविग्गहित्यंसि उप्पि उद्धमुइंगाकारसंठियंसि अणंता

जीवधणा उप्पज्जिता २ निलीयंति, परिता जीवधणा उप्पज्जिता २ निलीयंति से नूणं भे उप्पन्ने विगए परिणए अ जीवेहिं, लोक्कति पलोक्कइ, जो लोक्कइ से लोए?, हंता भगवं!, से तेणट्टेणं अज्जो! एवं वुच्चइ असंखेज्जे तं चेव, तप्पभित्तिं च णं ते पासावच्चेज्जा थेरा भगवंतो समणं भगवं महावीरं पच्चभिजाणांति सव्वन्नू सव्वदरिसी, तए णं ते थेरा भगवंतो समणं भगवं महावीरं वंदंति नमंसंति ता एवं वदासी इच्छामि णं भंते! तुब्भं अंतिए चाउज्जामाओ धम्माओ पंचमहव्वइयं सप्पडिक्कमणं धम्मं उवसंपज्जिताणं विहरित्तए, अहासुहं देवाणुप्पिया! मा पडिबंथं करेह, तए णं ते पासावच्चिज्जा थेरा भगवंतो जाव चरिमेहिं उस्सासनिस्सासेहिं सिद्धा जाव सव्वदुक्खप्पहीणा, अत्थेगतिया देवा देवलोएसु उववन्ना। २२५। कतिविहा णं भंते ! देवलोगा पं०?, गोयमा! चउव्विहा देवलोगा पं० तं०- भवणवासीवाणमंतरजोतिसियवेमाणियभेदेण, भवणवासी दसविहा वाणमंतरा अट्ठविहा जोइसिया पंचविहा वेमाणिया दुविहा 'किमियं रायगिहंति य उज्जोए अंधयार समए य। पासंनिवासि पुच्छा रातिंदिय देवलोगा य ॥ ३६ ॥ सेवं भंते ! २ त्ति । २२६ ॥ श० ५३० १ ॥

तेणं कालेणं० चंपानामं नयरी जहा पडमिल्लो उहेसओ तहा नेयव्वो एसोऽवि, नवरं चंदिमा भाणियव्वा । २२७॥ ३० १० इति पंचमं शतकं ॥'

वेयण १ आहार २ महस्सवे ३ य सपएस ४ तमुय ५ भविए ६ य । सालि ७ पुढवि ८ कप्प ९ अन्नउत्थी १० दस छट्ठगंमि साए

॥ ૩૭ ॥ સે નૂળં ભંતે! જે મહાવેયણે સે મહાનિજ્જરે જે મહાનિજ્જરે સે મહાવેદણે, મહાવેદણસ્સ ય અપ્પવેદણસ્સ ય સે સે એ જે પસત્થનિજ્જરાએ?, હંતા ગોયમા! જે મહાવેદણે એવં ચેવ, છટ્ઠસત્તમાસુ ણં ભંતે! પુઢ્ઠવીસુ નેરઙ્ગયા મહાવેયણા? હંતા મહાવેયણા, તે ણં ભંતે! સમણેહિંતો મહાનિજ્જરતરા?,

ગોયમા! ણો તિણદ્દે સમદ્દે, સે કેણદ્દેણં ભંતે! એવં વુચ્ચઙ્ગ જે મહાવેદણે જાવ પસત્થનિજ્જરતરાએ?. ગોયમા! સે જહાનામ એ દુવે વત્થા સિયાં એ વત્થે કદ્દમરાગરત્તે એ વત્થે ય્વંજણરાગરત્તે, એસિં ણં ગોયમા! દોણં વત્થાણં કયરે વત્થે દુધોયતરાએ ચેવ દુવામતરાએ ચેવ દુપરિકમ્પતરાએ ચેવ? કયરે વા વત્થે સુધોયતરાએ ચેવ સુવામતરાએ ચેવ સુપરિકમ્પતરાએ ચેવ?, જે વા સે વત્થે કદ્દમરાગરત્તે જે વા સે વત્થે ય્વંજણરાગરત્તે? ભગવં! તત્થ ણં જે સે વત્થે કદ્દમરાગરત્તે સે ણં વત્થે દુધોયતરાએ ચેવ દુવામતરાએ ચેવ દુપ્પરિકમ્પતરાએ ચેવ, એવામેવ ગોયમા! નેરઙ્ગયાણં પાવાઙ્ગ કમ્પાઙ્ગ ગાઢીકયાઙ્ગ ચિઙ્ગળીકયાઙ્ગ સિલિટ્ઠિકયાઙ્ગ ય્વિલીભૂયાઙ્ગ ભવંતિ સંપગાઢંપિય ણં તે વેદણં વેદેમાણા ણો મહાનિજ્જરા ણો મહાપજ્જવસાણા ભગવંતિ, સે જહા વા કેઙ્ગ પુરિસે અહિગરણીં આકોઢેમાણે મહયા ૨ સદ્દેણં મહયા ૨ ઘોસેણં મહયા ૨ પરંપરાધાણં ણો સંચાણે તીસે અહિગરણીએ કેઙ્ગ અહાબાયરે પોગ્ગલે પરિસાઙિત્તે, એવામેવ ગોયમા! નેરઙ્ગયાણં પાવાઙ્ગ કમ્પાઙ્ગ ગાઢીકયાઙ્ગ જાવ ણો મહાપજ્જવસાણા ભવંતિ, ભગવં! તત્થ જે સે વત્થે ય્વંજણરાગરત્તે સે ણં વત્થે સુધોયતરાએ ચેવ સુવામતરાએ ચેવ સુપરિકમ્પતરાએ ચેવ, એવામેવ ગોયમા! સમણાણં નિગ્ગંથાણં અહાબાયરાઙ્ગ કમ્પાઙ્ગ સિઢિલીકયાઙ્ગ નિટ્ઠિયાઙ્ગ કઙ્કાઙ્ગ વિપ્પરિણામિયાઙ્ગ



खिप्पामेव विद्धत्थाइं भवन्ति, जावतियं तावतियं पि णं ते वेदणं वेदेमाणा महानिज्जरा महापज्जवसाणा भवन्ति, से जहानामए केइ पुरिसे सुक्कं तणहत्थयं जायतेयंसि पक्खिखवेज्जा से नूणं गोयमा! से सुक्के तणहत्थए जायतेयंसि पक्खिखत्ते समाणे खिप्पामेव मसमसाविज्जति? हंता मसमसाविज्जति, एवामेव गोयमा! समणाणं निगंथाणं अहाबायराइं कम्माइं जाव महापज्जवसाणा भवन्ति, से जहानामए केइ पुरिसे तत्तंसि अयकवल्लंसि उदगबिंदू जाव हंता विद्धंसमागच्छइ, एवामेव गोयमा! समणाणं निगंथाणं जाव महापज्जवसाणा भवन्ति, से तेणट्ठेणं० जे महावेदणे से महानिज्जरे जाव निज्जराए । २२८ । कतिविहे णं भंते! करणे पं०?, गोयमा! चउव्विहे करणे पं० तं०-मणकरणे वडकरणे कायकरणे कम्मकरणे, णेरइयाणं भंते! कतिविहे करणे पं०? गोयमा! चउव्विहे पं० तं०-मणकरणे० पंचिंदियाणं सव्वेसिं चउव्विहे करणे पं०, एगिंदियाणं दुविहे-कायकरणे य कम्मकरणे य विगलेदियाणं ति विहे०- वडकरणे कायकरणे कम्मकरणे, नेरइयाणं भंते! किं करणओ असायं वेयणं वेयंति अकरणओ असायं वेयणं वेदेति?, गोयमा! नेरइयाणं करणओ असायं वेयणं वेयंति नो अकरणओ असायं वेयणं वेयंति, से केणट्ठेणं०?, गोयमा! नेरइयाणं चउव्विहे करणे पं० तं०-मणकरणे० इच्चेएणं चउव्विहेणं असुभेणं करणेणं नेरइया करणो असायं वेयणं वेयंति, नो अकरणओ० से तेणट्ठेणं०, असुरकुमारा णं किं करणओ सायं० अकरणओ०? गोयमा! करणओ० नो अकरणओ०, से केणट्ठेणं०? गोयमा! असुरकुमाराणं चउव्विहे करणे पं० तं०-मणकरणे०, इच्चेएणं सुभेणं करणेणं असुरकुमारा करणओ सायं वेयणं वेयंति, नो अकरणो०, एवं जाव थणियकुमाराणं, पुढवीकाइयाणं एवामेव पुच्छा, नवरं

इच्छेएणं सुभासुभेणं कायकम्मकरणेणं पुढवीकाइया करणओ वेमायाए वेयणं वेयंति नो अकरणओ०, ओरालियसरीरा सव्वे सुभासुभेणं वेमायाए, देवा सुभेणं सायं० । २२९। जीवा णं भंते! किं महावेयणा महानिज्जरा महावेदणा अप्पनिज्जरा अप्पवेदणा महानिज्जरा अप्पवेदणा अप्पनिज्जरा?, गोयमा! अत्थेगतिया जीवा महावेदणा महानिज्जरा अत्थेगतिया जीवा महावेयणा अप्पनिज्जरा, अत्थेगतिया जीवा अप्पवेदणा महानिज्जरा अत्थेगतिया जीवा अप्पवेदणा अप्पनिज्जरा, से केणट्ठेणं०?, गोयमा! पडिमापडिवन्ने अणगारे महावेदणे महानिज्जरे छट्ठसत्तमासु पुढवीसु नेरइया महावेदणा अप्पनिज्जरा सेलेसिं पडिवन्ने अणगारे अप्पवेदणे महानिज्जरे अणुत्तरोववाइया देवा अप्पवेदणा अप्पनिज्जरा। सेवं भंते! २ त्ति। महावेदणे य वत्थे कढमखंजणमए य अहिगरणी। तणहत्थे य कवळे करण महावेदणा जीवा॥ ३८॥ २३०॥ १० ६ ३० १॥

रायगिहे नगरे जाव एवं वयासी आहारुद्देसो जो पन्नवणाए सो सव्वो निरवसेसो नेयव्वो। सेवं भंते! सेवं भंते! त्ति ॥ २३१॥ १० ६ ३०२॥

बहुकम्म वत्थपोग्गल पयोगसावीससा य सादीए। कम्मट्ठितीत्थि संजय सम्महिट्ठी य सत्री य॥ ३९॥ भविए दंसण पज्जत्त भासअ परित्त नाण जोगे य। उवओगाहारगसुहुमचरिमबंधे य अप्पबहुं॥ ४०॥ से नूणं भंते! महाकम्मस्स महाकिरियस्स महासवस्स महावेदणस्स सव्वओ पोग्गला बज्झंति सव्वओ पोग्गला चिज्जंति सव्वओ पोग्गला उवचिज्जंति सया सभियं च णं पोग्गला बज्झंति सया सभियं०

पोग्गला चिज्जंति सया समियं० पोग्गला उवचिज्जंति सया समियं च णं तस्स आया दुरुवत्ताए दुवन्नत्ताए दुग्ंधत्ताए दुरसत्ताए  
 दुफासत्ताए अणिट्ठत्ताए अकंतं० अप्पियं० असुभं० अमणुत्तं० अमणामत्ताए अणिच्छियत्ताए अभिज्झियत्ताए अहत्ताए नो उड्ढत्ताए  
 दुक्खत्ताए नो सुहत्ताए भुज्जो २ परिणमंति?, हंता गोयमा! महाकम्भस्स तं चेव, से केणट्ठेणं०?, गोयमा! से जहानामए वत्थस्स  
 अहयस्स वा धोयस्स वा तंतुगयस्स वा आणुपुव्वीए परिभुजमाणस्स सव्वओ पोग्गला बज्झंति सव्वओ पोग्गला चिज्जंति जाव  
 परिणमंति से तेणट्ठेणं०, से नूणं भंते! अप्पासवस्स अप्पकम्भस्स अप्पकिरियस्स अप्पवेदणस्स सव्वओ पोग्गला भिज्जंति सव्वओ  
 पोग्गला छिज्जंति सव्वओ पोग्गला विद्धंसंति सव्वओ पोग्गला परिविद्धंसंति सया समियं० पोग्गला भिज्जंति छिज्जंति विद्धंसंति  
 परिविद्धंसंति सया समियं च णं तस्स आया सुरुवत्ताए पसत्थं नेयव्वं जाव सुहत्ताए नो दुक्खत्ताए भुज्जो २ परिणमंति?, हंता गोयमा!  
 जाव परिणमंति, से केणट्ठेणं०? गोयमा! से जहानामए वत्थस्स जल्लियस्स वा मडल्लियस्स वा रडिल्लियस्स वा आणुपुव्वीए  
 परिकम्भजमाणस्स सुद्धेणं वारिणा धोवेमाणस्स सव्वतो पोग्गला भिज्जंति जाव परिणमंति से तेणट्ठेणं०। २३२। वत्थस्स णं भंते!  
 पोग्गलोवचए किं पयोगसा वीससा?, गोयमा! पयोगसावि वीससावि, जहा णं भंते! वत्थस्स णं पोग्गलोवचए पयोगसावि वीससावि  
 तहा णं जीवाणं कम्भोवचए किं पयोगसा विससा! पयोगसा नो वीससा, से केणट्ठेणं०?. गोयमा! जीवाणं तिविहे पयोगे पं० तं०  
 मणप्पओगे वड्ढं० का०, इच्चेतेणं तिविहेणं पओगेणं जीवाणं कम्भोवचए पयोगसा नो विससा, एवं सव्वेसिं पंचेदियाणं तिविहे पओगे

॥ श्रीभगवती सूत्रं ॥

१६६

पू. सागरजी म. संशोधित

भाणियव्वे, पुढवीकाइयाणं एगविहेणं पओगेणं एवं जाव वणस्सइकाइयाणं, विगल्लिंदियाणं दुविहे पओगे पं० तं०-वइपओगे य कायप्पओगे य, इच्चेत्तेणं दुविहेणं पओगेणं कम्मोवचए पओगसा नो वीससा, से एएणट्ठेणं जाव नो वीससा, एवं जस्स जो पओगो जाव वेमाणियाणं ॥ २३३ ॥ वत्थस्स णं भंते! पोग्गलोवचए किं सादीए सपज्जवसिए सादीए अपज्जवसिते अणादीए सपज्ज० अणा० अप०?, गोयमा! वत्थस्स णं पोग्गलोवचए सादीए सपज्जवसिए नो सादीए अप० नो अणा० स० नो अणा० अप० जहा णं भंते! वत्थस्स पोग्गलोवचए सादीए सपज्ज० नो सादीए अप० नो अणा० सप० नो अणा० अप० तहा णं जीवाणं कम्मोवचए पुच्छा, गोयमा! अत्थेगतियाणं जीवाणं कम्मोवचए सादीए सपज्जवसिए अत्थे० अणादीए सपज्जवसिए अत्थे० अणादीए अपज्जवसिए नो चेव णं जीवाणं कम्मोवचए सादीए अप० से केण०?, गोयमा! ईरियावहियाबंध्यस्स कम्मोवचए सादी ए सप० भवसिद्धियस्स कम्मोवचए अणादीए सपज्जवसिए अभवसिद्धियस्स कम्मोवचए अणादीए अपज्जवसिए, से तेणट्ठेणं गोयमा! एवं वुच्चति अत्थे० जीवाणं कम्मोवचए सादीए सप० अणा० स० अणा० अप० नो चेव णं सादीए अपज्जवसिए, वत्थे णं भंते! किं सादीए सपज्जवसिए चउभंगो? गोयमा! वत्थे सादीए सपज्जवसिए अवसेसा तिन्निवि पडिसेहेयव्वा, जहा णं भंते! वत्थे सादीए सपज्जवसिए नो सादीए अपज्ज० नो अणादीए सप० नो अनादीए अपज्जवसिए तहा णं जीवाणं किं सादीया सपज्जवसिया? चउभंगो पुच्छा, गोयमा! अत्थेगतिया सादीया सपज्जवसिया चत्तारिवि भाणियव्वा, से केणट्ठेणं०?, गोयमा! नेरतिया तिरिक्खजोणिया मणुस्सा देवा गतिरागतिं पुडुच्च

सादीया सपज्जवसिया सिद्धा गतिं पडुच्च सादीया अपज्जवसिया, भवसिद्धिया लद्धिं पडुच्च अणादीया सपज्जवसिया अभवसिद्धिया संसारं पडुच्च अणादीया अपज्जवसिया, से तेणट्ठेणं०॥ २३४॥ कति णं भंते! कम्मप्पगडीओ पं०?, गोयमा! अट्ठ कम्मप्पगडीओ पं० तं०णाणावरिणज्जं दरिसणावरिणज्जं जाव अंतराइयं, नाणावरिणज्जस्स णं भंते! कम्मस्स केवतियं कालं बंधतिती पं०?, गोयमा! जह० अंतोमुहुत्तं उक्को० तीसं सागरोवमकोडाकोडीओ तिन्नि य वाससहस्साइं अबाहा, अबाहूणिया कम्मट्ठिती कम्मनिसेओ, एवं दरिसणावरिणज्जं पि, वेदणिज्जं जह० दो समया उक्को० जहा नाणावरिणज्जं, मोहणिज्जं जह० अंतोमुहुत्तं उक्को० सत्तरि सागरोवमकोडाकोडीओ, सत्त य वाससहस्साणि अबाधा, अबाहूणिया कम्मट्ठिं कम्मनिसेगो, आउगं जहन्नेणं अंतोमुहुत्तं उक्को० तेत्तीसं सागरोवमाणि पुव्वकोडिति भागमब्भहियाणि, कम्मट्ठिती कम्मनिसेओ, नामगोयाणं जह० अट्ठ मुहुत्ता उक्को० वीसं सागरोवमकोडाकोडीओ दोणिण य वाससहस्साणि अबाहा, अबाहूणिया कम्मट्ठिती कम्मनिसेओ, अंतरातियं जहा नाणावरिणज्जं ॥२३५॥ नाणावरिणज्जं णं भंते! कम्मं किं इत्थी बंधइ पुरिसो बंधइ नपुंसओ बंधइ णोइत्थीनोपुरिसोनोनपुंसओ बंधइ?, गोयमा! इत्थीवि बंधइ पुरिसोऽवि बंधइ नपुंसओऽवि बंधइ नोइत्थीनोपुरिसोनोनपुंसओ सिय बंधइ सिय नो बंधइ, एवं आउवज्जाओ सत्त कम्मप्पगडीओ, आउगं णं भंते! कम्मं किं इत्थी बंधइ पुरिसो बंधइ नपुंसओ बंधइ, पुच्छा, गोयमा! इत्थी सिय बंधइ सिय नो बंधइ, एवं तिन्निवि भाणियव्वा, नोइत्थीनोपुरिसोनोनपुंसओ न बंधइ, नाणावरिणज्जं णं भंते! कम्मं किं संजए बंधइ असंजए० संजयासंजए बंधइ

नोसंजयनोअसंजयनोसंजयासंजए बंधति?, गोयमा! संजए सिय बंधति सिय नो बंधति असंजए बंधइ संजयासंजएऽवि बंधइ नोसंजएनोअसंजयनोसंजयासंजए न बंधति, एवं आउगवज्जाओ सत्तवि, आउगं हेट्टिल्ला तिन्नि भयणाए उवरिल्ले णं बंधइ, णाणावरणिज्जं णं भंते! कम्मं किं सम्मदिट्ठी बंधइ भिच्छदिट्ठी बंधइ सम्माभिच्छदिट्ठी बंधई? गोयमा! सम्मदिट्ठी सिय नो बंधइ सिय बंधइ भिच्छदिट्ठी बंधइ सम्माभिच्छदिट्ठी बंधइ, एवं आउगवज्जाओ सत्तवि, आऊए हेट्टिल्ला दो भयणाए सम्माभिच्छदिट्ठी न बंधइ, णाणावरणिज्जं किं सणणी बंधइ असन्नी बंधइ नोसणणीनोअसणणी बंधइ?, गोयमा! सन्नी सिय बंधइ सिय नो बंधइ असन्नी बंधइ नोसन्नीनोअसन्नी न बंधइ, एवं वेदणिज्जाउगवज्जाओ छ कम्मप्पगडीओ, वेदणिज्जं हेट्टिल्ला दो बंधति, उवरिल्ले भयणाए, आउगं हेट्टिल्ला दो भयणाए, उवरिल्लो न बंधइ, णाणावरणिज्जं कम्मं किं भवसिद्धीए बंधइ अभवसिद्धीए बंधइ नोभवसिद्धीएनोअभवसिद्धीए बंधति?, गोयमा! भवसिद्धीए भयणाए अभवसिद्धीए बंधति नोभवसिद्धीएनोअभवसिद्धीए न बंधइ, एवं आउगवज्जाओ सत्तवि, आउगं हेट्टिल्ला दो भयणाए उवरिल्लो न बंधइ, णाणावरणिज्जं किं चक्खुदंसणी बंधति अचक्खुदंसं ओहिदंसं केवलद्धं?, गोयमा! हेट्टिल्ला तिन्नि भयणाए उवरिल्ले ण बंधइ, एवं वेदणिज्जवज्जाओ सत्तवि, वेदणिज्जं हेट्टिल्ला तिन्नि बंधति केवलदंसणी भयणाए, णाणावरणिज्जं कम्मं किं पज्जत्तओ बंधइ अपज्जत्तओ बंधइ नो पज्जत्तए नो अपज्जत्तए बंधइ? गोयमा! पज्जत्तए भयणाए, अपज्जत्तए बंधइ, नोपज्जत्तएनोअपज्जत्तए न बंधइ, एवं आउगवज्जाओ, आउगं हेट्टिल्ला दो भयणाए उवरिल्ले ण बंधइ, णाणावरणिज्जं किं भासए बंधइ

अभासए०, गोयमा! दोऽवि भयणाए, एवं वेदणीयवज्जाओ सत्त, वेदणिज्जं भासए बंधइ अभासए भयणाए, णाणावरणिज्जं किं परित्ते बंधइ अपरित्ते बंधइ नोपरित्तेनोअपरित्ते बंधइ?, गोयमा! परित्ते भयणाए अपरित्ते बंधइ नोपरित्तेनोअपरित्ते न बंधइ, एवं आउगवज्जाओ सत्त कम्पप्पगडीओ, आउए परित्तोऽवि अपरित्तोऽवि भयणाए नोपरित्तेनोअपरित्ते न बंधइ, णाणावरणिज्जं कम्पं किं आभिणिबोहियनाणी बंधइ सुयनाणी० ओहिनाणी० मणपज्जवनाणी० केवलनाणी बं०?, गोयमा! हेड्डित्ता चत्तारि भयणाए केवलनाणी न बंधइ, एवं वेदणिज्जवज्जाओ सत्तवि, वेदणिज्जं हेड्डित्ता चत्तारि बंधंति केवलनाणी भयणाए, णाणावरणिज्जं किं मत्तिअन्नाणी बंधइ सुय० विभंग०?, गोयमा! सत्त्वेऽवि आउगवज्जाओ सत्तवि बंधंति, आउगं भयणाए, णाणावरणिज्जं किं मणजोगी बंधइ वय० काय अजोगी बंधइ?, गोयमा! हेड्डित्ता तिन्नि भयणाए अजोगी न बंधइ, एवं वेदणिज्जवज्जाओ, वेदणिज्जं हेड्डित्ता बंधंति अजोगी न बंधइ, णाणावरणिज्जं किं सागारोवउत्ते बंधइ अणागारोवउत्ते बंधइ?, गोयमा! अट्ठसुवि भयणाए, णाणावरणिज्जं किं आहारए बंधइ अणाहारए बंधइ?, गोयमा! दोऽवि भयणाए, एवं वेदणिज्जआउगवज्जाणं छण्हं, वेदिणज्जं आहारए बंधति अणाहारए भयणाए, आउए आहारए भयणाए अणाहारए न बंधति, णाणावरणिज्जं किं सुहुमे बंधइ बायरे बंधइ नोसुहुमेनोबादरे बंधइ?, गोयमा! सुहुमे बंधइ बायरे भयणाए नोसुहुमेनोबादरे न बंधइ, एवं आउगवज्जाओ सत्तवि, आउए सुहुमे बायरे भयणाए नोसुहुमेनोबायरे ण बंधइ, णाणावरणिज्जं किं चरिमे अचरिमे बं०?, गोयमा! अट्ठवि भयणाए ॥ २३६ ॥ एएसिं णं भंते! जीवाणं इत्थिवेदगाणं पुरिसवेदगाणं

नपुंसगवेदगाणं अवेयगाण य कयरे २ अप्पा वा०?, गोयमा! सव्वत्थोवा जीवा पुरिसवेदगा इत्थिवेदगा संखेज्जगुणा अवेदगा अणंतगुणा  
नपुंसगवेदगा अणंतगुणा, एएसिं सव्वेसिं पदाणं अप्पबहुगाइं उच्चारेयव्वाइं जाव सव्वत्थोवा जीवा अचरिमा चरिमा अणंतगुणा। सेवं  
भंते! सेवं भंते! त्ति॥ २३७॥ श० ६ ३० ३॥

जीवे णं भंते! कालाएसेणं किं सपदेसे अपदेसे?, गोयमा! नियमा सपदेसे, नेरतिए णं भंते! कालादेसेणं किं सपदेसे अपदेसे,  
गोयमा! सिय सपदेसे सिय अपदेसे, एवं जाव सिद्धे, जीवा णं भंते! कालादेसेणं किं सपदेसा अपदेसा?, गोयमा! नियमा सपदेसा,  
नेरइया णं भंते! कालादेसेणं किं सपदेसा अपदेसा?, गोयमा! सव्वेऽवि ताव होज्जा सपदेसा अहवा सपएसा य अपदेसे य अहवा  
सपदेसा य अपदेसा य, एवं जाव थणियकुमारा, पुढवीकाइया णं भंते! सपदेसा अपदेसा?, गोयमा! सपदेसावि अपदेसावि, एवं जाव  
वणप्फइकाइया, सेसा जहा नेरइया तहा जाव सिद्धा, आहारगाणं जीवेगेदियवज्जो तियभंगो, आहारगाणं जीवेगिंदियवज्जा छब्भंगा  
एवं भाणियव्वा सपदेसा वा अपएसा वा अहवा सपदेसे व अपदेसे य अहवा सपदेसे य अपदेसा य अहवा सपदेसा य अपदेसे य अहवा  
सपदेसा य अपदेसा य, सिद्धेहिं तियभंगो, भवसिद्धिया अभवसिद्धिया जहा ओहिया, नोभवसिद्धियनोअभवसिद्धिया जीवसिद्धेहिं  
तियभंगो, सण्णीहिं जीवादिओ तियभंगो, असण्णीहिं एगिंदियवज्जो तियभंगो, नेरइयदेवमणुएहिं छब्भंगा, नोसन्निनोअसन्नि-  
जीवमणुयसिद्धेहिं तियभंगो, सलेसा जहा ओहिया कण्हलेस्सानीललेस्साकाउलेस्सा जहा आहारओ नवरं जस्स अत्थि एयाओ,



तेउलेस्साए जीवादिओ तियभंगो, नवरं पुढवीकाइएसु आउवणप्फतीसु छब्भंगा, पम्हलेससुक्कलेस्साए जीवादिओहिओ तियभंगो, अलेसीहिं जीवसिद्धेहिं तियभंगो मणुस्से छब्भंगा, सम्महिट्ठीहिं जीवाइतियभंगो, विगलिंदिएसु छब्भंगा, मिच्छदिट्ठीहिं एगिंदियवज्जो तियभंगो सम्भाभिच्छदिट्ठीहिं छब्भंगा, संजएहिं जीवाइओ तियभंगो, असंजएहिं एगिंदियवज्जो तियभंगो, संजयासंजएहिं तियभंगो जीवादिओ नोसंजयनोअसंजयनोसंजयासंजयजीवसिद्धेहिं तियभंगो, सकसाएहिं जीवादिओ तियभंगो एगिंदिएसु अभंगकं, कोहकसाईहिं जीवएगिंदियवज्जो तियभंगो, देवेहिं छब्भंगा, माणकसाईमायाकसाई जीवेगिंदियवज्जो तियभंगो, नेरतिएदेवेहिं छब्भंगा, लोभकसाईहिं जीवेगिंदियवज्जो तियभंगो नेरतिएसु छब्भंगा अकसाईजीवमणुएहिं सिद्धेहिं तियभंगो, ओहियनाणे आभिणिबोहियनाणे सुयनाणे जीवादिओ तियभंगो विगलिंदिएहिं छब्भंगा ओहिनाणे मण० केवलनाणे जीवादिओ तियभंगो, ओहिए अन्नाणे मतिअण्णाणे सुयअण्णाणे एगिंदियवज्जो तियभंगो, विभंगनाणे जीवादिओ तियभंगो, सजोगी जहा ओहिओ, मणजोगी वयजोगी कायजोगी जीवादिओ तियभंगो नवरं कायजोगी एगिंदिया तेसु अभंगकं, अजोगी जहा अलेसा, सागारोवउत्ते अणागारोवउत्ते जीवएगिंदियवज्जो तियभंगो, सवेयगा य जहा सकसाई, इत्थिवेयगपुरिसवेयगनपुंसगवेयगेसु जीवादिओ तियभंगो, नवरं नपुंसगवेदे एगिंदिएसु अभंगयं, अवेयगा जहा अकसाई, ससरीरी जहा ओहिओ, ओरालियवेउब्बियसरीराणं जीवएगिंदियवज्जो तियभंगो, आहारगसरीरे जीवमणुएसु छब्भंगा, तेयगकम्भगाणं जहा ओहिया, असरीरेहिं जीव सिद्धेहिं तियभंगो, आहारपज्जतीए सरीरपज्जतीए इंदियपज्जतीए

आणापाणुपज्जत्तीए जीवएगिंदियवज्जो तियभंगो, भासामणपज्जत्तीए जहा सण्णी, आहारअपज्जत्तीए जहा अणाहारगा, सरीरअपज्जत्तीए, इंदियअपज्जत्तीए आणापाणअपज्जत्तीए जीवेगिंदियवज्जो तियभंगो, नेरइयदेवमणुएहिं छब्भंगा, भासामणअपज्जत्तीए जीवादियो तियभंगो, नेरइयदेवमणुएहिं छब्भंगा, 'सपदेसाऽऽहारग भविय सन्नि लेस्सा दिट्ठी संजय कसाए। णाणे जोगुवओगे वेदे य सरीर पज्जत्ती॥ ४१॥ २३८॥ जीवा णं भंते! किं पच्चक्खाणी अपच्चक्खाणी पच्चक्खाणापच्चक्खाणी?, गोयमा! जीवा पच्चक्खाणीवि अपच्चक्खाणीवि पच्चक्खाणापच्चक्खाणीवि, सव्वजीवाणं एवं पुच्छा, गोयमा! नेरइया अपच्चक्खाणी ताव चउरिदिया, सेसा दो पडिसेहेयव्वा, पंचेदियतिरिक्खजोणिया नो पच्चक्खाणी अपच्चक्खाणीवि पच्चक्खाणापच्चक्खाणीवि, मणुस्सा तिन्निवि, सेसा जहा नेरतिया, जीवा णं भंते! किं पच्चक्खाणं जाणंति अपच्चक्खाणं जाणंति पच्चक्खाणापच्चक्खाणं जाणंति?, गोयमा! जे पंचेदिया ते तिन्निवि जाणंति अवसेसा पच्चक्खाणं न जाणंति, जीवा णं भंते! किं पच्चक्खाणं कुव्वंति अपच्चक्खाणं कुव्वंति पच्चक्खाणापच्चक्खाणं कुव्वंति?, जहा ओहिया तहा कुव्वणा, जीवा णं भंते! किं पच्चक्खाणनिव्वत्तियाउया अपच्चक्खाणणि० पच्चक्खाणापच्चक्खाणनि०?, गोयमा! जीवा य वेमाणिया य पच्चक्खाणणिव्वत्तियाउया तिन्निवि, अवसेसा अपच्चक्खाणनिव्वत्तियाउया, पच्चक्खाणं जाणइ कुव्वति तिन्नेव आउनिव्वत्ती। सपदेसुदेसंमि य एमेए दंडगा चउरो ॥ ४२॥ सेवं भंते! सेवं भंते! ति। ॥ २३९॥ १० ६ ३० ४॥

॥ श्रीभगवती सूत्र ॥

१७३

पू. सागरजी म. संशोधित

किमियं भंते! तमुक्काएत्ति पवुच्चइ किं पुढवी तमुक्काएत्ति पवुच्चति आऊ, तमुक्काएत्ति पवुच्चति?, गोयमा! नो पुढवी तमुक्काएत्ति पवुच्चति आऊ तमुक्काएत्ति पवुच्चति, से केणट्टेणं०? गोयमा! पुढवीकाए णं अत्थेगतिए सुभे देसं पकासेति अत्थेगइए देसं नो पकासेइ, से तेणट्टेणं०, तमुक्काए णं भंते! कहिं समुट्ठिए कहिं संनिट्ठिए?, गोयमा! जंबुदीवस्स २ बहिया तिरियमसंखेजे दीवसमुदे वीईवत्तिता अरूणवरस्स दीवस्स बाहिरिल्लाओ वेतियन्ताओ अरूणोदयं समुदं बायालीसं जोयणसहस्साणि ओगाहिता उवरिल्लाओ जलन्ताओ एगपदेसियाए सेढीए इत्थ णं तमुक्काए समुट्ठिए, सत्तरस एकवीसे जोयणसए उड्ढं उप्पइत्ता तओ पच्छा तिरियं पवित्थरमाणे २ सोहम्भीसाणसणंकुमारमाहिंदे चत्तारिवि कप्पे आवरित्ताणं उड्ढंपिय णं जाव बंभलोगे कप्पे रिट्ठविमाणपत्थडं संपत्ते, एत्थ णं तमुक्काए णं संनिट्ठिए, तमुक्काए णं भंते! किंसंठिए पं०?, गोयमा! अहे मल्लगमूलसंठिए उप्पिं कुक्कडगपंजरगसंठिए पं०, तमुक्काए णं भंते! केवतियं विक्खंभेणं केवतियं परिक्खेवेणं पं०?, गोयमा! दुविहे पं० तं० -संखेज्जवित्थडे य असंखेज्जवित्थडे य, तत्थ णं जे से संखेज्जवित्थडे से णं संखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिक्खेवेणं पं०, तत्थ णं जे से असंखिज्जवित्थडे से णं असंखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिक्खेवेणं पं०, तमुक्काए णं भंते! केमहालए पं०?, गोयमा! अयं णं जंबुदीवे २ सव्वदीवसमुदाणं सव्वब्भंतराए जाव परिक्खेवेणं पं०, देवे णं महिड्डीए जाव महाणुभावे इणामेव २ त्तिकट्ठु केवलकप्पं जंबुदीवं २ तिहिं अच्छरानिवाएहिं तिसत्तखुत्तो अणुपरियट्ठित्ताणं हव्वमागच्छिज्जा से णं देवे ताए

उक्किट्ठाए तुरियाए जाव देवगईए वाईवयभाणो २ जाव एकाहं वा दुयाहं वा तियाहं वा उक्कोसेणं छम्मासे वीतीवएज्जा अत्थेगतियं तमुक्कायं वीतीवएज्जा अत्थेगतियं नो तमुक्कायं वीतीवएज्जा, एमहालए णं गोयमा! तमुक्काए पं०, अत्थि णं भंते! तमुक्काए गेहाति वा गेहावणाति वा?, णो तिणट्ठे समट्ठे, अत्थि णं भंते! तमुक्काए गाभाति वा जाव संनिवेसाति वा?, णो तिणट्ठे-समट्ठे, अत्थि णं भंते! तमुक्काए ओराला बलाहया संसेयंति संमुच्छंति संवासंति वा?, हंता अत्थि, तं भंते! किं देवो पकरेति असुरो पकरेति नागो पकरेति?, गोयमा! देवोऽवि पकरेति असुरोऽवि पकरेति णागोऽवि पकरेति, अत्थि णं भंते! तमुक्काए बादरे श्रणियसद्दे बायरे विज्जुए?, हंता अत्थि, तं भंते! किं देवो पकरेति०, तिन्निवि पकरेति?, अत्थि णं भंते! तमुक्काए बायरे पुढवीकाए बादरे अगणिकाए?, णो तिणट्ठे समट्ठे, णण्णत्थ विग्गहगतिसमावन्नएणं, अत्थि णं भंते! तमुक्काए चंदिमसूरियगहगणक्खत्ततारारुवा?, णो तिणट्ठे समट्ठे, पलियस्सतो पुण अत्थि, अत्थि णं भंते! तमुक्काए चंदाभाति सूराभाति वा?, णो तिणट्ठे समट्ठे, कादूसणिआ पुण सा, तमुक्काए णं भंते! केरिसए वत्तेणं पं?, गोयमा! काले कालवभासे गंभीरलोमहरिसज्जणणे भीमे उत्तासणाए परमकिण्हे वत्तेणं पं०, देवेऽवि णं अत्थेगतिए जे णं तप्पढमयाए पासित्ताणं खंभाएज्जा अहे णं अभिसमागच्छेज्जा तओ पच्छा सीहं २ तुरियं २ खिप्पामेव वीतीवएज्जा, तमुक्कायस्स णं भंते! कति नामधेज्जा पं०?, गोयमा! तेरस नामधेज्जा पं० तं०-तमेति वा तमुक्काएति वा अंधकारेइ वा महंथकारेइ वा लोगंधकारेइ वा लोगतमिस्सेइ वा देवंधकारेति वा देवतमिस्सेति वा देवारन्नेति वा देववूहेति वा देवफलिहेति वा देवपडिक्खो भेति वा अरूणोदएति वा

समुद्दे, तमुकाए णं भंते! किं पुढवीपरिणामे आउपरिणामे जीवपरिणामे पोग्गलपरिणामे?, गोयमा! नो पुढवीपरिणामे आउपरिणामेऽवि जीवपरिणामेऽवि पोग्गलपरिणामेऽवि, तमुकाए णं भंते! सव्वे पाणा भूया जीवा सत्ता पुढवीकाइयत्ताए जाव तसकाइयत्ताए उववत्रपुव्वा?, हंता गोयमा! असतिं अदुवा अणंतखुत्तो णो चेव णं बादरपुढवीकाइयत्ताए बादरअगणिकाइयत्ताए वा ॥ २४० ॥ कति णं भंते! कणहराईओ पं०? गोयमा! अद्दु कणहराईओ पं०, कहि णं भंते! एयाओ अद्दु कणहराईओ पं०?, गोयमा! उप्पिं सणंकुमारमाहिंदाणं कप्पाणं हिट्ठं बंभलोए कप्पे रिट्ठे विमाणे पत्थडे, एत्थ णं अक्खाडगसमचउरंससंठाणसंठियाओ अद्दु कणहरातीओ पं०तं०-पुरच्छिमेणं दो पच्चत्थिमेणं दो दाहिणेणं दो उत्तरेणं दो, पुरच्छिमब्भंतरा कणहराई दाहिणं बाहिरं कणहरातिं पुट्ठा दाहिणम्भंतरा कणहराती पच्चत्थिमबाहिरं कणहराई पुट्ठा पच्चत्थिमब्भंतरा कणहराई उत्तरबाहिरं कणहरातिं पुट्ठा उत्तरम्भंतरा कणहराती पुरच्छिमबाहिरं कणहरातिं पुट्ठा, दो पुरच्छिमपच्चत्थिमाओ बाहिराओ कणहरातीओ छलंसाओ दो उत्तरदाहिणबाहिराओ कणहरातीओ तंसाओ दो पुरच्छिमपच्चत्थिमाओ अब्भंतराओ कणहरातीओ चउरंसाओ दो उत्तरदाहिणाओ अब्भंतराओ कणहरातीओ चउरंसाओ पुव्वावरा छलंसा तंसा पुण दाहिणुत्तरा बज्झा। अब्भंतर चउरंसा सव्वावि य कणहरातीओ ॥ ४३ ॥ कणहराईओ णं भंते! केवतियं आयामेणं केवतियं विक्खंभेणं केवतियं परिक्खेवेणं पं०?, गोयमा! असंखेज्जाइं जोयणसहस्साइं आयामेणं असंखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिक्खेवेणं पं०., कणहरातीओ णं भंते! केमहालियाओ पं०?, गोयमा! अयण्णं जंबुदीवे २

जाव अद्धमासं वीतीवएज्जा अत्थेगतियं कणहरातीं वीतीवएज्जा अत्थेगइयं कणहरातीं णो वीतीवएज्जा, एमहालियाओ णं गोयमा!  
 कणहरातीओ पं०, अत्थि णं भंते! कणहरातीसु गेहाति वा गेहावणाति वा?, नो तिण्डे समड्ढे, अत्थि णं भंते! कणहरातीसु गाभाति  
 वा०?, णो तिण्डे, समड्ढे अत्थि णं भंते! कणह० ओराला बलाहया संमुच्छंति०?, हंता अत्थि, तं भंते! किं देवो पं०?, गो०! देवो  
 पकरेति नो सुरो नो नागो य, अत्थि य, अत्थि णं भंते! कणहराईसु बादरे थणियसहे जहा ओराला तहा०, अत्थि णं भंते! कणहराईए  
 बादरे आउकाए बादरे अगणिकाए बायरे वणप्फइकाए?, णो तिण्डे समड्ढे, णणत्थ, विग्गहगतिसमावन्नाएणं, अत्थि णं० चंदिमसूरिय०  
 पं०?, णो तिण०, अत्थि णं कणह० चंदाभाति वा०?, णो तिण्डे समड्ढे, कणहरातीओ णं भंते! केरिसियाओ वत्तेणं पं०?, गोयमा!  
 कालाओ जाव खिप्पामेव वीतीवएज्जा, कणहरातीए णं भंते! कति नामधेज्जा पं०?, गोयमा! अद्ध नामधेज्जा पं० तं० कणहरातिंति वा  
 मेहरातीति वा मधेति वा माधवतीति वा वायफल्लिहेति वा वायपल्लिक्खोभेइ वा देवफल्लिहेइ वा देवपल्लिक्खोभेति वा, कणहरातीओ णं  
 भंते! किं पुढवीपरिणामाओ आउपरिणामाओ जीवपरिणामाओ पुग्गलपरिणामाओ?, गोयमा! पुढवीपरिणामाओ नो आउपरिणामाओ  
 जीवपरिणामाओऽवि पुग्गलपरिणामाओऽवि, कणहरातीसु णं भंते! सव्वे पाणा भूया जीव सत्ता उववन्नपुव्वा?, हंता गोयमा! असइं  
 अदुवा अणंतखुत्तो, नो चेव णं बादरआउकाइयत्ताए वा बादरअगणिकाइयत्ताए वा बादरवणप्फतिकाइयत्ताए वा ॥ २४१ ॥ एतेसि  
 णं अट्ठण्हं कणहराईणं अट्ठसु उवासंतरेसु अट्ठ लोगांतियविमाणं पं० तं०-अच्ची अच्चिमाली बइरोयणे पभंकरे चंदाभे सूराम्भे सुक्काभे

सुपतिट्ठाभे मञ्जे रिट्ठाभे, कहिं णं भंते! अच्छीविमाणे पं०?, गोयमा! उत्तरपुरच्छिमेणं, कहिं णं भंते! अच्छिभालीविमाणे पं०?, गोयमा! पुरच्छिमेणं, एवं परिवाडीए नेयव्वं जाव कहिं णं भंते! रिट्ठे विमाणे पं०?, गोयमा! बहुमञ्जदेसभागे, एएसु णं अट्ठसु लोगंतियविमाणेसु अट्ठविहा लोगंतियदेवा परिवसंति, तं०-सारस्सयमाइच्या वण्ही वरुण्ण य गदतोया य। तुसिया अच्चाबाहा अग्गिच्या चेव रिट्ठा य ॥ ४४ ॥ कहिं णं भंते! सारस्सया देवा परिवसंति?, गोयमा! अच्छिविमाणे परिवसंति, कहिं णं भंते! आदिच्या देवा परिवसंति?, गोयमा! अच्छिभालिविमाणे, एवं नेयव्वं जहाणुपुव्वीए जाव कहिं णं भंते! रिट्ठा देवा परिवसंति?, गोयमा! रिट्ठविमाणे, सारस्सयमाइच्याणं भंते! देवाणं कति देवा कति देवसया० पं०?, गोयमा! सत्त देवा सत्त देवसया परिवारो पं० वण्हीवरुणाणं देवाणं चउदस देवा चउदस देवसहस्सा परिवारो पं०, गदतोयतुसियाणं देवाणं सत्त देवा सत्त देवसहस्सा पं०, अवसेसाणं नव देवा नव देवसया पं० पं० पढमजुगलम्भि सत्त उ सयाणि बीर्यंमि चोदस सहस्सा। तइए सत्त सहस्सा नव चेव सयाणि सेसेसु ॥ ४५ ॥ लोगंतियविमाणे णं भंते! किंपतिट्ठिया पण्णत्ता?, गोयमा! वाउपइट्ठिया तदुभयपतिट्ठिया य पं०, एवं नेयव्वं, 'विमाणेणं पतिट्ठाणं बाहलुच्चत्तमेव संठाणं' बंभलोयवत्तव्वया नेयव्वा जाव हंता गोयमा! असतिं अदुवा अणंतखुत्तो, नो चेव णं देवित्ताए, लोगंतियविमाणेसु णं भंते! केवतियं कालं ठिती पं०?, गोयमा! अट्ठ सागरोवमाइं ठिती पं०, लोगंतियविमाणेहिंतो णं भंते! केवतियं अबाहाए लोगंते पं०?, गोयमा! असंखेज्जाइं जोयणसहस्साइं अबाहाए लोगंते पं०। सेवं भंते! २ ॥ २४२ ॥ श० ६ उ० ५ ॥

॥ श्रीभगवती सूत्रं ॥

१७८

पू. सागरजी म. संशोधित

કતિ ણં મંતે! પુઢવીઓ પં૦?, ગોયમા! સત્ત પુઢવીઓ પં૦ તં૦-રયણપ્પમા જાવ તમતમા, રયણપ્પમાદીણં આવાસા માણિયવ્વા જાવ અહેસત્તમા, એવં જે જત્તિયા આવાસા તે માણિયવ્વા જાવ કતિ ણં મંતે! અણુત્તરવિમાણા પં૦?, ગોયમા! પંચ અણુત્તરવિમાણા પ્પણ્ણત્તા, તં૦ વિજાણે જાવ સવ્વદ્ધસિદ્ધે ॥ ૨૪૩ ॥

જીવે ણં મંતે! મારણંતિયસમુઘાણં સમોહણે સમોહણિત્તા જે ભવિણે ઇમીસે રયણપ્પમાણે પુઢવીણે તીસાણે નિરયાવાસસયસહસ્સેસુ અન્નયરંસિ નિરયાવાસંસિ નેરહયત્તાણે ઉવવજ્જિત્તાણે સે ણં મંતે ! તત્થગતે ચેવ આહારેજ્જ વા પરિણામેજ્જ વા સરીરં વા બંધેજ્જા?, ગોયમા! અત્થેગતિણે તત્થગણે ચેવ આહારેજ્જ વા પરિણામેજ્જ વા સરીરં વા બંધેજ્જ વા, અત્થેગતિણે તઓ પડિનિયત્તતિ ત્તા ઇહમાગચ્છતિ ત્તા દોઢ્ધંપિ મારણંતિયસમુઘાણં સમોહણ્ણહ ત્તા ઇમીસે રયણપ્પમાણે પુઢવીણે તીસાણે નિરયાવાસસયસહસ્સેસુ અન્નયરંસિ નિરયાવાસંસિ નેરહયત્તાણે ઉવવજ્જિત્તાણે, તતો પચ્છા આહારેજ્જ વા પરિણામેજ્જ વા સરીરં વા બંધેજ્જા, એવં જાવ અહેસત્તમા પુઢવી, જીવે ણં મંતે! મારણંતિયસમુઘાણં સમોહણે ત્તા જે ભવિણે ચડસઢ્ઢીણે અસુરકુમારાવાસસયસહસ્સેસુ અન્નયરંસિ અસુરકુમારાવાસંસિ અસુરકુમારત્તાણે ઉવવજ્જિત્તાણે જહા નેરહયા તહા માણિયવ્વા જાવ થણિયકુમારા, જીવે ણં મંતે! મારણંતિયસમુઘાણં સમોહણે ત્તા જે ભવિણે અસંખેજ્જેસુ પુઢવીકાઢ્યાવાસસયસહસ્સેસુ અન્નયરંસિ પુઢવીકાઢ્યાવાસંસિ પુઢવીકાઢ્યત્તાણે ઉવવજ્જિત્તાણે સે ણં મંતે! મંદરસ્સ પવ્વયસ્સ પુરચ્છિમેણં કેવતિયં ગચ્છેજ્જા કેવતિયં પાઝોજ્જા?, ગોયમા! લોયંતં ગચ્છેજ્જા લોયંતં પાઝણિજ્જા, સે ણં મંતે! તત્થગણે ચેવ આહારેજ્જ વા પરિણામેજ્જ વા સરીરં વા બંધેજ્જા?, ગોયમા! અત્થેગતિણે તત્થગણે ચેવ આહારેજ્જ વા



परिणामेज्ज वा सरीरं वा बंधेज्ज, अत्थेगतिए तओ पडिनियत्तति ता इह हव्वभागच्छइ ता दोच्चंपि मारणंतियसमुग्घाएणं समोहण्णति ता मंदरस्स पव्वयस्स पुरच्छिमेणं अंगुलस्स असंखेज्जभागमेत्तं वा संखेज्जतिभागमेत्तं वा वालगं वा वालगगपुहुत्तं वा एवं लिक्खं जूयं जवं अंगुलं जाव जोयणकोडिं वा जोयण कोडाकोडिं वा संखेज्जेसु वा असंखेज्जेसु वा जोयणसहस्सेसु लोगंते वा एगपदेसियं सेढिं मोत्तूण असंखेज्जेसु पुढवीकाइयावाससयहस्सेसु अन्नयरंसि पुढवीकाइयावासंसि पुढवीकाइयत्ताए उववज्जेत्ता तओ पच्छा आहारेज्ज वा परिणामेज्ज वा सरीरं वा बंधेज्जा, जहा पुरच्छिमेणं मंदरस्स पव्वयस्स आलवओ भणिओ एवं दाहिणेणं पच्चत्थिमेणं उत्तरेणं उड्डं अहे, जहा पुढवीकाइया तहा एगिंदियाणं सव्वेसिं एक्केक्कस्स छछ आलावया भाणियव्वा, जीवे णं भंते! मारणंतियसमुग्घाएणं समोहए ता जे भविए असंखेज्जेसु बेदियावाससयसहस्सेसु अण्णयरंसि बेदियावासंसि बेइंदियत्ताए उववज्जित्तए से णं भंते! तत्थगए चेव जहा नेरइया, एवं जाव अणुत्तरोववाइया, जीवे णं भंते! मारणंतियसमुग्घाएणं समोहए ता जे भविए एवं पंचसु अणुत्तरेसु महत्तिमहालएसु महाविमाणेसु अन्नयरंसि अणुत्तरविमाणंसि अणुत्तरोववाइयदेवत्ताए, उववज्जित्तए, से णं भंते! तत्थगए चेव जाव आहारेज्ज वा परिणामेज्ज वा सरीरं वा बंधेज्जा?०। सेवं भंते! सेवं भंते! ॥ २४४॥ श० ६ उ० ६ ॥

अह णं भंते! सालीणं वीहीणं गोधूमाणं जवाणं जवजवाणं एएसिं णं धन्नाणं कोट्टाउत्ताणं पल्लाउत्ताणं मंचाउत्ताणं मालाउत्ताणं उल्लित्ताणं लित्ताणं पिहियाणं मुद्धियाणं लंछियाणं केवतियं कालं जोणी संचिद्वइ? गोथमा! जहन्नेणं अंतोमुहुत्तं उक्कोसेणं तिन्नि

संवच्छराइं, तेण परं जोणी पमिलायइ तेण परं जोणी पविद्धंसइ तेणं परं बीए अबीए भवति, तेण परं जोणीवोच्छेदे पं० समणाउसो!, अह भंते! कलायमसूरतिलमुग्गमासनिष्कावकुलत्थआलिसदगसतीणपलिमंथगमादीणं एएसिं णं धन्नाणं जहा सालीणं तहा एयाणवि, नवरं पंच संवच्छराइं सेसं तं चेव, अह भंते! अयसिकुसुंभगकोद्वकंगुवरट्टगरालगकोदूसगसणसरिसवभूलगबीयमादीणं एएसिं णं धन्नाणं० एयाणिवि तहेव, नवरं सत्त संवच्छराइं, सेसं तं चेव ॥ २४५ ॥ एगमेगस्स णं भंते! मुहुत्तस्स केवतिया ऊसासद्धा वियाहिया?, गोयमा! असंखेज्जाणं समयाणं समुदयसमितिसमागमेणं सा एगा आवलियत्ति पवुच्चइ, संखेज्जा आवलिया ऊसासो संखेज्जा आवलिया निस्साओ हट्टस्स अणवगल्लस्स, निरुवकिट्टस्स जंतुणो। एगे ऊसानीसासे, एस पाणुत्ति वुच्चति ॥ ४६ ॥ सत्त पाणूणि से थोवे, सत्त थोवाइं से लवे। लवाणं सत्तहत्तरिए, एस मुहुत्ते वियाहिए ॥ ४७ ॥ तिन्नि सहस्सा सत्त य सथाइं तेवत्तरि च ऊसासा। एस मुहुत्तो दिट्ठो सव्वेहिं अणंतनाणीहिं ॥ ४८ ॥ एएणं मुहुत्तपमाणेणं तीसमुहुत्तो अहोरत्तो पन्नरस अहोरत्ता पक्खो दो पक्खा मासो दो मासा उऊ तिन्नि उउए अयणे दो अयणे संवच्छरे पंचसंवच्छरिए जुगे वीसं जुगाइं वाससयं दस वाससथाइं वाससहस्सं सयं वाससहस्साइं वाससयसहस्सं चउरासीती वाससयसहस्साणि से एगे पुव्वंगे चउरासीती पुव्वंगसयसहस्साइं से एगे पुव्वे, एवं तुडियंगे २ अडडंगे २ अववंगे २ हूहूयंगे २ उप्पलंगे २ पउमंगे २ नल्लिणंगे २ अच्छणिउरंगे २ अउयंगे २ पउयंगे २ नउयंगे २ चूलियंगे २ सीसपहेलियंगे सीसपहेलिया एतावताव गणिए एतावताव गणियस्स विसए, तेणं परं ओवमिए, से किं तं ओवमिए?, २ दुविहे पं०, तं०-पलिओवमे य सागरोवमे य, से किं

तं पलिओवमे? से किं तं सागरोवमे?, सत्थेण सुतिक्खेणवि छेतुं भेतुं च जं किर न सक्का। तं परमाणुं सिद्धा वयंति आदिं पमाणानां  
 ॥ ४९ ॥ अणंताणं परमाणुपोग्गलाणं समुदयसमितिसमागमेणं सा एगा उस्सण्हसण्हियाति वा सण्हसण्हियाति वा उद्धरेणूति वा  
 तसरेणूति वा रहरेणूति वा वालगगेइ वा लिक्खाति वा जूयाति वा जवमज्जेति वा अंगुलेति वा, अट्ठ उस्सण्हसण्हियाओ सा एगा  
 सण्हसण्हिया अट्ठ सण्हसण्हियाओ सा एगा उद्धरेणू अट्ठ उद्धरेणूओ सा एगा तसरेणू अट्ठ तसरेणूओ सा एगा रहरेणू अट्ठ रहरेणूओ से  
 एगे देवकुरुत्तरकुरुगाणं मसूसाणं वालगगे एवं हरिवासरम्मगहेमवएरन्नवयाणं० पुव्वविदेहाणं मसूसाणं अट्ठ वालग्गा सा एगा  
 लिक्खा अट्ठ लिक्खाओ सा एगा जूया अट्ठ जूयाओ से एगे जवमज्जे अट्ठ जवमज्जाओ से एगे अंगुले, एएणं अंगुलपमाणेणं छ  
 अंगुलाणि पादो बारस अंगुलाइं विहत्थी चउव्वीसं अंगुलाइं रयणी अडयालीसं अंगुलाइं कुच्छी छन्नउती अंगुलाणि से एगे दंडेति वा  
 धणूति वा जूएति वा नालियाति वा अक्खेति वा मुसलेति वा, एएणं धणुप्पमाणेणं दो धणुसहस्साइं गाउयं चत्तारि गाउयाइं जोयणं,  
 एएणं जोयणप्पमाणेणं जे पल्ले जोयणं आयामविक्रवंभेणं जोयणं उट्ठुंउच्चत्तेणं तं तिउणं सविसेसं परिरएणं से णं एगाहियबेयाहियतेयाहिय  
 उक्कोसं सत्तरत्तप्परूढाणं संभट्ठे संनिचिए भरिए वालग्गकोडीणं, से णं वालगगे नो अग्गी दहेज्जा नो वाऊ हरेज्जा नो कुत्थेज्जा नो  
 परिविद्धंसेज्जा नो पूतिताए हव्वभागच्छेज्जा, ततो णं वाससए २ एगमेगं वालग्गं अवहाय जावतिएणं कालेणं से पल्ले खीणे नीरए  
 निम्मले निट्ठिए निल्लेवे अवहडे विमुद्धे भवति से तं पलिओवमे, एएसिं पल्लाणं कोडाकोडी हवेज्ज दसगुणिया। तं सागरोवमस्स उ

एकस्स भवे परीमाणं ॥ ५० ॥ एएणं सागरोवमपमाणेणं चत्तारि सागरोवमकोडाकोडीओ कालो सुसमसुसमा तिन्नि  
 सागरोवमकोडाकोडीओ कालो सुसमा दो सागरोवमकोडाकोडीओ कालो सुसमदूसमा एगा सागरोवमकोडाकोडी बायालीसाए  
 वाससहस्सेहिं ऊणिथा कालो दूसमसुसमा एकवीसं वाससहस्साइं कालो दूसमा एकवीसं वाससहस्साइं कालो दूसमदूसमा पुणरवि  
 उस्सप्पिणीए एकवीसं वाससहस्साइं कालो दूसमदूसमा एकवीसं वाससहस्साइं जाव चत्तारि सागरोवमकोडाकोडीओ कालो सुसमसुसमा,  
 दस सागरोवमकोडाकोडीओ कालो ओसप्पिणी दससागरोवमकोडाकोडीओ कालो उस्सप्पिणी वीसं सागरोवमकोडाकोडीओ कालो  
 ओसप्पिणी य उस्सप्पिणी य ॥ २४६ ॥ जंबुद्दीवे णं भंते! दीवे इमीसे ओसप्पिणीए सुसमसुसमाए समाए उत्तमद्वपत्ताए भरहस्स  
 वासस्स केरिसए आगारभावपडोयारे होत्था?, गोयमा! बहुसभरमणिज्जे भूमिभागे होत्था, से जहानामएआलिंगपुक्खरेति वा एवं  
 उत्तरकुरुवत्तव्वयानेयव्वा जाव आसयंति सयंति, तीसे णं समाए भारहे वासे तत्थ २ देसे २ तहिं २ बहवे ओराला कुदाला जाव  
 कुसविकुसविसुद्धरुक्खमूला जाव छव्विहा मणुस्सा अणुसज्जित्था तं०- पम्हगंधा मियगंधा अममा तेयतली सहा सणिंचारि। सेवं  
 भंते! सेवं भंते! ॥ २४७ ॥ १० ६ ३० ७ ॥

कइ णं भंते! पुढवीओ पं०?, गोयमा! अट्ठ पुढवीओ पं० तं०-रयणप्पभा जाव इसीप्पम्भारा, अत्थि णं भंते! इमीसे रयणप्पभा  
 पुढवीए अहे गेहाति वा गेहावणाति वा?, गोयमा! णो तिणट्ठे समट्ठे, अत्थि णं भंते! इमीसे रयणप्पभाए अहे गामाति वा जाव

संनिवेसाति वा? नो तिण्ठे सम्ठे, अत्थि णं भंते! इमीसे रयणप्पभाए पुढवीए अहे उराला बलाहया संसेयंति संमुच्छंति वासं वासंति?, हंता अत्थि, तिन्निवि पकरेंति देवोऽवि पकरेति असुरोऽवि प० नागोऽवि प०, अत्थि णं भंते! इमीसे रयण० बादरे थणियसहे?, हंता अत्थि, तिन्निवि पकरेंति, अत्थि णं भंते! इमीसे रयण० अहे बादरे पुढवीकाए बादरे अगणिकाए?, गोयमा! नो तिण्ठे सम्ठे, नन्नत्थ विग्गहगतिसमावन्नएणं, अत्थि णं भंते! इमीसे रयण० अहे चंदिम जाव तारारुवा?, नो तिण्ठे सम्ठे! अत्थि णं भंते! इमीसे रयणप्पभाए पुढवीए चंदाभाति वा०?, णो इण्ठे सम्ठे, एवं दोच्चाएऽवि पुढवीए भाणियव्वं, एवं तच्चाएऽवि भाणियव्वं, नवरं देवोऽवि पकरेति असुरोऽवि पकरेति णो णागो पकरेति, चउत्थाएऽवि एवं नवरं देवो एक्को पकरेति नो असुरो० नो नागो पकरेति, एवं हेड्डिक्कासु सव्वासु देवो एक्को पकरेति, अत्थि णं भंते! सोहम्मीसाणाणं कप्पाणं अहे गेहाइ वा०?, नो इण्ठे सम्ठे० अत्थि णं भंते! उराला बलाहया०?, हंता अत्थि, देवो पकरेति असुरोऽवि पकरेइ नो नाओ पकरेइ, एवं थणियसहेऽवि, अत्थि णं भंते! बायरे पुढवीकाए बादरे अगणिकाए?, णो इण्ठे सम्ठे, नण्णत्थ विग्गहगतिसमावन्नएणं, अत्थि णं भंते! चंदिम०?, णो तिण्ठे सम्ठे! अत्थि णं भंते! चंदाभाति वा०?, गोयमा! णो तिण्ठे सम्ठे! एवं सणंकुमारमाहिंदेसु, नवरं देवो एगो पकरेति, एवं बंभलोएऽवि, एवं बंभलोगस्स उवरि सव्वहिं देवो पकरेति, पुच्छियव्वो य बायरे आउकाए बायरे अगणिकाए बायरे वणस्सइकाए अन्नं तं चेव, तमुकाए कप्पपणाए अगणी पुढवी य अगणि पुढवीसु। आऊतेउवणस्सइ कप्पुवरिमकणहराईसु ॥ ५१ ॥ २४८ ॥ कतिविहे णं भंते! आउयबंधाए प०?, गोयमा! छव्विहा

आउयबंधा पं० तं० जातिनामनिहत्ताउए गतिनामनिहत्ताउए ठितिनामनिहत्ताउए ओगाहणानामनिहत्ताउए पएसनामनिहत्ताउए  
 अणुभागनामनिहत्ताउए दंडओ जाव वेमाणियाणं, जीवा णं भंते! किं जाइनामनिहत्ता जाव अणुभागनामनिहत्ता?, गोयमा!  
 जातिनामनिहत्तावि जाव अणुभागनामनिहत्तावि दंडओ जाव वेमाणियाणं, जीवा णं भंते! किं जाइनामनिहत्ताउया जाव  
 अणुभागनामनिहत्ताउया?, गोयमा! जाइनामनिहत्ताउयावि जाव अणुभागनामनिहत्ताउयावि, दंडओ जाव वेमाणियाणं, एवं एए  
 दुवाल्स दंडगा भाणियव्वा, जीवा णं भंते! किं जातिनामनिहत्ता जाइनामनिहत्ताउया० जीवा णं भंते! किं जातिनामनिहत्ता  
 जातिनामनिहत्ताउया जाइनामनिउत्ताजातिनामनिउत्ताउया जाइगोयनिहत्ता जाइगोयनिहत्ताउया जातिगोयनिउत्ता जाइगोयनिउत्ताउया  
 जाइणाभगोयनिहत्ता जाइणाभगोयनिहत्ताउया जाइणाभगोयनिउत्ता०, जीवा णं भंते! किं जाइनाभगोयनिउत्ताउया जाव  
 अणुभागनाभगोयनिउत्ताउया?, गोयमा! जाइनाभगोयनिउत्ताउयावि जाव अणुभागनाभगोयनिउत्ताउयावि दंडओ जाव वेमाणियाणं  
 ॥२४९॥ लवणे णं भंते! समुद्दे किं उस्सिओदए पत्थडोदए खुभियजले अखुभियजले?, गोयमा! लवणे णं समुद्दे उस्सिओदए नो  
 पत्थडोदए खुभियजले नो अखुभियजले एत्तो आढत्तं जहा जीवाभिगमे जाव से तेण० गोयमा! बाहिरया णं दीवसमुद्दा पुन्ना पुन्नप्पमाणा  
 वोल्हमाणा वोसट्टमाणा समभरघडत्ताए चिट्ठंति संठाणओ एगविहिविहाणा वित्थारओ अणेगविहिविहाणा दुगुणादुगुणप्पमाणओ  
 जाव अस्सिं तिरिय लोए असंखेज्जा दीवसमुद्दा सयंभूरमणपज्जवसाणा पं० समणाउसो!, दीवसमुद्दा णं भंते! केवतिया नामधेजेहिं

पं०!, गोयमा! जावितया लोए सुभा नामा सुभा रुवा सुभा गंधा सुभा रसा सुभा फासा एवतिया णं दीवसमुदा नामधेजेहिं पं०, एवं नेयव्वा सुभनामा उद्धारो परिणामो सव्वजीवाणं। सेवं भंते! सेवं भंते! ॥ २५० ॥ श० ६ ३० ८ ॥

जीवे णं भंते! णाणावरणिज्जं कम्मं बंधमाणे कति कम्मपगडीओ बंधति?, गोयमा! सत्तविहबंधए वा अट्टविहबंधए वा छव्विहबंधए वा, बंधुदेसो पन्नवणाए नेयव्वो ॥ २५१ ॥ देवे णं भंते! महिद्धीए जाव महाणुभावे बाहिरए पोग्गले अपरियाइत्ता पभू एगवन्नं एगरुवं विउव्वत्तए?, गोयमा! नो तिणट्ठे०, देवे णं भंते! बाहिरए पोग्गले परियाइत्ता पभू? हंता पभू, से णं भंते! किं इहगए पोग्गले परियाइत्ता विउव्वति तत्थगए पोग्गले परियाइत्ता विउव्वति अन्थगए पोग्गले परियाइत्ता विउव्वति?, गोयमा! नो इहगए पोग्गले परियाइत्ता विउव्वति तत्थगए पोग्गले परियाइत्ता विउव्वति नो अन्नत्थगए पोग्गले परियाइत्ता विउव्वति, एवं एएणं गमेणं जाव एगवन्नं एगरुवं एगवण्णं अगेणरुवं अणेगवन्नं एगरुवं अणेगवन्नं अणेगरुवं चउभंगो, देवे णं भंते! महिद्धीए जाव महाणुभागे बाहिरए पोग्गले अपरियाइत्ता पभू कालयं पोग्गलं नीलगपोग्गलत्ताए परिणामेत्तए, नीलगं पोग्गलं वा कालगपोग्गलत्ताए परिणामेत्तए?, गोयमा! नो तिणट्ठे समट्ठे, परियाइत्ता पभू, से णं भंते! किं इहगए पोग्गले तं चेव नवरं परिणामेतित्ति भाणियव्वं, एवं कालगपोग्गलं लोहियपोग्गलत्ताए, एवं कालएणं जाव सुक्किल्लं, एवं णीलएणं जाव सुक्किल्लं, एवं लोहियपोग्गलं जाव सुक्किल्लत्ताए, एवं हालिदएणं जाव सुक्किल्लं, एवं एयाए परिवाडीए गंधरसफास० कक्खडफासं पोग्गलं मउयफासपोग्गलत्ताए० एवं दो दो गरुयलहुय सीयउसिण णिद्धलुक्ख, वन्नाइं

॥ श्रीभगवती सूत्रं ॥

१८६

पू. सागरजी म. मंशोधित

सव्वत्थ परिणामेइ, आलावगा य दो दो पोग्गले अपरियाइत्ता परियाइत्ता ॥ २५२ ॥ अविमुद्धलेसे णं भंते! देवे असमोहएणं अप्पाणाएणं  
 अविमुद्धलेसं देवं देविं अन्नयरं जाणति पासति?, णो तिण्ठे सम्भे, एवं अविमुद्धलेसे० असमोहएणं अप्पाणेणं विमुद्धलेसं देवं०  
 अविमुद्धलेसे० समोहएणं अप्पाणेणं अविमुद्धलेसं देवं० अविमुद्धलेसे देवे समोहएणं अप्पाणेणं विमुद्धलेसं देवं० अविमुद्धलेसे०  
 समोहयासमोहएणं अप्पाणेणं अविमुद्धलेसं देवं० अविमुद्धलेसे० समोहया० विमुद्धलेसं देवं० विमुद्धलेसे० असमो० अविमुद्धलेसं  
 देवं० विमुद्धलेसे० असमोहएणं विमुद्धलेसं देवं० विमुद्धलेसे णं भंते! देवे समोहएणं अविमुद्धलेसं देवं० जाणइ०?, हंता जाणइ०,  
 एवं विमुद्ध० समो० विमुद्धलेसं देवं० जाणइ०?, हंता जाणइ० विमुद्धलेसे समोहयासमोहएणं अविमुद्धलेसं देवं० विमुद्धलेसे  
 समोहयासमोहएणं विमुद्धलेसं देवं० एवं हेट्ठिअहिं अट्ठहिं न जाणइ न पासइ उवरिल्लएहिं चउहिं जाणइ पासइ। सेवं भंते! सेवं भते!  
 ॥ २५३ ॥ श० ६ ३०९ ॥

अन्नउत्थिया णं भंते! एवमाइक्खंति जाव पस्वेति जावतिया रायगिहे नयरे जीवा एव इयाणं जीवाणं नो चक्किया कोई सुहं वा दुहं  
 वा जाव कोलट्ठिगमायमवि निष्कावमायमवि कलममायमवि मासमायमवि मुग्गमायमवि जूयामायमवि लिक्खामायमपि अभिनिवट्ठेत्ता  
 उवदंसित्तए, से कहमेयं भंते! एवं?, गोयमा! जन्न ते अन्नउत्थिया एवमाइक्खंति जाव मिच्छं ते एवमाहंसु, अहं पुण गोयमा! एवमाइक्खामि  
 जाव परुवेमि सव्वलोएऽविय णं सव्वजीवाणं णो चक्किया कोई सुहं वा तं चेव जाव उवदंसित्तए, से केणट्ठेणं०?, गोयमा! अयन्नं



जंबुद्दीवे २ जाव विसेसाहिए परिक्रवेवेणं पं०, देवे णं महिद्धीए जाव महाणुभागे एणं महं सविलेवणं गंधसमुग्गां गहाय तं अवहालेति  
 ता जाव इणामेवत्तिकट्टु केवलकप्पं जंबुद्दीवं २ तिहिं अच्छरानिवाएहिं तिसत्तखुत्तो अणुपरियट्ठित्ताणं हव्वभागच्छेज्जा, से नूणं  
 गोयमा! से केवलकप्पे जंबुद्दीवे २ तेहिं घाणपोग्गलेहिं फुडे?, हंता फुडे, चक्किया णं गोयमा! केति तेसिं घाणपोग्गलाणं कोलद्धियामायमवि  
 जाव उवदंसित्तए?, णो तिणट्ठे समट्ठे, से तेणट्ठेणं जाव उवदंसित्तए ॥ २५४ ॥ जीवे णं भंते! जीवे? जीवे जीवे?. गोयमा! जीवे ताव  
 नियमा जीवे जीवेऽवि नियमा जीवे, जीवे णं भंते! नेरइए नेरइए जीवे?, गोयमा! नेरइए ताव नियमा जीवे जीवे पुण सिय नेरइए सिय  
 अनेरइए, जीवे णं ! असुरकुमारे असुरकुमारे जीवे?, गोयमा! असुरकुमारे ताव नियमा जीवे जीवे पुण सिय असुरकुमारे सिय णो  
 असुरकुमारे, एवं दंडओ भाणियव्वो जाव वेमाणियाणं, जीवति भंते! जीवे? जीवे जीवति?, गोयमा! जीवति ताव नियमा जीवे जीवे  
 पुण सिय जीवति सिय नो जीवति, जीवति भंते! नेरइए?, नेरइए जीवति?, गोयमा! नेरइए ताव नियमा जीवति जीवति पुण सिय  
 नेरइए सिय अनेरइए, एवं दंडओ नेयव्वो जाव वेमाणियाणं, भवसिद्धीए णं भंते! नेरइए नेरइए भवसिद्धीए?, गोयमा! भवसिद्धीए  
 सिय नेरइए सिय अनेरइए नेरइएऽविय सिय भवसिद्धीए सिय अभवसिद्धीए, एवं दंडओ जाव वेमाणियाणं ॥ २५५ ॥ अन्नउत्थिया णं  
 भंते! एवमाइक्खंति जाव परुवेति एवं खलु सव्वे पाणा भूया जीवा सत्ता एगंतदुक्खं वेयणं वेयंति, से कहमेयं भंते! एवं?, गोयमा!  
 जन्नं ते अन्नउत्थिया जाव भिच्छं ते एवमाहंसु, अहं पुण गोयमा! एवमाइक्खामि जाव परुवेमि अत्थेगइया पाणा भूया जीवा सत्ता

॥ श्रीभगवती सूत्रं ॥

१८८

प. सागरजी भ. संशोधित

एगंतदुक्खं वेयणं आहच्च सायं०, अत्थेगतिया पाणा भूया जीवा सत्ता एगंतसायं वेयणं वेयंति आहच्च अस्सायं वेयणं वेयंति, अत्थेगइया पाणा भूया जीवा सत्ता वेमायाए वेयणं वेयंति आहच्च सायमसायं०, से केणट्टेणं०?, गोयमा! नेरइया एगंतदुक्खं वेयणं वेयंति आहच्च सायं०, भवणवइवाणभंतरजोइसवेमाणिया एगंतसायं वेदणं वेयंति आहच्च असायं०, पुढविक्काइया जाव मणुस्सा वेमायाए वेयणं वेयंति आहच्च सायमसायं०, से तेणट्टेणं० ॥ २५६ ॥ नेरइया णं भंते! जे पोग्गले अत्तमायाए आहारेंति ते किं आयसरीरखेत्तोगाढे पोग्गले अत्तमायाए आहारंति अणंतरखेत्तोगाढे पोग्गले अत्तमायाए आहारेंति परंपरखेत्तोगाढे पोग्गले अत्तमायाए आहारेंति?, गोयमा! आयसरीरखेत्तोगाढे पोग्गले अत्तमायाए आहारेंति नो अणंतरखेत्तोगाढे पोग्गले अत्तमायाए आहारेंति नो परंपरखेत्तोगाढे०, जहा नेरइया तहा जाव वेमाणियाणं दंडओ ॥ २५७ ॥ केवली णं भंते! आयाणेहि जाणति पासति?, गोयमा! नो तिणट्टे०, से केणट्टेणं०?, गोयमा! केवली णं पुरच्छिमेणं भियंपि जाणइ अभियंपि जाणइ जाव निव्वुडे दंसणे केवलिस्स, से तेणट्टेणं० जीवाण सुहं दुक्खं जीवे जीवति तहेव भविथा य। एगंतदुक्खवेयण अत्तमायाय केवली ॥ ५२ ॥ सेवं भंते! सेवं भंते! ॥ २५८ ॥ ३० १० इति षष्ठं शतकं ॥

आहार १ विरति २ थावर ३ जीवा ४ पक्खी ५ य आउ ६ अणगारे ७। छउमन्थ ८ असंवुड ९ अन्नउत्थि १० दस सत्तभंमि सए ॥ ५३ ॥ तेणं कालेणं जाव एवं वदासी जीवे ण भंते! कं समयमणाहारए भवइ?, गोयमा! पढमे समए सिय आहारए सिय अणाहारए

बितिए समए सिथ आहारए सिथ अणाहारए ततिए समए सिथ आहारए सिथ अणाहारए चउत्थे समए नियमा आहारए, एवं दंडओ, जीवा य एगिंदिया य चउत्थे समए सेसा ततिए समए, जीवे णं भंते! कं समयं सब्बप्पाहारए भवति?, गोयमा! पढमसमयोववन्नाए वा चरमसमए भवत्थे वा एत्थ णं जीवे णं सब्बप्पाहारए भवइ, दंडओ, भाणियब्बो जाव वेमाणियाणं ॥ २५९ ॥ किसंतिए णं भंते! लोए पं०?, गोयमा! सुपइडुगसंतिए लोए पं०, हेट्टा विच्छिन्ने जाव उप्पिं उड्डुमुडुंगागारसंतिए तंसिं च णं सासयंसि लोगंसि हेट्टा विच्छिन्नंसि जाव उप्पिं उड्डुमुडुंगागारसंतिर्यंसि उप्पन्ननाणदंसणधरे अरहा जिणे केवली जीवेऽवि जाणइ पासइ अजीवेऽवि० तओ पच्छा सिञ्जति जाव अंतं करेइ ॥ २६० ॥ समणोवासगस्स णं भंते! सामाइयकडस्स समणोवस्सए, अच्छमाणस्स तस्स णं भंते! किं ईरियावहिया किरिया कज्जइ संपराइया किरिया कज्जइ?, गोयमा! णो ईरियावहिया किरिया कज्जति संपराइया किरिया कज्जइ, से केणट्ठेणं जाव संप० किरिया कज्जति?, गोयमा! समणोवसयस्स णं सामाइयकडस्स समणोवस्सए अच्छमाणस्स आया अहिगरणीभवइ आयाहिगरणवत्तिर्यं च णं तस्स नो ईरियावहिया किरिया कज्जइ संपराइया किरिया कज्जइ, से तेणट्ठेणं जाव संपराइया० ॥ २६१ ॥ समणोवासगस्स णं भंते! पुब्बामेव तसपाणसमारंभे पच्चक्खाए भवति पुढवीसमारंभे अपच्चक्खाए भवइ से य पुढविं खणमाणे अण्णयरं तसं पाणं विहिंसेज्जा से णं भंते! तं वयं अतिचरति?, णो तिणट्ठे समट्ठे, नो खलु से तस्स अतिवायाए आउट्ठति, समणोवासयस्स णं भंते! पुब्बामेव वणस्सइसमारंभे पच्चक्खाए से य पुढविं खणमाणे अन्नयरस्स रुक्खस्स मूलं छिंदेज्जा से णं भंते! तं वयं अतिचरति!,

णो तिण्डे समेट्ते, नो खलु तस्स अइवायाए आउट्ति ॥ २६२ ॥ समणोवासए णं भंते! तहारुवं समणं वा माहणं वा फासुएसणिज्जेणं असणपाणखाइमसाइमेणं पडिलाभेमाणे किं लभइ?, गोयमा! समणोवासए णं तहारुवं समणं वा जाव पडिलाभेमाणे तहारुवस्स समणस्स वा माहणस्स वा समाहिं उप्पाएति, समाहिकारए णं तमेव समाहिं पडिलभइ, समणोवासए णं भंते! तहारुवं समणं वा जाव पडिलाभेमाणे किं चयति?, गोयमा! जीवियं चयति दुच्चयं चयति दुक्करं करेति दुल्लहं लहइ बोहिं बुद्धइ तओ पच्छा सिज्झति जाव अंतं करेति ॥ २६३ ॥ अत्थि णं भंते! अकम्मस्स गती पन्नायति?, हंता अत्थि, कहन्नं, भंते! अकम्मस्स गती पन्नायति?स गोयमा! निस्संगयाए निरंगणयाए गतिपरिणामेणं बंधणच्छेयणयाए निरिधणयाए पुव्वपओगेणं अकम्मस्स गती पं०, कहन्नं भंते! निस्संगयाए निरंगणयाए गइपरिणामेणं बंधणच्छेयणयाए निरिधणयाए पुव्वपओगेणं अकम्मस्स गती पन्नायति?, से जहानामएकेई पुरिसे सुक्कं तुंबं निच्छिडुं निरुवहयंति आणुपुव्वीए परिकम्मेमाणे २ दब्भेहि य कुसेहि य वेढेइ त्ता अट्ठहिं मट्ठियालेवेहिं लिंपइ त्ता उण्हे दलयति भूतिं २ सुक्कं समाणं अत्थाहमतारमपोरिसियंसि उदगंसि पक्खिवेज्जा, से नूणं गोयमा! से तुंबे तेसिं अट्ठण्हं मट्ठियालेवाणं गुरुयताए भारियत्ताए गुरुसंभारियत्ताए सलिलतलमतिवइत्ता अहे धरिणतलपइट्ठाणे भवइ?, हंता भवइ, अहे णं से तुंबे अट्ठण्हं मट्ठियालेवाणं परिक्खएणं धरिणतलमतिवइत्ता उप्पिं सलिलतलपइट्ठाणे भवइ?, हंता भवइ, एवं खलु गोयमा! निस्संगयाए निरंगणयाए गइपरिणामेणं अकम्मस्स गइ पन्नायति, कहन्नं भंते! बंधणच्छेदणयाए अकम्मस्स गइ पं०?, गोयमा! से जहानामएकलसिंबलियाइ वा मुग्गसिंबलियाइ

वा भाससिंबलियाइ वा सिंबलिसिंबलियाइ वा एरंडमिंजियाइ वा उण्हे दिन्ना सुक्का समाणी फुडित्ताणं एगंतभंतं गच्छइ, एवं खलु गोयमा!०, कहन्नं भंते! निरिधणयाए अकम्मस्स गती०?, गोयमा! से जहानामए-धूमस्स इंधणविप्पमुक्कस्स उड्डं वीससाए निव्वाधाएण गती पवत्तति एवं खलु गोयमा!०, कहन्नं भंते! पुव्वप्पओगेणं अकम्मस्स गती पं०?, गोयमा! से जहानामए कंडस्स कोदंडविप्पमुक्कस्स लक्खाभिमुही निव्वाधाएणं गती पवत्तइ एवं खलु गोयमा! पुव्वप्पओगेणं अकम्मस्स गई पवत्तइ एवं खलु गोयमा! नीसंगयाए निरंगणयाए जाव पुव्वप्पओगेणं अकम्मस्स गती पं० ॥ २६४ ॥ दुक्खी भंते! दुक्खेणं फुडे अदुक्खी दुक्खेणं फुडे?, गोयमा! दुक्खी दुक्खेणं फुडे नो अदुक्खी दुक्खेणं फुडे, दुक्खी णं भंते! नेरतिए दुक्खेणं फुडे अदुक्खी नेरतिए दुक्खेणं फुडे? गोयमा! दुक्खी नेरइए दुक्खेणं फुडे नो अदुक्खी नेरतिए दुक्खेणं फुडे, एवं दंडओ जाव वेमाणियाणं, एवं पंच दंडगा नेयव्वा-दुक्खी दुक्खेणं फुडे दुक्खी दुक्खं परियायइ दुक्खी दुक्खं उदीरइ दुक्खी दुक्खं वेदेति दुक्खी दुक्खं निज्जेरति ॥ २६५ ॥ अणगारस्स णं भंते ! अणाउत्तं गच्छमाणस्स वा चिट्ठमाणस्स वा निसीयमाणस्स वा तुयट्ठमाणस्स वा अणाउत्तं वत्थं पडिग्गहं कंबलं पायपुंछणं गेणहमाणस्स वा निक्खिन्नवमाणस्स वा तस्स णं भंते! किं ईरियावहिया किरिया कज्जइ०?, गो०! नो ईरियावहिया किरिया कज्जति संपराइया किरिया कज्जति, से केणट्ठेणं०?, गोयमा! जस्स णं कोहमाणमायालोभा वोच्छिन्ना भवंति तस्स णं ईरियावहिया किरिया कज्जइ नो संपराइया किरिया कज्जइ, जस्स णं कोहमाणमायालोभा अवोच्छिन्ना भवंति तस्स णं संपराइया किरिया कज्जइ नो ईरियावहिया०, अहासुत्तं रीयमाणस्स

ईरियावहिया किरिया कज्जइ उस्सुत्तं रीयमाणस्स संपराइया किरिया कज्जइ, से णं उस्सुत्तमेव रियति, से तेणद्वेणं० ॥ २६६ ॥ अहं भंते! सइंगालस्स सधूमस्स संजोयणादोसदुट्ठस्स पाणभोयणस्स के अट्ठे पं०?, गोयमा! जे णं निगंथे वा निगंथी वा फासुएसणिज्जं असणपाणं० पडिग्गहिता मुच्छिए गिद्धे गढिए अज्झोवक्ख्ने आहारं आहारेति एस णं गोयमा! सइंगाले पाणभोयणे, जे णं निगंथे वा निगंथी वा फासुएसणिज्जं असणपाणं० पडिग्गहिता महया २ अप्पत्तियकोहकिलामं करेमाणे आहारमाहारेइ एस णं गोयमा! सधूमे पाणभोयणे, जे णं निगंथे वा जाव पडिग्गहेत्ता गुणुप्पायणहेउं अन्नदव्वेणं सद्धिं संजोएत्ता आहारमाहारेइ एस णं गोयमा! संजोयणादोसदुट्ठे पाणभोयणे, एस णं गोयमा! सइंगालस्स सधूमस्स संजोयणादोसदुट्ठस्स पाणभोयणस्स अट्ठे पं०, अहं भंते! वीतिंगालस्स वीयधूमस्स संजोयणादोसविप्पमुक्कस्स पाणभोयणस्स के अट्ठे पं०?, गोयमा! जे णं निगंथो वा जाव पडिग्गहेत्ता, अमुच्छिए जाव आहारेति एस णं गोयमा! वीतिंगाले पाणभोयणे, जे णं निगंथे वा निगंथी वा जाव पडिग्गहिता णो महया अप्पत्तियं जाव आहारेइ एस णं गोयमा! वीयधूमे पाणभोयणे, जे णं निगंथे जाव पडिग्गहेत्ता जहा लद्धं तहा आहारमाहारेइ एस णं गोयमा! संजोयणादोसविप्पमुक्के पाणभोयणे, एस णं गोयमा! वीतिंगालस्स वीयधूमस्स संजोयणादोसविप्पमुक्कस्स पाणभोयणस्स अट्ठे पं० ॥ २६७ ॥ अहं भंते! खेत्तातिक्कंतस्स कालतिक्कंतस्स मग्गातिक्कंतस्स पमाणातिक्कंतस्स पाणभोयणस्स के अट्ठे पं०?, गो०! जे णं निगंथे वा निगंथी वा फासुएसणिज्जं णं असणं० अणुग्गए सूरिए पडिग्गहिता उग्गए सूरिए आहारमाहारेति एस णं गोयमा!

खित्तातिक्कंते पाणभोयणे, जे णं निग्गंथो वा जाव साइमं पढमाए पोरिसीए पडिग्गहिच्चा पच्छिमं पोरिसिं उवायणावेत्ता आहारं आहारेइं  
 एस णं गोयमा! कालातिक्कंते पाणभोयणे, जे णं निग्गंथो वा जाव साइमं पडिग्गहिच्चा परं अद्धजोयणमेराए वीडक्कमावडत्ता आहारमाहारेइं  
 एस णं गोयमा! मग्गातिक्कंते पाणभोयणे, जे णं निग्गंथो वा निग्गंथी वा फासुएसणिज्जं जाव साइमं पडिग्गहिच्चा परं बत्तीसाए  
 कुक्कुडिअंडगप्पमाणमेत्ताणं कवलाणं आहारमाहारेइं एस णं गोयमा! पमाणाइक्कंते पाणभोयणे, अट्टकुक्कुडिअंडगप्पमाणमेत्ते कवले  
 आहारमाहारेमाणे अप्पाहारे दुवालसकुक्कुडिअंडगप्पमाणमेत्ते कवले आहारमाहारेमाणे अवट्ठोमोयरिया सोलसकुक्कुडिअंडगप्पमाणमेत्ते  
 कवले आहारमाहारेमाणे दुभागप्पत्ते चउव्वीसं कुक्कुडिअंडगप्पमाणे जाव आहारमाहारेमाणे ओमोदरिए बत्तीसं कुक्कुडिअंडगमेत्ते  
 कवले आहारमाहारेमाणे पमाणप्पत्ते, एत्तो एक्केणवि गासेणं ऊणगं आहारमाहारेमाणे सभणे निग्गंथे नो पक्काभरसभोई इति वत्तव्वं  
 सिया, एस णं गोयमा! खेत्तातिक्कंतस्स कालातिक्कंतस्स मग्गातिक्कंतस्स पमाणातिक्कंतस्स पाणभोयणस्स अट्ठे पं० ॥२६८॥ अह भंते!  
 सत्थातीयस्स सत्थपरिणामियस्स एसियस्स वेसियस्स समुदाणियस्स पाणभोयणस्स के अट्ठे पं०?, गोयमा! जे णं निग्गंथो वा निग्गंथी  
 वा निक्खित्तसत्थमुसले ववगयमालावन्नगविलेवणे ववगयचुयचइयचत्तदेहं जीवविप्पज्जदं अकयमकारियभसंकप्पियमणाहूयम-  
 कीयकडमणुदिट्ठं नवकोडीपरिसुद्धं दसदोसविप्पमुक्कं उग्गमुप्पायणेसणासुपरिसुद्धं वीतिंगालं वीत्थूमं संजोयणादोसविप्पमुक्कं असुरसुरं  
 अचवचवं अदुयभविलंबियं अपरिसाडीं अक्खोवंजणवणाणुलेवणभूयं संयमजायाभायावत्तियं संजमभारवहणट्ठयाए बिलमिव

पन्नगभूएणं अध्याणेणं आहारमाहारेति एस णं गोयमा! सत्थातीयस्स सत्थपरिणाभियस्स जाव पाणभोयणस्स अट्ठे पं०, सेवं भंते! सेवं भंते! ति ॥२६९॥ श० ७ ३० १॥

से नूणं भंते! सव्वपाणेहिं सव्वभूएहिं सव्वजीवेहिं सव्वसत्तेहिं पच्चक्खायमिति वदमाणस्स सुपच्चक्खायं भवति दुपच्चक्खायं भवति?, गोयमा! सव्वपाणेहिं जाव सव्वसत्तेहिं पच्चक्खायमिति वदमाणस्स सिय सुपच्चक्खायं भवति सिय दुप्पच्चक्खायं भवति, से केणट्ठेणं भंते! एवं वुच्चइ सव्वपाणेहिं जाव सिय दुपच्चक्खायं भवति?, गोयमा! जस्स णं सव्वजीवेहिं जाव सव्वसत्तेहिं पच्चक्खायमिति वदमाणस्स णो एवं अभिसमन्नागयं भवति इमे जीवा इमे अजीवा इमे तसा इमे थावरा तस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स नो सुपच्चक्खायं भवति दुपच्चक्खायं भवति, एवं खलु से दुपच्चक्खाई सव्वपाणेहिं जाव सव्वसत्तेहिं पच्चक्खायमिति वदमाणो नो सच्चं भासं भासइ मोसं भासं भासइ, एवं खलु से मुसावाई सव्वपाणेहिं जाव सव्वसत्तेहिं ति विहंति विहेणं असंजयविरयपडिहयपच्चक्खायपावकम्मे सकिरिए असंवुडे एगंतदंडे एगंतबाले यावि भवति, जस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स एवं अभिसमन्नागयं भवइ इमे जीवा इमे अजीवा इमे तसा इमे थावरा तस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स सुपच्चक्खायं भवति नो दुपच्चक्खायं भवति, एवं खलु से सुपच्चक्खाई सव्वपाणेहिं जाव सव्वसत्तेहिं पच्चक्खायमिति वयमाणे सच्चं भासं भासइ नो मोसं भासं भासइ, एवं खलु से सच्चवादी सव्वपाणेहिं जाव सव्वसत्तेहिं



तिविहंतिविहेणं संजयविरयपडिहयपच्चक्खायपावकम्मे अकिरिए संवुडे एगंतपंडिए यावि भवति, से तेणट्टेणं गोयमा! एवं वुच्चइ जाव सिय दुपच्चक्खायं भवति ॥ २७० ॥ कतिविहे णं भंते! पच्चक्खाणे पं०?, गोयमा! दुविहे पच्चक्खाणे पं० तं०-मूलगुणपच्चक्खाणे य उत्तरगुणपच्चक्खाणे य, मूलगुणपच्चक्खाणे णं भंते! कतिविहे पं०?, गोयमा! दुविहे पं० तं०-सव्वमूलगुणपच्चक्खाणे य देसमूलगुणपच्चक्खाणे य, सव्वमूलगुणपच्चक्खाणे णं भंते! कतिविहे पं०?, गोयमा! पंचविहे पं० तं० -सव्वाओ पाणाइवायाओ वेरमणं जाव सव्वाओ परिग्गहाओ वेरमणं, देसमूलगुणपच्चक्खाणे णं भंते! कइविहे पं०?, गोयमा पंचविहे पं० तं०-थूलाओ पाणाइवायाओ वेरमणं जाव थूलाओ परिग्गहाओ वेरमणं, उत्तरगुणपच्चक्खाणे णं भंते! कतिविहे पं०?, गोयमा! दुविहे पं० तं०-सव्वुत्तरगुणपच्चक्खाणे य देसुत्तरगुणपच्चक्खाणे य, सव्वुत्तरगुणपच्चक्खाणे णं भंते! कतिविहे पं०?, गोयमा! दसविहे पं० तं०-अणागयमइक्कंतं कोडीसहियं निर्यटियं चेव। सागारमणागारं परिमाणकडं निरवसेसं ॥ ५४ ॥ साकेयं चेव अब्बाए पच्चक्खाणं भवे दसहा। देसुत्तरगुणपच्चक्खाणे णं भंते! कइविहे पं०?, गोयमा! सत्तविहे पं० तं०-दिसिच्चयं उवभोगपरीभोगपरिमाणं अनत्थदंडवेरमणं समाइयं देसावगासियं पोसहोववासो अतिहिसंविभागो अपच्छिमभारणंतियसंलेहणाझूसणाऽऽराहणता ॥ २७१ ॥ जीवा णं भंते! किं मूलगुणपच्चक्खाणी उत्तरगुणपच्चक्खाणी अपच्चक्खाणी?, गोयमा! जीवा मूलगुणपच्चक्खाणीवि उत्तरगुणपच्चक्खाणीवि अपच्चक्खाणीवि, नेरइया णं भंते! किं मूलगुणपच्चक्खाणी० पुच्छ, गोयमा! नेरइया नो मूलगुणपच्चक्खाणी नो उत्तरगुणपच्चक्खाणी

अपच्यक्खाणी, एवं जाव चउरिदिया, पंचिंदियतिरिक्खजोणिया मणुस्सा य जहा जीवा, वाणमंतरजोइसियवेमाणिया जहा नेरइया, एएसिं णं भंते! मूलगुणपच्यक्खाणी उत्तरगुणपच्यक्खाणी अपच्यक्खाणी य कयरे २ हितो जाव विसेसाहिया वा?, गोयमा! सव्वत्थोवा जीवा मूलगुणपच्यक्खाणी उत्तरगुणपच्यक्खाणी असंखेजगुणा अपच्यक्खाणी अनंतगुणा, एएसिं णं भंते! पंचिंदियतिरिक्खजोणियाणं० पुच्छा, गोयमा! सव्वत्थोवा जीवा पंचेदियतिरिक्खजोणिया मूलगुणपच्यक्खाणी उत्तरगुणपच्यक्खाणी असंखेजगुणा अपच्यक्खाणी असंखिजगुणा, एएसिं णं भंते! मणुस्साणं मूलगुणपच्यक्खाणीणं० पुच्छा, गोयमा! सव्वत्थोवा मणुस्सा मूलगुणपच्यक्खाणी उत्तरगुणपच्यक्खाणी संखेजगुणा अपच्यक्खाणी असंखेजगुणा, जीवा णं भंते! किं सव्वमूलगुणपच्यक्खाणी देसमूलगुणपच्यक्खाणी अपच्यक्खाणी?, गोयमा! जीवा सव्वमूलगुणपच्यक्खाणीवि देसमूलगुणपच्यक्खाणीवि अपच्यक्खाणीवि, नेरइयाणं पुच्छा, गोयमा! नेरइया नो सव्वमूलगुणपच्यक्खाणी नो देसमूलगुणपच्यक्खाणी अपच्यक्खाणी, एवं जाव चउरिदिया, पंचिंदियतिरिक्ख० पुच्छा, गोयमा! पंचिंदियतिरिक्ख० नो सव्वमूलगुणपच्यक्खाणी देसमूलगुणपच्यक्खाणीवि अपच्यक्खाणीवि, मणुस्सा जहा जीवा, वाणमंतरजोइसियवेमाणिया जहा नेरइया, एएसिं णं भंते! जीवाणं सव्वमूलगुणपच्यक्खाणीणं देसमूलगुणपच्यक्खाणीणं अपच्यक्खाणीणं य कयरे २ हितो जाव विसेसाहिया वा?, गोयमा! सव्वत्थोवा जीवा सव्वमूलगुणपच्यक्खाणी देसमूलगुणपच्यक्खाणी असंखेजगुणा अपच्यक्खाणी अणंतगुणा, एवं अप्पाबहुगाणि तिन्निवि जहा पढभिल्लए दंडए, नवरं सव्वत्थोवा पंचिंदियतिरिक्खजोणिया

देसमूलगुणपच्चक्खाणी अपच्चक्खाणी असंखेज्जगुणा, जीवा णं भंते! किं सव्वुत्तरगुणपच्चक्खाणी देसुत्तरगुणपच्चक्खाणी अपच्चक्खाणी?, गोयमा! जीवा सव्वुत्तरगुणपच्चक्खाणीवि तिन्निवि, पंचिंदियतिरिक्खजोणिया मणुस्सा य एव चेव, सेसा अपच्चक्खाणी जाव वेमाणिया, एएसिं णं भंते! जीवाणं सव्वुत्तरगुणपच्चक्खाणी० अप्पाबहुणाणि तिन्निवि जहा पढमे दंडए जाव मणूसाणं, जीवा णं भंते! किं संजया असंजया संजयासंजया?, गोयमा! जीवा संजयावि तिन्निवि, एवं जहेव पन्नवणाए तहेव भाणियव्वं जाव वेमाणिया, अप्पाबहुगं तहेव तिण्हवि भाणियव्वं, जीवा णं भंते! किं पच्चक्खाणी अपच्चक्खाणी पच्चक्खाणा-पच्चक्खाणी?, गोयमा! जीवा पच्चक्खाणीवि एवं तिन्निवि, एवं मणुस्साणवि पंचिंदियतिरिक्खजोणिया आइल्लविरहिया, सेसा सव्वे अपच्चक्खाणी जाव वेमाणिया, एएसिं णं भंते! जीवाणं पच्चक्खाणीणं जाव विसेसाहिया वा?, गोयमा! सव्वथोवा जीवा पच्चक्खाणी पच्चक्खाणापच्चक्खाणी असंखेज्जगुणा अपच्चक्खाणी अणंतगुणा, पंचेदियतिरिक्खजोणिया० सव्वथोवा पच्चक्खाणापच्चक्खाणी अपच्चक्खाणी असंखेज्जगुणा, मणुस्सा० सव्वथोवा पच्चक्खाणी पच्चक्खाणापच्चक्खाणी संखेज्जगुणा अपच्चक्खाणी असंखेज्जगुणा ॥२७२॥

जीवा णं भंते किं सासया असासया?, गोयमा! जीवा सिय सासया सिय असासया, से केणट्ठेणं भंते! एवं वुच्चइ जीवा सिय सासया सिय असासया?, गोयमा! दव्वट्ठयाए सासया भावट्ठयाए असासया, से तेणट्ठेणं गोयमा! एवं वुच्चइ जाव सिय ॥ १० ७ ३०

३॥

रायगिहे नगरे जाव एवं वदासी कतिविहा णं भंते! संसारसमावन्नगा जीवा पं०?, गोयमा! छव्विहा संसारसमावन्नगा जीवा पं० तं०- पुढवीकाइया एवं जहा जीवाभिगमे जाव सम्भत्तकिरियं वा मिच्छत्तकिरियं वा। सेवं भंते! सेवं भंते! त्ति। जीवा छव्विहा पुढवी जीवाण ठिती भवद्धिती काए। निह्वेवण अणगारे किरिया सम्भत्तमिच्छत्ता ॥५५॥२८०॥ श० ७ ३० ४॥

रायगिहे जाव एवं वदासी खहयरपंचिंदियतिरिक्खजोणियाणं भंते! कतिविहे जोणीसंगहे पं०?, गोयमा! तिविहे जोणीसंगहे पं०तं०-अंडया पोयया संमुच्छिमा, एवं जहा जीवाभिगमे जाव नो चेव णं ते विमाणे वीतीवएज्जा, एवं महालया णं गोयमा! ते विमाणा पं०, जोणीसंगह लेसा दिट्ठी नाणे य जोग उवओगे। उववायठितिसमुग्घायचवणजातीकुलविहीओ ॥५६॥ सेवं भंते! सेवं भंते! त्ति ॥ २८१॥ श० ७ ३० ५॥

रायगिहे जाव एवं वदासी जीवे णं भंते! जे भविए नेरइएसु उववज्जित्तए से णं भंते! किं इहगए नेरइयाउयं पकरेति उववज्जमाणे नेरइयाउयं पकरेइ उववन्ने नेरइयाउयं पकरेइ?, गोयमा! इहगए नेरइयाउयं पकरेइ नो उववज्जमाणे नेर० नो उववन्ने नेरइयाउयं पकरेइ, एवं असुरकुमारेसुज्जि एवं जाव वेमाणिएसु, जीवे णं भंते! जे भविए नेरइएसु उववज्जित्तए से णं भंते! किं इहगए नेरइयाउयं पडिसंवेदेति उववज्जमाणे नेरइयाउयं पडिसंवेदेति उववन्ने नेरइयाउयं पडिसंवेदेति?, गोयमा! णेरइए णो इहगए नेरइयाउयं पडिसंवेदेइ

॥ श्रीभगवती सूत्र ॥

१११

पू. सागरजी म. संशोधित

उववज्जमाणे नेरइयाउयं पडिसंवेदेइ उववन्नेऽवि नेरइयाउयं पडिसंवेदेति, एवं जाव वेमाणिएसु, जीवे णं भंते! जे भविए नेरइएसु उववज्जित्तए से णं भंते! किं इहगए महावेदणे उववज्जमाणे महावेदणे उववन्ने महावेदणे?, गोयमा! इहगए सिय महावेयणे सिय अप्पवेदणे उववज्ज० सिय महा० सिय अप्प० अहेणं उववन्ने भवति तओ पच्छा एगंतदुक्खं वेयणं वेयेति आहच्च सायं०, जीवे णं भंते! जे भविए असुरकुमारेसु उववज्जित्तए, पुच्छा, गोयमा! इहगए सिय महावेदणे सिय अप्पवेदणे उववज्जमाणे सिय महावेदणे सिय अप्पवेदणे, अहे णं उववन्ने भवइ तओ पच्छा एगंतसायं वेयणं वेदेति आहच्च असायं०, एवं जाव थणियकुमारेसु, जीवे णं भंते! जे भविए पुढवीकाइएसु उववज्जित्तए पुच्छा, गोयमा! इहगए सिय महावेयणे सिय अप्पवेयणे, एवं उववज्जमाणेऽवि, अहे णं उववन्ने भवति तओ पच्छा वेमायाए वेयणं वेयेति एवं जाव षणुस्सेसु, वाणमंतरजोइसियवेमाणिएसु जहा असुरकुमारेसु ॥२८२॥ जीवा णं भंते! किं आभोगनिव्वत्तियाउया अणाभोगनिव्वत्तियाउया?, गोयमा! नो आभोगनिव्वत्तियाउया अणाभोगनि-व्वत्तियाउया, एवं नेरइयावि, एवं जाव वेमाणिया ॥ २८३ ॥ अत्थि णं भंते! जीवाणं कक्कसवेयणिजा कम्मा कज्जंति?, हंता अत्थि, कहन्नं भंते! जीवाणं कक्कसवेयणिजा कम्मा कज्जंति?, गोयमा! पाणाइवाएणं जाव भिच्छादंसणसल्लेणं, एवं खलु गोयमा! जीवाणं कक्कसवेयणिजा कम्मा, कज्जंति अत्थि णं भंते! नेरइयाणं कक्कसवेयणिजा कम्मा कज्जंति०? एवं चेव, एवं जाव वेमाणियाणं, अत्थि णं भंते! जीवाणं अकक्कसवेयणिजा कम्मा कज्जंति?, हंता अत्थि, कहन्नं भंते! अकक्कसवेयणिजा कम्मा कज्जंति?, गोयमा! पाणाइवायवेरमणेणं

जाव परिग्गहवेरमणेणं कोहविवेगेणं जाव भिच्छादंसणसत्त्वविवेगेणं, एवं खलु गोयमा! जीवाणं अकक्कसवेयणिज्जा कम्मा कज्जंति, अत्थि णं भंते, नेरइयाणं अकक्कसवेयणिज्जा कम्मा कज्जंति?, गोयमा! णो तिण्ठे समट्ठे, एवं जाव वेमाणिया, नवरं मणुस्साणं जहा जीवाणं ॥ २८४ ॥ अत्थि णं भंते! जीवाणं सायावेयणिज्जा कम्मा कज्जंति?, हंता अत्थि, कहन्नं भंते! जीवाणं सातावेयणिज्जा कम्मा कज्जंति?, गोयमा! पाणाणुकंपाए भूयाणुकंपाए जीवाणुकंपाए सत्ताणुकंपाए बहूणं पाणाणं जाव सत्ताणं अदुक्खणयाए असोयणयाए अजूरणयाए अतिप्पणयाए अपिट्ठणयाए अपरियावणयाए एवं खलु गोयमा! जीवाणं सायावेयणिज्जा कम्मा कज्जंति, एवं नेरइयाणवि, एवं जाव वेमाणियाणं, अत्थि णं भंते! जीवाणं असायावेयणिज्जा कम्मा कज्जंति?, हंता अत्थि, कहन्नं भंते! जीवाणं असायावेयणिज्जा कम्मा कज्जंति? गोयमा! परदुक्खणयाए परसोयणयाए परजूरणयाए परतिप्पणयाए परपिट्ठणयाए परपरियावणयाए बहुणं पाणाणं जाव सत्ताणं दुक्खणयाए सोयणयाए जाव परियावणयाए एवं खलु गोयमा! जीवाणं असायावेयणिज्जा कम्मा कज्जंति, एवं नेरइयाणवि, एवं जाव वेमाणियाणं ॥ २८५ ॥ जंबुदीवे णं भंते! दीवे भारहे वासे इभीसे ओसप्पिणीए दूसमदूसमाए समाए उत्तमकट्ठपत्ताए भरहस्स वासस्स केरिसए आगारभावपडोयारे भविस्सति?, गोयमा! कालो भविस्सइ हाहाभूए भंभाभूए कोलाहलब्भूए समयाणुभावेण य णं खरफरुसधूलिमइला दुव्विसहा वाउला, भयंकरा वाया संवट्ठगा य वाइंति, इह अभिक्खणं धूमाइंति य दिसा समंता रउस्सला रेणुकलुसतमपडलनिरालोगा समयलुक्खयाए य णं अहियं चंदा सीयं मोच्छंति अहियं सूरिया तवइस्संति अदुत्तरं च णं अभिक्खणं

बहवे अरसमेहा विरसमेहा खारमेहा खट्टमेहा अगिमेहा विज्जुमेहा विसमेहा असणिमेहा अपिबणिज्जोदगा वाहिरोगवेदणोदीरणा-  
 परिणामसलिला अमणुन्नपाणियगा चंडानिलपहयतिक्खधारा निवायपउरं वासं वासिंहिति, जे णं भारहे वासे गामागरनगरखेडकब्बडमडंब-  
 दोणमुहपट्टणासमगयं जणवयं चउप्पयगवेलेए खहयरे य पक्खिसंघे गामारत्तपयारनिगा तसे य पाणे बहुप्पगारे रुक्खगुच्छगुम्भलथवलि-  
 तणपव्वगहरितोसपहिपवालंकरमादीए य तणवणस्सइकाइए विद्धंसेहिति पव्वयगिरिडोंगर ( ५० ज्झंगरु ) उच्छलभट्टिमादीए  
 वेयड्डगिरिवज्जे विरावेहिति सलिलबिलगडदुग्गविसमं निणणुन्नयाइं च गंगासिंधुवज्जाइं समीकरेहिति, तीसे णं भंते! समाए भरहवासस्स  
 भूमीए केरिसए आगारभावपडोयारे भविस्सति?, गोयमा! भूमी भविस्सति इंगालब्भूया भुम्भुरभूया छारियभूया तत्तकवेल्लयभूया  
 तत्तसमजोतिभूया धूलिबहुला रेणुबहुला पंकबहुला पणगबहुला चलणिबहुला बहूणं धरणिगोयराणं सत्ताणं दोनिक्कमा याति भविस्सति  
 ॥ २८६ ॥ तीसे णं भंते! समाए भारहे वासे मणुयाणं केरिसए आगारभावपडोयारे भविस्सति?, गोयमा! मणुया भविस्सति दुरुवा  
 दुवन्ना दुगंधा दुरसा दुफासा अणिट्ठा अकंता जाव अमणामा हीणस्सरा दीणस्सरा अणिट्ठस्सरा जाव अमणामसरा  
 अणादेज्जवयणपच्चायाया निल्लज्जा कूडकवडकलहवहबंधवेरनिरया मज्जायातिक्कमप्पहाणा अकज्जनिच्चुज्जता गुरुनियोयविणयरहिया  
 य विकलरुवा परुढनहकेसमंसुरोमा काला खरफरुसझामवन्ना फुट्टिसिरा कविलपलियकेसा बहुण्हारुणिसंपिनद्धदुइंसणिज्जरुवा  
 संकुडियवलीतरंगपरिवेढियंगमंगा जरापरिणतव्व थेरगनरा पविरलपरिसडियदंतसेढी उब्भडघडदाढामुहा विसमनयणा वंकनासा

वंकगवलीविगयभेसणमुहा कच्छकसराभिभूया खरतिक्खनखकंडूइयविक्खयतणू ददुकिडिभसिंझफुडियफरुसच्छवी चित्तलंगा  
 टोलागती विसमसंधिबंधणा उक्कुडुअट्टिगविभत्तदुब्बलकुसंधयणकुप्पमाणकुसंठिया कुरुवा कुठाणासणा कुसेजा कुभोइणो असुइणो  
 अणेगवाहिपरिपीलियंगमंगा खलंतवेज्झ ( ५० भ्म )लगती निरुच्छाहा सत्तपरिवज्जिया वियगचिट्ठा नट्टतेया अभिक्खणं सीयउण्हखर-  
 फरुसवायविज्झडिया मलिणपंसुरयगुंडियंगमंगा बहुकोहमाणमाया बहुलोभा असुहदुक्खभोगी ओसन्नं धम्मसण्णसम्मत्तपरिब्भट्ठा  
 उक्कोसेणं रयणिप्पमाणमेत्ता सोलसवीसतिवासपरमाउसो पुत्तनत्तुपरियालपणयबहुला गंगासिंधूओ महानदीओ वेयड्डं च पव्वयं निस्साए  
 बावत्तरि निओदा बीयं बीयमेत्ता बिलवासिणो भविस्संति, ते णं भंते! मणुया किमाहारमाहारेति?, गोयमा! तेणं कालेणं० गंगासिंधूओ  
 महानदीओ रहपहवित्थराओ अक्खसोयप्पमाणमेत्तं जलं वोज्झिहंति, सेऽवि य णं जले बोहुमच्छकच्छभाइन्ने णो चेव णं आउयबहुले  
 भविस्सति, तए णं ते मणुया सूरुग्गमणमुहुत्तंसि य सूरत्थमणमुहुत्तंसि य बिलेहंतो २ निद्धाइत्ता मच्छकच्छभे थलइं गाहेहंति  
 सीयायवत्तएहिं मच्छकच्छभेहिं एक्कवीसं वाससहस्साइं वित्तिं कप्पेमाणा विहरिस्संति, ते णं भंते! मणुया निस्सीला निग्गुणा निस्संगा  
 निम्मेरा निप्पच्चक्खाणपोसहोववासा ओसण्णं मंसाहारा मच्छाहारा खोदाहारा कुणिमाहारा कालमासे कालं किच्चा कहिं गच्छिहंति  
 कहिं उव्वज्जिहंति?, गोयमा! ओसन्नं नरगतिरिक्खजोणिएसु उव्वज्जिहंति ते णं भंते! सीहा वग्घा वगा दीविथा अच्छा तरच्छा  
 परस्सरा निस्सीला तहेव जाव कहिं उव्वज्जिहंति?, गोयमा! ओसन्नं नरगतिरिक्खजोणिएसु० उव्वज्जिहंति, ते णं भंते! ढंका कंका



विकला महुगा सीही निस्सीला तहेव जाव ओसन्नं नरगतिरिक्खजोणिएसु० उववज्जिहिंति । सेवं भंते! सेवं भंते! त्ति ॥ २८७ ॥ श० ७

३० ६ ॥

संवुडस्स णं भंते! अणगारस्स आउत्तं गच्छमाणस्स जाव आउत्तं वत्थं पडिग्गहं कंबलं पायपुंछणं गेण्हमाणस्स वा निक्खिक्खमाणस्स वा तस्स णं भंते! किं ईरियावहिया किरिया कज्जइ संपराइया किरिया कज्जइ?, गोयमा! संवुडस्स णं अणगारस्स जाव तस्स णं ईरियावहिया किरिया कज्जइ णो संपराइया किरिया कज्जइ, से केणट्ठेणं भंते! एवं वुच्चइ संवुडस्स णं जाव णो संपराइया किरिया कज्जइ?, गोयमा! जस्स णं कोहमाणमायालोभा वोच्छिन्ना भवन्ति तस्स णं ईरियावहिया किरिया कज्जइ तहेव जाव उस्सुत्तं रीयमाणस्स संपराइया किरिया कज्जइ से णं अहासुत्तमेव रीयइ, से तेणट्ठेणं गोयमा! जाव नो संपराइया किरिया कज्जइ ॥ २८८ ॥ रूवी भंते! कामा अरूवी कामा?, गोयमा! रूवी कामा समणाउसो! नो अरूवी कामा, सचित्ता भंते! कामा अचित्ता कामा?, गोयमा! सचित्तावि कामा अचित्तावि कामा, जीवा भंते! कामा अजीवा कामा?, गोयमा! जीवावि कामा अजीवावि कामा, जीवाणं भंते! कामा अजीवाणं कामा?, गोयमा! जीवाणं कामा नो अजीवाणं कामा, कतिविहा णं भंते! कामा पं०?, गोयमा! दुविहा कामा पं० तं०- सद्दा य रूवा य, रूवी भंते! भोगा अरूवी भोगा?, गोयमा! रूवी भोगा नो अरूवी भोगा, सचित्ता भंते! भोगा अचित्ता भोगा?, गोयमा! सचित्तावि भोगा अचित्तावि भोगा, जीवा णं भंते! भोगा० पुच्छा, गोयमा! जीवावि भोगा अजीवावि भोगा, जीवाणं भंते! भोगा अजीवाणं

॥ श्रीभगवती सूत्र ॥

२०४

पू. सागरजी म. संशोधित

भोगा?, गोयमा! जीवाणं भोगा नो अजीवाणं भोगा, कतिविहा णं भंते! भोगा पं०?, गोयमा ति विहा भोगा पं० तं० गंधा रसा फासा, कतिविहा णं भंते! कामभोगा पं०? गोयमा! पंचविहा कामभोगा पं० तं०-सदा रूवा गंधा रसा फासा, जीवा णं भंते! किं कामी भोगी?, गोयमा! जीवा कामीवि भोगीवि, से केणट्ठेणं भंते! एवं वुच्चइ जीवा कामीवि भोगीवि?, गोयमा! सोइंदियचक्खिंदियाइं पडुच्च कामी घाणिंदियजिब्भिंदियफासिंदियाइं पडुच्च भोगी, से तेणट्ठेणं गोयमा! जाव भोगीवि, नेरइया णं भंते! किं कामी भोगी?, एवं चेव, एवं जाव थणियकुमारा, पुढवीकाइयाणं पुच्छा, गोयमा! पुढवीकाइया नो कामी भोगी, से केणट्ठेणं जाव भोगी? गोयमा! फासिंदियं पडुच्च, से तेणट्ठेणं जाव भोगी, एवं जाव वणस्सइकाइया, बेइंदिया एवं चेव नवरं जिब्भिंदियफासिंदियाइं पडुच्च, तेइंदियावि एवं चेव नवरं घाणिंदियजिब्भिंदियफासिंदियाइं पडुच्च, चउरिदियाणं पुच्छा गोयमा! चउरिदिया कामीवि भोगीवि, से केणट्ठेणं जाव भोगीवि?, गोयमा! चक्खिंदियं पडुच्च कामी घाणिंदियजिब्भिंदियफासिंदियाइं पडुच्च भोगी से तेणट्ठेणं जाव भोगीवि, अवसेसा जहा जीवा जाव वेमाणिया, एएसिं णं भंते! जीवाणं कामभोगीणं नोकामीणं नोभोगीणं भोगीण य कयरे कयरेहिं तो जाव विसेसाहिया वा?, गोयमा! सव्वत्थोवा जीवा कामभोगी नोकामीनोभोगी अणंतगुणा भोगी अणंतगुणा ॥ २८९ ॥ छउमत्थे णं भंते! मणूसे जे भविए अन्नयरेसु देवलोएसु देवत्ताए उववज्जित्तए से नूणं भंते! से खीणभोगी नो पभू उट्ठाणेणं कम्मेणं बलेणं वीरिएणं पुरिसक्कारपरक्कमेणं विउलाइं भोगभोगाइं भुंजमाणे विहरन्तिए?, से नूणं भंते! एयमट्ठं एवं वयह?, गोयमा! णो इणट्ठे समट्ठे, पभू णं से

उट्ठाणेणवि कम्भेणवि बलेणवि वीरिएणवि पुरुसक्कारपरक्कमेणवि अन्नयराइं विपुलाइं भोगभागाइं भुंजमाणे विहरित्तए, तम्हा भोगी भोगे परिच्चयमाणे महानिज्जे महापज्जवसाणे भवइ, आहोहिए णं भंते! मणुस्से जे भविए अन्नयरेसु देवलोएसु एवं चेव जहा छउमत्थे जाव महापज्जवसाणे भवति, परमाहोहिए णं भंते! मणुस्से जे भविए तेणेव भवग्गहणेणं सिञ्जित्तए जाव अंतं करेत्तए से नूणं भंते! से खीणभोगी सेसं जहा छउमत्थस्स, केवली णं भंते! मणुस्से जे भविए तेणेव भवग्गहणेणं एवं जहा परमाहोहिए जाव महापज्जवसाणे भवइ ॥ २९० ॥ जे इमे भंते! असन्निणो पाणा तं-पुढवीकाइया जाव वणस्सइकाइया छट्ठा य एगतिथा तसा, एए णं अंधा भूढा त्थमंपविट्ठा तमपडलमोहजालपडिच्छण्णा अकामनिकरणं वेदणं वेदंतीति वत्तव्वं सिया?, हंता गोयमा! जे इमे असन्निणो पाणा जाव पुढवीकाइया जाव वणस्सइकाइया छट्ठा य जाव वेदणं वेदंतीति वत्तव्वं सिया, अत्थि णं भंते! पभूवि अकामनिकरणं वेदणं वेदंति?, हंता गोयमा! अत्थि, कहन्नं भंते! पभूवि अकामनिकरणं वेदणं वेदंति?, गोयमा! जे णं णो पभू विणा दीवेणं अंधकारंसि रुवाइं पासित्तए जे णं नो पभू पुरुओ रुवाइं अणिञ्जाइत्ताणं पासित्तए जे णं नो पभू मग्गओ रुवाइं अणवयक्खित्ताणं पासित्तए जे णं नो पभू पासओ रुवाइं अणालोइत्ताणं पासित्तए जे णं नो पभू उट्ठं रुवाइं अणालोएत्ताणं पासित्तए जे णं नो पभू अहे रुवाइं अणालोयएत्ताणं पासित्तए एस णं गोयमा! पभूवि अकामनिकरणं वेदणं वेदंति, अत्थि णं भंते! पभूवि पकामनिकरणं वेदणं वेदंति?, हंता अत्थि, कहन्नं भंते! पभूवि पकामनिकरणं वेदणं वेदंति?, गोयमा! जे णं नो पभू समुद्दस्स पारं गमित्तए जे णं नो पभू समुद्दस्स पारगयाइं रुवाइं

पासित्तए जे णं नो पभू देवलोगं गमित्तए जे णं नो पभू देवलोगगयाइं रूवाइं पासित्तए एस णं गोयमा! पभूवि पकामनिकरणं वेदणं वेदेति। सेवं भंते! सेवं भंते! त्ति ॥ २९१ ॥ श० ७ ३० ७ ॥

छउमत्थे णं भंते! मणूसे तीयमणंतं सासयं समयं केवलेणं संजमेणं एवं जहा पढमसए चउत्थे उद्देसए तहा भाणियव्वं जाव अलमत्थु ॥ २९२ ॥ से णूणं भंते! हत्थिस्स य कुंथुस्स य समे चेव जीवे?, हंता गोयमा! हत्थिस्स य कुंथुस्स य०, एवं जहा रायप्पसेणइज्जे जाव खुड्डियं वा महालियं वा से तेणट्ठेणं गोयमा! जाव समे चेव जीवे ॥ २९३ ॥ नेरइयाणं भंते! पावे कम्मे जे य कडे जे य कज्जइ जे य कज्जिस्सइ सव्वे से दुक्खे जे निज्जिन्ने से सुहे?, हंता गोयमा! नेरइयाणं पावे कम्मे जाव सुहे, एवं जाव वेमाणियाणं ॥ २९४ ॥ कति णं भंते! सन्नाओ पं०, गोयमा! दस सन्नाओ पं० तं० आहारसन्ना भयसन्ना मेहुणसन्ना परिग्गहसन्ना कोहसन्ना माणसन्ना मायासन्ना लोभसन्ना लोगसन्ना ओहसन्ना, एवं जाव वेमाणियाणं, नेरइया दसविहं वेयणं पच्चणुभवमाणा विहरंति, तं०- सीयं उप्पिणं खुहं पिवासं कंडुं परज्झं जरं दाहं भयं सोगं ॥ २९५ ॥ से नूणं भंते! हत्थिस्स य कुंथुस्स य समा चेव अपच्चक्खाणकिरिया कज्जति?, हंता गोयमा! हत्थिस्स य कुंथुस्स य जाव कज्जति, से केणट्ठेणं भंते! एवं वुच्चइ जाव कज्जइ?, गोयमा! अविरतिं पडुच्च, से तेणट्ठेणं जाव कज्जइ ॥ २९६ ॥ आहाकम्मणं भंते! भुंजमाणे किं बंधइ किं पकरेइ किं चिणाइ किं उवचिणाइ?, एवं जहा पढमे सए नवमे उद्देसए तहा भाणियव्वं जाव सासए पंडिए पंडियत्तं असासयं। सेवं भंते! सेवं भंते! त्ति ॥ २९७ ॥ श० ७ ३० ८ ॥

॥ श्रीभगवती सूत्र ॥

२०७

पू. सागरजी म. संशोधित

असंवुडे णं भंते! अणगारे बाहिरए पोग्गले अपरियाइत्ता पभू एगवन्नं एगरुवं विउव्वित्तए?, णो तिण्ढे सम्भे, असंवुडे णं भंते! अणगारे बाहिरए पोग्गले परियाइत्ता पभू एगवन्नं एगरुवं जाव हंता पभू, से भंते! किं इहगए पोग्गले परियाइत्ता विउव्वइ तत्थगए पोग्गले परियाइत्ता विउव्वति अन्नत्थगए पोग्गले परियाइत्ता विकुव्वइ?, गोयभा! इहगए पोग्गले परियाइत्ता विकुव्वइ नो तत्थगए पोग्गले परियाइत्ता विकुव्वइ नो अन्नत्थगए पोग्गले जाव विकुव्वति, एवं एगवन्नं अणेगरुवं चउभंगो जहा छट्ठसए नवमे उद्देसए तहा इहावि भाणियव्वं नवरं अणगारे इहगयं इहगए चेव पोग्गले परियाइत्ता विकुव्वइ, सेसं तं चेव जाव लुक्खपोग्गलं निब्बपोग्गलत्ताए परिणामेत्तए?, हंता पभू, से भंते! किं इहगए पोग्गले परियाइत्ता जाव नो अन्नत्थगए पोग्गले परियाइत्ता विकुव्वइ ॥ २१८ ॥ णायमेयं अरहया सुयमेयं अरहया वित्रायमेवं अरहया महासिलाकंटए संगामे २, महासिलाकंटए णं भंते! संगामे वट्टमाणो के जइत्था के पराजइत्था?, गोयभा! वज्जी विदेहपुत्ते जइत्था, नव मल्लई नव लेच्छई कासीकोसलगा अट्टारसवि गणरायाणो पराजइत्था, तए णं से कोणिए राया महासिलाकंटकं संगामं उवट्ठियं जाणित्ता कोडुंबियपुरिसे सदावेइ त्ता एवं वयासी खिप्पामेव भो देवाणुप्पिया! उदाइं हत्थिरायं पडिकप्पेह हयगयरहजोहकलियं चाअंगिणिं सेण्णं सन्नाहेह त्ता मम एयमाणत्तियं खिप्पामेव पच्चप्पिणह, तए णं ते कोडुंबियपुरिसा कोणिएणं रत्ता एवं वुत्ता समाणा हट्ठतुट्ठ जाव अंजलिं कट्ठु एवं सामी! तहत्ति आणाए विणएणं वयणं पडिसुणंति त्ता खिप्पामेव छेयायरियोवएसमतिकप्पणाविकप्पेहिं सुनिउणेहिं एवं जहा उववाइए जाव भीमं संगामियं अउज्झं उदाइं हत्थिरायं

पडिकर्षेति हयगय जाव सन्नाहेति ता जेणेव कूणिए राया तेणेव उवागच्छन्ति ता करयल० कूणियस्स रन्नो तमाणत्तिथं पच्चप्पिणंति, तए णं से कूणिए राया जेणेव मज्जणधरे तेणेव उवागच्छइ ता मज्जणधरं अणुपविसइ ता ण्हाए कयबलिकम्मे कयकोउथमंगलपायच्छित्ते सव्वालंकारविभूसिए सन्नद्धबद्धवम्मियकवए उप्पीलियसरासणपट्टिए पिणद्धगेवेज्जे विमलवरबद्धचिंधपट्टे गहियाउहप्पहरणे सकोरिटफल्लदामेणं छत्तेणं धरिजमाणेणं चउचाभरवालवीतिथंगे मंगलजयसद्दकयालोए एवं जहा उववाइए जाव उवागच्छित्ता उदाइं हत्थिरायं दुरुढे, तए णं से कूणिए राया ( प्र०यवरिंदे ) हारोत्थयसुकयरइयवच्छे जहा उववाइए जाव सेयवरचाभराहिं अद्धुव्वमाणीहिं २ हयगयरहपवरजोहकलियाए चाउरंगिणीए सेणाए सद्धिं संपरिवुडे महया भडचडगरविंदपरिक्खित्ते जेणेव महासिलाकंटए संगामे तेणेव उवागच्छइ ता महासिलाकंटयं संगामं ओयाए, पुरओ य से सक्के देविंदे देवराया एगं महं अभेज्जं कवयं वइपडिरुवगं विउव्वित्ताणं चिद्धति, एवं खलु दो इंदा संगामं संगामेति, तं०-देविंदे व मणुइंदे य, एगहत्थिणावि णं पभू कूणिए राया पराजिणित्तए, तए णं से कूणिए राया महासिलाकंटकं संगामं संगामेमाणे नव मल्लई नव लेच्छई कासीकोसलगा अट्टारसवि गणरायाणो हयमहियपवर-वीरघाइयवियडियचिंधद्धयपडागे किंच्छपाणगए दिसोदिसिं पडिसेहित्था, से केणट्टेणं भंते! एवं वुच्चइ महासिलाकंटए संगामे? २, गोयमा! महासिलाकंटए णं संगामे वट्टमाणे जे तत्थ आसे वा हत्थी वा जोहे वा सारही वा तणेण वा पत्तेण वा कट्टेण वा सक्कराए वा अभिहम्भति सव्वे से जाणइ महासिलाए अहं अभिहए २, से तेणट्टेणं गोयमा! महासिलाकंटए संगामे २, महासिलाकंटए णं भंते!

॥ श्रीभगवती सूत्रं ॥

२०९

पू. सागरजी म. संशोधित

संगामे वट्टमाणे कति जणसयसाहस्सीओ वहियाओ?, गोयमा! चउरासीई जणसयसाहस्सीओ वहियाओ, ते णं भंते! मणुया निस्सीला जाव निपच्चक्खाणपोसहोववासा रुढा परिकुविया सभरवहिया अणुवसंता कालमासे कालं किच्चा कहिं गया कहिं उववन्ना?, गोयमा! ओसन्नं नरगतिरिक्खजोणिएसु० उववन्ना ॥ २९९ ॥ णायमेयं अरहया सुयमेयं अरहया विन्नामेयं अरहया रहमुसले संगामे, रहमुसले णं भंते! संगामे वट्टमाणे के जइत्था के पराजइत्था?, गोयमा! वज्जी विदेहपुत्ते चमरे असुरिदे असुरकुमारराया जइत्था नव मल्लई नव लेच्छई पराजइत्था, तए णं से कूणिए राया रहमुसलं संगामं उवड्डियं सेसं जहा महासिलाकंटए नवरं भूयाणंदे हत्थिराया जाव रहमुसलसंगामं ओयाए, पुरओ य से सक्के देविंदे देवराया. एवं तहेव जाव चिद्धंति, मग्गओ य से चमरे असुरिदे असुरकुमारराया एगं महं आयासं किढिणपडिरुवगं विउच्चित्ताणं चिद्धइ, एवं खलु तओ इंदा संगामं संगामेति, तं०-देविंदे य मणुइंदे य असुरिदे य, एगहत्थिणावि णं पभू कूणिए राया जइत्तए तहेव जाव दिसोदिसिं पडिसेहित्था, से केणट्टेणं भंते! रहमुसले संगामे २?, गोयमा! रहमुसले णं संगामे वट्टमाणे एगे रहे अणासए, असारहिए, अणारोहए समुसले महया जणक्खयं जणवहं जणप्पमहं जणसंवट्टकप्पं रुहिरकदमं करेमाणे सव्वओ सभंता परिधावित्था से तेणट्टेणं जाव रहमुसले संगामे, रहमुसले णं भंते! संगामे वट्टमाणे कति जणसयसाहस्सीओ वहियाओ?, गोयमा! छत्रउती जणसयसाहस्सीओ वहियाओ, ते णं भंते! मणुया निस्सीला जाव उववन्ना?, गोयमा! तत्थ णं दस साहस्सीओ एगाए मच्छीए कुच्छिसि उववन्नाओ, एगे देवलोगेसु उववन्ने, एगे सुकुले पच्चायाए, अवसेसा ओसन्नं नरगतिरिक्खजोणिएसु उववन्ना ॥

३०० ॥ कम्हा णं भंते! सक्के देविंदे देवराया चमरे य असुरिंदे असुरकुमारराया कूणियस्स रत्तो साहेज्जं दलइत्था? गोयमा! सक्के देविंदे देवराया पुव्वसंगतिए चमरे असुरिंदे असुरकुमारराया परियायसंगतिए, एवं खलु गोयमा! सक्के देविंदे देवराया चमरे य असुरिंदे असुरकुमारराया कूणियस्स रत्तो साहिज्जं दलइत्था ॥ ३०१ ॥ बहुजणे णं भंते! अन्नमन्नस्स एवमाइक्खति जाव परुवेति एवं खलु बहवे मणुस्सा अन्नयरेसु उच्चावएसु संगामेसु अभिमुहा ( प्र० हया ) चेव पहया समाणा कालमासे कालं किच्चा अन्नयरेसु देवलोएसु देवत्ताए उववत्तारो भवन्ति, से कहमेयं भंते! एवं?, गोयमा! जणं से बहुजणो अन्नमन्नस्स एं आइक्खति जाव उववत्तारो भवन्ति जे ते एवमाहंसु मिच्छंते एवमाहंसु, अहं पुण गोयमा! एवमाइक्खामि जाव परुवेमि एवं खलु गोयमा! तेणं कालेणं० वेसाली नामं नगरी होत्था, वण्णओ, तत्थं णं वेसालीए णगरीए वरुणे नामं णागनत्तुए परिवसइ अट्ठे जाव अपरिभूए समणोवासए अभिगयजीवाजीवे जाव पडिलाभेमाणे छट्ठंछट्ठेणं अनिक्खित्तेणं तवोकम्पेणं अप्पाणं भावेमाणे विहरति, तए णं से वरुणे णागनत्तुए अन्नया कयाइ रायाभिओगेणं गणाभि० बलाभियोगेणं रहमुसले संगामे आणत्ते समाणे छट्ठभत्तिए अट्ठमभत्तं अणुवट्ठेति कोडुंबियपुरिसे सदावेइ ता एवं वदासी खिप्पामेव भो देवाणुप्पिया! चाउर्घटं आसरहं जुत्तामेव उवट्ठावेह हयगयरहपवर जाव सन्नाहेता मम एयमाणत्तिथं पच्चप्पिणह, तए णं ते कोडुंबियपुरिसा जाव पडिसुणेत्ता खिप्पामेव सच्छत्तं सज्झयं जाव उवट्ठावेति हयगयरह जाव सत्ताहेति ता जेणेव वरुणे नागनत्तुए जाव पच्चप्पिणंति, तए णं से वरुणे नागनत्तुए जेणेव मज्जणधरे तेणेव उवागच्छति जहा कूणिओ जाव



पायच्छित्ते सव्वालंकारविभूतीसए सन्नद्धबद्धे सकोरेंटमल्लदामेणं जाव धरिज्ज माणेणं अणेगणनायग जाव दूयसंधिपाल सद्धिं संपरिवुडे मज्जणधराओ पडिनिक्खमति ता जेणेव बाहिरिया उवट्टाणसाला जेणेव चाउग्घंटे आसरहे तेणेव उवागच्छइ ता चाउग्घंटे आसरहं दुरुहइ ता हयगथरह जाव संपरिवुडे महया भडचडगर जाव परिक्खित्ते जेणेव रहमुसले संगामे तेणेव उवागच्छइ ता रहमुसलं संगामं ओयाओ, तए णं से वरुणे णागणत्तुए रहमुसलं संगामं ओयाए समाणे अथमेयारुवं अभिगहं अभिगिणहइ कप्पति मे रहमुसलं संगामं संगामेमाणस्स जे पुब्बिं पहणइ से पडिहणित्तए, अवसेसे नो कप्पतीति, अयमेयारुवं० अभिगेणहइ ता रहमुसलं संगामं संगामेति, तए णं तस्स वरुणस्स नागनत्तुयस्स रहमुसलं संगामं संगामेमाणस्स एगे पुरिसे सरिसए सरिसत्तए सरिसव्वए सरिसभंडमत्तोवगरणे रहेणं पडिरहं हव्वमाणए, तए णं से पुरिसे वरुणं णागणत्तुयं एवं वयासी पहण भो वरुणा णागणत्तुया! २, तए णं से वरुणे णागणत्तुए तं पुरिसं एवं वदासी नो खलु मे कप्पइ देवाणुप्पिया! पुब्बिं अहयस्स पहणित्तए, तुमं चेव णं पुब्बं पहणाहि, तए णं से पुरिसे वरुणेण णागणत्तुएणं एवं वुत्ते समाणे आसुरुत्ते जाव भिसिभिसेमाणे धणुं परामुसइ ता उसुं परामुसइ ता ठाणं ठाति ता आयथकन्नाययं उसुं करेइ ता वरुणं णागणत्तुयं गाढप्पहारीकरेइ, तए णं से वरुणे णागणत्तुए तेणं पुरिसेणं गाढप्पहारीकए समाणे आसुरुत्ते जाव भिसिभिसेमाणे धणुं परामुसइ ता उसुं परामुसइ ता आयथकन्नाययं उसुं करेइ ता तं पुरिसं एगाहच्चं कूडाहच्चं जीवियाओ ववरोवइ, तए से वरुणे णागणत्तुए तेणं पुरिसेणं गाढप्पहारीकए समाणे अत्थामे अबले अवीरिए अपुरिसक्कारपरक्कमे अधारणिज्जमितिकडु तुरए

निगिण्हइ ता रहं परावत्तेइ च रहमुसलाओ संगामाओ पडिनिक्खमति ता एगंतमंतं अवक्कमइ ता तुरए निगिण्हइ ता रहं ठवेइ ता  
 रहाओ पच्चोरुहइ ता रह्हाओ तुरए मोएइ ता तुरए विसज्जेइ ता दब्भसंथारगं संथरइ ता पुरच्छाभिमुहे दुरुहइ ता पुरच्छाभिमुहे  
 संपलियंकनिसन्ने करयत्ता जाव कट्ठु एवं वयासी नमोऽत्थु णं अरिहंताणं जाव संपत्ताणं नमोऽत्थु णं समणस्स भगवओ महावीरस्स  
 आइगरस्स जाव संपाविउकामस्स मम धम्मारियस्स धम्मोवदेसगस्स, वंदामि णं भगवन्तं तत्थगयं इहगए, पासउ मे से भगवं तत्थगए  
 जाव वंदति नमंसति ता एवं वयासी पुच्चिंपि णं मए समणस्स भगवओ महावीरस्स अंतिए थूलए पाणातिवाए पच्चक्खाए जावजीवाए  
 एवं जाव थूलए परिग्गहे पच्चक्खाए जावजीवाए, इयणिंपिय णं अरिहंतस्स भगवओ महावीरस्स अंतियं सव्वं पाणातिवायं पच्चक्खाभि  
 जावजीवाए एवं जहा खंदओ जाव एयंपि णं चरमेहिं ऊसासनीसासेहिं वोसिरामित्तिकट्ठु सन्नाहपट्टं मुयइ ता सल्लुद्धरणं करेति ता  
 आलोइयपंडिकंते समाहिपत्ते आणुपुव्वीए कालगए, तए णं तस्स वरुणस्स णागनत्तुयस्स एगे पियबालवयंसए रहमुसलं संगामं  
 संगामेमाणे एगेणं पुरिसेणं गाढप्पहारीकए समाणए अत्थामे अबले जाव अधारणिज्जभित्तिकट्ठु वरुणं णागनत्तुयं रहमुसलओ संगामाओ  
 पडिनिक्खममाणं पासइ ता तुरए निगेण्हइ ता जहा वरुणे जाव तुरए विसज्जेति ता पडसंथारगं दुरुहइ ता पुरत्थाभिमुहे जाव अंजलिं  
 कट्ठु एवं वयासी जाइं णं भंते! मम पियबालवयस्सस्स वरुणस्स नागनत्तुयस्स सीलाइं वयाइं गुणाइं वेरयणाइं पच्चक्खाणपोसहोववासाइं  
 ताइं णं ममंपि भवंतुत्तिकट्ठु सन्नाहपट्टं मुयइ ता सल्लुद्धरणं करेति ता आणुपुव्वीए कालगए, तण णं तं वरुणं णागणत्तुयं कालगयं

जाणिता अहासन्निहिहिं वाणमंतरेहिं देवेहिं दिव्वे सुरभिगंधोदगवासे वुट्टे दसद्धवन्ने कुसुमे निवाडिए दिव्वे य गीयगंधव्वनिनादे कए यावि होत्था, तए णं तस्स वरुणस्स णागनत्तुयस्सं तं दिव्वं देविट्ठिं दिव्वं देवज्जुतिं दिव्वं देवाणुभागं सुणिता य पासिता य बहुजणो अन्नमन्नस्स एवमाइक्खइ जाव परूवेति एवं खलु देवाणुप्पिया! बहवे मणुस्सा जाव उववत्तारो भवन्ति ॥ ३०२ ॥ वरुणे णं भन्ते! नागनत्तुए कालमासे कालं किच्चा कहिं गए कहिं उववन्ने?, गोयमा! सोहम्मे कप्पे अरुणाभे विमाणे देवत्ताए उववत्ते, तत्थ णं अत्थेगतिथाणं देवाणं चत्तारि पलिओवमाणि तिती पं०, तत्थ णं वरुणस्सवि देवस्स चत्तारि पलिओवमाइं तिती पं०, से णं भन्ते! वरुणे देवे ताओ देवलोगाओ आउक्खएणं भवक्खएणं तिइक्खएणं जाव महाविदेहे वासे सिञ्झिहिति०, वरुणस्स णं भन्ते! णागणत्तुयस्सपियबालवयंसए कालमासे कालं किच्चा कहिं गए कहिं उववन्ने?, गोयमा! सुकुले पच्चायाते, से णं भन्ते! तओहितो अणंतं उव्वट्ठिता कहिं गच्छिहिति अहिं उववज्जहिति?, गोयमा! महाविदेहे वासे सिञ्झिहिति०। सेवं भन्ते! सेवं भन्ते! त्ति ॥ ३०३ ॥

श० ३० १॥

तेणं कालेणं० रायगिहे नामं नगरे होत्था, वन्नओ, गुणसिलए चेइए, वन्नओ, जाव पुढवीसिलापट्टओ, वण्णओ, तस्स णं गुणसिलयस्स चेइयस्स अदूरसामन्ते बहवे अन्नउत्थिया परिवसन्ति, तं०-कालोदाई सेलेदाई उदए नामुदए ( प्र० नोसुइए ) तम्भुदए अन्नवालए सेलवालए संखवालए सुहत्थी गाहावई, तए णं तेसिं अन्नउत्थियाणं अन्नया कयाई एगयओ सहियाणं एगयओ समुवागयाणं

सन्निविद्धाणं सन्निसन्नाणं अयमेयारुवे मिहो कहासमुत्थावे समुप्पजित्था एवं खलु समणे नायपुत्ते पंच अत्थिकाए पन्नवेति तं०-  
 धम्मत्थिकायं जाव आगासत्थिकायं, तत्थ णं समणे नायपुत्ते चत्तारि अत्थिकाए अजीवकाए पन्नवेइ, तं०- धम्मत्थिकायं अधम्मत्थिकायं  
 आगासत्थिकायं पोग्गलत्थिकायं, एगं च समणे णायपुत्ते जीवत्थिकायं अरुविकायं जीवकायं पन्नवेति, तत्थ णं समणे णायपुत्ते  
 चत्तारि अत्थिकाए अरुविकाए पन्नवेति, तं०-धम्मत्थिकायं अधम्मत्थिकायं आगासत्थिकायं जीवत्थिकायं, एगं च णं समणे णायपुत्ते  
 पोग्गलत्थिकायं रुविकायं अजीवकायं पन्नवेति, से कहमेयं मन्ने एवं?, तेणं कालेणं० समणे भगवं महावीरे जाव गुणसित्ताए चेइए  
 समोसहे जाव परिसा पडिगया, तेणं कालेणं० समणस्स भगवओ महावीरस्स जेइए अंतेवासी इंदभूईणामं अणगारे गोयमगोत्तेणं एवं  
 जहा बितीयसए नियंतुहेसए जाव भिक्खवायरियाए अडमाणे अहापज्जत्तं भत्तपाणं पडिग्गहितां रायगिहाओ जाव अतुरियमचवलमसंभंतं  
 जाव रियं सोहेमाणे तेसिं अन्नउत्थियाणं अदूरसामंतेणं वीइवयति, तए णं ते अन्नउत्थिया भगवं गोयमं अदूरसामंतेणं वीइवयमाणं  
 पासंति ता अन्नमन्नं सद्दावेति ता एवं वयासी एवं खलु देवाणुप्पिया! अहं इमा कहा अविप्पकडा अयं च णं गोयमे अहं अदूरसामंतेणं  
 वीइवयइ तं सेयं खलु देवाणुप्पिया! अहं गोयमं एयमट्ठं पुच्छित्तएत्तिकट्ठु अन्नमन्नस्स अंतिए एयमट्ठं पडिसुणेति ता जेणेव भगवं  
 गोयमे तेणेव उवागच्छंति ता तं भगवं गोयमं एवं वयासी एवं खलु गोयमा! तव धम्मायरिए धम्मोवदेसए समणे णायपुत्ते पंच  
 अत्थिकाए पन्नवेति, तं०-धम्मत्थिकायं जाव आगासत्थिकायं, तं चेव जाव रुविकायं अजीवकायं पन्नवेति से कहमेयं भंते गोयमा!

॥ श्रीभगवती सूत्रं ॥

२१५

पू. सागरजी म. संशोधित

एवं?, तए णं से भगवं गोयमे ते अन्नउत्थिए एवं वयासी नो खलु वयं देवाणुप्पिया! अत्थिभावं नत्थित्ति वदामो नत्थिभावं अत्थित्ति वदामो, अम्हे णं देवाणुप्पिया! सव्वं अत्थिभावं अत्थीति वदामो सव्वं नत्थिभावं नत्थीति वयामो, तं चेय ( प्र० वेद ) सा खलु तुम्भे देवाणुप्पिया! एयमट्ठं सयमेव पच्चुवेक्खहत्तिकट्ठु ते अन्नउत्थिए एवं वयति ता जेणेव गुणसिलए चेइए जेणेव समणे भगवं महावीरे एवं जहा नियंतुद्देसए जाव भत्तपाणं पडिदंसेति ता समणं भगवं महावीरं वंदइ नभंसइ ता नच्चासन्ने जाव पज्जुवासति, तेणं कालेणं० समणे भगवं महावीरे महाकहापडिवन्ने यावि होत्था, कालोदाई य तं देसं हव्वभागए, कालोदाईति समणे भगवं महावीरे कालोदाइं एवं वयासी से नूणं कालोदाई! अन्था कयाई एगयओ सहियाणं समुवागयाणं सन्निविट्ठाणं तहेव जाव से कहमेयं भन्ने एवं?, से नूणं कालोदाई! अत्थे समट्ठे?, हंता अत्थि , तं सच्चे णं एसमट्ठे कालोदाई! अहं पंचत्थिकायं पन्नवेमि, तं०- धम्मत्थिकायं जाव पोग्गलत्थिकायं, तत्थ णं अहं चत्तारि अत्थिकाए अजीवकाए पन्नवेमि तहेव जाव एगं च णं अहं पोग्गलत्थिकायं रुविकायं पन्नवेमि, तए णं से कालोदाई समणं भगवं महावीरं एवं वदासी एयंसि णं भंते! धम्मत्थिकायंसि अधम्मत्थिकायंसि आगासत्थिकायंसि अरुविकायंसि अजीवकायंसि चक्किया केई आसइत्तए वा सइत्तए वा चिट्ठइत्तए वा निसीइत्तए वा तुयट्ठित्तए वा?, णो तिणट्ठे०, कालोदाई! एगंसि णं पोग्गलत्थिकायंसि रुविकायंसि अजीवकायंसि चक्किया केई आसइत्तए वा सइत्तए वा जाव तुयट्ठित्तए वा, एयंसि णं भंते! पोग्गलत्थिकायंसि रुविकायंसि अजीवकायंसि जीवाणं पावा कम्मा पावकम्मफलविवागसंजुत्ता कज्जंति?, णो इणट्ठे समट्ठे कालोदाई!,

एयंसि णं भंते! जीवत्थिकायंसि अरुविकायंसि जीवाणं पावा कम्मा पावफलविवागसंजुत्ता कज्जंति?, हंता कज्जंति, एत्थ णं से कालोदाई संबुद्धे समणं भगवं महावीरं वंदइ नमंसइ ता एवं वयासी-इच्छाभि णं भंते! तुब्भं अंतियं धम्मं निसामेत्तए एवं जहा खंदए तहेव पव्वइए तहेव एक्कारस अंगाई जाव विहरइ ॥ ३०४ ॥ तण णं समणे भगवं महावीरे अत्रया कयाई रायगिहाओ नयराओ गुणसिलया चेइया पडिनिक्खमति ता बहिया जणवयविहारं विहरइ, तेणं कालेणं० रायगिहे नामं नगरे गुणसिले णामं चेइए होत्था, तए णं समणे भगवं महावीरे अत्रया कयाई जाव समोसढे परिसा पडिगया, तए णं से कालोदाई अणगारे अत्रया कयाई जेणेव समणे भगवं महावीरे तेणेव उवागच्छइ ता समणं भगवं महावीरं वंदइ नमंसइ ता एवं वयासी अत्थि णं भंते! जीवाणं पावा कम्मा पावफलविवागसंजुत्ता कज्जंति?, हंता अत्थि, कहण्णं भंते! जीवाणं पावा कम्मा पावफलविवागसंजुत्ता कज्जंति?, कालोदाई! से जहानामए केई पुरिसे मणुन्ने थालीपागसुद्धं अट्टारसवंजणाउलं विससंमिस्सं भोयणं भुंजेज्जा तस्स णं भोयणस्स आवाए भदए भवति तओ पच्छा परिणममाणे २ दुरुवत्ताए दुग्ंधत्ताए जहा महासवए जाव भुज्जो २ परिणमति एवामेव कालोदाई! जीवाणं पाणाइवाए जाव भिच्छादंसणसल्ले तस्स णं आवाए भदए भवइ तओ पच्छा परिणममाणे २ दुरुवत्ताए जाव भुज्जो २ परिणमति, एवं खलु कालोदाई! जीवाणं पावा कम्मा पावफलविवाग जाव कज्जंति, अत्थि णं भंते! जीवाणं कल्लाणा कम्मा कल्लाणफलविवागसंजुत्ता कज्जंति?, हंता अत्थि, कहन्नं भंते! जीवाणं कल्लाणा कम्मा जाव कज्जंति?, कालोदाई! से जहानामए केई पुरिसे मणुन्नं थालीपागसुद्धं

अट्टारसवंजणाकुलं ओसहसंभिसं भोयणं भुंजेज्जा तस्स णं भोयणस्स आवाए नो भद्दए भवइ, तओ पच्छा परिणममाणे २ सुरुवत्ताए सुवन्नत्ताए जाव सुहत्ताए नो दुक्खत्ताए भुज्जो २ परिणमति, एवामेव कालोदाई! जीवाणं पाणाइवायवेरमणे जाव परिग्गहवेरमणे कोहविवेगे जाव भिच्छादंसणसल्लविवेगे तस्स णं आवाएनो भद्दए भवइ, तओ पच्छा परिणममाणे २ सुरुवत्ताए जाव नो दुक्खत्ताए भुज्जो २ परिणमइ, एवं खलु कालोदाई! जीवाणं कल्लाणा कम्मा जाव कज्जंति ॥ ३०५ ॥ दो भंते! पुरिसा सरिसया जाव सरिसभंडमत्तोवगरणा अन्नपत्रेणं सद्धिं अगणिकायं समारंभंति तत्थ णं एगे पुरिसे अगणिकायं उज्जालेति एगे पुरिसे अगणिकायं निव्वावेति, एएसिं णं भंते! दोणहं पुरिसाणं कयरे २ पुरिसे महाकम्पतराए चेव महाकिरियतराए चेव महासवतराए चेव महावेयणतराए चेव? कयरे वा पुरिसे अप्पकम्पतराए चेव जाव अप्पवेयणतराए चेव?, जे से पुरिसे अगणिकायं उज्जालेइ जे वा से पुरिसे अगणिकायं निव्वावेति?, कालोदाई! तत्थ णं जे से पुरिसे अगणिकायं उज्जालेइ से णं पुरिसे महाकम्पतराए चेव जाव महावेयणतराए चेव, तत्थ णं से पुरिसे अगणिकायं निव्वावेइ से णं पुरिसे अप्पकम्पतराए चेव जाव अप्पवेयणतराए चेव, से केणट्टेणं भंते! एवं वुच्चइ तत्थ णं जे से पुरिसे जाव अप्पवेयणतराए चेव?, कालोदाई! तत्थ णं जे से पुरिसे अगणिकायं उज्जालेइ से णं पुरिसे बहुतराणं पुढवीकायं समारंभति बहुतराणं आउक्कायं समारंभति अप्पतरायं तेऊकायं समारंभति बहुतराणं वाऊकायं समारंभति बहुतराणं वणस्सइकायं समारंभति बहुतराणं तसकायं समारंभति, तत्थ णं जे से पुरिसे अगणिकायं निव्वावेति से णं पुरिसे अप्पतरायं पुढविक्कायं समारंभइ

अप्यतरागं आउक्कायं समारंभइ बहुतरागं तेउक्कायं समारंभति अप्यतरागं वाउक्कायं समारंभइ अप्यतरागं वणस्सइकायं समारंभइ अप्यतरागं तसकायं समारंभति से तेणट्ठेणं कालोदाई! जाव अप्यवेयणतराए चेव ॥ ३०६ ॥ अत्थि णं भंते! अचित्तावि पोग्गला ओभासंति उज्जोवेति तवेति पभासेति?, हंता अत्थि, कयेर णं भंते! अचित्तावि पोग्गला ओभासंति जाव पभासेति?, कालोदाई! कुब्धस्स अणगारस्स तेयलेस्सा निसट्ठा समाणी दूरं गंता दूरं निपतइ देसं गंता देसं निपतइ जहिं जहिं च णं सा निपतइ तहिं तहिं च णं ते अचित्तावि पोग्गला ओभासंति जाव पभासंति, एएणं कालोदाई! ते अचित्तावि पोग्गला ओभासंति जाव पभासेति, तए णं से कालोदाई अणगारे समणं भगवं महावीरं वंदइ नमंसाति ता बहूहिं चउत्थछट्ठुम जाव अप्पाणं भावेमाणे जहा पढमसए कालासवेसियण्णे जाव सव्वदुक्खप्पहीणे। सेवं भंते! सेवं भंते! त्ति ॥ ३०७ ॥ ३० १० इति सप्तमं शतकं ॥

पोग्गल १ आसीविस २ रुक्ख ३ किरिय ४ आजीव ५ फासुग ६ मदत्ते ७ पडिणीय ८ बंध ९ आराहणा १० य दस अट्ठमंमि सए ॥ ५७ ॥ रायगिहे जाव एवं वयासी-कइविहा णं भंते! पोग्गला पं०?, गोयमा! तिविहा पोग्गला पं० तं०-पओगपरिणया भीससापरिणया वीससापरिणया ॥ ३०८ ॥ पओगपरिणया णं भंते! पोग्गला कइविहा पं०?, गोयमा! पंचविहा पं० तं०-एगिंदियपओगपरिणया बेइंदियपओगपरिणया जाव पंचिंदियपओगपरिणया, एगिंदियपओगपरिणया णं भंते! पोग्गला कइविहा पं०?, गोयमा! पंचविहा पं० तं० पुढविकाइयएगिंदियपओगपरिणया जाव वणस्सइकाइयएगिंदियपओगपरिणया, पुढवीकाइयएगिंदियपओगपरिणया णं भंते!



पोग्गला कइविहा पं०?, गोयमा! दुविहा पं० तं० सुहुमपुढविक्काइयएगिंदियपओगपरिणया चादरपुढवीकाइयएगिंदियपयोगपरिणया,  
 आउक्काइयएगिंदियपओगपरिणया एवं चेव, एवं दुपयओ भेदो जाव वणस्सइकाइयाणं, बेइंदियपयोगपरिणयाणं पुच्छा, गोयमा!  
 अणोगविहा पं० तं०- एवं तेइंदियचउरिंदियपओगपरिणयावि, पंचिंदियपयोगपरिणयाणं पुच्छा, गोयमा! चउव्विहा पं० तं०  
 नेरइयपंचिंदियपयोगपरिणया तिरिक्ख० एवं मणुस्स० देवपंचिंदिय०, नेरइयपंचिंदियपओग० पुच्छा, गोयमा! सत्तविहा पं० तं०-  
 रयणाप्पभापुढवीनेरइयपयोगपरिणयावि जाव अहेसत्तमपुढवीनेरइयपंचिंदियपयोगपरिणयावि, तिरिक्खजोणियपंचिंदिय-  
 पओगपरिणयाणं पुच्छा, गोयमा! तिविहा पं० तं०-जलचरपंचिंदियतिरिक्खजोणिय० थलचरपंचिंदियतिरिक्खजोणिय०  
 खहचरपंचिंदियतिरिक्ख०, जलयरतिरिक्खजोणियपओगपुच्छा, गोयमा! दुविहा पं० तं० संमुच्छिमजलयर० गब्भवक्कंतियजलयर०,  
 थलयरतिरिक्ख० पुच्छा, गोयमा! दुविहा पं० तं०-चउप्पयथलयर० परिसप्पथलयर०, चउप्पयथलयर० पुच्छा, गोयमा! दुविहा पं० तं०-  
 संमुच्छिमचउप्पयथलयर० गब्भवक्कंतियचउप्पयथलयर०, एवं एएणं अभिलावेणं परिसप्पा दुविहा पं० तं०-उरपरिसप्पा य भुयपरिसप्पा  
 य, उरपरिसप्पा दुविहा पं० तं०- संमुच्छा य गब्भवक्कंतिया य, एवं भुयपरिसप्पावि, एवं खहयरावि, मणुस्सपंचिंदियपयोगपुच्छा,  
 गोयमा! दुविहा पं० तं०-संमुच्छिममणुस्स० गब्भवक्कंतियमणुस्स०, देवपंचिंदियपयोगपुच्छा, गोयमा! चउव्विहा पं० तं०-  
 भवणवासिदेवपंचिंदियपयोग० एवं जाव वेमाणिया, भवणवासिदेवपंचिंदियपुच्छा, गोयमा! दसविहा पं० तं०-असुरकुमारा जाव

थणियकुमारा, एवं एएणं अभिलावेणं अडुविहा वाणमंतरा पिसाया जाव गंधव्वा, जोइसिया पंचविहा, तं० चंदविमाणजोतिसिय०  
जाव ताराविमाणजोतिसियदेव०, वेमाणिया दुविहा पं०तं० कप्पोववन्नग० कप्पातीतगवेमाणिय०, कप्पोवगा दुवालसविहा पं० तं०  
सोहम्मक्कप्पोव० जाव अच्चुयकप्पोवगवेमाणिया, कप्पातीत०, दुविहा पं० तं०-गेवेज्जकप्पातीतवे० अणुत्तरोववाइयकप्पातीतवे०,  
गेवज्जकप्पातीतगा नवविहा पं० तं०-हेट्ठिम २ गेवेज्जकप्पातीतग० जाव उवरिम २ गेविज्जगकप्पातीय०,  
अणुत्तरोववाइयकप्पातीतगवेमाणियदेवपंचिंदियपयोगपरिणया णं भंते! पोग्गला कइविहा पं०?, गोयमा! पंचविहा पं० तं०  
विजयअणुत्तरोववाइयजावपरिणया जाव सब्बदुसिद्धअणुत्तरोववाइयदेवपंचिंदियजावपरिणया। सुहुमपुढवीकाइयएगिंदियपयोगपरिणया  
णं भंते! पोग्गला कइविहा पं०?, गोयमा दुविहा पं०, केई अपज्जत्तगं पढमं भणंति पच्छा पज्जत्तगं, पज्जत्तगसुहुमपुढवीकाइयजावपरिणया  
य अपज्जत्तसुहुमपुढवीकाइयजावपरिणया य, बादरपुढवीकाइयएगिंदिय० जाव वणस्सइकाइया, एक्केक्का सुहुमा य बादरा य पज्जत्तगा  
अपज्जत्तगा य दुविहा पोग्गला भाणियव्वा, बेदियपयोगपरिणयाणं पुच्छा, गोयमा! दुविहा पं० तं० पज्जत्तबेदियपयोगपरिणया  
अपज्जत्तगजावपरिणया य, एवं तेइंदियावि एवं चउरिंदियावि, रथणप्पभापुढवीनेरइय० पुच्छा, गोयमा! दुविहा पं० तं०-  
पज्जत्तगरथणप्पभापुढवीजावपरिणया अपज्जत्तगजावपरिणया य, एवं जाव अहेसत्तमा, संमुच्छिमजलयरतिरिक्खपुच्छा, गोयमा!  
दुविहा पं० तं० पज्जत्तग० अपज्जत्तग०, एवं गब्भवक्कंतियावि, संमुच्छिमचउप्पयथलयरा एवं चेव गब्भवक्कंतिया य, एवं जाव

संमुच्छिभखहयरगभभवक्कंतिया, एक्केक्के पज्जत्तगा य अपज्जत्तगा य भाणियव्वा, संमुच्छिभमणुस्सपंचिंदियपुच्छा, गोयमा! एगविहा  
 पं० तं०-अपज्जत्तगा चेव ( ५० दुविहा पं० तं० पं० अप० ), गभभवक्कंतियमणुस्सपंचिंदियपुच्छा, गोयमा! दुविहा पं० तं०  
 पज्जत्तगगभभवक्कंतियावि अपज्जत्तगगभभवक्कंतियावि, असुरकुमारभवणवासिदेवाणं पुच्छा, गोयमा! दुविहा पं० तं० पज्जत्तगअसुरकुमार०  
 अपज्जत्तगअसुर०, एवं जाव थणियकुमारा पज्जत्तगा अपज्जत्तगा य, एवं एएणं अभिलावेणं दुयएणं भेदेणं पिसाया जाव गंधव्वा,  
 चंदा जाव ताराविमाणा, सोहम्भकप्पोवगा जाव अच्युओ, हिट्ठिमहिट्ठिमगेविज्जकप्पातीय जाव उवरिमउवरिमगेविज्ज०, विजयअणुत्तरो०  
 जाव अपराजिय०, सब्बट्टसिद्धकप्पातीयपुच्छा, गोयमा! दुविहा पं० तं०- पज्जत्तसब्बट्टसिद्धअणुत्तरो० अपज्जत्तगसब्बट्टजावपरिणयावि।  
 जे अपज्जत्ता सुहुमपुढवीकाइयएगिंदियपयोगपरिणया ते ओरालियतेयाकम्मगसरीरप्पयोगपरिणया जे पज्जत्ता सुहुमजावपरिणया ते  
 ओरालियतेयाकम्मगसरीरप्पयोगपरिणया एवं जाव चउरिंदिया पज्जता, नवरं जे पज्जत्तबादरवाउकाइयएगिंदियपयोगपरिणया ते  
 ओरालियवेउब्बियतेयाकम्मसरीरजावपरिणता, सेसं तं चेव, जे अपज्जत्तरयणप्पभापुढवीनेरइयपंचिंदियपयोगपरिणया ते  
 वेउब्बियतेयाकम्मसरीरप्पयोगपरिणया, एवं पज्जत्तयावि, एवं जाव अहेसत्तमा० जे अपज्जत्तगसंमुच्छिभजलयरजावपरिणया ते  
 ओरालियतेयाकम्मासरीरजावपरिणया एवं पज्जत्तगावि, गभभवक्कंतिया अपज्जत्तया एवं चेव, पज्जत्तयाणं एवं चेव नवरं सरीरगाणि  
 चत्तारि जहा बादरवाउक्काइयाणं पज्जत्तगाणं, एवं जहा जलचरेसु चत्तारि आलावगा भणिया एवं चउप्पयउपरिसप्पभुय-

परिसंख्यग्रहयेसुवि चत्तारि आलावगा भाणियव्वा, जे संपुच्छिममणुस्सपंचिदियपयोगपरिणया ते ओरालियतेयाकम्मासरीरजावपरिणया,  
 एवं गम्भवक्कंतियावि अपज्जत्तगावि पज्जत्तगावि एवं चेव, नवरं सरीरगाणिं पंच भाणियव्वाणि, जे अपज्जत्ता असुरकुमारभवणवासि०  
 जहा नेरइया तहेव, एवं पज्जत्तगावि, एवं दुयएणं भेदेणं जाव थणियकुमारा, एवं पिसाया जाव गंधव्वा, चंदा जाव ताराविभाणा,  
 सोहम्पो कप्पो जाव अच्चुओ, हेट्ठिम २ गेवेज जाव उवरिम २ गेवेज विजयअणुत्तरोववाइए जाव सव्वट्ठसिद्धअणु० एक्केक्केण दुयओ  
 भेदो भाणियव्वो जाव जे पज्जत्तसव्वट्ठसिद्धअणुत्तरोववाइयजावपरिणया ते वेउव्वियतेयाकम्मासरीरपयोगपरिणया। जे अपज्जत्ता  
 सुहुमपुढवीकाइयएगिंदियपयोगपरिणया ते फासिंदियपयोगपरिणया जे पज्जत्ता सुहुमपुढवीकाइया एवं चेव, जे अपज्जत्ता  
 बादरपुढविकाइया ते एवं चेव, एवं पज्जत्तगावि, एवं चउक्कएणं भेदेणं जाव वणस्सइकाइया, जे अपज्जत्ता बेइंदियपयोगपरिणया ते  
 जिब्भिंदियफासिंदियपयोगपरिणया, जे पज्जत्ता बेइंदिया एवं चेव, एवं जाव चउरिदिया, नवरं एक्केक्कं इंदियं वट्ठेयव्वं जाव अपज्जत्ता  
 रयणप्पभापुढवीनेरइयपंचिंदियपयोगपरिणया ते सोइंदियचक्खिंदियधाणिंदियजिब्भिंदियफासिंदियपयोगपरिणया, एवं पज्जत्तगावि,  
 एवं सव्वे भाणियव्वा, तिरिक्खजोणियपणुस्सदेवा जाव जे पज्जत्ता सव्वट्ठसिद्धअणुत्तरोववाइयजावपरिणया ते सोइंदियचक्खिंदिय-  
 जावपरिणया। जे अपज्जत्ता सुहुमपुढवीकाइयएगिंदियओरालियतेयकम्मासरीरपयोगपरिणया ते फासिंदियपयोगपरिणया जे अपज्जत्ता  
 सुहुम० एवं चेव बादर० अपज्जत्ता एवं चेव, एवं पज्जत्तगावि, एवं एएणं अभिलावेणं जस्स जाणि इंदियाणि सरीराणि य ताणि

भाणियव्वाणि जाव जे य पज्जत्ता सव्वट्ठसिद्धअणुत्तरोववाइयजावदेवपंचिंदियवेउव्वियतेयाकम्मासरीरप्पयोगपरिणया ते सोइंदियचक्खिंदिज्जावफासिंदियपयोगपरिणया । जे अपज्जत्ता सुहुमपुढवीकाइयएगिंदियपयोगपरिणया ते वन्नओ कालवन्नपरिणयावि नील० लोहिय० हालिद० सुक्किन्न० गंधओ सुब्धिगंधपरिणयावि दुब्धिगंधपरिणयावि रसओ तित्तरसपरिणयावि कडुयरसपरिणयावि कसायरसप० अंबितरसप० महुसरसप० फासओ कक्खडफासपरि० जाव लुक्खफासपरि० संठाणओ परिभडलसंठाणपरिणयावि वट्ठ० तंस० चउरंस० आयतसंठाणपरिणयावि, जे पज्जत्ता सुहुमपुढवी० एवं चेव जहाणुपुव्वीए नेयव्वं जाव जे पज्जत्ता सव्वट्ठसिद्धअणुत्तरोववाइयजावपरिणयावि ते वन्नओ कालवन्नपरिणयावि जाव आययसंठाणपरिणयावि । जे अपज्जत्ता सुहुमपुढवी० एगिंदियओरालियतेयाकम्मासरीरप्पयोगपरिणया ते वन्नओ कालवन्नपरि० जाव आययसंठाणपरि० जे पज्जत्ता सुहुमपुढवी० एवं चेव, एवं जहाणुपुव्वीए नेयव्वं जस्स जइ सरीराणि जाव जे पज्जत्ता सव्वट्ठसिद्धअणुत्तरोववाइयदेवपंचिंदियविउव्वियतेया- कम्मासरीरजावपरिणया ते वन्नओ कालवन्नपरिणयावि जाव आयतसंठाणपरिणयावि । जे अपज्जत्ता सुहुमपुढवीकाइयएगिंदिय- फासिंदियप्पयोगपरिणया ते वन्नओ कालवन्नपरिणया जाव आययसंठाणपरिणयावि जे पज्जत्ता सुहुमपुढवी एवं चेव, एवं जहाणुपुव्वीए जस्स जइ इंदियाणि तस्स तत्तियाणि भाणियव्वाणि जाव जे पज्जत्ता सव्वट्ठसिद्धअणुत्तरजावदेवपंचिंदियसोइंदियजाव- फासिंदियपयोगपरिणयावि ते वन्नओ कालवन्नपरिणयावि जाव आययसंठाणपरिणयावि । जे अपज्जत्ता सुहुमपुढवी काइयएगिंदिय-

ओरालियतेयाकम्भाफासिंदियपयोगपरिणया ते वन्नओ कालवन्नपरिणयावि जाव आयतसंठाणप० जे पज्जत्ता सुहुमपुढवी० एवं चेव,  
 एवं जहाणुपुव्वीए जस्स जइ सरीराणि इंदियाणि य तस्स तइ भाणियव्वा जाव जे पज्जत्ता सव्वट्टसिद्धअणुत्तरोववाइयजावदेवपंचिंदिय-  
 वेउव्वियतेयाकम्भासोइंदियजावफासिंदियपयोगपरि० ते वन्नओ काल वन्नपरि० जाव आययसंठाणपरिणयावि, एवं एए नव दंडगा ॥३०९॥  
 मीसापरिणया णं भंते! पोग्गला कतिविहा पं०? गोयमा! पंचविहा पं० तं०-एगिंदियमीसापरिणया जाव पंचिंदियमीसापरिणया,  
 एगिंदियमीसापरिणया णं भंते! पोग्गला कतिविहा पं०?, गोयमा! एवं जहा पओगपरिणएहिं नव दंडगा भणिया एवं मीसापरिणएहिवि  
 नव दंडगा भाणियव्वा, तहेव सव्वं निरवसेसं नवरं अभिलावो मीसापरिणया भाणियव्वं सेसं तं चेव जाव जे पज्जत्ता सव्वट्टसिद्धअणुत्तर  
 जाव आययसंठाणपरिणयावि ॥३१०॥ वीससापरिणया णं भंते! पोग्गला कतिविहा पं०?, गोयमा! पंचविहा पं० तं०-वन्नपरिणया  
 गंधपरिणया रसपरिणया फासपरिणया संठाणपरिणया, जे वन्नपरिणया ते पंचविहा पं० तं०-कालवन्नपरिणया जाव सुक्खिवन्नपरिणया,  
 जे गंधपरिणया ते दुविहा पं०तं० सुब्धिगंधपरिणयावि दुब्धिगंधपरिणयावि, एवं जहा पन्नवणापदे तहेव निरवसेसं जाव जे संठाणओ  
 आयतसंठाणपरिणया ते वन्नओ कालावन्नपरिणयावि जाव लुक्खफासपरिणयावि ॥ ३११॥ एगे भंते! दव्वे किं पयोगपरिणए  
 मीसापरिणए वीससापरिणए?, गोयमा! पयोगपरिणए वा मीसापरिणए वा वीससापरिणए वा, जइ पयोगपरिणए किं मणप्पयोगपरिणए  
 वइप्पयोगपरिणए कायप्पयोगपरिणए?, गोयमा! मणप्पयोगपरिणए वा वइप्पयोगपरिणए वा कायप्पओगपरिणए वा, जइ

मणप्पयोगपरिणए किं सच्चमणप्पओगपरिणए मोसमणप्पयोग० सच्चाभोसमणप्पयो० असच्चाभोसमणप्पयो०?, गोयमा!  
 सच्चमणप्पयोगपरिणए मोसमणप्पयोग० सच्चाभोसमणप्प० असच्चाभोसमणप्प०, जइ सच्चमणप्पओगप० किं आरंभसच्चमणप्पयो०  
 अणारंभसच्चमणप्पयोगपरि० सारंभसच्चमणप्पयोग० असारंभसच्चमण० समारंभसच्चमणप्पयोगपरि० असमारंभसच्चमण-  
 प्पयोगपरिणए?, गोयमा! आरंभसच्चमणप्पओगपरिणए वा जाव असमारंभसच्चमणप्पयोगपरिणए वा, जइ मोसमणप्पयोगपरिणए  
 किं आरंभमोसमणप्पयोगपरिणए वा०? एवं जहा सच्चेणं तहा मोसेणवि, एवं सच्चाभोसमणप्पओगपरिणएणवि, एवं  
 असच्चाभोसमणप्पयोगेणवि, जइ वइप्पयोगपरिणए किं सच्चवइप्पयोगपरिणए मोस्वयप्पयोगपरिणए०? एवं जहा मणप्पयोगपरिणए  
 तहा वयप्पयोगपरिणएजवि जाव असमारंभवयप्पयोगपरिणए वा, जइ कायप्पयोगपरिणए किं ओरालियसरीरकायप्पयोगपरिणए  
 ओरालियभीसासरीरकायप्पयो० वेउच्चियसरीरकायप्प० वेउच्चिमीसासरीरकायप्पयोगपरिणए आहारगसरीरकायप्पओगपरिणए,  
 आहारगमीसासरीरकायप्पयोगपरिणए?, कम्मासरीरकायप्पओगपरिणए? गोयमा! ओरालियसरीरकायप्पओगपरिणए वा जाव  
 कम्मासरीरकायप्पओगपरिणए वा, जइ ओरालियसरीरकायप्पओगपरिणए किं एगिंदियओरालियसरीरकायप्पओगपरिणए एवं जाव  
 पंचिंदियओरालियजावपरि०?, गोयमा! एगिंदियओरालियसरीरकायप्पओगपरिणए वा बेदिदियजावपरिणए वा० पंचिंदियजावपरिणए  
 वा, जइ एगिंदियओरालियसरीरकायप्पओगपरिणए किं पुढवीकाइयएगिंदियजावपरिणए जाव वणस्सइकाइयएगिंदियओरालियसरीर-

कायप्पओगपरिणए वा?, गोयमा! पुढविक्काइयएगिंदियजावप्पओगपरिणए वा जाव वणस्सइकाइयएगिंदियजावपरिणए वा, जइ पुढवीकाइयएगिंदियओरालियसरीरजाव-परिणए किं सुहुमपुढवीकाइयजावपरिणए बायरपुढविक्काइयएगिंदियजावपरिणए?, गोयमा! सुहु मपुढ विक्काइयएगिंदियजावपरिणए बायरपुढ विक्काइयजावपरिणए, जइ सुहु मपुढवीकाइयजावपरिणए किं पज्जत्तसुहु मपुढवीजावपरिणए अपज्जत्तसुहु मपुढवीजावपरिणए?, गोयमा! पज्जत्तसुहु मपुढवीकाइयजावपरिणए वा अपज्जत्तसुहुमपुढवीकाइयजावपरिणए वा, एवं बादरावि, एवं जाव वणस्सइकाइयाणां चउक्कओ भेदो, बेइंदियतेइंदियचउरिंदियाणां दुयओ भेदो पज्जत्तगा य अपज्जगता य, जइ पंचिंदियओरालियसरीर-क्कयप्पओगपरिणए किं तिरिक्खजोणियपंचिंदियओरालियसरीर-कायप्पओगपरिणए मणुस्सपंचिंदियजावपरिणए?, गोयमा! तिरिक्खजोणियजावपरिणए वा मणुस्सपंचिंदियजावपरिणए वा, जइ तिरिक्खजोणियजावपरिणए किं जलचरतिरिक्खजोणियजावपरिणए वा थलचर० खहचर० एवं चउक्कओ भेदो जाव खहचराणां, जइ मणुस्सपंचिंदियजावपरिणए किं संमुच्छिभमणुस्सपंचिंदियजावपरिणए गब्भवक्कंतियमणुस्सजावपरिणए?, गोयमा! दोसुवि, जइ गब्भवक्कंतियमणुस्सजावपरिणए किं पज्जत्तगब्भवक्कंतियजावपरिणए अपज्जत्तगब्भवक्कंतियमणुस्सपंचिंदियओरालियसरीर-कायप्पओगपरिणए?, गोयमा! पज्जत्तगब्भवक्कंतियजावपरिणए वा अपज्जत्तगब्भवक्कंतियजावपरिणए वा, जइ ओरालियमीसासरीर-कायप्पओगपरिणए किं एगिंदियओरालियमीसासरीरकायप्पओगपरिणए बेइंदियजावपरिणए जाव पंचेदियओरालियजावपरिणए?,



गोयमा! एगिंदियओरालिय०, एवं जहा ओरालियसरीरकायप्पयोगपरिणए आलावगो भणिओ तहा ओरालियमीसासरीर-  
 कायप्पओगपरिणएऽवि आलवगो भाणियव्वो, नवरं बायरवाउक्काइयगब्भवक्कंतियपंचिंदियतिरिक्खजोणियगब्भवक्कंतियमणुस्साणं,  
 एएसिं णं पज्जत्तापज्जत्ताणं सेसाणं अपज्जत्ताणं, जइ वेउव्वियसरीरकायप्पयोगपरिणए किं एगिंदियवेउव्वियसरीरकायप्पओगपरिणए  
 पंचिंदियविउव्वियजावपरिणए?, गोयमा! एगिंदियजावपरिणए वा पंचिंदियजावपरिणए वा, जइ एगिंदियजावपरिणए किं  
 वाउक्काइयएगिंदियजावपरिणए अवाउक्काइयएगिंदियजावपरिणए?, गोयमा! वाउक्काइयएगिंदियजस्वपरिणए नो  
 अवाउक्काइयजावपरिणए, एवं एएणं अभिलावेणं जहा ओगाहणसंठाणे वेउव्वियसरीरं भणियं तहा इहवि भाणियव्वं जाव  
 पज्जत्तसव्वट्टुसिद्धअणुत्तरोववातिय-कप्पातीयवेमाणियदेवपंचिंदियवेउव्वियसरीरकायप्पओगपरिणए वा अपज्जत्तसव्वट्टुसिद्ध०  
 कायप्पयोगपरिणए वा, जइ वेउव्वियमीसासरीरकायप्पयोगपरिणए किं एगिंदियमीसासरीरकायप्पओगपरिणए वा जाव पंचिंदिय०  
 मीसासरीरकायप्पयोगपरिणए वा?, एवं जहा वेउव्वियं तहा मीसगंपि, नवरं देवनेरइयाणं अपज्जत्तगाणं सेसाणं पज्जत्तगाणं तहेव जाव  
 नो पज्जत्तसव्वट्टुसिद्धअणुत्तरोजावपओग० अपज्जत्तसव्वट्टुसिद्धअणुत्तरोववातियदेवपंचिंदियवेउव्वियमीसासरीरकायप्पओगपरिणे, जइ  
 आहारगसरीरकायप्पओगपरिणए किं मणुस्साहारगसरीरकायप्पओगपरिणए अमणुस्साहारगजावप०?, एवं जहा ओगाहणसंठाणे जाव  
 इड्ढिपत्तपमतसंजयसम्मदिट्ठिपज्जत्तगसंखेज्जवासाउयजावपरिणए नो अणिड्ढिपत्तपमतसंजयसम्मदिट्ठिपज्जत्तसंखेज्जवासाउयजावप०,

॥ श्रीभगवती सूत्रं ॥

१२८

पू. सागरजी म. संशोधित

जइ आहारगमीसासरीरकायप्पयोगप० किं पणुस्साहारगमीसासरीर०?, एवं जहा आहारगं तहेव मीसर्गपि निरवसेसं भाणियव्वं, जइ कम्मासरीरकायप्पओगप० किं एगिंदियकम्मासरीरकायप्पओगप० जाव पंचिंदियकम्मासरीरजावप०?, गोयमा! एगिंदियकम्मासरीरकायप्पओ० एवं जहा ओगाहणसंठाणे कम्भगस्स भेदो तहेव इहावि जाव पज्जत्तसव्वट्टसिद्धअणुत्तरोववाइयजावदेवपंचिंदियकम्मासरीरकायप्पयोगपरिणए अपज्जत्तसव्वट्टसिद्धअणु० जावपरिणए वा । जइ मीसापरिणए किं मणमीसापरिणए वयमीसापरिणए कायमीसापरिणए?, गोयमा! मणमीसापरिणए वयमीसा० कायमीसापरिणए वा, जइ मणमीसापरिणए किं सच्चमणमीसापरिणए वा मोसमणमीसापरिणए वा जहा पओगपरिणए तहा मीसापरिणएऽवि भाणियव्वं निरवसेसं जाव पज्जत्तसव्वट्टसिद्धअणुत्तरोववाइयजावदेवपंचिंदियकम्मासरीरगमीसापरिणए वा अपज्जत्तसव्वट्टसिद्धअणुजावकम्मासरीरमीसापरिणए वा । जइ वीससापरिणए किं वन्नपरिणए गंधपरिणए रसपरिणए फासपरिणए संठाणपरिणए?, गोयमा! वन्नपरिणए वा गंधपरिणए वा रसपरिणए वा फासपरिणए वा संठाणपरिणए वा, जइ वन्नपरिणए किं कालवन्नपरिणए नील० जाव सुक्खिलवन्नपरिणए?, गोयमा! कालवन्नपरिणए जाव सुक्खिलवन्नपरिणए, जइ गंधपरिणए किं सुब्धिगंधपरिणए दुब्धिगंधपरिणए?, गोयमा! सुब्धिगंधपरिणए दुब्धिगंधपरिणए, जइ रसपरिणए किं तित्तरसपरिणए०? पुच्छा, गोयमा! तित्तरसपरिणए जाव महुररसपरिणए, जइ फासपरिणए किं कक्खडफासपरिणए जाव लुक्खफासपरिणए?, गोयमा! कक्खडफासपरिणए जाव लुक्खफासपरिणए, जइ संठाणपरिणए० पुच्छा,

गोथमा! परिमंडलसंठाणपरिणए वा जाव आयथसंठाणपरिणए वा ॥ ३१२ ॥ दो भंते! दब्बा किं पयोगपरिणया मीसापरिणया वीससापरिणया?, गोथमा! पओगपरिणया वा मीसापरिणया वा वीससापरिणया वा, अहवा एगे पओगपरिणए एगे मीसापरिणए अहवेगे पओगप० एगे वीससापरि० अहवा एगे मीसापरिणए एगे वीससापरिणए जइ पओगपरिणया किं मणप्पयोगपरिणया वइप्पयोग० कायप्पयोगपरिणया? गोथमा! मणप्पयो० वइप्पयोगप० कायप्पयोगपरिणया वा अहवेगे मणप्पयोगप० एगे वयप्पयोगपरिणए अहवेगे मणप्प० एगे कायप० अहवेगे वयप्पयोगप० एगे कायप्पओगपरि०, जइ मणप्पयोगप० किं सच्चमणप्पयोगप०?, गोथमा! सच्चमणप्पयोगपरिणया वा जाव असच्चमोसमणप्पयोगप०, अहवा एगे सच्चमणप्पयोगपरिणए एगे मोसमणप्पओगपरिणए अहवा एगे सच्चमणप्पओगप० एगे सच्चामोसम-णप्पओगपरिणए अहवा एगे सच्चमणप्पयोगपरिणए एगे असच्चामोसमणप्पओगपरिणए अहवा एगे मोसमणप्पयोगप० एगे सच्चामोसमणप्पयोगप० अहवा एगे मोसमणप्पयोगप० एगे असच्चामोसमणप्पयोगप० अहवा एगे सच्चामोसमणप्पओगप० एगे असच्चामोसमणप्पओगप०, जइ सच्चमणप्पओगप० किं आरंभसच्चमणप्पयोगपरिणया जाव असभारंभसच्चमणप्पयोगप०?, गोथमा! आरंभसच्चमणप्पयोगपरिणया वा जाव असभारंभसच्चमणप्पयोगपरिणया वा अहवा एगे आरंभसच्चमणप्पयोगप० एगे अणारंभसच्चमणप्पयोगप० एवं एएणं गमएणं दुयसंजोएणं नेयव्वं, सव्वे संयोगा जत्था जत्तिया उट्ठेति ते भाणियव्वा जाव सव्वट्ठसिद्धगति, जइ मीसाप० किं मणमीसापरि० एवं मीसापरिणयावि, जइ वीससापरिणया किं वन्नपरिणया

गंधप० एवं वीससापरिणयावि जाव अहवा एगे चउरंसंठाणपरि० एगे आययसंठाणपरिणए वा । तिन्नि भंते ! दब्बा किं पयोगपरिणया  
 भीसाप० वीससाप०?, गोयमा ! पयोगपरिणया वा भीसापरिणया वा वीससापरिणया वा अहवा एगे पयोगपरिणए दो भीसाप० अहवेगे  
 पयोगपरिणए दो वीससाप० अहवा दो पयोगपरिणया एगे भीससापरिणए अहवा दो पयोगप० एगे वीससाप० अहवा एगे भीसापरिणए  
 दो वीससाप० अहवा दो भीससाप० एगे वीससाप० अहवा एगे पयोगप० एगे भीसापरि० एगे वीससाप०, जइ पयोगप० किं  
 मणप्पयोगपरिणया वइप्पयोगप० कायप्पयोगप०?, गोयमा ! मणप्पयोगपरिणया वा एवं एक्कगसंयोगो दुयासंयोगो तियासंयोगो  
 भाणियब्बो, जइ मणप्पयोगपरि० किं सच्चमणप्पयोगपरिणया०?, गोयमा ! सच्चमणप्पयोगपरिणया वा जाव असच्चाभोसमण-  
 प्पयोगपरिणया वा, अहवा एगे सच्चमणप्पयोगपरिणए दो भोसमणप्पयोगपरिणया वा, एवं दुयासंयोगो तियासंयोगो भाणियब्बो,  
 एत्थवि तहेव जाव अहवा एगे तंसंठाणपरिणए वा एगे चउरंसंठाणपरिणए वा एगे आययसंठाणपरिणए वा । चत्तारि भंते ! दब्बा  
 किं पओगपरिणया०?, गोयमा ! पयोगपरिणया वा भीसापरिणया वा वीससापरिणया वा, अहवा एगे पओगपरिणए तिन्नि भीसापरिणया  
 अहवा एगे पओगपरिणए तिन्नि वीससापरिणया अहवा दो पयोगपरिणया दो भीसापरिणया अहवा दो पयोगपरिणया दो वीससापरिणया  
 अहवा तिन्नि पओगपरिणया एगे भीससापरिणए अहवा तिन्नि पओगपरिणया एगे वीससापरिणए अहवा एगे भीससापरिणए तिन्नि  
 वीससापरिणया अहवा दो भीसापरिणया दो वीससापरिणया अहवा तिन्नि भीसापरिणया एगे वीससापरिणए अहवा एगे पओगपरिणए

एगे मीसापरिणए दो वीससापरिणया अहवा एगे पयोगपरिणए दो मीसापरिणया एगे वीससापरिणए अहवा दो पयोगपरिणया एगे मीसापरिणए एगे वीससापरिणए, जइ पयोगपरिणया किं मणपयोगपरिणया०?, एवं एएणं कमेणं पंच छ सत्त जाव दस संखेज्जा असंखेज्जा अणंता य दव्वा भाणियव्वा, दुयासंजोएणं तिथा संजोएणं जाव दससंजोएणं बारससंजोएणं उवजुंजिऊणं जत्थ जत्तिया संजोगा उट्ठेति तत्थ ते सव्वे भाणियव्वा, एए पुण जहा नवमसाए पवेसणए भणिहामि तहा उवजुंजिऊणं भाणियव्वा जाव असंखेज्जा, अणंता एवं चेव, नवरं एक्कं पदं अब्भहियं जाव अहवा अणंता परिमंडलसंठाणपरिणया जाव अणंता आययसंठाणपरिणया ॥ ३१३ ॥ एएसिं णं भंते! पोग्गलाणं पयोगपरिणयाणं मीसापरिणयाणं वीससापरिणयाणं य कयरेरहितो जाव विसेसाहया वा?, गोयमा! सव्वत्थोवा पोग्गला पयोगपरिणया मीसापरिणया अणंतगुणा वीससापरिणया अणंतगुणा। सेवं भंते! सेवं भंते! ति ॥ ३१४ ॥ १० ८ ३० १ ॥

कतिविहा णं भंते! आसीविसा पं०? गोयमा! दुविहा आसीविसा पं० तं०-जातिआसीविसा य कम्मआसीविसा य, जाइआसीविसा णं भंते! कतिविहा पं०?, गोयमा! चउव्विहा पं० तं० विच्छुयजातिआसीविसे मंडुक्कजाइआसीविसे उरगजातिआसीविसे मणुस्सजातिआसीविसे, विच्छुयजातिआसीविसस्स णं भंते! केवलिए विसए पं०? गोयमा! पभू णं विच्छुयजातिआसीविसे अब्धभरहप्पमाणमेत्त बोदिं विसेणं विसपरिगयं विसट्टमाणिं पकरेत्तए, विसए से विसट्टयाए नो चेव णं संपत्तीए करेसुं वा करेति वा

करिस्सति वा, मंडुक्कजातिआसीविसपुच्छा, गोयमा! पभू णं मंडुक्कजातिआसीविसे भरहप्पमाणमेत्तं बोदिं विसेणं विसपरिगयं सेसं तं चेव जाव करेस्सति वा, एवं उरगजातिआसीविसस्सवि नवरं जंबुहीवप्पमाणमेत्तं बोदिं विसेणं विसपरिगयं सेसं तं चेव जाव करेस्सति वा, मणुस्सजातिआसीविसस्सवि एवं चेव नवरं समयखेत्तप्पमाणमेत्तं बोदिं विसेणं विसपरिगयं सेसं तं चेव जाव करेस्सति वा, जइ कम्मआसीविसे किं नेरइयकम्मआसीविसे तिरिक्खजोणियकम्मआसीविसे मणुस्सकम्मआसीविसे देवकम्मासीविसे?, गोयमा! नो नेरइयकम्मासीविसे तिरिक्खजोणियकम्मासीविसेऽवि मणुस्सकम्मा० देवकम्मासी०, जइ तिरिक्खजोणियकम्मासीविसे किं एगिंदियतिरिक्खजोणियकम्मासीविसे जाव पंचिंदियतिरिक्खजोणियकम्मासीविसे?, गोयमा! नो एगिंदियतिरिक्खजोणियकम्मासीविसे जाव नो चउरिदियतिरिक्खजोणिकम्मासीविसे पंचिंदियतिरिक्खजोणियकम्मासीविसे, जइ पंचिंदियतिरिक्खजोणियकम्मासीविसे किं संमुच्छिमपंचेदियतिरिक्खजोणियकम्मासीविसे गब्भवक्कंतियपंचिंदियतिरिक्खजोणियकम्मासीविसे?, एवं जहा वेउब्बियसरीस्स भेदो जाव पज्जत्तसंखेज्जवासाउयगब्भवक्कंतियपंचिंदियतिरिक्खजोणियकम्मासीविसे नो अपज्जत्तसंखेज्जवासाउय० कम्मासीविसे, जइ मणुस्सकम्मासीविसे किं संमुच्छिमणुस्सकम्मासीविसे गब्भवक्कंतियमणुस्सकम्मासीविसे?, गोयमा! णो समुच्छिम-मणुस्सकम्मासीविसे गब्भवक्कंतियमणुस्सकम्मासीविसे, एवं जहा वेउब्बियसरीं जाव पज्जत्तसंखेज्जवासाउयकम्मभुमगगब्भवक्कंतियमणुस्सकम्मासीविसे नो अपज्जत्तजावकम्मासीविसे, जइ देवकम्मासीविसे किं भवणवासिदेवकम्मासीविसे जाव वेमाणियदेव-

कम्भासीविसे?, गोयमा! भवणवासिदेवकम्भासीविसे वाणमंतर० जोतिसिय० वेमाणियदेवकम्भासीविसे, जइ भवणवासिदेव-  
 कम्भासीविसे से किं असुरकुमारभवणवासिदेवकम्भासीविसे जाव थणियकुमारजावकम्भासीविसे?, गोयमा! असुरकुमारभवणवासिदेव-  
 कम्भासीविसेऽवि जाव थणियकुमार० आसीविसेऽवि, जइ असुरकुमारजावकम्भासीविसे किं पज्जत्तअसुरकुमारजावकम्भासीविसे  
 अपज्जत्तअसुरकुमारभवणवासिकम्भासीविसे?, गोयमा! नो पज्जत्तअसुरकुमारजावकम्भासीविसे अपज्जत्तअसुरकुमार-  
 भवणवासिकम्भासीविसे एवं जाव थणियकुमारणं, जइ वाणमंतरदेवकम्भासीविसे किं पिसायवाणमंतर० एवं सव्वेसिंपि अपज्जत्तगाणं,  
 जोइसियाणं सव्वेसिं अपज्जत्तगाणं, जइ वेमाणियदेवकम्भासीविसे किं कप्पोवगवेमाणियदेवकम्भासीविसे कप्पातीयवेमाणियदेव-  
 कम्भासीविसे?, गोयमा! कप्पोवगवेमाणियदेवकम्भासीविसे नो कप्पातीयवेमाणियदेवकम्भासीविसे, जइ कप्पोवगवेमाणियदेव-  
 कम्भासीविसे किं सोहम्मकप्पोवजावकम्भासीविसे अच्चुयकप्पोवजावकम्भासीविसे?, गोयमा! सोहम्मकप्पोवगवेमाणियदेव-  
 कम्भासीविसेऽवि जाव सहस्सारकप्पोवगवेमाणिय देवकम्भासीविसे नो आणयकप्पवोग० जाव नो अच्चुयकप्पोवगवेमाणियदेव०,  
 जइ सोहम्मकप्पोवगजावकम्भासीविसे किं पज्जत्तसोहम्मकप्पोवगवेमाणिय० अपज्जत्तगसोहम्मग०?, गोयमा! नो पज्जत्तसोहम्मकप्पो-  
 वगवेमाणिय० अपज्जत्तसोहम्मकप्पोवगवेमाणियदेवकम्भासीविसे, एवं जाव नो पज्जत्तसहस्सारकप्पोवगवेमाणियजावकम्भासीविसे  
 अपज्जत्तसहस्सारकप्पोवगजावकम्भासीविसे ॥ ३१५ ॥ दस ठाणाइं छउमत्थे सव्वभावेणं न जाणइ न पासइ, तं०-धम्मत्थिकायं

अधम्मत्थिकायं आगासत्थिकायं जीवं असरीरपडिबद्धं परमाणुपोग्गलं सहं गंधं वातं अयं जिणे भविस्सइ वा ण वा भविस्सइ अयं  
 सच्चदुक्खाणं अंतं करेस्सति वा न वा करेस्सइ, एयाणि चेव उप्पन्ननाणदंसणधरे अरहा जिणे केवली सच्चभावेणं जाणइ पासइ,  
 तं०-धम्मत्थिकायं जाव करेस्सति वा न वा करेस्सति ॥ ३१६ ॥ कतिविहे णं भंते! नाणे पं०?, गोयमा! पंचविहे नाणे पं० तं०  
 आभिणिबोहियनाणे सुयनाणे ओहिनाणे मणपज्जवनाणे केवलनाणे, से किं ते आभिणिबोहियनाणे?, आभिणिबोहियनाणे चउच्चिहे  
 पं० तं० उग्गहो ईहा अवाओ धारणा, एवं जहा रायप्पसेणइए णाणाणं भेदो तहेव इहवि भाणियच्चो जाव सेत्तं केवलनाणे, अन्नाणे णं  
 भंते! कतिविहे पं०?, गोयमा! तिविहे पं० तं०-मइअन्नाणे सुयअन्नाणे विभंगन्नाणे, से किं तं मइअन्नाणे?, २ चउच्चिहे पं० तं०-  
 उग्गहो जाव धारणा, से किं तं उग्गहे?, २ दुविहे पं० तं०-अत्थोग्गहे य वंजणोग्गहे य, ( जहा नंदीए अंगपरूवणा जाव भविया  
 अभविया ततो सिद्धा असिद्धा य पा० ) एवं जहेव आभिणिबोहियनाणं तहेव, नवरं एगट्टियवज्जं जाव नोइंदियधारणा, सेत्तं धारणा,  
 सेत्तं मइअन्नाणे, से किं तं सुयअन्नाणे?, २ जं इमं अन्नाणिएहिं मिच्छदिट्ठिएहिं जहा नंदीए जाव चत्तारि वेदा संगोवंगा, सेत्तं सुयअन्नाणे,  
 से किं तं विभंगनाणे?, २ अणेगविहे पं० तं०-गामसंतिं नगरसंतिं जाव संनिवेससंतिं दीवसंतिं समुद्रसंतिं वाससंतिं वासहरसंतिं  
 पच्चय० रुक्खसंतिं थूभसंतिं हयसंतिं गयसंतिं नरसंतिं किंनरसंतिं किंपुरिससंतिं महोरग० गंधव्वसंतिं उसभसंतिं  
 पसुपसयविहगवानरणाणासंताणसंतिं पं०, जीवा णं भंते! किं नाणी अन्नाणी?, गोयमा! जीवा नाणीवि अन्नाणीवि, जे नाणी ते



અત્યેગતિયા દુન્નાળી અત્યેગતિયા તિન્નાળી અત્યેગતિયા ચડનાળી અત્યેગતિયા એગનાળી જે દુન્નાળી તે આભિણિબોહિયનાળી ય સુયનાળી ય જે તિન્નાળી તે આભિણિબોહિયનાળી સુયનાળી ઓહિનાળી અહવા આભિણિબોહિયનાળી સુયનાળી મળપજ્જવનાળી જે ચડનાળી તે આભિણિબોહિયનાળી સુયનાળી ઓહિનાળી મળપજ્જવનાળી જે એગનાળી તે નિયમા કેવલનાળી, જે અન્નાળી તે અત્યેગતિયા દુઅન્નાળી અત્યેગતિયા તિઅન્નાળી જે દુઅન્નાળી તે મઙ્ગઅન્નાળી ય સુયઅન્નાળી ય જે તિયઅન્નાળી તે મઙ્ગઅન્નાળી સુઅન્નાળી વિભંગનાળી, નેરડયા ણં મંતે! કિં નાળી અન્નાળી?, ગોયમા! નાળીવિ અન્નાળીવિ, જે નાળી તે નિયમા તિન્નાળી, તં- આભિણિબોહિં સૂયનાળી ઓહિનાળી જે અન્નાળી તે અત્યેગતિયા દુઅન્નાળી અત્યેગતિયા તિન્નાળી, એવં તિન્નિ અન્નાળાણિ મયણાએ, અસુરકુમારા ણં મંતે! કિં નાળી અન્નાળી?, જહેવ નેરડયા તહેવ તિન્નિ નાળાણિ નિયમા તિન્નિ અન્નાળાણિ મયણાએ, એવં જાવં થણિયકુ, પુઢવિવ્કાડયા ણં મંતે! કિં નાળી અન્નાળી?, ગોયમા! નો નાળી અન્નાળી, જે અન્નાળી તે નિયમા દુઅન્નાળી-મઙ્ગઅન્નાળી ય સુયઅન્નાં, એવં જાવ વળસ્સડકાં, બેઙ્ગદિયાણં પુચ્છા, ગોયમા! ણાળીવિ અન્નાળીવિ, જે નાળી તે નિયમા દુન્નાળી, તં- આભિણિબોહિયનાળી ય સુયનાળી ય, જે અન્નાળી તે નિયમા દુઅન્નાળી તં- આભિણિબોહિયઅન્નાળી સુયઅન્નાળી, એવં તેઙ્ગદિયચરિદિયાવિ, પંચિંદિયતિરિવ્વજોં પુચ્છા, ગોયમા! નાળીવિ અન્નાળીવિ, જે નાળી તે અત્યેં દુન્નાળી અત્યેં તિન્નાળી એવં તિન્નિ નાળાણિ તિન્નિ અન્નાળાણિ ય મયણાએ, મળુસ્સા જહા જીવા તહેવ પંચ નાળાણિ તિન્નિ અન્નાળાણિ મયણાએ, વાળમંતેરા જહા નેં, જોઙ્ગસિયવેમાણિયાણં તિન્નિ નાળા તિન્નિ

अन्नाणा नियमा, सिद्धा णं भंते! पुच्छा, गोयमा! णाणीनो अन्नाणी, नियमा एगन्नाणी केवलन्नाणी ॥ ३१७॥ निरयगइया णं भंते! जीवा किं नाणी अन्नाणी?, गोयमा! नाणीवि अन्नाणीवि, तिन्नि नाणाइं नियमा तिन्नि अन्नाणाइं भयणाए, तिरियगइया णं भंते! जीवा किं नाणी अन्नाणी? गोयमा! दो नाणा दो अन्नाणा नियमा, मणुस्सगइया णं भंते! जीवा किं नाणी अन्नाणी?, गोयमा! तिन्नि नाणाइं भयणाए दो अन्नाणाइं नियमा, देवगतिया जहा निरयगतिया, सिद्धगतिया णं भंते! जहा सिद्धा, सइंदिया णं भंते! जीवा किं नाणी अन्नाणी?, गोयमा! चत्तारि नाणाइं तिन्नि अन्नाणाइं भयणाए, एगिंदिया णं भंते! जीवा किं नाणी०?, जहा पुढवीकाइया, बेइंदियतेइंदियचउरिंदियाणं दो नाणा दो अन्नाणा नियमा, पंचिंदिया जहा सइंदिया, अणिंदिया णं भंते! जीवा नाणी०?, जहा सिद्धा, सकाइया णं भंते! जीवा किं नाणी अन्नाणी?, गोयमा! पंच नाणाणि तिन्नि अन्नाणाइं भयणाए, पुढवीकाइया जाव वणस्सइकाइया नो नाणी अन्नाणी नियमा दुअन्नाणी, तं० मतिअन्नाणी य सुयअन्नाणी य, तसकाइया जहा सकाइया, अकाइया णं भंते! जीवा किं नाणी०? जहा सिद्धा, सुहुमा णं भंते! जीवा किं नाणी०?, जहा पुढवीकाइया, बादरा णं भंते! जीवा किं नाणी०?, जहा सकाइया, नोसुहुमानोबादरा णं भंते! जीवा० जहा सिद्धा, पज्जत्ता णं भंते! जीवा किं नाणी०?, जहा सकाइया, पज्जत्ता णं भंते! नेरइया किं नाणी०?, तिन्नि नाणा तिन्नि अन्नाणा नियमा, जहा नेरइए एवं जाव थणियकुमारा, पुढवीकाइया जहा एगिंदिया, एवं जाव चउरिंदिया, पज्जत्ता णं भंते! पंचिंदियतिरिक्खजोणिया किं नाणी अन्नाणी?, तिन्नि नाणा तिन्नि अन्नाणा भयणाए, मणुस्सा जहा सकाइया,

वाणमंतरा जोड़सिया वेमाणिया जहा नेरइया, अपज्जत्ता णं भंते! जीवा किं नाणी०? तिन्नि नाणा तिन्नि अन्नाणा भयणाए, अपज्जत्ता णं भंते! नेरतिया किं नाणी अन्नाणी?, तिन्नि नाणा नियमा तिन्नि अन्नाणा भयणाए, एवं जाव थणियकुमारा, पुढविक्काइया जाव वणस्सइकाइया जहा एगिंदिया, बेदियाणं पुच्छा, दो नाणा दो अन्नाणा णियमा, एवं जाव पंचिंदियतिरिक्खजोणियाणं, अपज्जत्ता णं भंते! मणुस्सा किं नाणी अन्नाणी?, तिन्नि नाणाइं भयणाए दो अन्नाणाइं नियमा, वाणमंतरा जहा नेरइया, अपज्जत्ता जोड़सियवेमाणिया णं० तिन्नि नाणा तिन्नि अन्नाणा नियमा, नोपज्जत्तगानोअपज्जत्ता णं भंते! जीवा किं नाणी०?, जहा सिद्धा। निरयभवत्था णं भंते! जीवा किं नाणी अन्नाणी?, जहा निरयगतिया, तिरियभवत्था णं भंते! जीवा किं नाणी अन्नाणी?, तिन्नि नाणा तिन्नि अन्नाणा भयणाए, मणुस्सभवत्था णं० जहा सकाइया, देवभवत्था णं भंते!० जहा निरयभवत्था, अभवत्था जहा सिद्धा। भवसिद्धिया णं भंते! जीवा किं नाणी०?, जहा सकाइया, अभवसिद्धियाणं पुच्छा गोयमा! नो नाणी अन्नाणी तिन्नि अन्नाणाइं भयणाए, नोभवसिद्धियानोअभवसिद्धिया णं भंते! जीवा० जहा सिद्धा। सन्नीणं पुच्छा जहा सइंदिया, असन्नी जहा बेइंदिया, नोसन्नीनोअसन्नी जहा सिद्धा ॥ ३१८ ॥ कइविहा णं भंते! लद्धी पं०?, गोयमा! दसविहा लद्धी पं० तं० नाणलद्धी दंसणलद्धी चरित्तलद्धी चरित्ताचरित्तलद्धी दाणलद्धी लाभलद्धी भोगलद्धी उवभोगलद्धी वीरियलद्धी इंदियलद्धी, णाणलद्धी णं भंते! कइविहा पं०? गोयमा! पंचविहा पं० तं० आभिणिबोहियणाणलद्धी जाव केवलणाणलद्धी, अन्नाणलद्धी णं भंते! कतिविहा पं०?, गोयमा।

તિવિહા પં૦ તં૦-મહાઅન્નાળલદ્ધી સુયઅન્નાળલદ્ધી વિભંગનાળલદ્ધી, દંસળલદ્ધી ણં ભંતે! કતિવિહા પં૦?, ગોયમા! તિવિહા પં૦ તં૦-સમ્પદંસળલદ્ધી મિચ્છાદંસળલદ્ધી સમ્પામિચ્છાદંસળલદ્ધી, ચરિત્તલદ્ધી ણં ભંતે! કતિવિહા પં૦?, ગોયમા! પંચવિહા પં૦ તં૦ સામાઙ્યચરિત્તલદ્ધી છેદોવદ્ધાવણિયલદ્ધી પરિહારવિશુદ્ધલદ્ધી સુહમસંપરાગલદ્ધી અહવચ્ચાયચરિત્તલદ્ધી, ચરિત્તાચરિત્તલદ્ધી ણં ભંતે! કતિવિહા પં૦?, ગોયમા! એગાગારા પં૦, એવં જાવ ઉવભોગલદ્ધી એગાગારા પં૦, વીરિયલદ્ધી ણં ભંતે! કતિવિહા પં૦?, ગોયમા! તિવિહા પં૦ તં૦-બાલવીરિયલદ્ધી પંડિયવીરિયલદ્ધી બાલપંડિયવીરિયલદ્ધી, ઙંદિયલદ્ધી ણં ભંતે! કતિવિહા પં૦?, ગોયમા! પંચવિહા પં૦ તં૦-સોઙંદિયલદ્ધી જાવ ફાસિંદિયલદ્ધી, નાળલદ્ધિયા ણં ભંતે! જીવા કિં નાળી અન્નાળી?, ગોયમા! નાળી નો અન્નાળી, અત્થેગતિયા દુન્નાળી એવં પંચ નાળાઙં ભયળાએ, તસ્સ અલદ્ધિયા ણં ભંતે! જીવા કિં નાળી અન્નાળી?, ગોયમા! નો નાળી અન્નાળી, અત્થેગતિયા દુઅન્નાળી તિન્નિ અન્નાળાણિ ભયળાએ, આભિણિબોહિયળાળલદ્ધિયા ણં ભંતે! જીવા કિં નાળી અન્નાળી?, ગોયમા! નાળી નો અન્નાળી, અત્થેગતિયા દુન્નાળી૦ ચત્તારિ નાળાઙં ભયળાએ, તસ્સ અલદ્ધિયા ણં ભંતે! જીવા કિં નાળી અન્નાળી?, ગોયમા! નાળીવિ અન્નાળીવિ, જે નાળી તે નિયમા એગનાળી કેવલનાળી, જે અન્નાળી તે અત્થેગઙ્ગયા દુઅન્નાળી તિન્નિ અન્નાળાઙં ભયળાએ, એવં સુયનાળલદ્ધીયાવિ, તસ્સ અલદ્ધીયાવિ જહા આભિણિબોહિયનાળસ્સ અલદ્ધિયા, ઓહિનાળલદ્ધીયા ણં પુચ્છા, ગોયમા! નાળી નો અન્નાળી, અત્થેગતિયા તિન્નાળી અત્થેગતિયા ચરુનાળી, જે તિન્નાળી તે આભિણિબોહિયનાળી સુયનાળી ઓહિનાળી, જે ચરુનાળી તે આભિણિબોહિયનાળી

સુય૦ ઓહિ૦ મળપજવનાળી, તસ્સ અલદ્ધીયા ણં મંતે! જીવા કિં નાળી૦, ગોયમા! નાળી વિ અન્નાળીવિ, એવં ઓહિનાળવજાઈં  
 ચત્તારિ નાળાઈં, તિન્નિ અન્નાળાઈં મયળાએ, મળપજવનાળલદ્ધિયાણં પુચ્છા, ગોયમા! નાળી ણો અન્નાળી, અત્થેગતિયા તિન્નાળી  
 અત્થેગતિયા ચડનાળી, જે તિન્નાળી તે આભિણિબોહિયનાળી સુયળાળી મળપજવનાળી, જે ચડનાળી તે આભિણિબોહિયનાળી સુયળાળી  
 ઓહિનાળી મળપજવનાળી, તસ્સ અલદ્ધીયા ણં પુચ્છા, ગોયમા! નાળીવિ અન્નાળીવિ, મળપજવનાળવજાઈં ચત્તારિ નાળાઈં, તિન્નિ  
 અન્નાળાઈં મયળાએ, કેવલનાળલદ્ધિયા ણં મંતે! જીવા કિં નાળી અન્નાળી?, ગોયમા! નાળી નો અન્નાળી, નિયમા એગળાળી કેવલનાળી,  
 તસ્સ અલદ્ધિયાણં પુચ્છા, ગોયમા! નાળીવિ અન્નાળીવિ, કેવલનાળવજાઈં ચત્તારિ નાળાઈં તિન્નિ અન્નાળાઈં મયળાએ, અન્નાળલદ્ધિયાણં  
 પુચ્છા, ગોયમા! નો નાળી અન્નાળી, તિન્નિ અન્નાળાઈં મયળાએ, તસ્સ અલદ્ધિયાણં પુચ્છા, ગોયમા! નાળી નો અન્નાળી, પંચ નાળાઈં  
 મયળાએ, જહા અન્નાળસ્સ લદ્ધિયા અલદ્ધિયા ય મળિયા એવં મહાઅન્નાળસ્સ સુયઅન્નાળસ્સ ય લદ્ધિયા અલદ્ધિયા ય મળિયવ્વા,  
 વિમ્ભંગનાળલદ્ધિયાણં તિન્નિ અન્નાળાઈં નિયમા, તસ્સ અલદ્ધિયાણં પંચ નાળાઈં મયળાએ દો અન્નાળાઈં નિયમા, દંસળલદ્ધિયા ણં  
 મંતે! જીવા કિં નાળી અન્નાળી?, ગોયમા! નાળીવિ અન્નાળીવિ, પંચ નાળાઈં તિન્નિ અન્નાળાઈં મયળાએ, તસ્સ અલદ્ધિયા ણં મંતે!  
 જીવા કિં નાળી અન્નાળી?, ગોયમા! તસ્સ અલદ્ધિયા નત્થિ, સમ્મદંસળલદ્ધિયાણં પંચ નાળાઈં મયળાએ, મિચ્છાદંસળલદ્ધિયા ણં મંતે!  
 પુચ્છા, તિન્નિ અન્નાળાઈં મયળાએ, તસ્સ અલદ્ધિયાણં પંચ નાળાઈં તિન્નિ ય અન્નાળાઈં મયળાએ, સમ્મામિચ્છાદંસળલદ્ધિયા ય અલદ્ધિયા

ય જહા મિચ્છાદંસળલદ્ધી અલદ્ધી તહેવ ભાણિયલ્લં, ચરિત્તલદ્ધિયા ણં મંતે! જીવા કિં નાળી અન્નાળી?, ગોયમા! પંચ નાળાં મયળાએ, તસ્સ અલદ્ધિયાણં મળપજ્જવનાળવજ્જાં ચત્તારિ નાળાં તિન્નિ ય અન્નાળાં મયળાએ, સામાડયચરિત્તલદ્ધિયા ણં મંતે! જીવા કિં નાળી અન્નાળી?, ગોયમા! નાળી કેવલવજ્જાં ચત્તારિ નાળાં મયળાએ, તસ્સ અલદ્ધિયાણં પંચ નાળાં તિન્નિ ય અન્નાળાં મયળાએ, એવં જહા સામાડયચરિત્તલદ્ધિયા અલદ્ધિયા ય મળિયા એવં જાવ અહક્કચાયચરિત્તલદ્ધિયા અલદ્ધિયા ય ભાણિયલ્લા, નવરં અહક્કચાયચરિત્તલદ્ધિયા પંચ નાળાં મં, ચરિત્તાચરિત્તલદ્ધિયા ણં મંતે! જીવા કિં નાળી અન્નાળી?, ગોયમા! નાળી નો અન્નાળી, અત્થેગઇયા દુળ્ળાળી અત્થેગતિયા તિન્નાળી, જે દુન્નાળી તે આમ્મિભિબોહિયનાળી ય સુયનાળી ય, જે તિન્નાળી તે આમ્મિ સુયનાળી ઓહિનાળી, તસ્સ અલદ્ધિયાણં પંચ નાળાં તિન્નિ અન્નાળાં મયળાએ, દાળલદ્ધિયાણં પંચ નાળાં તિન્નિ અન્નાળાં મયળાએ, તસ્સ અં પુચ્છા, ગોયમા! નાળી નો અન્નાળી, નિયમા એગનાળી કેવલનાળી, એવં જાવ વીરિયસ્સ લદ્ધી અલદ્ધી ય ભાણિયલ્લા, બાલવીરિયલદ્ધિયાણં તિન્નિ નાળાં તિન્નિ અન્નાળાં મયળાએ, તસ્સ અલદ્ધિયાણં પંચ નાળાં મયળાએ, પંડિયવીરિયલદ્ધિયાણં પંચ નાળાં મયળાએ, તસ્સ અલદ્ધિયા ણં મળપજ્જવનાળવજ્જાં તિન્નિ ણાળાં તિન્નિ ય મયળાએ, બાલપંડિયવીરિયલદ્ધિયાણં મંતે! જીવાં?, તિન્નિ નાળાં મયળાએ, તસ્સ અલદ્ધિયાણં પંચ નાળાં તિન્નિ અન્નાળાં મયળાએ, ઇંદિયલદ્ધિયા ણં મંતે! જીવા કિં નાળી અન્નાળી?, ગોયમા! ચત્તારિ ણાળાં તિન્નિ ય અન્નાળાં મયળાએ, તસ્સ અલદ્ધિયાણં પુચ્છા, ગોયમા! નાળી નો અન્નાળી નિયમા

॥ શ્રીમહાવતી સૂત્ર ॥

૨૪૧

પૂ. સાગરજી મ. સંશોધિત

एगनाणी केवलनाणी, सोइंदियलद्धियाणं जहा इंदियलद्धिया, तस्स अलद्धियाणं पुच्छा, गोयमा! नाणीवि अन्नाणीवि, जे नाणी ते अत्थेगतिया दुन्नाणी अत्थेगतिया एगनाणी जे दुन्नाणी ते आभिणिबोहियनाणी सुयनाणी जे एगनाणी ते केवलनाणी, जे अन्नाणी ते नियमा दुअन्नाणी, तं०-मइअन्नाणी य सुयअन्नाणी य, चक्खिंदियघाणिंदियाणं लद्धियाणं अलद्धियाणं य० जहेव सोइंदियस्स, जिब्भिंदियलद्धियाणं चत्तारि णाणाइं तिन्नि य अन्नाणाणि भयणाए, तस्स अलद्धियाणं पुच्छा, गोयमा! नाणीवि अन्नाणीवि, जे नाणी ते नियमा एगनाणी केवलनाणी, जे अन्नाणी ते नियमा दुअन्नाणी, तं० मइअन्नाणी य सुयअन्नाणी य, फासिंदियलद्धियाणं अलद्धियाणं जहा इंदियलद्धिया य अलद्धिया य ॥ ३१९ ॥ सागारोवउत्ता णं भंते! जीवा किं नाणी अन्नाणी?, पंच नाणाइं तिन्नि अन्नाणाइं भयणाए, आभिणिबोहियनाणसागारोवउत्ता णं भंते!०? चत्तारि णाणाइं भयणाए, एवं सुयनाणसागारोवउत्तावि, ओहिनाणसागारोवउत्ता जहा ओहिनाणलद्धिया, मणपज्जवनाणसागारोवउत्ता जहा मणपज्जवनाणलद्धिया केवलनाणसागारोवउत्ता जहा केवलनाणलद्धिया, मइअन्नाणसागारोवउत्ताणं तिन्नि अन्नाणाइं भयणाए, एवं सुयअन्नाणसागारोवउत्तावि, विभंगनाण-सागारोवउत्ताणं तिन्नि अन्नाणाइं नियमा, अणागारोवउत्ता णं भंते! जीवा किं नाणी अन्नाणी?, पंच नाणाइं तिन्नि अन्नाणाइं भयणाए, एवं चक्खुदंसणअचक्खुदंसणअणागारोवउत्तावि, नवरं चत्तारि णाणाइं तिन्नि अन्नाणाइं भयणाए, ओहिदंसण-अणागारोवउत्ताणं पुच्छा, गोयमा! नाणीवि अन्नाणीवि, जे नाणी ते अत्थेगतिया तिन्नाणी अत्थेगतिया चउनाणी, जे तिन्नाणी ते

આભિણિબોહિયં સુચનાળી ઓહિનાળી, જે ચઝનાળી તે આભિણિબોહિયનાળી જાવ મળપજ્જવનાળી, જે અન્નાળી તે નિયમા તિઅન્નાળી, તં- મઙઅન્નાળી સુચઅન્નાળી વિભંગનાળી, કેવલદંસળઅળાગારોવઝત્તા જહા કેવલનાળલદ્ધિયા, સજોગી ણં મંતે! જીવા કિં નાળીં?, જહા સકાઙયા, એવં મળજોગી વઙજોગી કાયજોગીવિ, અજોગી જહા સિંદ્ધા, સલેસ્સા ણં મંતે!ં? જહા સકાઙયા, કળહલેસ્સા ણં મંતે!ં? જહા સઙ્ઙંદિયા, એવં જાવ પળ્હલેસા, સુઘલેસ્સા જહા સલેસ્સા, અલેસ્સા જહા સિંદ્ધા, સકસાઙ ણં મંતે!ં? જહા સઙ્ઙંદિયા, એવં જાવ લોહકંસાઙ, અકસાઙ ણં મંતે!ં? પંચ નાળાઙ મયળાએ, સવેદગા ણં મંતે!ં? જહા સઙ્ઙંદિયા, એવં ઙ્ઙિથિવેદગાવિ, એવં પુરિસવેયગા એવં નપુસંકવેં, અવેદગા જહા અકસાઙ, આહારગા ણં મંતે! જીવાં? જહા સકાસાઙ નવરં કેવલનાળંપિ, અળાહારગા ણં મંતે! જીવા કિં નાળી અન્નાળી?, મળપજ્જવનાળવજ્ઙાઙ નાળાઙ અન્નાળાળિ ય તિન્નિ મયળાએ ॥ ૩૨૦ ॥ આભિણિબોહિયનાળસ્સ ણં મંતે! કેવતિએ વિસાએ પંં?, ગોયમા! સે સમાસઓ ચઝવ્વિહે પંં તં- દવ્વઓ ઁત્તઓ કાલઓ ભાવઓ, દવ્વઓ ણં આભિણિબોહિયનાળી આએસેળં સવ્વદવ્વાઙ જાળઙ પાસઙ, ઁત્તઓ આભિણિબોહિયનાળી આએસેળં સવ્વઁત્ત જાળઙ પાસઙ, એવં કાલોઓઙવિ, એવં ભાવઓઙવિ, સુચનાળસ્સ ણં મંતે! કેવતિએ વિસાએ પંં?, ગોયમા! સે સમાસઓ ચઝવિહે પંં તં- દવ્વઓં, દવ્વઓ ણં સુચનાળી ઁવઁત્તે સવ્વદવ્વાઙ જાળતિ પાસતિ, એવં ઁત્તઓઙવિ કાલઓઙવિ, ભાવળો ણં સુચનાળી ઁવઁત્તે સવ્વભાવે જાળતિ પાસતિ, ઓહિનાળસ્સ ણં મંતે! કેવતિએ વિસાએ પંં?, ગોયમા! સે સમાસઓ ચઝવ્વિહે પંં તં- દવ્વઓં, દવ્વઓ ણં ઓહિનાળી રૂવિદવ્વાઙ જાળઙ પાસઙ જહા નંદીએ



જાવ ભાવઓ, મળપજવનાણસ્સ ણં ભંતે! કેવતિએ વિસાએ પં૦? ગોયમા! સે સમાસઓ ચઝવિહે પં૦ તં૦-દવ્વઓ૦, દવ્વઓ ણં ઝજુમતી  
 અણંતે અણંતપદેસિએ જહા નંદીએ જાવ ભાવઓ, કેવલનાણસ્સ ણં ભંતે! કેવતિએ વિસાએ પં૦?, ગોયમા! સે સમાસઓ ચઝવિહે પં૦ તં૦  
 દવ્વઓ ખેત્તઓ કાલઓ ભાવઓ, દવ્વઓ ણં કેવલનાણી સવ્વદવ્વાઈં જાણઇ પાસઇ એવં જાવ ભાવઓ, મઙ્ગઅન્નાણસ્સ ણં ભંતે!  
 કેવતિએ વિસાએ પં૦?, ગોયમા! સે સમાસઓ ચઝવિહે પં૦ તં૦-દવ્વઓ ખેત્તઓ કાલઓ ભાવઓ, દવ્વઓ ણં મઙ્ગઅન્નાણી  
 મઙ્ગઅન્નાણપરિગયાઈં દવ્વાઈં જાણઇ૦, એવં જાવ ભાવઓ મઙ્ગઅન્નાણી મઙ્ગઅન્નાણપરિગાએ ભાવે જાણઇ પાસઇ, સુયઅન્નાણસ્સ ણં ભંતે!  
 કેવતિએ વિસાએ પં૦?, ગોયમા! સે સમાસઓ ચઝવિહે પં૦ તં૦-દવ્વઓ૦, દવ્વઓ ણં સુયઅન્નાણી સુયઅન્નાણપરિગયાઈં દવ્વાઈં  
 આઘવેતિ પન્નવેતિ પરુવેઇ, એવં ખેત્તઓ કાલાઓ, ભાવઓ ણં સુયઅન્નાણી સુયઅન્નાણપરિગાએ ભાવે આઘવેતિ તં ચેવ, વિભંગનાણસ્સ  
 ણં ભંતે! કેવતિએ વિસાએ પં૦?, ગોયમા! સે સમાસઓ ચઝવિહે પં૦ તં૦-દવ્વઓ૦, દવ્વઓ ણં વિભંગનાણી વિભંગનાણપરિગયાઈં  
 દવ્વાઈં જાણઇ પાસઇ, એવં જાવ ભાવઓ ણં વિભંગનાણી વિભંગનાણપરિગાએ ભાવે જાણઇ પાસઇ ॥ ૩૨૧ ॥ ણાણી ણં ભંતે! ણાણીતિ  
 કાલઓ કેવલ્લિરં હોઈ?, ગોયમા! નાણી દુવિહે પં૦ તં૦-સાઇએ વા અપજ્જવસિએ સાઇએ વા સપજ્જવસિએ, તત્થ ણં જે સે સાઇએ  
 સપજ્જવસિએ સે જહન્નેણં અંતોમુહત્તં ઝક્કોસેણં છાવટ્ઠિં સાગરોવમાઈં સાતિરેગાઈં, અભિણિબોહિયનાણી ણં ભંતે! આભિણિબોહિય૦ એવં  
 નાણી આભિણિબોહિયનાણી જાવ કેવલનાણી, અન્નાણી મઙ્ગઅન્નાણી સુયઅન્નાણી વિભંગનાણી, એસિં દસણ્હવિ સંચિટ્ઠણા જહા

कायतिईए, अंतरं सव्वं जहा जीवाभिगमे, अप्पाबहुगाणि तिन्नि जहा बहुवत्तव्वयाए, केवतिया णं भंते! आभिणिबोहियणाणपज्जवा पं०?, गोयमा! अणंता आभिणिबोहियणाणपज्जवा पं०, केवतिया णं भंते! सुयणाणपज्जवा पं०?, एवं चेव, एवं जाव केवलनाणस्स, एवं मइअन्नाणस्स सुयअन्नाणस्स, केवतिया णं भंते! विभंगनाणपज्जवा पं०?, गोयमा! अणंता विभंगनाणपज्जवा पं०, एएसिं णं भंते! आभिणिबोहियणाणपज्जवाणं सुयणाण० ओहिनाण० मणपज्जवनाण० केवलनाणपज्जवाण य कयरे जाव विसेसाहिया वा?, गोयमा! सव्वत्थोवा मणपज्जवनाणपज्जवा ओहिनाणपज्जवा अणंतगुणा सुयणाणपज्जवा अणंतगुणा आभिणिबोहियणाणपज्जवा अणंतगुणा केवलनाणपज्जवा अणंतगुणा, एएसिं णं भंते! मइअन्नाणपज्जवाण सुयअन्नाण० विभंगनाणपज्जवाण य कयरे जाव विसेसाहिया वा?, गोयमा! सव्वत्थोवा विभंगनाणपज्जवा सुयअन्नाणपज्जवा अणंतगुणा मइअन्नाणपज्जवा अणंतगुणा, एएसिं णं भंते! आभिणि-बोहियणाणपज्जवाणं जाव केवलनाणप० मइअन्नाणप० सुयअन्नाणप० विभंगनाणप० कयरे० विसेसाहिया वा?, गोयमा! सव्वत्थोवा मणपज्जवणाणपज्जवा विभंगनाणपज्जवा अणंतगुणा ओहिणाणपज्जवा अणंतगुणा सुयअन्नाणपज्जवा अणंतगुणा सुयणाणपज्जवा विसेसाहिया मइअन्नाणपज्जवा अणंतगुणा आभिणिबोहियणाणपज्जवा विसेसाहिया केवलणाणपज्जवा अणंतगुणा। सेवं भंते! सेवं भंते! त्ति ॥ ३२२ ॥ श० ८ ३० २ ॥

कइविहा णं भंते! रुक्खा पं०?, गोयमा तिविहा रुक्खा पं० तं०-संखेज्जजीविया असंखेज्जजीविया अणंतजीविया, से किं तं

॥ श्रीभगवती सूत्रं ॥

२४५

पू. सागरजी म. संशोधित

સંખેજ્જીવિયા?, સંખેં અણેગવિહા પંં તંં-તાલે તમાલે તક્કલિ તેતલિ જહા પન્નવણાપણે જાવ નાલિણી, જે યાવન્ને તહમ્પગારાં, સેત્તં સંખેજ્જીવિયા, સે કિં તં અસંખેજ્જીવિયા?, અસંખેજ્જીવિયા દુવિહા પંં તંં-એગટ્ટિયા ય બહુબીયગા ય સે કિં તં એગટ્ટિયા?, ૨ અણેગવિહા પંં તંં-નિબંબજંબૂં એવં જહા પન્નવણાપણે જાવ ફલા બહુબીયગા, સેત્તં અસંખેજ્જીવિયા, સે કિં તં અણંતજીવિયા?, અણંતજીવિયા અણેગવિહા પંં તંં-આલુણે મૂળે સિંગબેરે, એવં જહા સત્તમસણે જાવ સીઝળે સિઝંઢી ( સીહકન્ની સીહંઢી ) મુસંઢી, જે યાવન્ને તં, સેત્તં અણંતજીવિયા ॥ ૩૨૩ ॥ અહં ભંતે! કુમ્મે કુમ્માવલિયા ગોહે ગોહાવલિયા ગોળે ગોળાવલિયા મળુસ્સે મળુસ્સાવલિયા મહિસે મહિસાવલિયા એણસિં ણં દુહા વા તિહા વા સંખેજ્જહા વા છિન્નાણં જે અંતરા તેઽવિ ણં તેહિં જીવપણેસેહિં ફુડા?, હંતા ફુડા, પુરિસે ણં ભંતે! અંતરે હત્થેણ વા પાદેણ વા અંગુલિયાણે વા સલાગાણે વા કઢ્ઢેણ વા કલિંચેણ વા આમુસમાણે વા સંમુસમાણે વા આલિહમાણે વા વિહિલમાણે વા અન્નયરેણ વા તિવ્વેણં સત્થજાણં આચ્છિંદમાણે વા વિચ્છિંદમાણે વા અગણિકાણં વા સમોડહમાણે તેસિં જીવપણેસાણં કિંચિ આબાહં વા વિબાહં ઉપ્પાયઙ્ગ છવિચ્છેદં વા કરેઈ?, ણો તિણઢે સમઢે, નો ચ્છલુ તત્થ સત્થં સંકમઙ્ગ ॥ ૩૨૪ ॥ કત્તિ ણં ભંતે! પુઢવીઓ પંં? ગોયમા! અઢ્ઢ પુઢવીઓ પંં તંં-ચયણપ્પમા જાવ અહે સત્તમા પુઢવી ઈસિપમ્મારા, ઇમા ણં ભંતે! ચયણપ્પમાપુઢવી કિં ચરિમા અચરિમા?, ચરિમપદં નિરવસેસં માણિયવ્વં જાવ વેમાણિયા ણં ભંતે! ફાસચરિમેણં કિં ચરિમા અચરિમા?, ગોયમા ચરિમાવિ અચરિમાવિ સેવં ભંતે! ૨ ભગં ગોં ॥ ૩૨૫ ॥ ૧૦ ૮ ૩૦ ૩ ॥

रायगिहे जाव एवं वयासी कति णं भंते! किरियाओ पं०?, गोयमा! पंच किरियाओ पं० तं०-काइया अहिगरणिया०, एवं किरियापदं निरवसेसं भाणियव्वं जाव मायावत्तियाओ किरियाओ विसेसाहियाओ । सेवं भंते! सेवं भंते! त्ति भगवं गोयमे० ॥ ३२६ ॥  
श० ८ ३० ४॥

रायगिहे जाव एवं वयासी आजीविया णं भंते! धेरे भगवंते एवं वयासी समणोवासगस्स णं भंते! सामाइयकडस्स समणोवस्सए अच्छमाणस्स केई भंडं अवहरेज्जा से णं भंते! तं भंडं अणुगवेसमाणे किं सयं भंडं अणुगवेसेइ परायगं वा०?, गोयमा! सयं भंडं अणुगवेसेति नो परायगं भंडं अणुगवेसेइ, तस्स णं भंते! तेहिं सीलव्वयगुणवेरमणपच्चक्ख्वाणपोसहोववासेहिं से भंडे अभंडे भवति?, हंता भवति, से केणं खाइ णं अट्टेणं भंते! एवं वुच्चइ सयं भंडं अणुगवेसेइ नो परायगं भंडं अणुगवेसेइ?, गोयमा! तस्स णं एवं भवति णो मे हिरन्ने नो मे सुवण्णे नो मे कंसे नो मे दूसे नो मे विउलधणकणगरयणमणिमोत्तियसंखसिलप्पवाल्तरत्तरयणमादीए संतसारसावदेजे, ममत्तभावे पुण से अप्परिणाए भवति, से तेणट्ठेणं गोयमा! एवं वुच्चइ सयं भंडं अणुगवेसेइ नो परायगं भंडं अणुगवेसेइ, समणोवासगस्स णं भंते! सामाइयकडस्स समणोवस्सए अच्छमाणस्स केति जायं चरेज्जा से णं भंते! किं जायं चरइ अजायं चरइ?, गोयमा! जायं चरइ नो अजायं चरइ, तस्स णं भंते! तेहिं सीलव्वयगुणवेरमणपच्चक्ख्वाणपोसहोववासेहिं सा जाया अजाया भवइ?, हंता भवइ, से केणं खाइ णं अट्टेणं भंते! एवं वुच्चइ जायं चरइ नो अजायं चरइ?, गोयमा! तस्स णं एवं भवइ णो मे माता णो मे पिता णो मे भाया णो मे

भगिणी णो मे भज्जा णो मे पुत्ता णो मे धूया नो मे सुण्हा, मेज्जबंधणे पुण से अवोच्छिन्ने भवइ, से तेणट्ठेणं गोयमा! जाव नो अजायं चरइ ॥ ३२७ ॥ सभणोवासगस्स णं भंते! पुब्बामेव थूलए पाणाइवाए अपच्चक्खाए भवइ, से णं भंते! पच्छा पच्चाइक्खमाणे किं करेति?, गोयमा! तीयं पडिक्कमइ पडुप्पन्नं संवरेइ अणागयं पच्चक्खाति, तीयं पडिक्कमाणे किं तिविहं तिविहेणं पडिक्कमति तिविहं दुविहेणं पडिक्कमति तिविहं एगविहेणं पडिक्कमति दुविहं तिविहेणं पडिक्कमति दुविहं दुविहेणं पडिक्कमति दुविहं एगविहेणं पडिक्कमति एक्कविहं तिविहेणं पडिक्कमति एक्कविहं दुविहेणं पडिक्कमति एक्कविहं एगविहेणं पडिक्कमति?, गोयमा! तिविहं तिविहेणं पडिक्कमति तिविहं दूविहेणं वा पडिक्कमति तं चेव जाव एक्कविहं वा एक्कविहेणं पडिक्कमति, तिविहं वा तिविहेणं पडिक्कममाणे न करेति न कारवेति करेतं णाणुजाणइ मणसा वयसा कायसा, तिविहं दुविहेणं पडि० न क० न का० करेतं णाणुजाणइ मणसा वयसा अहवा न करेइ न का० करेतं नाणुजा० मणसा कायसा अहवा न करेइ० ३ वयसा कायसा, तिविहं एगविहेणं पडि० न करेति० ३ मणसा अहवा न करेइ० ३ वयसा, अहवा न करेइ० ३ कायसा, दुविहं ति० पं० न करेइ न का० मणसा वयसा कायसा अहवा न करेइ करेतं नाणुजाणइ मण० वय० काय० अहवा न कारवेइ करेतं नाणुजा० मणसा वयसा कायसा, दु० दु० प० न क० न का० म० व० अहवा न क० न का० म० कायसा, अहवा न क० न का० वयसा कायसा, अहवा न करेइ करेतं नाणुजाणइ मणसा वयसा, अहवा न करे० करेतं नाणुजाणइ मणसा कायसा, अहवा न करेति करेतं नाणुजाणति वयसा कायसा अहवा न कारवेति करेतं नाणुजाणति मणसा

वयसा अहवा न कारवेइ करेतं नाणुजाणइ मणसा कायसा अहवा न कारवेति करेतं नाणुजाणइ वयसा कायसा, दुविहं एक्कविहणं पडिक्कममाणे न करेति न कारवेति मणसा अहवा न करेति न कारवेति वयसा अहवा न करेति न कारवेति कायसा अहवा न करेति करेतं नाणुजाणइ मणसा अहवा न करेइ करेतं नाणुजाणइ वयसा अहवा न करेइ करेतं नाणुजाणइ कायसा अहवा न कारवेइ करेतं नाणुजाणइ मणसा अहवा न कारवेइ करेतं नाणुजाणइ वयसा अहवा न कारवेइ करेतं नाणुजाणइ कायसा, एगविहं तिविहेणं पडि० न करेति मणसा वयसा कायसा अहवा न कारवेइ मणसा वयसा कायसा अहवा करेतं नाणुजाणइ मणसा वयसा कायसा, एक्कविहं दुविहेणं पडिक्कममाणे न करेति मणसा वयसा अहवा न करेति मणसा कायसा अहवा न करेइ वयसा कायसा अहवा न कारवेति मणसा वयसा अहवा न कारवेति मणसा कायसा अहवा न कारवेइ वयसा कायसा अहवा करेतं नाणुजाणइ मणसा वयसा अहवा करेतं नाणुजाणइ मणसा कायसा अहवा करेतं नाणुजाणइ वयसा कायसा, एक्कविहं एगविहेणं पडिक्कममाणे न करेति मणसा अहवा न करेति वयसा अहवा न करेति कायसा अहवा न कारवेति मणसा अहवा न कारवेति वयसा अहवा न कारवेइ कायसा अहवा करेतं नाणुजाणइ मणसा अहवा करेतं नाणुजाणइ वयसा अहवा करेतं नाणुजाणइ कायसा, पडुप्पन्नं संवरेमाणे किं तिविहं तिविहेणं संवरेइ?, एवं जहा पडिक्कममाणेणं एगूणपन्नं भंगा भणिया एवं संवरमाणेणवि एगूणपन्नं भंगा भाणियव्वा, अणागयं पच्चक्खमाणे किं तिविहं तिविहेणं पच्चक्खाइ०? एवं ते चेव भंगा एगूणपन्ना भाणियव्वा जाव अहवा करेतं नाणुजाणइ कायसा, समणोवास गस्स

णं भंते! पुष्पामेव धूलमुसावाए अपच्चक्खाए भवइ से णं भंते! पच्छा पच्छाइक्खमाणे० एवं जहा पाणाइवायस्स सीयालं भंगसयं  
 भणियं तहा मुसावायस्सवि भाणियव्वं, एवं अदिन्नादाणस्सवि, एवं धूलगस्स मेहुणस्सवि, धूलगस्स परिग्गहस्सवि, जाव अहवा  
 करेतं नाणुजाणइ कायसा, एए खलु एरिसगा समणोवासगा भवंति, नो खलु एरिसगा आजीवियोवासगा भवंति ॥ ३२८ ॥  
 आजीवियसमयस्स णं अयमट्ठे पं० अक्खीणपडिभोइणो सव्वे सत्ता से हंता छेत्ता भेत्ता लुंपित्ता विलुंपित्ता उद्वइत्ता आहारमाहारेति,  
 तत्थ खलु इमे दुवालस आजीवियोवासगा भवंति, तं०-ताले ( प्र० तभाले ) तालपलंबे उव्विहे संविहे अवविहे उदए नामुदए णमुदए  
 अणुवालए संखवालए अयंबु( पु )ले कायरए इच्चेते दुवालसभाजीवियोवासगा अरिहंतदेवतागा अम्मापिउसुस्ससगा पंचफलपडिक्कंता,  
 तं० उंबरेहिं वडेहिं बोरेहिं सतरेहिं पिलंखूहिं, पलंडुल्हसणकंदभूलविवज्जगा अणिल्लंछिएहिं अणक्कभिन्नेहिं गोणेहिं तसपाणविवज्जिएहिं  
 चि ( प्र० छे ) तेहिं वित्तिं कप्पेमाणा विहरंति, एएऽवि ताव एवं इच्छंति, किमंग पुण जे इमे समणोवासगा भवंति जेसिं नो कप्पंति  
 इमाइं पन्नरस कम्मादाणाइं सयं करेत्तए वा कारवेत्तए वा करेतं वा अन्नं न समणुजाणेत्तए, तं०-इंगालकम्पे वणकम्पे साडीकम्पे  
 भाडीकम्पे फोडीकम्पे दंतवाणिजे लक्खवाणिजे केसवाणिजे रसवाणिजे विसवाणिजे जंतपीलणकम्पे निल्लंछणकम्पे दवग्गिदावणया  
 सरदहतलायपरिसोसणया असतीपोसणया, इच्चेते समणोवासगा सुक्का सुक्काभि जातीया भविया भवित्ता कालमासे कालं किच्चा  
 अन्नयरेसु देवल्लोएसु देवत्ताए उववत्तारो भवंति ॥ ३२९ ॥ कतिविहा णं भंते! देवल्लोगा पं०?, गोयमा! चउव्विहा देवल्लोगा पं० तं०-

॥ श्रीभगवती सूत्रं ॥

२५०

पू. सागरजी म. संशोधित

भवणवासिवाणमंतरजोइसवेमाणिया। सेवं भंते! २। ३३०॥ श० ८ ३० ५॥

समणोवासगस्स णं भंते! तहारूवं समणं वा माहणं वा फासुएसणिज्जेणं असणपाणखाइमसाइमेणं पडिलाभेमाणस्स किं कज्जति? योगमा! एगंतसो निज्जरा कज्जइ, नत्थि य से पावे कम्मे कज्जति, समणोवासगस्स णं भंते! तहारूवं समणं वा माहणं वा अफासुएणं अणेसणिज्जेणं असणपाण जाव पडिलाभेमाणस्स किं कज्जइ?, गोथमा! बहुतरिया से निज्जरा कज्जइ, अप्पतराए से पावे कम्मे कज्जइ, समणोवासगस्स णं भंते! तहारूवं अस्संजयअविरयपडिहयपच्चक्खायपावकम्मं फासुएण वा अफासुएण वा एसणिज्जेण वा अणेसणिज्जेण वा असणपाण जाव किं कज्जइ?, गोथमा! एगंतसो से पावे कम्मे कज्जइ, नत्थि से काई निज्जरा कज्जइ ॥ ३३१॥

निग्गंथं च णं गाहावइकुलं पिंडवायपडियाए अणुप्पविट्ठं केई दोहिं पिंडेहिं उवनिमंतेज्जा एगं आउसो! अप्पणा भुंजाहि एगं थेराणं दलयाहि, से य तं पिंडं पडिगहिज्जा, थेराय से अणुगवेसियव्वा सिया, जत्थेव अणुगवेसमाणे थेरे पासिज्जा तत्थेवाणुप्पदायव्वे सिया, नो चेव णं अणुगवेसमाणे थेरे पासिज्जा तं नो अप्पणा भुंजेज्जा नो अन्नेसिं दावए एगंते अणावाए अचित्ते बहुफासुए थंडिल्ले पडिलेहेत्ता पमज्जित्ता परिट्ठावेयव्वे सिया, निग्गंथं च णं गाहावइकुलं पिंडवायपडियाए अणुप्पविट्ठं केति तीहिं पिंडेहिं उवनिमंतेज्जा एगं आउसो! अप्पणा भुंजाहि दो थेराणं दलयाहि, से य ते पडिग्गहेज्जा, थेरा य से अणुगवेसेयव्वा सेसं तं चेव जाव परिट्ठावेयव्वे सिया, एवं जाव दसहिं पिंडेहिं उवनिमंतेज्जा, नवरं एगं आउसो! अप्पणा भुंजाहिं नव थेराणं दलयाहि सेसं तं चेव जाव परिट्ठावेयव्वे सिया, निग्गंथं च



णं गाहावड जाव केई दोहिं पडिग्गहेहिं उवनिमंतेज्जा एगं आउसो! अप्पणा पडिभुंजाहिं एगं थेराणं दलायाहि, से य तं पडिग्गहेज्जा तहेव जाव तं नो अप्पणा पडिभुंजेज्जा नो अन्नेसिं दावए सेसं तं चेव जाव परिट्ठावेयव्वे सिया, एवं जाव दसहिं पडिग्गहेहिं, एवं जहा पडिग्गहवत्तव्वया भाणिया एवं गोच्छगरयहरणचोलपट्टगकं-बललट्टीसंथारगवत्तव्वया भाणियव्वा जाव दसहिं संथारएहिं उवनिमंतेज्जा जाव परिट्ठावेयव्वे सिया ॥ ३३२ ॥ निग्गंथेण य गाहावडकुलं पिंडवायपडियाए पविट्ठेणं अन्नयरे अकिच्चट्ठाणे पडिसेविए, तस्स णं एवं भवति इहेव ताव अहं एयस्स ठाणस्स आलोएमि पडिक्कमामि निंदामि गरिहामि विउट्ठामि विसोहेमि अकरणयाए अब्भुट्ठेमि अहारिहं पायच्छित्तं तवोकम्मं पडिवज्जामि, तओ पच्छा थेराणं अंतियं आलोएस्सामि जाव तवोकम्मं पडिवज्जिस्सामि, से य संपट्ठिए असंपत्ते थेरा य पुव्वामेव अमुहा सिया से णं भंते! किं आराहए विराहए?, गोयमा! आराहए नो विराहए, से य संपट्ठिए असंपत्ते अप्पणा य पुव्वामेव अमुहे सिया से णं भंते! किं आराहए विराहए?, गोयमा! आराहए नो विराहए, से य संपट्ठिए असंपत्ते थेरा य पुव्वामेव कालं करेज्जा से णं भंते! किं आराहए विराहए?, गोयमा! आराहए नो विराहए, से य संपट्ठिए असंपत्ते अप्पणा य पुव्वामेव कालं करेज्जा से णं भंते! किं आराहए विराहए?, गोयमा! आराहए नो विराहए, से य संपट्ठिए संपत्ते थेरा य अमुहा सिया से णं भंते! किं आराहए विराहए?, गोयमा! आराहए नो विराहए, से य संपट्ठिए संपत्ते अप्पणा य० एवं संपत्तेणवि चत्तारि आलावगा भाणियव्वा जहेव असंपत्तेणं, निग्गंथेण य बहिया विथारभूमिं विहारभूमिं वा निक्खंतेणं अन्नयरे अकिच्चट्ठाणे पडिसेविए तस्स णं एवं भवति

इहेव ताव अहं एवं एत्थवि एते चेव अट्ट आलावगा भाणियव्वा जाव नो विराहए, निग्गंथेण य गामाणुगामं दूइज्जमाणेणं अन्नयरे  
 अकिच्चट्ठाणे पडिसेविए तस्स णं एवं भवति० इहेव ताव अहं एत्थवि ते चेव अट्ट आलावगा भाणियव्वा जाव नो विराहए, निग्गंथीए  
 य गाहावइकुलं पिंडवायपडियाए अणुपविट्ठाए अन्नयरे अकिच्चट्ठाणे पडिसेविए तीसे णं एवं भवइ इहेव ताव अहं एयस्स ठाणस्स  
 आलाएमि जाव तवोकम्भं पडिवज्जामि तओ पच्छा पवत्तिणीए अंतियं आलोएस्सामि जाव पडिवज्जिस्सामि, सा यं संपट्ठिया असंपत्ता  
 पवत्तिणी य अमुहा सिया सा णं भंते! किं आराहिया विराहिया?, गोयमा! आराहिया नो विराहिया, सा य संपट्ठिया जहा निग्गंथस्स  
 तिन्नि गमा भणिया एवं निग्गंथीएऽवि तिन्नि आलावगा भाणियव्वा जाव आराहिया नो विराहिया, से केणट्ठेणं भंते! एवं वुच्चइ-  
 आराहए नो विराहए?, गोयमा! से जहानामए केई पुरिसे एगं महं उन्नालोमं वा गयलोमं वा सणलोमं वा कप्पासलोमं वा तणसूयं वा  
 दूहा वा तिहा वा संखेज्जहा वा छिंदित्ता अगणिकायंसि पक्खिवेज्जा से नूणं गोयमा! छिज्जमाणे छिन्ने पक्खिप्पमाणे पक्खित्ते  
 दज्जमाणे दट्ठेत्ति वत्तव्वं सिया?, हंता भगवं! छिज्जमाणे छिन्ने जाव दट्ठेत्ति वत्तव्वं सिया, से जहा वा केई पस्स वत्थं अहतं वा धोतं  
 वा तंतुग्गयं वा मंजिट्ठादोणीए पक्खिवेज्जा से नूणं गोयमा! उक्खिप्पमाणे उक्खित्ते पक्खिप्पमाणे पक्खित्ते रज्जमाणे रत्तेत्ति वत्तव्वं  
 सिया?, हंता भगवं! उक्खिप्पमाणे उक्खित्ते जाव रत्तेत्ति वत्तव्वं सिया, से तेणट्ठेणं गोयमा! एवं वुच्चइ आराहए नो विराहए ॥ ३३३ ॥  
 पईवस्स णं भंते! झियायमाणस्स किं पदीवे झियाति लट्ठी झियाइ वत्ती झियाइ तेल्ले झियाइ दीवचंपए झियाइ जोती झियाइ?,

गोयमा! नो पदीवे झियाइ जाव नो पदीवचंपए झियाइ जोई झियाइ, अगारस्स णं भंते! झियायमाणस्स किं आगारे झियाइ कुइडा  
 झियाइ कडणा झि० धारणा झि० बलहरणे झि० वंसा० झि० मल्ल झि० वग्गा झियाइ छित्तरा झियाइ छाणे झियाति जोती झियाति?,  
 गोयमा! नो अगारे झियाति नो कुइडा झियाति जाव नो छाणे झियाति जोती झियाति॥ ३३४॥ जीवे णं भंते! ओरालियसरीराओ  
 कतिकिरिए?, गोयमा! सिय तिकिरिए सिय चउकिए सिय पंचकिए सिय अकिए, नेरइए णं भंते! ओरालियसरीराओ कतिकिरिए?,  
 गोयमा! सिय तिकिरिए सिय चउकिए सिय पंचकिए, असुरकुमारे णं भंते! ओरालियसरीराओ कतिकिरिए?, एवं चेव, एवं जाव  
 वेमाणिए, नवरं मणुस्से जहा जीवे, जीवे णं भंते! ओरालियसरीरेहिंतो कतिकिरिए?, गोयमा! सिय तिकिरिए जाव सिय अकिए,  
 नेरइए णं भंते! ओरालियसरीरेहिंतो कतिकिरिए?, एवं, एसो जहा पढमो दंडओ तहा इमोऽवि अपरिसेसो भाणियव्वो जाव वेमाणिए,  
 नवरं मणुस्से जहा जीवे, जीवा णं भंते! ओरालियसरीराओ कतिकिरिया?, गोयमा! सिय तिकिरिया जाव सिय अकिरिया, नेरइया णं  
 भंते! ओरालियसरीराओ कतिकिरिया?, एवं एसोऽवि जहा पढमो दंडओ तहा भाणियव्वो जाव वेमाणिया नवरं मणुस्सा जहा जीवा,  
 जीवा णं भंते! ओरालियसरीरेहिंतो कतिकिरिया?, गोयमा! तिकिरियावि चउकिरियावि पंचकिरियावि अकिरियावि, नेरइया णं भंते!  
 ओरालियसरीरेहिंतो कडकिरिया?, गोयमा! तिकिरियावि चउकिरियावि पंचकिरियावि एवं जाव वेमाणिया, नवरं मणुस्सा जहा  
 जीवा, जीवे णं भंते! वेउव्वियसरीराओ कतिकिरिए?, गोयमा! सिय तिकिरिए सिय चउकिए सिय अकिए, नेरइए णं भंते!

गोयमा! नो पदीवे झियाइ जाव नो पदीवचंपए झियाइ जोई झियाइ, अगारस्स णं भंते! झियायमाणस्स किं आगारे झियाइ कुइडा  
 झियाइ कडणा झि० धारणा झि० बलहरणे झि० वंसा० झि० मल्ला झि० वग्गा झियाइ छित्तरा झियाइ छाणे झियाति जोती झियाति?,  
 गोयमा! नो अगारे झियाति नो कुइडा झियाति जाव नो छाणे झियाति जोती झियाति॥ ३३४॥ जीवे णं भंते! ओरालियसरीराओ  
 कतिकिरिए?, गोयमा! सिय तिकिरिए सिय चउकिए सिय पंचकिए सिय अकिए, नेरइए णं भंते! ओरालियसरीराओ कतिकिरिए?,  
 गोयमा! सिय तिकिरिए सिय चउकिए सिय पंचकिए, असुरकुमारे णं भंते! ओरालियसरीराओ कतिकिरिए?, एवं चेव, एवं जाव  
 वेमाणिए, नवरं मणुस्से जाहा जीवे, जीवे णं भंते! ओरालियसरीरेहिंतो कतिकिरिए?, गोयमा! सिय तिकिरिए जाव सिय अकिए,  
 नेरइए णं भंते! ओरालियसरीरेहिंतो कतिकिरिए?, एवं, एसो जहा पढमो दंडओ तहा इमोऽवि अपरिसेसो भाणियव्वो जाव वेमाणिए,  
 नवरं मणुस्से जहा जीवे, जीवा णं भंते! ओरालियसरीराओ कतिकिरिया?, गोयमा! सिय तिकिरिया जाव सिय अकिरिया, नेरइया णं  
 भंते! ओरालियसरीराओ कतिकिरिया?, एवं एसोऽवि जहा पढमो दंडओ तहा भाणियव्वो जाव वेमाणिया नवरं मणुस्सा जहा जीवा,  
 जीवा णं भंते! ओरालियसरीरेहिंतो कतिकिरिया?, गोयमा! तिकिरियावि चउकिरियावि पंचकिरियावि अकिरियावि, नेरइया णं भंते!  
 ओरालियसरीरेहिंतो कडकिरिया?, गोयमा! तिकिरियावि चउकिरियावि पंचकिरियावि एवं जाव वेमाणिया, नवरं मणुस्सा जहा  
 जीवा, जीवे णं भंते! वेउव्वियसरीराओ कतिकिरिए?, गोयमा! सिय तिकिरिए सिय चउकिए सिय अकिए, नेरइए णं भंते!

वेउव्वियसरीराओ कतिकिरिए?, गोथमा! सिय तिकिरिए सिय चउकिरिए एवं जाव वेमाणिए, नवरं मणुस्से जहा जीवे, एवं जहा ओरालियसरीराणं चत्तारि दंडगा तहा वेउव्वियसरीरेणवि चत्तारि दंडगा भाणियव्वा, नवरं पंचमकिरिया न भन्इ, सेसं तं चेव, एवं जहा वेउव्वियं तहा आहारगंपि तेयगंपि कम्मगंपि भाणियव्वं, एक्केक्के चत्तारि दंडगा भाणियव्वा जाव वेमाणिया णं भंते! कम्मगसरीरेहिंतो कइकिरिया?, गोथमा! तिकिरियावि चउकिरियावि) सेवं भंते! सेवं भंते! ॥३३५॥ श० ८ उ० ६॥

तेणं कालेणं० रायगिहे नगरे, वन्नओ, गुणसिलए चेइए, वन्नओ, जाव पुढवीसिलावट्टओ, तस्स णं गुणसिलस्स चेइयस्स अदूरसामंते बहवे अन्नउत्थिया परिवसंति, तेणं कालेणं० समणे भगवं महावीरे आदिगरे जाव समोसढे जाव परिसा पडिगया, तेणं कालेणं० समणस्स भगवओ महावीरस्स बहवे अंतेवासी थेरा भगवंतो जातिसंपन्ना कुलसंपन्ना जहा बितीयसए जाव जीवियासमरणभयविप्पमुक्का समणस्स भगवओ महावीरस्स अदूरसामंते उड्ढंजाणू अहोसिरा झाणकोट्टोवगया संजमेणं तवसा अप्पाणं भावेमाण्ण जाव विहरंति, तए णं ते अन्नउत्थिया जेणेव थेरा भगवंतो तेणेव उवागच्छंति ता ते थेरे भगवंते एवं वयासी तुब्भे णं अज्जो! तिविहंतिविहेणं अस्संजयअविरयअप्पडिहय जहा सत्तमसए बितीए उद्देसए जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी केणं कारणेणं अज्जो ! अम्हे तिविहंतिविहेणं अस्संजयअविरय जाव एगंतबाला यावि भवामो ?, तए णं ते अन्नउत्थिया ते थेरे भगवंते एवं वयासी तुब्भे णं अज्जो ! अदिन्नं गेण्हह अदिन्नं भुंजह अदिन्नं सातिज्जह, तए णं ते तुब्भे अदिन्नं

गेण्हमाण्णा अदित्रं भुंजमाण्णा अदित्रं सातिज्जमाण्णा तिविहंतिविहेणं अस्संजयअविरय जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी केणं कारणेणं अज्जो! अम्हे अदित्रं गेण्हामो अदित्रं भुंजामो अदित्रं सातिज्जामो ?, जए णं अम्हे अदित्रं गेण्हमाण्णा जाव अदित्रं सातिज्जमाण्णा तिविहंतिविहेणं अस्संजय जाव एगंतबाला यावि भवामो ?, तए णं ते अन्नउत्थिया ते थेरे भगवंते एवं वयासी-तुम्हा णं अज्जो! दिज्जमाणे अदित्रे पडिग्गहिज्जमाणे अपडिग्गहिए निस्सरिज्जमाणे अणिसट्ठे, तुब्भे णं अज्जो ! दिज्जमाणं डिग्गहगं असंपत्तं एत्थ णं अंतरा केई अवहरिज्जा, गाहावइस्स णं तं भंते !, नो खलु तं तुब्भं. तए णं तुज्झे अदित्रं गेण्हह जाव अदित्रं सातिज्जह, तए णं तुज्झे अदित्रं गेण्हमाण्णा जाव एगंतबाला यावि भवह. तए णं ते थेरा भगवंतो ते अन्नउत्थिए एवं वयासी नो खलु अज्जो! अम्हे अदित्रं गिण्हामो अदित्रं भुंजामो अदित्रं सातिज्जामो अम्हे णं अज्जो ! दित्रं गेण्हामो दित्रं भुंजामो दित्रं सातिज्जामो, तए णं अम्हे दित्रं गेण्हमाण्णा दित्रं भुंजमाणे दित्रं सातिज्जमाण्णा तिविहंतिविहेणं संजयविरयपडिहय जहा सत्तमसए जाव एगंतपंडिया यावि भवामो?. तए णं ते अन्नउत्थिया ते थेरे भगवंते एवं वयासी केणं कारणेणं अज्जो! तुम्हे दित्रं गेण्हह जाव दित्रं सातिज्जह जए णं तुज्झे दित्रं गेण्हमाण्णा जाव एगंतपंडिया यावि भवह?, तए णं ते थेरा भगवंतो ते अन्नउत्थिए एवं वयासी अम्हे णं अज्जो ! दिज्जमाणे दित्रे पडिग्गहेज्जमाणे पडिग्गहिए निस्सरिज्जमाणे निस्सट्ठे जेणं अम्हे णं अज्जो! दिज्जमाणं पडिग्गहगं असंपत्तं एत्थ णं अंतरा केई अवहरेज्जा अम्हाणं तं, णो खलु तं गाहावइस्स, जए णं अम्हे दित्रं गिण्हामो दित्रं भुंजामो दित्रं सातिज्जामो तए णं अम्हे दित्रं गेण्हमाण्णा

॥ श्रीभगवती सूत्रं ॥

२५६

पू. सागरजी म. संशोधित

जाव दिन्नं सातिज्जमाणा तिविहंतिविहेणं संजय जाव एगंतपंडिया यावि भवामो, तुज्जे णं अज्जो! अप्पणा चेव तिविहंतिविहेणं  
 अस्संजय जाव एगंतबाला यावि भवह, तए णं ते अन्नउत्थिया ते थेरे भगवंते एवं वयासी केणं कारणेणं अज्जो ! अहे तिविहं जाव  
 एगंतबालायावि भवामो ?, तए णं ते थेरा भगवंतो ते अन्नउत्थिए एवं वयासी तुज्जे णं अज्जो! अदिन्नं गेण्हह०, तए णं तु अज्जो! तुब्भं  
 अदिन्नं गे० जाव एगंत०, तए णं ते अन्नउत्थिया ते थेरे भगवंते एवं वयासी केणं कारणेणं अज्जो! अहे अदिन्नं गेण्हामो जाव  
 एगंतबा०?, तए णं ते थेरे भगवंते ते अन्नउत्थिए एवं वयासी तुज्जे णं अज्जो! दिज्जमाणे अदिन्ने तं चेव जाव गाहावइस्स णं तं, णो  
 खलुं तं तुज्झं, तए णं तुज्जे अदिन्नं गेण्हह तं चेव जाव एगंतबाला यावि भवह, तए णं ते अन्नउ० ते थेरे भ० एवं व०-तुज्जे णं अज्जो!  
 तिविहंतिविहेणं अस्संजय जाव एगंतबा० भवह, तए णं ते थेरा भ० ते अन्नउत्थिए एवं वयासी केणं कारणेणं अहे तिविहंतिविहेणं  
 जाव एगंतबाला यावि भवामो?, तए णं ते अन्नउत्थिया ते थेरे भगवंते एवं वयासी तुज्जे णं अज्जो! रीयं रीयमाणा पुढवीं पेच्चेह  
 अभिहणह वत्तेह लेसेह संघाएहे संघट्टेह परितावेह किलामेह उवहवेह तए णं तुज्जे पुढविं पेच्चेमाणा जाव उवहवेमाणा तिविहंतिविहेणं  
 असंजयअविरय जाव एगंतबाला यावि भवह, तए णं ते थेरा भगवंतो ते अन्नउत्थिए एवं वयासी नो खलु अज्जो! अहे रीयं रीयमाणा  
 पुढविं पेच्चेमो अभिहणामो जाव उवहवेमो अहे णं अज्जो! रीयं रीयमाणा कायं वा जोयं वा रियं वा पडुच्च देसंदेसेणं वयामो  
 पएसंपएसेणं वयामो ते णं अहे देसंदेसेणं वयमाणा पएसंपएसेणं वयमाणा नो पुढविं पेच्चेमो अभिहणामो जाव उवहवेमो, तए णं

अम्हे पुढविं अपेच्चेमाणा अणभिहणेमाणा जाव अणुवद्वेमाणा तिविहंतिविहेणं संजय जाव एगंतपंडिया यावि भवामो, तुज्जे णं अज्जो! अप्पणा चेव तिविहंतिविहेणं अस्संजय जाव बाला यावि भवह, तए णं ते अन्नउत्थिए थेरे भगवंते एवं वयासी केणं कारणेणं अज्जो! अम्हे तिविहंतिविहेणं जाव एगंतबाला यावि भवामो?, तए णं ते थेरा भगवंतो ते अन्नउत्थिए एवं वयासी तुज्जे णं अज्जो! रीयं रीयमाणा पुढविं पे० जाव उवद्वेह, तए णं तुज्जे पुढविं पेच्चेमाणा जाव उवद्वेमाणा तिविहंतिविहेणं जाव एगंतबाला यावि भवह, तए णं ते अन्नउत्थिए ते थेरे भगवंते एवं वयासी-तुज्जे णं अज्जो! गम्भमाणे अगते वीतिक्कमिज्जमाणे अवीतिक्कंते रायगिहं नगरं संपाविउकामे असंपत्ते, तए णं ते थेरा भगवंतो ते अन्नउत्थिए एवं वयासी नो खलु अज्जो! अम्हं गम्भमाणे अगए वीइक्कमिज्जमाणे अवीतिक्कंते रायगिहं नगरं जाव असंपत्ते, अम्हा णं अज्जो! गम्भमाणे गए वीतिक्कमिज्जमाणे वीतिक्कंते रायगिहं नगरं संपाविउकामे संपत्ते, तुज्जे णं अप्पणा चेव गम्भमाणे अगए वीतिक्कमिज्जमाणे अवीतिक्कंते रायगिहं नगरं जाव असंपत्ते, तए णं ते थेरा भगवंतो अन्नउत्थिए एवं पडिहणेति त्ता गइप्पवायं नाम अज्झयणं पन्नवडंसु ॥ ३३६ ॥ कइविहे णं भंते! गइप्पवाए पं०?, गोयमा! पंचविहे गइप्पवाए पं० तं०-पयोगगती ततगती बंधणच्छेयणगती उववायगती विहायगती, एत्तो आरब्भ पयोगपयं निरवसेसं भाणियव्वं, जाव सेत्तं विहायगई। सेवं भंते! सेवं भंते! त्ति ॥ ३३७ ॥ श० ८ उ० ७ ॥ रायगिहे

रायगिहे नथरे जाव एवं वयासी गुरू णं भंते! पडुच्च कति पडिणीया पं०?, गोयमा! तओ पडिणीया पं० तं०-आयरियपडिणीए



उवज्झायपडिणीए थेरपडिणीए, गइं णं भंते! पडुच्च कति पडिणीया पं०?, गोयमा! तओ पडिणीया पं० तं० -इहलोगपडिणीए परलोगपडिणीए दुहओलोगपडिणीए, समूहणं भंते! पडुच्च कति पडिणीया पं०?, गोयमा! तओ पडिणीया पं० तं० कुलपडिणीए गणपडिणीए संघपडिणीए, अणुकंपं पडुच्च पुच्छा, गोयमा! तओ पडिणीया पं० तं० -तवस्सिपडिणीए गिलाणपडिणीए सेहपडिणीए, सुयणं भंते! पडुच्च पुच्छा, गोयमा! तओ पडिणीया पं० तं० -सुत्तपडिणीए अत्थपडिणीए तदुभयपडिणीए, भावं णं भंते! पडुच्च पुच्छा, गोयमा! तओ पडिणीया पं० तं० -नाणपडिणीए दंसणपडिणीए चरित्तपडिणीए। ३३८। कइविहं णं भंते! ववहारे पं०?, गोयमा! पंचविहे ववहारे पं० तं० -आगमे सुत्तं आणा धारणा जीए, जहा से तत्थ आगमे सिया आगमेणं ववहारं पट्टवेज्जा, णो य से तत्थ आगमे सिया जहा से तत्थ सुते सिया सुएणं ववहारं पट्टवेज्जा, णो वा से तत्थ सुए सिया जहा से तत्थ आणा सिया आणाए ववहारं पट्टवेज्जा, णो य से तत्थ आणा सिया जहा से तत्थ धारणा सिया धारणाए णं ववहारं पट्टवेज्जा, णो य से तत्थ धारणा सिया जहा से तत्थ जीए सिया जीएणं ववहारं पट्टवेज्जा, इच्चेएहिं पंचहिं ववहारं पट्टवेज्जा तं० - आगमेणं सुएणं आणाए धारणाए जीएणं, जहा २ से आगमे सुए आणा धारणा जीए तहा २ ववहारं पट्टवेज्जा, से किमाहु? भंते !, आगमबलिया समणा निगंथा, इच्चेतं पंचविहं ववहारं जया २ जहिं २ तथा २ तहिं २ अणिस्सिओवस्सितं सम्मं ववहरमाणे समणे निगंथे आणाए आराहए भवइ। ३३९। कइविहे णं भंते! बंधे पं०?, गोयमा! दुविहे बंधे पं० तं० -ईरियावहियाबंधे य संपराइबंधे य, ईरियावहियणं भंते! कम्मं किं नेरइओ बंधइ तिरिक्खजोणिओ

બંધડ તિરિક્ષ્વજોણિણી બંધડ મણુસ્સો બંધડ મણુસ્સી બંં દેવો બંં દેવી બંં?, ગોયમા! નો નેરડો બંધડ નો તિરિક્ષ્વજોણિઓ બંધડ નો  
 તિરિક્ષ્વજોણિણી બંધડ નો દેવો બંધડ નો દેવી બંધડ પુવ્વપડિવન્નણ પડુચ્ચ મણુસ્સા ય મણુસ્સીઓ ય બંં પડિવજ્જમાણણ પડુચ્ચ  
 મણુસ્સો વા બંધડ મણુસ્સી વા બંધડ મણુસ્સા વા બંધંતિ મણુસ્સીઓ વા બંધંતિ અહવા મણુસ્સો ય મણુસ્સી ય બંધડ અહવા મણુરસો ય  
 મણુસ્સીઓ ય બંધંતિ અહવા મણુસ્સા ય મણુસ્સી ય બંધંતિ અહવા મણુસ્સા ય મણુસ્સીઓ ય બંં, તં ભંતે ! કિંં ઇત્થી બંધડ પુરિસો બંધડ  
 નપુસંગો બંધંતિ ઇત્થીઓ બંધંતિ પુરિસા બંં નપુંસગા બંધંતિ નોડિત્થીનોપુરિસોનોનપુંસઓ બંધડ ?, ગોયમા ! નો ઇત્થી બંધડ નો પુરિસો બંં  
 જાવ નો નપુંસગા, બંધંતિ, પુવ્વપડિવન્નણ પડુચ્ચ અવગયવેદો વા બંધંતિ અવગયવેદા બંધંતિ, પડિવજ્જમાણણ ય પડુચ્ચ અવગયવેદો વા  
 બંધંતિ અવગયવેદા વા બંધંતિ, જડ ભંતે ! અવગયવેદો વા બંધડ અવગયવેદા વા બંધંતિ તં ભંતે ! કિંં ઇત્થીપચ્છાકડો બંં પુરિસપચ્છાકડો  
 બંં નપુંસકપચ્છાકડો બંં ઇત્થીપચ્છાકડા બંધંતિ પુરિસપચ્છાકડાવિ બંધંતિ નપુંસગપચ્છાકડાવિ બંં ઉદાહુ ઇત્થીપચ્છાકડો ય  
 પુરિસપચ્છાકડો ય બંધંતિ ઉદાહુ ઇત્થીપચ્છાકડો ય નપુંસગપચ્છાકડો ય વંધડ ઉદાહુ પુરિસપચ્છાકડો ય નપુંસગપચ્છાકડો ય બંધડ  
 ઉદાહુ ઇત્થીપચ્છાકડો ય પુરિસપચ્છાકડો ય નપુંસગપચ્છાકડો ય માણિયવ્વંં એવંં એતે છવ્વીસંં ભંગા જાવ ઉદાહુ ઇત્થીપચ્છાકડા ય  
 પુરિસપંં નપુંસકપંં બંધંતિ ?, ગોયમા! ઇત્થીપચ્છાકડો ઽવિ બંધડ પુરિસપચ્છાકડો ઽવિ બંં નપુંસગપચ્છાકડો ઽવિ બંં ઇત્થીપચ્છાકડાવિ  
 બંં પુરિસપચ્છાકડાવિ બંં નપુંસકપચ્છાકડાવિ બંં અહવા ઇત્થીપચ્છાકડો ય પુરિસપચ્છાકડો ય બંધડ એવંં એ એવ છવ્વીસંં ભંગા

भाणियव्वा जाव अहवा इत्थिपच्छाकडा य पुरिसपच्छाकडा य नपुंसगपच्छाकडा य बंधंति, तं भंते ! किं बंधी बंधइ बंधिस्सइ बंधी बंधइ न बंधिस्सइ बंधी न बंधइ बंधिस्सइ बंधी न बंधइ बंधिस्सइ न बंधी बंधइ बंधिस्सइ न बंधी बंधइ न बंधिस्सइ न बंधी न बंधइ बंधिस्सइ न बंधी न बंधइ न बंधिस्सइ?, गोयमा ! भवागरिसं पडुच्च अत्थेगतिए बंधी बंधइ बंधिस्सइ अत्थेगतिए बंधी बंधइ न बंधिस्सइ, एवं तं चेव सव्वं जाव अत्थेगतिए न बंधी न बंधइ न बंधिस्सइ, गहणागरिसं पडुच्च अत्थेगतिए बंधी बंधइ बंधिस्सइ एवं जाव अत्थेगतिए न बंधी बंधइ बंधिस्सइ, णो चेव णं न बंधी बंधइ न बंधिस्सइ, अत्थेगतिए न बंधी न बंधइ बंधिस्सइ अत्थेगतिए न बंधी न बंधइ न बंधिस्सइ, तं भंते ! किं साइयं सपज्जवसियं बंधइ साइयं अपज्जवसियं बंधइ अणाइयं सपज्जवसियं बंधइ अणाइयं अपज्जवसियं बंधइ ?, गोयमा ! साइयं सपज्जवसियं बंधइ नो साइयं अपज्जवसियं बंधइ नो अणाइयं सपज्जवसियं बंधइ नो अणाइयं अपज्जवसियं बंधइ, तं भंते ! किं देसेणं देसं बंधइ देसेणं सव्वं बंधइ सव्वेणं देसं बंधइ सव्वेणं सव्वं बंधइ ?, गोयमा ! नो देसेणं देसं बंधइ णो देसेणं सव्वं बंधइ नो सव्वेणं देसं बंधइ सव्वेणं सव्वं बंधइ । ३४० । संपराइयणं भंते ! कम्मं किं नेरइयो बंधइ तिरिक्खजोणिओ बंधइ जाव देवी बंधइ ?, गोयमा ! नेरइओऽवि बंधइ तिरिक्खजोणिओऽवि बंधइ तिरिक्खजोणिणीवि बंधइ मणुस्सोऽवि बंधइ मणुस्सीवि बंधइ देवोऽवि बंधइ देवीवि बंधइ, तं भंते ! किं इत्थी बंधइ पुरिसो बं० तहेव जाव नोइत्थी नोपुरिसो नोनपुंसओ बंधइ ?, गोयमा ! इत्थीवि बं० पुरिसोऽवि बंधइ जाव नपुंसगोऽवि बंधइ अहवेए य अवगयवेदो य बंधइ अहवेए य अवगयवेया य बंधन्ति, जइ

भंते ! अवगयवेदो य बंधइ अवगयवेदा य बंधंति तं भंते ! किं इत्थीपच्छाकडो बंधइ पुरिसपच्छाकडो बंधइ० ?, एवं जहेव ईरियावहियाबंधगस्स तहेव निरवसेसं जाव अहवा इत्थीपच्छाकडा य पुरिसपच्छाकडा य नपुंसगपच्छाकडा य बंधंति, तं भंते ! किं बंधी बंधइ बंधिस्सइ बंधी बंधइ न बंधिस्सइ बंधी न बंधइ बंधिस्सइ बंधी न बंधइ न बंधिस्सइ ?, गोयमा ! अत्थेगतिए बंधी बंधइ बंधिस्सइ अत्थेगतिए बंधी बंधइ न बंधिस्सइ अत्थेगतिए बंधी न बंधइ बंधिस्सइ अत्थेगतिए बंधी न बंधइ न बंधिस्सइ, तं भंते ! किं साइयं सपज्जवसियं बंधइ० ?, पुच्छा तहेव, गोयमा ! साइयं वा सपज्जवसियं बंधइ अणाइयं वा सपज्जवसियं बंधइ अणाइयं वा अपज्जवसियं बंधइ णो चेव णं साइयं अपज्जवसियं बंधइ, तं भंते ! किं देसेणं देसं बंधइ एवं जहेव ईरियावहियाबंधगस्स जाव सत्वेणं सत्वं बंधइ । ३४१ । कइ णं भंते ! कम्मपयडीओ पं० ?, गोयमा ! अद्दु कम्मपगडीओ पं० तं० - णाणावरणिज्जं जाव अंतराइणं, कइ णं भंते ! परीसहा पं० ?, गोयमा ! बावीसं परीसहा पं० तं०--दिगिंछापरीसहे पिवासापरीसहे जाव दंसणपरिसहे, एए णं भंते ! बावीसं परीसहा कतिसु कम्मपगडीसु समोयरंति ?, गोयमा ! चउसु कम्मपगडीसु समोयरंति, तं० - नाणावरणिज्जे वेयणिज्जे मोहणिज्जे अंतराइए, नाणावरणिज्जे णं भंते ! कम्मे कति परीसहा समोयरंति ?, गोयमा ! दो परीसहा समोयरंति तं० - पन्नापरीसहे नाणपरीसहे ( अन्नापरीसहे पा० ) य, वेयणिज्जे णं भंते ! कम्मे कति परीसहा समोयरंति ?, गोयमा ! एक्कारस परीसहा समोयरंति, तं० - 'पंचेव आणुपुव्वी चरिया सेज्जा वहे य रोगे य । तण्णासज्जमेव य एक्कारस वेदणिज्जंभि ॥ ५८ ॥ दंसणमोहणिज्जे णं भंते ! कम्मे कति

परीसहा समोयरंति ?, गोयमा ! एगे दंसणपरीसहे समोयरइ, चरित्तमोहणिज्जे णं भंते ! कम्मे कति परीसहा समोयरंति ?, गोयमा ! सत्त परीसहा समोयरंति, तं० - 'अरती अचेल इत्थी निसीहिया जायणा य अक्कोसे । सक्कारपुरक्कारे चरित्तमोहंमि सत्तेते ॥ ५९ ॥ अंतराइए णं भंते ! कम्मे कति परीसहा समोयरंति ?, गोयमा ! एगे अलाभपरीसहे समोयरइ, सत्तविहबंधगस्स णं भंते ! कति परीसहा पं० ?, गोयमा ! बावीसं परीसहा पं०, वीसं पुण वेदेइ, जं समयं सीयपरीसहं वेदेति णो तंसमयं उसिणपरीसहं वेदेइ जंसमयं उसिणपरसिहं वेदेइ णो तंसमयं सीयपरीसहं वेदेइ, जंसमयं चरियापरीसहं वेदेति णो तं समयं निसीहियापरीसहं वेदेति जंसमयं निसीहियापरीसहं वेदेइ णो तंसमयं चरियापरीसहं वेदेइ, अट्टविहबंधगस्स णं भंते ! कति परीसहा पं०? गोयमा ! बावीसं परीसहा पं० तं० - छुहापरीसहे पिवासापरीसहे सीयप० उसिणप० दंसमसगप० जाव अलाभप०, एवं सत्तविहबंधगस्सवि, छव्विहबंधगस्स णं भंते ! सरागच्छउमत्थस्स कति परीसहा पं०?, गोयमा ! चोदस परीसहा पं०, बारसपुण वेदेइ, जंसमयं सीयपरीसहं वेदेइ णो तंसमयं उसिणपरीसहं वेदेइ जंसमयं उसिणपरीसहं वेदेइ नो तंसमयं सीयपरीसहं वेदेइ, जंसमयं चरियापरीसहं वेदेति णो तंसमयं सेज्जापरीसहं वेदेति जंसमयं सेज्जापरीसहं वेदेइ णो तंसमयं चरियापरीसहं वेदेइ, एकविहबंधगस्स णं भंते ! वीयरगच्छउमत्थस्स कति परीसहा पं० ?, गोयमा ! एवं चेव जहेव छव्विहबंधगस्स, एगविहबंधगस्स णं भंते ! सजोगिभवत्थकेवलिस्स कति परीसहा पं० ?, गोयमा ! एक्कारस परीसहा पं०, नव पुण वेदेइ, सेसं जहा छव्विहबंधगस्स, अबंधगस्स णं भंते ! अजोगिभवत्थकेवलिस्स कति परीसहा पं० ?, गोयमा ! एक्कारस परीसहा पं०,

नव पुण वेदेइ, जंसमयं सीयपरीसहं वेदेति नो तंसमयं उसिणपरीसहं वेदेइ जंसमयं उसिणपरीसहं वेदेति नो तंसमयं सीयपरीसहं वेदेइ,  
जंसमयं चरियापरीसहं वेदेइ नो तंसमयं सेज्जापरीसहं वेदेति जंसमयं सेज्जापरीसहं वेदेइ नो तंसमयं चरियापरीसहं वेदेइ । ३४२ ।  
जंबुद्दीवे णं भंते ! दीवे सूरिया उग्गमणमुहुत्तंसि दूरे य मूले य दीसंति मज्झंतियमुहुत्तंसि मूले य दूरे य दीसंति अत्थमणमुहुत्तंसि दूरे य  
मूले य दीसंति ?, हंता गोयमा ! जंबुद्दीवे णं दीवे सूरिया उग्गमणमुहुत्तंसि दूरे य तं चेव जाव अत्थमणमुहुत्तंसि दूरे य मूले य दीसंति,  
जंबुद्दीवे णं भंते ! दीवे सूरिया उग्गमणमुहुत्तंसि मज्झंतियमुहुत्तंसि य अत्थमणमुहुत्तंसि य सव्वत्थसमा उच्चत्तेणं ?, हंता गोयमा !  
जंबुद्दीवे णं दीवे सूरिया उग्गमण जाव उच्चत्तेणं, जइ णं भंते ! जंबुद्दीवे० सूरिया उग्गमणमुहुत्तंसि य मज्झंतिय० अत्थमणमुहुत्तंसि य  
मूले जाव उच्चत्तेणं से केणं खाइ अट्टेणं भंते ! एवं वुच्चइ जंबुद्दीवे णं दीवे सूरिया उग्गमणमुहुत्तंसि दूरे य मूले य दीसंति जाव  
अत्थमणमुहुत्तंसि दूरे य मूले य दीसंति?, गोयमा ! लेसापडिघाएणं उग्गमणमुहुत्तंसि दूरे य मूले य दीसंति लेसाभितावेणं मज्झंतियमुहुत्तंसि  
मूले य दूरे य दीसंति लेस्सापडिघाएणं अत्थमणमुहुत्तंसि दूरे य मूले य दीसंति, से तेणट्टेणं गोयमा ! एवं वुच्चइ जंबुद्दीवे णं दीवे सूरिया  
उग्गमणमुहुत्तंसि दूरे य मूले य दीसंति जाव अत्थमण जाव दीसंति, जंबुद्दीवे णं भंते ! दीवे सूरिया किं तीयं खेत्तं गच्छंति पडुप्पन्नं खेत्तं  
गच्छंति अणागयं खेत्तं गच्छंति, गोयमा ! नो तीयं खेत्तं गच्छंति पडुप्पन्नं खेत्तं गच्छंति णो अणागयं खेत्तं गच्छंति, जंबुद्दीवे णं दीवे  
सूरिया किं तीयं खेत्तं ओभासंति पडुप्पन्नं खेत्तं ओभासंति अणागयं खेत्तं ओभासंति ?, गोयमा ! नो तीयं खेत्तं ओभासंति पडुप्पन्नं

खेत्तं ओभासंति नो अणागयं खेत्तं ओभासंति, तं भंते ! किं पुट्टं ओभासंति अपुट्टं ओभासंति ?, गोयमा ! पुट्टं ओभासंति नो अपुट्टं ओभासंति जाव नियमा छद्दिसिं, जंबुद्दीवे णं भंते ! दीवे सूरिया किं तीयं खेत्तं उज्जोवेत्तिं?, एवं चेव जाव नियमा छद्दिसिं, एवं तवेत्ति एवं भासंति जाव नियमा छद्दिसिं, जंबुद्दीवे णं भंते ! दीवे सूरियाणं किं तीए खेत्ते किरिया कज्जइ पडुप्पन्ने खेत्ते किरिया कज्जइ अणागए खेत्ते किरिया कज्जइ ? गोयमा ! नो तीए खेत्ते किरिया कज्जइ पडुप्पन्ने खेत्ते किरिया कज्जइ णो अणागए खेत्ते किरिया कज्जइ, सा भंते ! किं पुट्टा कज्जति अपुट्टा कज्जइ ?, गोयमा ! पुट्टा कज्जइ नो अपुट्टा कज्जति जाव नियमा छद्दिसिं, जंबुद्दीवे णं भंते ! दीवे सूरिया केवतियं खेत्तं उड्डं तवंति केवतियं खेत्तं अहे तवंति केवतियं खेत्तं तिरियं तवंति ?, गोयमा ! एगं जोयणसयं उड्डं तवंति अट्टारस जोयणसयाइं अहे तवंति सीयालीसं जोयणसहस्साइं दोन्नि तेवट्ठे जोयणसए एक्कवीसं च सट्ठियाए जोयणस्स तिरियं तवंति, अंतो णं भंते ! माणुसुत्तरस्स पव्वयस्स जे चंदिमसूरियगहगणणक्खत्ततारारूवा ते णं भंते ! देवा किं उड्डोववन्नगा जहा जीवाभिगमे तहेव निरवसेसं जाव उक्कोसेणं छम्मासा, बहिया णं भंते ! माणुसुत्तरस्स जहा जीवाभिगमे जाव इंदट्ठाणे णं भंते ! केवतियं कालं उववाएणं विरहिए पं० ?, गोयमा ! जहन्नेणं एक्कं समयं उक्कोसेणं छम्मासा । सेवं भंते ! सेवं भंते ! । ३४३ ॥ १० ८ ३० ८ ॥

कइविहे णं भंते ! बंधे पं० ?, गोयमा ! दुविहे बंधे पं० तं० - पयोगबंधे य वीससाबंधे य । ३४४ । वीससाबंधे णं भंते ! कतिविहे पं० ?, गोयमा ! दुविहे पं० तं०- साइयवीससाबंधे य अणाइयवीससाबंधे य, अणाइयवीससाबंधे णं भंते ! कतिविहे पं० ?, गोयमा !

तिविहे पं० तं० - धम्मत्थिकायअन्नमन्नअणादीयवीससाबंधे अधम्मत्थिकायअन्नमन्नअणादीयवीससाबंधे आगासत्थिकायअन्नमन्न-  
 अणादीयवीससाबंधे, धम्मत्थिकायअन्नमन्नअणादीयवीससाबंधे णं भंते ! किं देसबंधे सव्वबंधे ? गोयमा ! देसबंधे नो सव्वबंधे, एवं  
 अधम्मत्थिकायअन्नमन्नअणादीयवीससाबंधे ऽवि, एवमागासत्थिकायअन्नमन्नअणादीयवीससाबंधे, धम्मत्थिकायअन्नमन्न-  
 अणादीयवीससाबंधे णं भंते ! कालओ केवच्चिरं होइ ? गोयमा ! सव्वद्धं, एवं अधम्मत्थिकाए, एवं आगासत्थिकाये, सादीयवीससाबंधे  
 णं भंते ! कतिविहे पं० ? गोयमा ! ति विहे पं० तं० - बंधणपच्चइए भायणपच्चइए परिणामपच्चइए, से किं तं बंधणपच्चइए ? २  
 जन्न परमाणुपुग्गला दुपएसिया तिपएसिया जाव दसपएसिया संखेज्जपएसिया असंखेज्जपएसिया अणंतपएसियाणं खंधाणं  
 वेमायनिद्धयाए वेमायलुक्खयाए वेमायनिद्धलुक्खयाए बंधणपच्चइए णं बंधे समुप्पज्जइ जहनेणं एक्कं समयं उक्कोसेणं असंखेज्जं  
 कालं, सेत्तं बंधणपच्चइए, से किं तं भायणपच्चइए ? २ जन्नं जुन्नसुराजुन्नगुलजुन्नतंदुलाणं भायणपच्चइए णं बंधे समुप्पज्जइ  
 जहनेणं अंतोमुहुत्तं उक्कोसेणं संखेज्जं कालं, सेत्तं भायणपच्चइए, से किं तं परिणामपच्चइए ? परिणामपच्चइए जन्नं अब्भाणं  
 अब्भसक्खाणं जहा ततीयसाए जाव अमोहाणं परिणामपच्चइए णं बंधे समुप्पज्जइ जहनेणं एक्कं समयं उक्कोसेणं छम्मांसा, सेत्तं  
 परिणामपच्चइए, सेत्तं सादीयवीससाबंधे, सेत्तं वीससाबंधे । ३४५ । से किं तं पयोगबंधे ? पयोगबंधे ति विहे पं० तं० - अणाइए वा  
 अपज्जवसिए साइए वा अपज्जवसिए साइए वा सपज्जवसिए तत्थ णं जे से अणाइए अपज्जवसिए से णं अट्ठण्हं जीवमञ्जपएसणां,



तत्थवि णं तिण्हं अणाइए अपज्जवसिए सेसाणं साइए, तत्थ णं जे से सादीए अपज्जवसिए से णं सिद्धाणं, तत्थ णं जे से साइए सपज्जवसिए से णं चउव्विहे पं० तं० - आलावणबंधे अल्लियावणबंधे सरीरबंधे सरीरप्पयोग बंधे, से किं तं आलावणबंधे?, आलावणबंधे जण्णं तणभाराण वा कट्ठभाराण वा पत्तभाराण वा पलालभाराण वा वेळभाराण वा वेत्तलयावागरवरत्तरज्जुवल्लिकुसदब्भमादिएहिं आलावणबंधे समुप्पज्जइ जहत्तेणं अंतोमुहुत्तं उक्कोसेणं संखेज्जं कालं, सेत्तं आलावणबंधे, से किं तं अल्लियावणबंधे ?, अल्लियावणबंधे चउव्विहे पं० तं० - लेसणाबंधे उच्चयबंधे समुच्चयबंधे साहणणाबंधे, से किं तं लेसणाबंधे?, जन्नं कुइडाणं कोट्टिभाणं खंभाणं पासायाणं कट्ठाणं चम्माणं घडाणं पडाणं कडाणं छुहाचिक्खिबल्लसिलेसलक्खमहुसिथ्यमाइएहिं लेसणाएहिं बंधे समुप्पज्जइ जहत्तेणं अंतोमुहुत्तं उक्कोसेणं संखेज्जं कालं, सेत्तं लेसणाबंधे, से किं तं उच्चयबंधे?, २ जन्नं तणरासीण वा कट्ठरासीण वा पत्तरासीण वा तुसरासीण वा भुसरासीण वा गोमयरासीण वा अवगरासीण वा उच्चत्तेणं बंधे समुप्पज्जइ जहत्तेणं अंतोमुहुत्तं उक्कोसेणं संखेज्जं कालं, सेत्तं उच्चयबंधे, से किं तं समुच्चयबंधे ?, २ जन्नं अगडतडागनदीदहवावीपुक्खरिणीदीहियाणं गुंजालियाणं सराणं सरपंतिआणं सरसरपंतियाणं बिलपंतियाणं देवकुलसभापवथूभखाइयाणं फरिहाणं पागारडालगचरियदारगोपुरतोरणाणं पासायधरसरणलेणआवणाणं सिंघाडगतियचउक्कचच्चरचउम्भुहमहापहमादीणं छुहाचिक्खिबल्लसिलेससमुच्चाएणं बंधे समुप्पज्जइ जहत्तेणं अंतोमुहुत्तं उक्कोसेणं संखेज्जं कालं, सेत्तं समुच्चयबंधे, से किं तं साहणणाबंधे?, २ दुविहे पं० तं० - देससाहणणाबंधे य सव्वसाहणणाबंधे य, से किं तं

देससाहणणाबंधे?, २ जन्म सगडरहजाणजुगगिगिल्लिथिल्लिसीयसंदमाणियालोहीलोहकडाहकडुच्छुआसणसयणखंभभंडम-  
 तोवगरणमाईणं देससाहणणाबंधे समुप्यज्झ जहन्नेणं अंतोमुहुत्तं उक्कोसेणं संखेज्जं कालं, सेत्तं देससाहणणाबंधे, से किं तं  
 सव्वसाहणणाबंधे?, २ खीरोदगमाईणं, सेत्तं सव्वसाहणणाबंधे, सेत्तं साहणणाबंधे, सेत्तं अल्लियावणबंधे, से किं तं सरीरबंधे?, २  
 दुविहे पं० तं०-पुव्वप्यओगपच्चइए य पडुप्यन्नप्यओगपच्चइए य, किं तं पुव्वपयोगपच्चइए?, २ जन्म नेरइयाइयाणं संसारवत्थाणं  
 सव्वजीवाणं तत्थ २ तेसु २ कारणेसु समोहणमाणणां जीवप्यदेसाणं बंधे समुप्यज्झ सेत्तं पुव्वपयोगपच्चइए, से किं तं  
 पडुप्यन्नप्ययोगपच्चइए?, २ जन्म केवलनाणिस्स अणगारस्स केवलिसमुग्धाएणं समोहयस्स तओ समुग्धायाओ पडिनियत्तेमाणस्स  
 अंतरा मंथे वट्टमाणस्स तेयाकम्माणं बंधे समुप्यज्झ, किं कारणं?, ताहे से एससा एगत्तीगया भवंतित्ति, सेत्तं पडुप्यन्नपयोगपच्चइए,  
 सेत्तं सरीरबंधे, से किं तं सरीरप्ययोगबंधे?, २ पंचविहे पं० तं० - ओरालियसरीरप्यओगबंधे वेउव्वियसरीरप्यओगबंधे  
 आहारगसरीरप्यओगबंधे तेयासरीरप्ययोगबंधे कम्मासरीरप्ययोगबंधे, ओरालिय-सरीरप्ययोगबंधे णं भंते! कतिविहे पं०?, गोयमा!  
 पंचविहे पं० तं० - एगिंदियओरालियसरीरप्ययोगबंधे बेदियओ० जाव पंचिंदियओरालियसरीरप्ययोगबंधे, एगिंदियओरालियसरीरप्ययोगबंधे  
 णं भंते! कतिविहे पं०?, गोयमा! पंचविहे पं० तं० - पुढविक्काइयएगिंदिय० एवं एएणं अभिलावेणं भेदो जहा ओगाहसंठाणे  
 ओरालियसरीरस्स तहा भाणियव्वो जाव पज्जत्तगब्भवक्कंतियमणस्सपंचिंदियओरालियसरीरप्ययोगबंधे य अपज्जत्तगब्भवक्कंतियमणूस्स

जावबंधे य, ओरालियसरीरप्पयोगबंधे णं भंते! कस्स कम्मस्स उदएणं ?, गोयमा! वीरियसजोगसद्वव्याए पमादपच्चया कम्मं च जोगं च ( प्र० रूवं च ) भवं च आउयं च पडुच्च ओरालियसरीरप्पयोगनामकम्मस्स उदएणं ओरालियसरीरप्पयोगबंधे, एगिंदियओरालिय-सरीरप्पयोगबंधे णं भंते ! कस्स कम्मस्स उदएणं ?, एवं चेव, पुढविक्काइयएगिंदियओरालियसरीरप्पयोगबंधे एवं चेव, एवं जाव वणस्सइकाइया, एवं बेइंदिया एवं तेईंदिया एवं चउरिंदिया निरिक्खजोणियपंचिंदियओरालियसरीरप्पयोगबंधे णं भंते! कस्स कम्मस्स उदएणं ? एवं चेव, मणुस्सपंचिंदियओरालियसरीरप्पयोगबंधे णं भंते! कस्स कम्मरस उदएणं?, गोयमा! वीरियसजोगसद्वव्याए पमादपच्चया जाव आउयं च पडुच्च मणुस्सपंचिंदियओरालियसरीरप्पयोगनामाए कम्मस्स उदएणं, ओरालियसरीरप्पयोगबंधे णं भंते! किं देसबंधे सव्वबंधे ?, गोयमा ! देसबंधेऽवि सव्वबंधेऽवि, एगिंदियओरालियसरीरप्पयोगबंधे णं भंते! किं देसबंधे सव्वबंधे ? एवं चेव एवं पुढवीकाइया एवं जाव मणुस्सपंचिंदियओरालियसरीरप्पयोगबंधे णं भंते! किं देसबंधे सव्वबंधे ?, गोयमा ! देसबंधेऽवि सव्वबंधेऽवि, ओरालियसरप्पयोगबंधे णं भंते ! कालओ केवच्चिरं होइ ?, गोयमा! सव्वबंधे एक्कं समयं देसबंधे जहन्नेणं एक्कं समयं उक्कोसेणं तिन्नि पलिओवमाइं समयऊणाइं, एगिंदियओरालियसरीरप्पयोगबंधे णं भंते ! कालओ केवच्चिरं होइ ?, गोयमा ! सव्वबंधे एक्कं समयं देसबंधे जहन्नेणं एक्कं समयं उक्कोसेणं बावीसं वाससहस्साइं समऊणाइं, पुढवीकाइयएगिंदियपुच्छा, गोयमा ! सव्वबंधे एक्कं समयं देसबंधे जहन्नेणं खुड्डागभवग्गहणं तिसमयऊणं उक्कोसेणं बावीसं वाससहस्साइं समऊणाइं, एवं सव्वेसिं सव्वबंधो एक्कं

समयं देसबंधो जेसिं नत्थि वेउव्वियसरीरं तेसिं जहन्नेणं खुड्डागं भवग्गहणं तिसमयऊणं उक्कोसेणं जा जस्स ठिती सा समऊणा कायव्वा, जेसिं पुण अत्थि वेउव्वियसरीरं तेसिं देसबंधो जहन्नेणं एक्कं समयं उक्कोसेणं जा जस्स ठिती सा समऊणा कायव्वा जाव मणुस्साणं देसबंधे जहन्नेणं एक्कं समयं उक्कोसेणं तिन्नि पलिओवमाइं समयूणाइं, ओरालियसरीरबंधंतरे णं भंते ! कालओ केवच्चिरं होइ ?, गोयमा ! सव्वबंधंतरं जहन्नेणं खुड्डागं भवग्गहणं तिसमयऊणं उक्कोसेणं तेत्तीसं सागरोवमाइं पुव्वकोडिसमयाहियाइं, देसबंधंतरं जहन्नेणं एक्कं समयं उक्कोसेणं तेत्तीसं सागरोवमाइं तिसमयाहियाइं, एगिंदियओरालियपुच्छा, गोयमा ! सव्वबंधंतरं जहन्नेणं खुड्डागं भवग्गहणं तिसमयऊणं उक्कोसेणं बावीसं वाससहस्साइं समयाहियाइं देसबंधंतरं जहन्नेणं एक्कं समयं उक्कोसेणं अंतोमुहुत्तं, पुढवीकाइयएगिंदियपुच्छा, गो० ! सव्वबंधंतरं जहेव एगिंदियस्स तहेव भाणियव्वं, देसबंधंतरं जहन्नेणं एक्कं समयं उक्कोसेणं तिन्नि समया जहा पुढविक्काइयाणं, एवं जाव चउरिदियाणं वाउक्काइयवज्जाणं, नवरं सव्वबंधंतरं उक्कोसेणं जा जस्स ठिती सा समयाहिया कायव्वा, वाउक्काइयाणं सव्वबंधंतरं जहन्नेणं खुड्डागभवग्गहणं तिसमयऊणं उक्कोसेणं तिन्नि वाससहस्साइं समयाहियाइं, देसबंधंतरं जहन्नेणं एक्कं समयं उक्कोसेणं अंतोमुहुत्तं, पंचिंदियतिरिक्खजोणियओरालियपुच्छा, सव्वबंधंतरं जहन्नेणं खुड्डागभवग्गहणं तिसमयऊणं उक्कोसेणं पुव्वकोडी समयाहिया देसबंधंतरं जहा एगिंदियाणं तहा पंचिंदियतिरिक्ख जो०, एवं मणुस्साणवि निरवसेसं भाणियव्वं जाव उक्कोसेणं अंतोमुहुत्तं, जीवस्स णं भंते ! एगिंदियत्ते णो एगिंदियत्ते पुणरवि एगिंदियत्ते एगिंदियओरालियसरीरप्पओगबंधंतरं

કાલઓ કેવચ્ચિરં હોડ ?, ગોયમા ! સવ્વબંધંતરં જહન્નેણં દો ખુડ્ડાગભવગ્ગહણાં તિસમયઋણાં ઉક્કોસેણં દો સાગરોવમસહસ્સાંડં  
 સંખેજવાસમબ્બહિયાં, દેસબંધંતરં જહન્નેણં ખુડ્ડાગં ભવગ્ગહણં સમયાહિયં ઉક્કોસેણં દો સાગરોવમસહસ્સાંડં સંખેજવાસમબ્બહિયાં,  
 જીવસ્સ ણં ભંતે ! પુઢવીકાઙ્ગયત્તે નોપુઢવીકાઙ્ગયત્તે પુણરવિ પુઢવીકાઙ્ગયત્તે પુઢવીકાઙ્ગયણિંદિયઓરાલિયસરીરપ્પયોગબંધંતરં કાલઓ  
 કેવચ્ચિરં હોડ ?, ગોયમા ! સવ્વબંધંતરં જહન્નેણં દો ખુડ્ડાં ભવગ્ગહણાં તિસમયઋણાં ઉક્કોસેણં અણંતં કાલં અણંતા  
 ડસ્સપ્પિણીઓસપ્પિણીઓ કાલઓ ખેત્તઓ અણંતા લોગા અસંખેજ્ઞા પોગ્ગલપરિયટ્ઠા તે ણં પોગ્ગલપરિયટ્ઠા આવલિયાએ અસંખેજ્ઞાભાગો,  
 દેસબંધંતરં જહન્નેણં ખુડ્ડાગભવગ્ગહણં સમયાહિયં ઉક્કોસેણં અણંતં કાલં જાવ આવલિયાએ અસંખેજ્ઞાભાગો, જહા પુઢવિક્કાઙ્ગયાણં  
 એવં વણસ્સઙ્કાઙ્ગયવજ્ઞાણં જાવ મણુસ્સાણં, વણસ્સઙ્કાઙ્ગયાણં દોત્તિ ખુડ્ડાં એવં ચેવ, ઉક્કોસેણં અસંખિજ્ઞં કાલં અસંખિજ્ઞાઓ  
 ડસ્સપ્પિણીઓસપ્પિણીઓ કાલઓ ખેત્તઓ અસંખેજ્ઞા લોગા, એવં દેસબંધંતરંપિ ઉક્કોસેણં પુઢવીકાલો, એણિં ણં ભંતે ! જીવાણં  
 ઓરાલિયસરીરસ્સ દેસબંધગાણં સવ્વબંધગાણં અબંધગાણં ય કયરે જાવ વિસેસાહિયા વા ?, ગોયમા ! સવ્વથોવા જીવા ઓરાલિયસરીરસ્સ  
 સવ્વબંધગા અબંધગા વિસેસાહિયા દેસબંધગા અસંખેજ્ઞગુણા ૧ ૩૪૬ ૧ વેઽવ્વિયસરીરપ્પયોગબંધે ણં ભંતે ! કતિવિહે પં ?, ગોયમા !  
 દુવિહે પં તં -એગિંદિયવેઽવ્વિયસરીરપ્પયોગબંધે ય પંચિંદિયવેઽવ્વિયસરીરપ્પયોગબંધે ય, જડ્ડ એગિંદિયવેઽવ્વિયસરીરપ્પયોગબંધે કિં  
 વાઽક્કાઙ્ગયણિંદિયસરીરપ્પયોગબંધે ય અવાઽક્કાઙ્ગયણિંદિયં એવં એણંઅભિલાવેણં જહા ઓગાહણસંઠાણે વેઽવ્વિયસરીરભેદો તહા

भाणियव्वो जाव पजत्तसव्वट्टसिद्धअणुत्तरोववाइयकप्पातीयवेभाणियदेवपंचिंदियवेउव्वियसरीरप्पयोगबंधे य अपजत्तसव्वट्टसिद्ध-  
 अणुत्तरोववाइयजावपयोगबंधे य, वेउव्वियसरीरप्पयोगबंधे णं भंते ! कस्स कम्पस्स उदएणं ?, गोयमा ! वीरियसजोगसद्वव्याए जाव  
 आउयं वा लब्धिं वा पडुच्च वेउव्वियसरीरप्पयोगनामाए कम्पस्स उदएणं वेउव्वियसरीरप्पयोगबंधे, वाउक्काइयएगिंदियवेउ-  
 व्वियसरीरप्पयोग० पुच्छा, गोयमा ! वीरियसजोगसद्वव्याए चेव जाव लब्धिं च पडुच्च वाउक्काइयएगिंदियवेउव्वियजावबंधो,  
 रयणप्पभापुढवीनेरइयपंचिंदियवेउव्वियसरीरप्पयोगबंधे णं भंते ! कस्स कम्पस्स उदएणं ?, गोयमा ! वीरियसजोगसद्वव्याए जाव  
 आउयं वा पडुच्चरयणप्प-भापुढवीजावबंधे, एवं जाव अहेसत्तमाए, तिरिक्खजोणियपंचिंदियवेउव्वियसरीरपुच्छा, गोयमा ! वीरिय०  
 जहा वाउक्काइयाणं, मणुस्सपंचिंदियवेउव्विय० एवं चेव, असुरकुमारभवणवासिदेवपंचिंदियवेउव्विय० जहा रयणप्पभापुढवीनेरइया  
 एवं जाव थणियकुमारा, एवं वाणमंतरा एवं जोइसिया एवं सोहम्भकप्पोवगया वेभाणिया एवं जाव अच्चुयगेवेजकप्पातीया वेभाणिया  
 एवं चेव, अणुत्तरोववाइयकप्पातीया वेभाणिया एवं चेव, वेउव्वियसरीरप्पयोगबंधे णं भंते ! किं देसबंधे सव्वबंधे ?, गोयमा ! देसबंधेऽवि  
 सव्वबंधेऽवि, वाउक्काइयएगिंदिय० एवं चेव, रयणप्पभापुढवीनेरइया एवं चेव, एवं जाव अणुत्तरोववाइया, वेउव्वियसरीरप्पयोगबंधे  
 णं भंते ! कालओ केवच्चिरं होइ ?, गोयमा ! सव्वबंधे जहन्नेणं एक्कं समयं उक्कोसेणं दो समया देसबंधे जहन्नेणं एक्कं समयं उक्कोसेणं  
 तेत्तीसं सागरोवमाइं समयूणाइं, वाउक्काइएगिंदियवेउव्वियपुच्छा, गोयमा ! सव्वबंधे एक्कं समयं देसबंधे जहन्नेणं एक्कं समयं उक्कोसेणं

अंतोमुहुत्तं, रयणप्पभापुढवीनेरइयपुच्छा, गोयमा! सव्वबंधे एक्कं समयं देसबंधे जहन्नेणं दस वाससहस्साइं तिसमयऊणाइं उक्कोसेणं सागरोवमं समऊणं, एवं जाव अहेसत्तमा, नवरं देसबंधे जस्स जा जहन्निया ठिती सा तिसमऊणा कायव्वा जस्स जा य उक्कोसा सा समयूणा, पंचिंदियतिरिक्खजोणियाणं मणुस्साण य जहा वाउक्काइयाणं, असुरकुमारनागकुमारजावअणुत्तरोववाइयाणं जहा नेरइयाणं नवरं जस्स जा ठिई सा भाणियव्वा जाव अणुत्तरोववाइयाणं सव्वबंधे एक्कं समयं देसबंधे जहन्नेणं एक्कतीसं सागरोवमाइं तिसमऊणाइं उक्कोसेणं तेत्तीसं सागरोवमाइं समऊणाइं, वेउव्वियसरीरप्पयोगबंधंतरे णं भंते ! कालओ केवच्चिरं होइ ?, गोयमा ! सव्वबंधंतरं जहन्नेणं एक्कं समयं उक्कोसेणं अणंतकालं अणंताओ जाव आवलियाए असंखेज्जइभागो, एवं देसबंधंतरं पि, वाउक्काइयवेउव्वियसरीरपुच्छा, गोयमा! सव्वबंधंतरं जहन्नेणं अंतोमुहुत्तं उक्कोसेणं पलिओवमस्स असंखेज्जइभागं, एवं देसबंधंतरं पि, तिरिक्खजोणियपंचिंदियवेउव्वियसरीरप्पयोगबंधंतरे० पुच्छा, गोयमा ! सव्वबंधंतरं जहन्नेणं अंतोमुहुत्तं उक्कोसेणं पुव्वकोडीपुहुत्तं, एवं देसबंधंतरं पि, मणूसस्सवि, जीवस्स णं भंते ! वाउकाइयत्ते नोवाउकाइयत्ते पुणरवि वाउकाइयत्ते वाउकाइयएगिंदियवेउव्वियपुच्छा, गोयमा! सव्वबंधंतरं जहन्नेणं अंतोमुहुत्तं उक्कोसेणं अणंतकालं वणस्सइकालो, एवं देसबंधंतरं पि, जीवस्स णं भंते ! रयणप्पभापुढवीनेरइयत्ते णो रयणप्पभापुढवी० पुच्छा, गोयमा ! सव्वबंधंतरं जहन्नेणं दस वाससहस्साइं अंतोमुहुत्तमब्भहियाइं उक्कोसेणं वृणस्सइकालो, देसबंधंतरं जहन्नेणं अंतोमुहुत्तं उक्कोसेणं अणंत कालं वणस्सइकालो, एवं जाव अहेसत्तमाए, नवरं जा जस्स ठिती जहन्निया सा सव्वबंधंतरं जहन्नेणं अंतोमुहुत्तमब्भहिया

कायव्वा, सेसं तं चेव, पंचिंदियतिरिक्खजोणियं मणुस्साण य जहा वाउक्काइयाणं, असुरकुमारनागकुमारजावसहस्सारदेवाणं,  
 एएसिं जहा रयणप्पभापुढवीनेरइयाणं, नवरं सव्वबंधंतरे जस्स जा ठिती जहन्निया सा अंतोमुहुत्तमब्भहिया कायव्वा, सेसं तं चेव,  
 जीवस्स णं भंते ! आणयदेवत्ते नोआणयं पुच्छा, गोयमा ! सव्वबंधंतरं जहन्नेणं अट्टारस सागरोवमाइं वासपुहुत्तमब्भहियाइं उक्कोसेणं  
 अणंतं कालं वणस्सइकालो, देसबंधंतरं जहन्नेणं वासपुहुत्तं उक्कोसेणं अणंतं कालं वणस्सइकालो, एवं जाव अच्युए, नवरं जस्स जा  
 ठिती सा सव्वबंधंतरं जहन्निया वासपुहुत्तमब्भहिया कायव्वा, सेसं तं चेव, गेवेज्जकप्पातीथपुच्छा, गोयमा ! सव्वबंधंतरं जहन्नेणं  
 बावीसं सागरोवमाइं वासपुहुत्तमब्भहियाइं उक्कोसेणं अणंतं कालं वणस्सइकालो, देसबंधंतरं जहन्नेणं वासपुहुत्तं उक्कोसेणं वणस्सइकालो,  
 जीवस्स णं भंते ! अणुत्तरोववातियं पुच्छा, गोयमा ! सव्वबंधंतरं जहन्नेणं एक्कतीसं सागरोवमाइं वासपुहुत्तमब्भहियाइं उक्कोसेणं  
 संखेज्जाइं सागरोवमाइं देसबंधंतरं जहन्नेणं वासपुहुत्तं उक्कोसेणं संखेज्जाइं सागरोवमाइं, एएसिं णं भंते ! जीवाणं वेउव्वियसरीरस्स  
 देसबंधगाणं सव्वबंधगाणं अबंधगाण य कथरे रहितो जाव विसेसाहिया वा?, गोयमा ! सव्वत्थोवा जीवा वेउव्वियसरीरस्स सव्वबंधगा  
 देसबंधगा असंखेज्जगुणा अबंधगा अणंतगुणा, आहारगसरीरप्पयोगबंधे णं भंते ! कतिविहे पं?, गोयमा ! एगागारे पं, जइ एगागारे  
 पं किं मणुस्साहारगसरीरप्पयोगबंधे किं अमणुस्साहारगसरीरप्पयोगबंधे?, गोयमा ! मणुस्साहारगसरीरप्पयोगबंधे नो  
 अमणुस्साहारगसरीरप्पयोगबंधे, एवं एएणं अभिलावेणं जहा ओगाहणसंठाणे जाव इडिढपत्तप्पत्तसंजयसम्मदिट्ठिपज्जत्तसंखेज्जवासाउय-



कम्भभूमिगगम्भवक्कंतियमणुस्साहारगसरीरप्पयोगबंधे णो अणिडिढपमत्तऽपमत्तजावआहारगसरीरप्पयोगबंधे, आहारगसरीरप्पयोगबंधे णं भंते! कस्स कम्भस्स उदएणं ?, गोयमा! वीरियसयोगसद्वव्याए जाव लद्धि च पडुच्चआहारगसरीरप्पयोगणामाए कम्भस्स उदएणं आहारगसरीरप्पयोगबंधे, आहारगसरीरप्पयोगबंधे णं भंते! किं देसबंधे सव्वबंधे?, गोयमा! देसबंधेऽवि सव्वबंधेऽवि, आहारगसरीरप्पयोगबंधे णं भंते! कालओ केवचिरं होइ ?, गोयमा! सव्वबंधे एक्कं समयं देसबंधे जहन्नेणं अंतोमुहुत्तं उक्कोसेणवि अंतोमुहुत्तं, आहारगसरीरप्पयोगबन्धंतरे णं भंते! कालओ केवचिरं होइ?, गोयमा! सव्वबंधंतरं जहन्नेणं अंतोमुहुत्तं उक्कोसेणं अणंतं कालं अणंताओ ओसप्पिणीउस्सप्पिणीओ कालओ खेत्तओ अणंता लोया अवड्ढपोग्गलपरियट्ठं देसूणं, एवं देसबंधंतरंपि, एएसिं णं भंते! जीवाणं आहारगसरीरस्स देसबंधगाणं सव्वबंधगाणं अबंधगाण य कयरे जाव विसेसाहिया वा?, गोयमा! सव्वत्थोवा जीवा आहारगसरीस्स सव्वबंधगा देसबंधगा संखेज्जगुणा अबंधगा अणंतगुणा।३४७। तेयासरीरप्पयोगबंधे णं भंते! कतिविहे पं० ?, गोयमा! पंचविहे पं० तं० - एगिंदियतेयासरीरप्पयोगबंधे बेइंदिय० तेइंदिय० जाव पंचिंदियतेयासरीरप्पयोगबंधे, एगिंदियतेयासरीरप्पयोगबंधे णं भंते ! कइविहे पं० ?, एवं एएणं अभिलावेणं भेदो जहा ओगाहणसंठाणे जाव पज्जत्तसव्वट्ठसिद्धअणुत्तरोववाइयकप्पातीयवेमाणि- यदेवपंचिंदियतेयासरीरप्पयोगबंधे य अपज्जत्तसव्वट्ठसिद्धअणुत्तरोववाइयजावबंधे य, तेयासरीरप्पयोगबंधे णं भंते ! कस्स कम्भस्स उदएणं ?, गोयमा ! वीरियसजोगसद्वव्याए जाव आउयं च पडुच्च तेयासरीरप्पयोगणामाए कम्भस्स उदएणं तेयासरीरप्पयोगबंधे,

तेयासरीरप्पयोगबन्धे णं भन्ते ! किं देसबन्धे सव्वबन्धे?, गोयमा ! देसबन्धे नो सव्वबन्धे, तेयासरीरप्पयोगबन्धे णं भन्ते! कालओ केवचिरं होइ ?, गोयमा ! दुविहे पं० तं० - अणाइए वा अपज्जवसिए अणाइए वा सपज्जवसिए, तेयासरीरप्पयोगबन्धतरे णं भन्ते ! कालओ केवचिरं होइ ?, गोयमा ! अणाइयस्स अपज्जवसियस्स नत्थि अंतरं अणाइयस्स सपज्जवसियस्स नत्थि अंतरं, एएसि णं भन्ते ! जीवाणं तेयासरीरस्स देसबन्धगाणं अबन्धगाण य कथरे जाव विसेसाहिया वा ?, गोयमा ! सव्वत्थोवा जीवा तेयासरीरस्स अबन्धगा देसबन्धगा अणंतगुणा । ३४८ । कम्मासरीरप्पयोगबन्धे णं भन्ते ! कत्तिविहे पं०?, गोयमा ! अट्टविहे पं० तं० - नाणावरणिज्जकम्मासरीरप्पयोगबन्धे जाव अंतराइयकम्मासरीरप्पयोगबन्धे, नाणावरणिज्जकम्मासरीरप्पयोगबन्धे णं भन्ते ! कस्स कम्मस्स उदएणं ?, गोयमा ! नाणपडिणीययाए नाणणिण्हवणयाए नाणंतराएणं नाणप्पदोसेणं नाणच्चासादणाए नाणविसंवादणाजोगेण नाणावरणिज्जकम्मासरीरप्पयोगनामाए कम्मस्स उदएणं नाणावरणिज्जकम्मासरीरप्पयोगबन्धे, दरिसणावरणिज्जकम्मासरीरप्पयोगबन्धे णं भन्ते ! कस्स कम्मस्स उदएणं ?, गोयमा ! दंसणपडिणीययाए एवं जहा नाणावरणिज्जं नवरं दंसणनामं धेत्तव्वं जाव दंसणविसंवादणाजोगेणं दरिसणावरणिज्जकम्मासरीरप्पयोगनामाए कम्मस्स उदएणं जावप्पओगबन्धे, सायावेयणिज्जकम्मासरीरप्पयोगबन्धे णं भन्ते ! कस्स कम्मस्स उदएणं ?, गोयमा ! पाणाणुकंपयाए भूयाणुकंपयाए एवं जहा सत्तमसए जाव अपरियावणयाए सायावेयणिज्जकम्मासरीरप्पयोगनामाए कम्मस्स उदएणं सायावेयणिज्जकम्माजावबन्धे, अस्सायावेयणिज्जपुच्छा, गोयमा ! परदुक्खणयाए परसोयणयाए जहा सत्तमसए जाव

परियावणयाए अस्सायावेयणिज्जकम्माजावपयोगबंधे, मोहणिज्जकम्मासरीरप्पयोगपुच्छा, गोयमा ! तिब्बकोहयाए तिब्बमाणयाए तिब्बमायाए तिब्बलोभाए तिब्बदंसणमोहणिज्जयाए तिब्बचरित्तमोहणिज्जयाए मोहणिज्जकम्मासरीरजावपयोगबंधे, नेरइयाउयकम्मासरीरप्पयोगबंधे णं भंते ! पुच्छा, गोयमा ! महारंभयाए महापरिग्गहयाए कुणिमाहारेणं पंचिंदियवहेणं नेरइयाउयकम्मासरीरप्पयोगनामाए कम्पस्स उदएणं नेरइयाउयकम्मासरीरजावपयोगबंधे, तिरिक्खजोणियाउयकम्मासरीरप्पओगपुच्छा, गोयमा ! माइल्लियाए नियडिल्लियाए अलियवयणेणं कूडतुलकूडमाणेणं तिरिक्खजोणियकम्मासरीरजावपयोगबंधे, मणुस्सआउयकम्मासरीरपुच्छा, गोयमा ! पगइभइयाए पगइविणीययाए साणुक्कोसयाए अमच्छरियाए मणुस्साउयकम्माजावपयोगबंधे, देवाउयकम्मासरीरपुच्छा, गोयमा ! सरागसंजमेणं संजमासंजमेणं बालतवोकम्मेणं अकामनिज्जराए देवाउयकम्मासरीरजावपयोगबंधे, सुभनामकम्मासरीरपुच्छा, गोयमा ! कायउज्जुययाए भावुज्जुययाए भासुज्जुययाए अविसंवादणजोगेणं सुभनामकम्मासरीरजावपयोगबंधे, असुभनामकम्मासरीरपुच्छा, गोयमा ! कायअणुज्जुययाए भावअणुज्जुययाए भासअणुज्जुययाए विसंवायणाजोगेणं असुभनामकम्माजावपयोगबंधे, उच्चागोयकम्मासरीरपुच्छा, गोयमा ! जातिअमदेणं कुलअमदेणं बलअपदेणं रूवअमदेणं तवअमदेणं सुयअमदेणं लाभअमदेणं इस्सरियअमदेणं उच्चागोयकम्मासरीरजावपयोगबंधे, नीयागोयकम्मासरीरपुच्छा, गोयमा ! जातिमदेणं कुलमदेणं बलमदेणं जाव इस्सरियमदेणं णीयागोयकम्मासरीरजावपयोगबंधे, अंतराइयकम्मासरीरपुच्छा, गोयमा ! दाणंतराएणं

લાભંતરાણં ભોગંતરાણં ઉવભોગંતરાણં વીરિયંતરાણં અંતરાઇયકમ્માસરીરપ્પયોગનામાએ કમ્મસ્સ ઉદાણં અંતરાઇયકમ્મા-  
 સરીરપ્પયોગબંધે, ણાણાવરણિજ્જકમ્માસરીરપ્પયોગબંધે ણં ભંતે ! કિં દેસબંધે સવ્વબંધે ?, ગોયમા ! દેસબંધે ણો સવ્વબંધે, એવં જાવ  
 અંતરાઇયકમ્મા, ણાણાવરણિજ્જકમ્માસરીરપ્પયોગબંધે ણં ભંતે ! કાલઓ કેવચ્ચિરં હોઇ ?, ગોયમા ! ણાણાં દુવિહે પં તં -  
 અણાઇએ સપજ્જવસિએ અણાઇએ અપજ્જવસિએ વા, એવં જહા તેયગસ્સ સંચિટ્ઠા તહેવ એવં જાવ અંતરાઇયકમ્મસ્સ,  
 ણાણાવરણિજ્જકમ્માસરીરપ્પયોગબંધંતરે ણં ભંતે ! કાલઓ કેવચ્ચિરં હોઇ ?, ગોયમા ! અણાઇયસ્સ એવં જહા તેયગસરીરસ્સ અંતરં તહેવ  
 એવં જાવ અંતરાઇયસ્સ, એસિં ણં ભંતે ! જીવાણં નાણાવરણિજ્જસ્સ કમ્મસ્સ દેસબંધગાણં અબંધગાણ ય કયરે ? જાવ અપ્પાબહુગં જહા  
 તેયગસ્સ, એવં આઝયવજ્જં જાવ અંતરાઇયસ્સ, આઝયસ્સ પુચ્છા, ગોયમા ! સવ્વત્થોવા જીવા આઝયસ્સ કમ્મસ્સ દેસબંધગા અબંધગા  
 સંખેજ્જગુણા ૧૩૪૧ જસ્સ ણં ભંતે ! ઓરાલિયસરીરસ્સ સવ્વબંધે સે ણં ભંતે ! વેઝવ્વિયસરીરસ્સ કિં બંધાએ અબંધાએ ?, ગોયમા ! નો બંધાએ  
 અબંધાએ, આહારગસરીરસ્સ કિં બંધાએ અબંધાએ ?, ગોયમા ! નો બંધાએ અબંધાએ, તેયાસરીરસ્સ કિં બંધાએ અબંધાએ ?, ગોયમા ! બંધાએ નો  
 અબંધાએ, જડ્ઢ બંધાએ કિં દેસબંધાએ સવ્વબંધાએ ?, ગોયમા ! દેસબંધાએ નો સવ્વબંધાએ, કમ્માસરીરસ્સ કિં બંધાએ અબંધાએ ?, જહેવ તેયગસ્સ  
 જાવ દેસબંધાએ નો સવ્વબંધાએ, જસ્સ ણં ભંતે ! ઓરાલિયસરીરસ્સ દેસબંધે સે ણં ભંતે ! વેઝવ્વિયસરીરસ્સ કિં બંધાએ અબંધાએ ?, ગોયમા  
 ! નો બંધાએ અબંધાએ, એવં જહેવ સવ્વબંધેણં ભણિયં તહેવ દેસબંધેણાવિ ભાણિયવ્વં જાવ કમ્મગસ્સ, જસ્સ ણં ભંતે ! વેઝવ્વિયસરીરસ્સ

सव्वबंधे से णं भंते ! ओरालियसरीरस्स किं बंधए अबंध० ?, गोयमा ! नो बंधए अबंधए, आहारगसरीरस्स एवं चेव, तेयगस्स कम्मगस्स य जहेव ओरालिएणं समं भणियं तहेव भाणियव्वं जाव देसबंधए नो सव्वबंधए, जस्स णं भंते ! वेउव्वियसरीरस्स देसबंधे से णं भंते ! ओरालियसरीरस्स किं बंधए अबंधए ?, गोयमा ! नो बंधए अबंधए, एवं जहा सव्वबंधेणं भणियं तहेव देसबंधेणवि भाणियव्वं जाव कम्मगस्स, जस्स णं भंते ! आहारगसरीरस्स सव्वबंधे से णं भंते ! ओरालियसरीरस्स किं बंधए अबंधए?, गोयमा ! नो बंधए अबंधए, एवं वेउव्वियस्सवि, तेयाकम्माणं जहेव ओरालिएणं समं भणियं तहेव भाणियव्वं, जस्स णं भंते ! आहारगसरीरस्स देसबंधे से णं भंते ! ओरालियसरीर० एवं जहा आहारगसरीरस्स सव्वबंधेणं भणियं तहा देसबंधेणवि भाणियव्वं जाव कम्मगस्स, जस्स णं भंते ! तेयासरीरस्स देसबंधे से णं भंते ! ओरालियसरीरस्स किं बंधए अबंधए ?, गोयमा ! बंधए वा अबंधए वा, जइ बंधए किं देसबंधए सव्वबंधए ?, गोयमा ! देसबंधए वा सव्वबंधए वा, वेउव्वियसरीरस्स किं बंधए अबंधए ?, एवं चेव, एवं आहारगस्सवि, कम्मगसरीरस्स किं बंधए अबंधए ?, गोयमा ! बंधए नो अबंधए, जइ बंधए किं देसबंधए सव्वबंधए ?, गोयमा ! देसबंधए नो सव्वबंधए, जस्स णं भंते ! कम्मगसरीरस्स देसबंधे से णं भंते ! ओरालियसरीर० जहा तेयगस्स वत्तव्वया भणिया तहा कम्मगस्सवि भाणियव्वा जाव तेयासरीरस्स जाव देसबंधए नो सव्वबंधए । ३५० । एएसिं णं भंते ! सव्वजीवाणं ओरालियवेउव्वियआहारगतेया-कम्मासरीरगाणं देसबंधगाणं सव्वबंधगाणं अबंधगाण य कथरे २ जाव विसेसाहिया वा?, गोयमा! सव्वत्थोवा जीवा आहारगसरीरस्स

सव्वबंधगा तस्स चेव देसबंधगा संखेज्जगुणा वेउव्वियसरीरस्स सव्वबंधगा असंखेज्जगुणा तस्स चेव देसबंधगा असंखेज्जगुणा तेयकम्मगाणं अबंधगा अणंतगुणा दोऽवि तुला ओरालियसरीरस्स सव्वबंधगा अणंतगुणा तस्स चेव अबंधगा विसेसाहिया तस्स चेव देसबंधगा असंखेज्जगुणा तेयकम्मगाणं देसबंधगा विसेसाहिया वेउव्वियसरीरस्स अबंधगा विसेसाहिया आहारगसरीरस्स अबंधगा विसेसाहिया । सेवं भंते ! २ । ३५१ ॥ श० ८ ३० १ ॥

रायगिहे नगरे जाव एवं वयासी अन्नउत्थिया णं भंते ! एवमाइक्खंति जाव एवं परूवेति एवं खलु सीलं सेयं सुयं सेयं सुयं सेयं सीलं सेयं ( प्र० सीलं सेयं, सुयं सेयं, सीलं सेयं सुयं सेयं ) से कहमेयं भंते ! एवं ?, गोयमा ! जत्रं ते अन्नउत्थिया एवमाइक्खंति जाव जे ते एवमाहंसु भिच्छा ते एवमाहंसु, अहं पुण गोयमा ! एवमाइक्खाभि जाव परूवेभि, एवं खलु मए चत्तारि पुरिसजाथा पं० तं० - सीलसंपन्ने णामं एगे णो सुयसंपन्ने सुयसंपन्ने नामं एगे नो सीलसंपन्ने एगे सीलसंपन्नेऽवि सुयसंपन्नेऽवि एगे णो सीलसंपन्ने नो सुयसंपन्ने, तत्थ णं जे से पढमे पुरिसजाए से णं पुरिसे सीलवं असुयवं, उवरए अविन्नायधम्मे, एस णं गोयमा ! मए पुरिसे देसाहारए पं०, तत्थ णं जे से दोच्चे पुरिसजाए से णं पुरिसे असीलवं सुयवं, अणुवरए विन्नायधम्मे, एस णं गोयमा ! मए पुरिसे देसविराहए पं०, तत्थ णं जे से तच्चे पुरिसजाए से णं पुरिसे सीलवं सुयवं, उवरए विन्नायधम्मे, एस णं गोयमा मए पुरिसे सव्वराहए पं०, तत्थ णं जे से चउत्थे पुरिसजाए से णं पुरिसे असीलवं असुतवं, अणुवरए अविण्णायधम्मे, एस णं गोयमा ! मए पुरिसे सव्वविराहए पं० । ३५२ ।

॥ श्रीभगवती भूत्रं ॥

२८०

पू. सागरजी म. संशोधित

कतिविहा णं भंते ! आराहणा पं० ? , गोयमा ! तिविहा आराहणा पं० तं० - नाणाराहणा दंसणाराहणा चरित्ताराहणा, णाणाराहणा  
 णं भंते ! कतिविहा पं० ? , गोयमा ! तिविहा पं० तं० - उक्कोसिया भज्झिमा जहन्ना, दंसणाराहणा णं भंते ! , एवं चेव तिविहाति, एवं  
 चरित्ताराहणावि, जस्स णं भंते ! उक्कोसिया णाणाराहणा तस्स उक्कोसिया दंसणाराहणा जस्स उक्कोसिया दंसणाराहणा तस्स उक्कोसिया  
 णाणाराहणा ? , गोयमा ! जस्स उक्कोसिया णाणाराहणा तस्स दंसणाराहणा उक्कोसिया वा अजहन्नमणुक्कोसिया वा, जस्स पुण  
 उक्कोसिया दंसणाराहणा तस्स नाणाराहणा उक्कोसा वा जहन्ना वा अजहन्नमणुक्कोसा वा, जस्स णं भंते ! उक्कोसिया णाणाराहणा तस्स  
 उक्कोसिया चरित्ताराहणा जस्सुक्कोसिया चरित्ताराहणा तस्सुक्कोसिया णाणाराहणा ? , जहा उक्कोसिया णाणाराहणा य दंसणाराहणा  
 य भणिया तहा उक्कोसिया नाणाराहणा य चरित्ताराहणा य भाणियत्त्वा, जस्स णं भंते ! उक्कोसिया दंसणाराहणा तस्सुक्कोसिया  
 चरित्ताराहणा जस्सुक्कोसिया चरित्ताराहणा तस्सुक्कोसिया दंसणाराहणा ? , गोयमा ! जस्स उक्कोसिया दंसणाराहणा तस्स चरित्ताराहणा  
 उक्कोसा वा जहन्ना वा अजहन्नमणुक्कोसा वा जस्स पुण उक्कोसिया चरित्ताराहणा तस्स दंसणाराहणा निथमा उक्कोसा, उक्कोसियं णं भंते !  
 णाणाराहणं आराहेत्ता कतिहिं भवग्गहणेहिं सिज्झंति जाव अंतं करेति ? , गोयमा ! अत्थेगइए तेणेव भवग्गहणेणं सिज्झंति जाव अंतं  
 करेति अत्थेगतिए दोच्चेणं भवग्गहणेणं सिज्झंति जाव अंतं करेति, अत्थेगतिए कप्पोवएसु वा कप्पातीएसु वा उववज्जंति, उक्कोसियं  
 णं भंते ! दंसणाराहणं आराहेत्ता कतिहिं भवग्गहणेहिं० एवं चेव, उक्कोसियणं भंते ! चरित्ताराहणं आराहेत्ता० एवं चेव, नवरं

अत्थेगतिए कप्पातीथएसु उववज्जति, मज्झिमियं णं भंते ! णाणाराहणं आराहेत्ता कतिहिं भवग्गहणेहिं सिञ्जति जाव अंतं करेति ? , गोयमा ! अत्थेगतिए दोच्चेणं भवग्गहणेणं सिञ्जइ जाव अंतं करेति तच्चं पुण भवग्गहणं नाइक्कमन्ति, मज्झिमियं णं भंते ! दसणाराहणं आराहेत्ता० एवं चेव, एवं मज्झिमियं चरित्ताराहणंपि, जहन्नियन्नं भंते ! नाणाराहणं आराहेत्ता कतिहिं भवग्गहणेहिं सिञ्जति जाव अंतं करेति ? , गोयमा ! अत्थेगतिए तच्चेणं भवग्गहणेणं सिञ्जन्ति जाव अंतं करेन्ति सत्तट्ठ भवग्गहणाइं पुण नाइक्कमन्ति, एवं दसणाराहणंपि, एवं चरित्ताराहणंपि । ३५३ । कतिविहे णं भंते ! पोग्गलपरिणामे पं० ? , गोयमा ! पंचविहे पोग्गलपरिणामे पं० तं० - वन्नपरिणामे गंधप० रसप० फासप० संठाणप०, वन्नपरिणामे णं भंते ! कइविहे पं० ? , गोयमा ! पंचविहे पं० तं० - कालवन्नपरिणामे जाव सुक्खिन्नवन्नपरिणामे, एएणं अभित्तावेणं गंधपरिणामे दुविहे रसपरिणामे पंचविहे फासपरिणामे अट्ठविहे, संठाणप० भंते ! कइविहे पं० ? , गोयमा ! पंचविहे पं० तं० - परिमंडलसंठाणपरिणामे जाव आययसंठाणपरिणामे । ३५४ । एगे भंते ! पोग्गलत्थिकायपएसे किं दव्वं दव्वदेसे दव्वाइं दव्वदेसा उदाहु दव्वं च दव्वदेसे य उदाहु दव्वं च दव्वदेसा य उदाहु दव्वाइं च दव्वदेसे य उदाहु दव्वाइं च दव्वदेसा य ? , गोयमा ! सिय दव्वं सिय दव्वदेसे नो दव्वाइं नो दव्वदेसा नो दव्वं च दव्वदेसे य जाव नो दव्वाइं च दव्वदेसा य, दो भंते ! पोग्गलत्थिकायपएसा किं दव्वं दव्वदेसे० पुच्छा तहेव, गोयमा ! सिय दव्वं सिय दव्वदेसे सिय दव्वाइं सिय दव्वदेसा सिय दव्वं च दव्वदेसे य नो दव्वं च दव्वदेसा य सेसा पडिसेहेयव्वा, तिन्नि भंते ! पोग्गलत्थिकायपएसा किं दव्वं दव्वदेसे० पुच्छा, गोयमा ! सिय



दव्वं सिय दव्वदेसे एवं सत्त भंगा भणियव्वा जाव सिय दव्वाइं च दव्वदेसे य नो दव्वाइं च दव्वदेसा य, चत्तारि भंते ! पोग्गलत्थिकायपएसो किं दव्वं पुच्छा, गोयमा ! सिय दव्वं सिय दव्वदेसे अट्ठवि भंगा भणियव्वा जाव सिय दव्वाइं च दव्वदेसा य, जहा चत्तारि भणिया एवं पंच छ सत्त जाव असंखेज्जा, अणंता भंते ! पोग्गलत्थिकायपएसो किं दव्वं ? , एवं चेव जाव सिय दव्वाइं च दव्वदेसा य । ३५५। केवतिया णं भंते ! लोयागासपएसो पं० ? , गोयमा ! असंखेज्जा लोयागासपएसो पं० ? , एगमेगस्स णं भंते ! जीवस्स केवइया जीवपएसो पं० ? , गोयमा ! जावतिया लोयागासपएसो एगमेगस्स णं जीवस्स एवतिया जीवपएसो पं०। ३५६। कति णं भंते ! कम्मपगडीओ पं० ? , गोयमा ! अट्ठ कम्मपगडीओ पं० तं - नाणावरणिज्जं जाव अंतराइयं, नेरइयाणं भंते ! कइ कम्मपगडीओ पं० अबंधगा ? , गोयमा ! अट्ठ, एवं सव्वजीवाणं अट्ठ कम्मपगडीओ ठावेयव्वाओ जाव वेमाणियाणं, नाणावरणिज्जस्स णं भंते ! कम्मस्स केवतिया अविभागपलिच्छेदा पं० ? , गोयमा ! अणंता अविभागपलिच्छेदा पं०, नेरइयाणं भंते ! नाणावरणिज्जस्स कम्मस्स केवतिया अविभागपलिच्छेदा पं० ? , गोयमा ! अणंता अविभागपलिच्छेदा पं०, एवं सव्वजीवाणं जाव वेमाणियाणं पुच्छा, गोयमा ! अणंता अविभागपलिच्छेदा पं०, एवं जहा नाणावरणिज्जस्स अविभागपलिच्छेदा भणिया तहा अट्ठण्हवि कम्मपगडीणं भणियव्वा जाव वेमाणियाणं, एगमेगस्स णं भंते ! जीवस्स एगमेगे जीवपएसो नाणावरणिज्जस्स कम्मस्स केवइएहिं अविभागपलिच्छेदेहिं आवेढिए परिवेढिए सिया ? , गोयमा ! सिय आवेढियपरिवेढिए, सिय णो आवेढियपरिवेढिए जइ आवेढियपरिवेढिए नियमा अणंतेहिं, एगमेगस्स

णं भंते ! नेरइयस्स एगमेगे जीवपएसे णाणावरणिज्जस्स कम्मस्स केवइएहिं अविभागपल्लिच्छेदेहिं आवेढिए परिवेढिते ?, गोयमा ! नियमा अणंतेहिं, जहा नेरइयस्स एवं जाव वेमाणियस्स, नवरं मणूसस्स जहा जीवस्स, एगमेगस्स णं भंते ! जीवस्स एगमेगे जीवपएसे दरिसणावरणिज्जस्स कम्मस्स केवतिएहिं एवं जहेव नाणावरणिज्जस्स तहेव दंडगो भाणियव्वो जाव वेमाणियस्स, एवं जाव अंतराइयस्स भाणियव्वं, नवरं वेयणिज्जस्स आउयस्स णामस्स गोयस्स एएसिं चउण्हवि कम्माणं मणूसस्स जहा नेरइयस्स तहा भाणियव्वं, सेसं तं चेव । ३५७ । जस्स णं भंते ! नाणावरणिज्जं तस्स दरिसणावरणिज्जं जस्स दंसणावरणिज्जं तस्स नाणावरणिज्जं ?, गोयमा ! जस्स णं नाणावरणिज्जं तस्स दंसणावरणिज्जं नियमा अत्थि, जस्स णं दरिसणावरणिज्जं तस्सवि नाणावरणिज्जं नियमा अत्थि, जस्स णं भंते ! णाणावरणिज्जं तस्स वेयणिज्जं जस्स वेयणिज्जं तस्स णाणावरणिज्जं ?, गोयमा ! जस्स नाणावरणिज्जं तस्स वेयणिज्जं नियमा अत्थि जस्स पुण वेयणिज्जं तस्स णाणावरणिज्जं सिय अत्थि सिय नत्थि, जस्स णं भंते ! नाणावरणिज्जं तस्स मोहणिज्जं जस्स मोहणिज्जं तस्स नाणावरणिज्जं ?, गोयमा ! जस्स नाणावरणिज्जं तस्स मोहणिज्जं सिय अत्थि सिय नत्थि जस्स पुण मोहणिज्जं तस्स नाणावरणिज्जं नियमा अत्थि, जस्स णं भंते ! णाणावरणिज्जं तस्स आउयं एवं जहा वेयणिज्जेणं सभं भणियं तहा आउएणवि सभं भाणियव्वं, एवं नामेणवि, एवं गोएणवि सभं, अंतराइएण सभं जहा दरिसणावरणिज्जं सभं तहेव नियमा परोप्परं भाणियव्वाणि, जस्स णं भंते ! दरिसणावरणिज्जं तस्सवेयणिज्जं जस्स वेयणिज्जं तस्स दरिसणावरणिज्जं ?, जहा नाणावरणिज्जं उवरिमेहिं सत्तहिं कम्भेहिं सभं

भाणियं तहा दरिसणावरणिज्जं पि उवरिमेहिं छहिं कम्मेहिं समं भाणियव्वं जाव अंतराइएणं, जस्स णं भंते ! वेयणिज्जं तस्स मोहणिज्जं  
 जस्स मोहणिज्जं तस्स वेयणिज्जं ?, गोयमा ! जस्स वेयणिज्जं तस्स मोहणिज्जं सिय अत्थि सिय नत्थि जस्स पुण मोहणिज्जं तस्स  
 वेयणिज्जं नियमा अत्थि, जस्स णं भंते ! वेयणिज्जं तस्स आउयं?, एवं एयाणि परोप्परं नियमा, जहा आउएण समं एवं नामेणावि  
 गोएणावि समं भाणियव्वं, जस्स णं भंते ! वेयणिस्सं तस्स अंतराइयं पुच्छा, गोयमा ! जस्स वेयणिज्जं तस्स अंतराइयं सिय अत्थि सिय  
 नत्थि जस्स पुण अंतराइयं तस्स वेयणिज्जं नियमा अत्थि, जस्स णं भंते ! मोहणिज्जं तस्स आउयं जस्स आउयं तस्स मोहणिज्जं ?,  
 गोयमा ! जस्स मोहणिज्जं तस्स आउयं नियमा अत्थि जस्स पुण आउयं तस्स पुणं मोहणिज्जं सिय अत्थि सिय नत्थि, एवं नामं  
 गोयं अंतराइयं च भाणियव्वं, जस्स णं भंते ! आउयं तस्स नामं पुच्छा, गोयमा ! दोऽवि परोप्परं नियमं, एवं गोत्तेणावि समं भाणियव्वं,  
 जस्स णं भंते ! आउयं तस्स अंतराइयं पुच्छा, गोयमा ! जस्स आउयं तस्स अंतराइयं सिय अत्थि सिय नत्थि जस्स पुण अंतराइयं तस्स  
 आउयं नियमा, जस्स णं भंते ! नामं तस्स गोयं जस्स णं गोयं तस्स णं नामं पुच्छा, गोयमा ! जस्स णं णामं तस्स णं नियमा गोयं जस्स  
 णं गोयं तस्स नियमा नामं गोयमा ! दोऽवि एए परोप्परं नियमा, जस्स णं भंते ! णामं तस्स अंतराइयं पुच्छा, गोयमा ! जस्स नामं तस्स  
 अंतराइयं सिय अत्थि सिय नत्थि जस्स पुण अंतराइयं तस्स नामं नियमा अत्थि, जस्स णं भंते ! गोयं तस्स अंतराइयं पुच्छा, गोयमा !  
 जस्स णं गोयं तस्स अंतराइयं सिय अत्थि सिय नत्थि जस्स पुण अंतराइयं तस्स गोयं नियमा अत्थि । ३५८ । जीवे णं भंते ! किं पोग्गली

પોગ્ગલે ?, ગોયમા ! જીવે પોગ્ગલીવિ પોગ્ગલેઽવિ, સે કેળદ્દેણં ભંતે ! એવં વુચ્ચઙ્ગ જીવે પોગ્ગલીવિ પોગ્ગલેઽવિ ?, ગોયમા ! સે  
 જહાનામએ છત્તેણં છત્તી દંડેણં દંડી ઘડેણં ઘડી પડેણં પડી કરેણં કરી એવામેવ ગોયમા ! જીવેઽવિ સોઙ્ગદિયચક્કિંચ્ચદિયધાણિંદિય-  
 જિઙ્ગિંચ્ચદિયધાસિંદિયાઙ્ગ પડુચ્ચ પોગ્ગલી, જીવે પડુચ્ચ પોગ્ગલે, સે તેળદ્દેણં ગોયમા ! એવં વુચ્ચઙ્ગ જીવે પોગ્ગલીવિ પોગ્ગલેઽવિ, નેરઙ્ગે ણં  
 ભંતે ! કિં પોગ્ગલીં ?, એવં ચેવ, એવં જાવ વેમાણિએ, નવરં જસ્સ જઙ્ગ ઇંદિયાઙ્ગ તસ્સ તઙ્ગવિ ભાણિયવ્વાઙ્ગ, સિદ્ધે ણં ભંતે ! કિં પોગ્ગલી  
 પોગ્ગલે ?, ગોયમા ! નો પોગ્ગલી, પોગ્ગલે સે કેળદ્દેણં ભંતે ! એવં વુચ્ચઙ્ગ જાવ પોગ્ગલે ?, ગોયમા ! જીવં પડુચ્ચ, સે તેળદ્દેણં ગોયમા ! એવં  
 વુચ્ચઙ્ગ સિદ્ધે નો પોગ્ગલી પોગ્ગલે । સેવં ભંતે ! સેવં ભંતે ! ત્તિ । ૩૫૧ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥ ૩૦ ૧૦ ॥





